



Menjawab
Persoalan Agama

Konsep Al-Tark

& Perkara
Baru dan Baik
(*Bid'ah Hasanah*)

Dari Perspektif Shariat

Abdullaah Jalil

Versi PDF buku ini diberikan secara percuma
pada malam 17 Ramadan 1441H



Menjawab Persoalan Agama


Konsep al-Tark

(Perkara Yang Tidak Dilakukan oleh Rasulullah ﷺ)

& Perkara Baru dan Baik

(Bid'ah Hasanah)

Dari Perspektif Shariat



Menjawab Persoalan Agama

Konsep al-Tark

(Perkara Yang Tidak Dilakukan oleh Rasulullah ﷺ)

& Perkara Baru dan Baik

(Bid'ah Hasanah)

Dari Perspektif Shariat

ABDULLAAH JALIL



2013



WISDOM PUBLICATION NS0078217-W

No. 110, Jalan Dillenia 3, Laman Dillenia,

Nilai Impian,

Nilai, Negeri Sembilan.

Tel: 06-794 6394

Email: wisdompublisher@gmail.com

Rekabentuk: Freepik.com

Hak Cipta Terpelihara © 2013 Wisdom Publication

ISBN: 978-967-10299-3-0

Edisi Pertama

Cetakan Pertama: Ogos 2013

Edisi PDF: Mei 2020 (dengan sedikit kemaskini)

Tidak dibenarkan mengeluarkan ulang mana-mana bahagian artikel, ilustrasi dan isi kandungan buku ini dalam apa juga bentuk dengan apa jua cara sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Wisdom Publication (NS0078217-W) atau penulis.

Pencetak:

ZARASA ENTERPRISE,

001372482-A,

C-7-G, Jalan Jati 9, Acacia Avenue, Putra Nilai, 71800 Nilai, Negeri Sembilan.

Tel: +6019-282 6924

Email: zarasaenterprise@gmail.com


Firman Allah ﷺ (Āli 'Imrān: 103-105):

وَاعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَإِذْ كُرُوا نِعْمَةَ اللَّهِ عَلَيْكُمْ إِذْ كُنْتُمْ أَعْدَاءً فَأَلَّفَ بَيْنَ
قُلُوبِكُمْ فَاصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَا حُفْرَةٍ مِّنَ النَّارِ فَانْقَذَكُمْ مِّنْهَا كَذَلِكَ يُبَيِّنُ اللَّهُ
لَكُمْ آيَاتِهِ لَعَلَّكُمْ تَهَدُونَ ﴿١٠٣﴾ وَلَتَكُنْ مِّنْكُمْ أُمَّةٌ يَدْعُونَ إِلَى الْخَيْرِ وَيَأْمُرُونَ بِالْمَعْرُوفِ وَيَنْهَا عَنِ
الْمُنْكَرِ وَلَا تَكُونُوا كَالَّذِينَ تَفَرَّقُوا وَأَخْتَلَفُوا مِنْ بَعْدِ مَا جَاءَهُمْ ﴿١٠٤﴾
الْبَيِّنَاتُ وَأُولَئِكَ هُمُ الْمُفْلِحُونَ ﴿١٠٥﴾

“[103] Dan berpegang teguhlah kamu sekalian kepada tali Allah (ugama Islam), dan janganlah kamu bercerai-berai; dan kenanglah nikmat Allah kepada kamu ketika kamu bermusuh-musuhan (semasa jahiliyah dahulu), lalu Allah menyatukan di antara hati kamu (sehingga kamu bersatu-padu dengan nikmat Islam), maka menjadilah kamu dengan nikmat Allah itu orang-orang Islam yang bersaudara. Dan kamu dahulu telah berada di tepi jurang neraka (disebabkan kekufuran kamu semasa jahiliyah), lalu Allah selamatkan kamu dari neraka itu (disebabkan nikmat Islam juga). Demikianlah Allah menjelaskan kepada kamu ayat-ayat keteranganNya, supaya kamu mendapat petunjuk hidayahNya.

[104] Dan hendaklah ada di antara kamu satu golongan yang menyeru (berdakwah) kepada kebaikan (mengembangkan Islam), dan menyuruh berbuat segala perkara yang baik, serta melarang daripada segala yang salah (buruk dan keji). Dan mereka yang bersifat demikian ialah orang-orang yang berjaya.

[105] Dan janganlah kamu menjadi seperti orang-orang (Yahudi dan Nasrani) yang telah berceri-berai dan berselisihan (dalam ugama mereka) sesudah datang kepada mereka keterangan-keterangan yang jelas nyata (yang dibawa oleh Nabi-nabi Allah), Dan mereka yang bersifat demikian, akan beroleh azab seksa yang besar.”



DEDIKASI



Untuk ayahanda dan bonda tercinta: Hj Jalil Omar and Hapisah Ismail,

Untuk isteri dan anak-anak tersayang: Suraiya Osman, Abdurrahman al-Munib, Maryam al-Safiyyah, Sara al-Ameena dan Ibtisam al-Nafeesa.

Seluruh ahli keluarga dan umat Islam.





Dengan Nama Allah Yang Maha Pemurah (Luas RahmatNya) lagi Maha Mengasihani (Mengkhususkan NikmatNya Bagi Sesiapa Yang Dia Kehendaki)

PENDAHULUAN

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ ذِي الْفَضْلِ الْعَظِيمِ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ رُسُولِ اللَّهِ ذِي الْخُلُقِ
الْعَظِيمِ، وَعَلَى آلِهِ وَصَحْبِهِ الَّذِينَ ظَفَرُوا بِالْفَوْزِ الْعَظِيمِ، أَمَّا بَعْدُ:

Ini adalah sebuah buku ringkas yang disusun untuk menjernihkan pemikiran pembaca khasnya dan masyarakat Islam Melayu amnya dalam memahami urusan dan amalan agama. Buku ini merupakan bahagian pertama bagi “Siri Memperbaiki Kefahaman Agama”. Ia diilhamkan berikutan terdapatnya pendapat-pendapat yang tersebar di dalam masyarakat yang menyebabkan berlakunya perpecahan, tuduh-menuduh dan pergeseran dalam isu agama yang pada akhirnya boleh melemahkan, meroboh dan memusnahkan sifat kasih sayang, hormat menghormati dan kekuatan persaudaraan yang ada di dalam masyarakat Islam. Kesatuan umat (dengan akidah, ilmu, amal dan akhlak yang benar) adalah kekuatan yang sebenarnya, iaitu kekuatan yang dapat menarik rahmat dan pertolongan Allah ﷺ.

Buku ini ditulis dengan bahasa yang mudah dan penulis mencuba sedaya-upaya untuk mengurangkan penggunaan istilah-istilah yang bersifat teknikal walaupun sukar agar buku ini dapat dimanfaatkan oleh masyarakat Islam dalam pelbagai peringkat. Pendekatan yang dipilih oleh penulis dalam menghuraikan isu-isu yang dibincangkan ialah dengan mengemukakan pendapat majoriti ulama’ berdasarkan sumber-sumber yang muktabar tanpa menyentuh perselisihan yang berlaku kecuali apabila penting dan perlu.

Dalam menghadapi suasana yang gamat dan penuh dengan pergeseran pendapat pada hari ini, Rasulullah ﷺ telah berpesan agar kita berpegang dengan al-Quran dan al-Sunnah. Namun begitu, para ulama' adalah golongan yang benar-benar memahami maksud nas-nas al-Quran dan al-Sunnah. Maka mengikut al-Quran dan al-Sunnah bukanlah bermaksud berpegang dengan pendapat sendiri dalam memahami al-Quran dan al-Sunnah. Mengikut al-Quran dan al-Sunnah juga bukanlah bermaksud meninggalkan tafsiran dan fatwa para ulama' yang muktabar. Bahkan pada hakikatnya, para ulama' Islam yang memelihara periwayatan dan kefahaman yang sahih bagi al-Quran dan al-Sunnah dari penyelewengan golongan yang menyeleweng.

Penulis menyeru semua umat Islam untuk terus bersatu padu di bawah panji al-Quran dan al-Sunnah dengan berpayungkan majoriti ulama' Islam yang merupakan tunggak dan tulang belakang agama ini. Penulis juga berharap agar umat Islam sentiasa berlapang dada di dalam perkara-perkara khilafiyah dan mengamalkan adab-adab perbezaan pendapat di dalam urusan agama ini. Sentiasalah bersangka baik sesama Muslim dan jangan cepat menuduh pihak lain sebagai golongan yang tidak tahu atau tidak mahu mengikut al-Quran dan al-Sunnah, sesungguhnya itu adalah tuduhan yang sangat berat.

Penulis juga menyeru agar umat Islam meninggalkan pendapat-pendapat pelik dan terpinggir, khususnya di dalam perkara aqidah, kerana kebenaran pendapat-pendapat pelik ini tidak dijamin oleh Rasulullah ﷺ. Tambahan pula, kita telah melihat bahawa pendapat-pendapat pelik dan janggal ini telah banyak menimbulkan perpecahan dan perbalahan di dalam sejarah umat Islam.

Semoga Allah ﷺ menerima buku ini sebagai amalan soleh penulis bagi mencapai keredaan-Nya. Dan semoga Allah ﷺ merahmati sesiapa yang menegur dan memperbaiki segala kesalahan atau kecacatan yang

terdapat di dalam buku ini dengan adab dan pendekatan ilmiah. Akhirnya, semoga Allah ﷺ mengampunkan segala kekurangan yang berlaku di dalam buku ini dan menjadikan buku ini sesuatu yang bermanfaat untuk penulis, pembaca dan umat Islam semua.

﴿إِنْ أَرِيدُ إِلَّا إِلَصْلَاحَ مَا أُسْتَطِعُ وَمَا تَوَفَّقِي إِلَّا بِاللهِ عَلَيْهِ تَوَكِّلْتُ وَإِلَيْهِ أُنِيبُ﴾

وَصَلَّى اللهُ عَلَى سَيِّدِنَا مُحَمَّدٍ النَّبِيِّ الْأَمِيِّ وَعَلَى آلِهِ وَصَحْبِهِ أَجْمَعِينَ فِي كُلِّ لَمْحَةٍ وَنَفْسٍ عَدَدٌ
مَا وَسِعَهُ عِلْمُ اللهِ الْعَظِيمِ.

“Penuntut Ilmu”, Abdullaah Jalil

Nilai, Ogos 2013.

LATAR BELAKANG PENULIS (2013)

Ustaz Abdullaah Jalil adalah merupakan pensyarah kanan di Fakulti Ekonomi dan Muamalat (FEM), Universiti Sains Islam Malaysia (USIM). Beliau dilahirkan pada tanggal 10 Zulhijjah 1400 (Aidil Adha), bersamaan 19 Oktober 1980 di Kuala Terengganu dan dibesarkan di Skudai, Johor Bahru, Johor.

Beliau memulakan pengajian di peringkat menengah di Sekolah Menengah Agama Kerajaan Johor (SMAKJ), Kluang (PMR & SRA - *Mumtaz*) sebelum menduduki SPM & SKK (*Mumtaz*) di Kolej Islam Sultan Alam Shah (KISAS), Klang, Selangor.

Beliau kemudiannya melanjutkan pengajian di Universiti Yarmouk, Irbid, Jordan di dalam bidang Shariah (Fiqh dan Pengajian Islam). Beliau berjaya menamatkan pengajiannya di Universiti Yarmouk dalam tempoh tiga (3) tahun dan dikurniakan Sarjana Muda Shariah Kelas Pertama (*Mumtaz*) bersama Kepujian. Pelajar Malaysia pertama dengan pencapaian sedemikian.


Setelah diterima sebagai tutor di FEM pada tahun 2002, beliau melanjutkan pengajian di peringkat sarjana di Universiti Islam Antarabangsa Malaysia (UIAM) di dalam bidang Perbankan dan Kewangan Islam serta dikurniakan Anugerah Pelajar Terbaik Sarjana Pentadbiran Perniagaan (Perbankan dan Kewangan Islam) dalam tahun 2004.

Setelah berkhidmat selama hampir 7 tahun di FEM & USIM, beliau kemudiannya menyambung pengajian di peringkat doktor falsafah di INCEIF, Kuala Lumpur di dalam bidang Kewangan Islam (*Islamic Finance*) bermula Januari 2011.

Beliau merupakan salah seorang ahli Jawatankuasa Syariah di Bank Rakyat dan Koperasi Kakitangan USIM. Beliau juga telah

dianugerahkan dengan “*Friends of the Police*” pada Hari Polis Kebangsaan 2012 kerana kerjasama beliau bersama pihak polis dalam usaha membanteras fahaman militan dan ancaman keselamatan negara.

Beliau juga mengikuti pengajian-pengajian di luar kuliah dengan beberapa mashayikh dan ulama’ dari dalam dan luar Malaysia bilamana berkesempatan.



ISI KANDUNGAN

PENDAHULUAN	i
LATAR BELAKANG PENULIS (2013)	iv
ISI KANDUNGAN	vii
KONSEP AL-TARK	1
1.1 Pendahuluan.....	1
1.2 Hakikat Yang Perlu Diketahui	3
1.2.1 Hakikat Pertama: Rasulullah ﷺ Tidak Melakukan Semua Perkara Yang Harus/Halal	3
1.2.2 Hakikat Kedua: Rasulullah ﷺ Tidak Melakukan Semua Perkara Yang Sunat.....	4
1.3 Faktor-Faktor al-Tark	4
1.3.1 Faktor Pertama: Adat dan Kebiasaan.....	5
1.3.2 Faktor Kedua: “Dilupakan”	5
1.3.3 Faktor Ketiga: Tidak Mahu Membebangkan Umat	6
1.3.4 Faktor Keempat: Tidak Terlintas Di Fikiran.....	8
1.3.5 Faktor Kelima: Termasuk di dalam Makna Umum Nas Shariat	9
1.3.6 Faktor Keenam: Keadaan Masyarakat Yang Tidak Sesuai...	11
1.4 Hujah bagi Konsep al-Tark	12
1.4.1 Hujah Pertama: <i>Al-Tark</i> Bukan Bentuk Larangan di dalam Nas Shariat	12
1.4.2 Hujah Kedua: <i>Al-Tark</i> Bukan <i>Al-Nahy</i> (Larangan)	13
1.4.3 Hujah Ketiga: Hukum Asas Bagi <i>Al-Tark</i> adalah Harus	14
1.4.4 Hujah Keempat: <i>Al-Tark</i> Tanpa <i>Al-Nahy</i> (Larangan) Menunjukkan Hukum Tidak Haram.....	14
1.4.5 Hujah Kelima: <i>Al-Tark</i> Mungkin Disebabkan Anjuran Umum Shariat Telah Wujud.....	16
1.4.6 Hujah Keenam: <i>Al-Tark</i> Mungkin Disebabkan Keadaan Yang Tidak Sesuai	17
1.4.7 Hujah Ketujuh: <i>Al-Tark</i> Bukan Asas Sunnah	17

1.4.8 Hujah Kelapan: <i>Al-Tark</i> Bukan Satu Bentuk <i>Khitab</i>	18
1.4.9 Hujah Kesembilan: <i>Al-Tark</i> Mempunyai Banyak Kebarangkalian	18
1.4.10 Hujah Kesepuluh: <i>Al-Tark</i> Bukanlah Satu Tuntutan atau Larangan	18
1.5 Dua Kaedah Usul Fiqh Yang Perlu Difahami Bersama Konsep <i>al-Tark</i>.....	19
1.5.1 Kaedah Pertama: Perkara Yang Harus Ditinggalkan Menunjukkan Ia Bukan Perkara Wajib.....	19
1.5.2 Kaedah Kedua: Tiada Penerangan pada <i>Maqam al-Bayan</i> Menunjukkan Penghususan.....	21
1.6 Kesimpulan.....	23
1.7 Renungan.....	26

PERKARA BARU DAN BAIK DARI PERSPEKTIF SHARIAT29****

2.1 Pendahuluan.....	29
2.2 Kisah Saidina Umar al-Khattab ﷺ dan Saidina Abu Bakr ؓ ..	30
2.3 Saidina Umar al-Khattab ﷺ : “Sebaik-baik Bid’ah adalah Perkara Ini.”	32
2.4 Al-Imam al-Shafie ﷺ: “Bid’ah itu Dua Jenis Bid’ah”	33
2.5 Sejenak Memahami Hadith Bid’ah Secara Menyeluruh	37
2.6 Bagaimana Ulama’ Memahami Hadith: “Setiap Bid’ah adalah Sesat”	41
2.6.1 Pendekatan 1: Penghususan Makna Umum Hadith.....	42
2.6.1.1 Al-Imam al-Khattabi (Wafat 388 H)	42
2.6.1.2 Al-Imam al-Nawawi (Wafat 676 H)	42
2.6.1.3 Al-Imam Shams al-Din al-Kirmani (Wafat 786 H)	43
2.6.1.4 Al-Imam al-Hafiz Ibn Hajar al-Asqalani (Wafat 852 H)	44
2.6.1.5 Al-Imam Ahmad Ibn Yahya al-Wansharisi al-Maliki (Wafat 914 H)	44
2.6.1.6 Al-Imam Zayn al-Din al-Munawi (Wafat 1031 H).....	45
2.6.1.7 Al-Imam Ibn al- Allan al-Siddiqi al-Shafi’i (Wafat 1057 H)	45
2.6.1.8 Al-Imam Muhammad al-Zurqani (Wafat 1122 H)	46
2.6.1.9 Al-Amir al-Sancani (Wafat 1182 H/1768 M)	46

2.6.1.10 Al-Imam al-Alusi (Wafat 1270 H)	46
2.6.2 Pendekatan 2: Makna Umum Hadith Hanya Merangkumi Bid'ah dari sudut Shariat.....	47
2.6.3 Perbandingan di antara Kedua-dua Pendekatan Ini	48
2.6.4 Kalimah “ <i>Kull</i> ” Tidak Menafikan Pengkhususan Makna Umum Hadith.....	50
2.6.4.1 Contoh Pertama: Al-Kahf, Ayat 79	51
2.6.4.2 Contoh Kedua: Al-Ahqaf, Ayat 25	52
2.6.4.3 Contoh Ketiga: Al-An'am, Ayat 44	52
2.6.4.4 Contoh Keempat: Hadith <i>al-Habbah al-Sawda'</i>	53
2.7 Pembahagian Bid'ah di sisi <i>Jumhur</i> (Majoriti) Ulama'	54
2.7.1 Ulama' Mazhab Shafie.....	54
2.7.1.1 Al-Imam al-Shafie (Wafat 204H).....	55
2.7.1.2 Al-Imam al-Ghazali (Wafat 505 H)	55
2.7.1.3 Al-Imam Ibn al-Athir (Wafat 606 H).....	57
2.7.1.4 Al-Imam al-Hafiz Al-Mundhiri (Wafat 656 H).....	58
2.7.1.5 Al-Imam <i>'Izz</i> al-Din Ibn <i>'Abd</i> al-Salam (Wafat 660 H)	59
2.7.1.6 Al-Imam Abu Shamah al-Maqdisi (Wafat 665 H)	62
2.7.1.7 Al-Imam Al-Nawawi (Wafat 676 H)	64
2.7.1.8 Al-Imam Ibn Daqiq al- <i>'Id</i> (Wafat 702 H).....	66
2.7.1.9 Al-Imam Taqiyy al-Din al-Subki (Wafat 756 H)	67
2.7.1.10 Al-Imam Ibn Kathir (Wafat 774 H).....	67
2.7.1.11 Al-Imam Ibn Hajar al- <i>'Asqalani</i> (Wafat 852 H).....	68
2.7.1.12 Al-Imam Shams al-Din al-Sakhawi (Wafat 902 H)....	70
2.7.1.13 Al-Imam Jalal al-Din al-Suyuti (Wafat 911 H)	71
2.7.1.14 Al-Imam Ibn Hajar al-Haytami (Wafat 973 H).....	72
2.7.1.15 Al-Imam Zayn al-Din al-Munawi (Wafat 1031 H).....	72
2.7.1.16 Al-Imam Ibn al- <i>'Allan</i> al-Siddiqi al-Shafi'i (Wafat 1057 H)	74
2.7.1.17 Al-Imam al-Bakri al-Dimyati (Wafat 1310 H)	75
2.7.2 Ulama' Mazhab Hanafi	76
2.7.2.1 Al-Imam Shams al-Din al-Kirmani (Wafat 786 H).....	76
2.7.2.2 Al-Imam Sa'd al-Din al-Taftazani (Wafat 792 H)	76
2.7.2.3 Al-Imam Badr al-Din al- <i>'Ayni</i> (Wafat 855 H) – Bid'ah Hasanah dan Bid'ah Mustaqbahah (Sayyi'ah)	77
2.7.2.4 Al-Imam Ya'qub Ibn Sayyid 'Ali al-Barusawi al-Hanafi (Wafat 931 H)	79
2.7.2.5 Al-Imam al-Muhaddith al-Shaykh Abd al-Haqq al-Dihlawi (Wafat 1052 H).....	79
2.7.2.6 Al-Imam Abu Sa'id al-Khadimi al-Hanafi (Wafat 1176 H)80	


2.7.2.7 Al-Imam Nur al-Din Muhammad Ibn Ḩabdillah al-Tatawi al-Sindi (Wafat 1138 H)	81
2.7.2.8 Al-Imam Ibn Ḩabidin al-Hanafi (Wafat 1252 H)	81
2.7.2.9 Al-Imam al-Muhaddith al-Mufassir al-Faqih al-Alusi (Wafat 1270 H).....	82
2.7.2.10 Al-Imam Ḩabd al-Hayy al-Laknawi (Wafat 1304 H) ..	84
2.7.3 Ulama' Mazhab Maliki	85
2.7.3.1 Al-Imam Ibn Ḩabd al-Barr (Wafat 463 H)	86
2.7.3.2 Al-Imam Abu al-Walid al-Baji (Wafat 474 H)	86
2.7.3.3 Al-Imam Abu Bakr al-Turtushi al-Maliki (Wafat 520 H)	88
2.7.3.4 Al-Imam Abu Bakr Ibn al-Ḥarabi (Wafat 543 H)	88
2.7.3.5 Al-Imam al-Qurtubi (Wafat 671 H).....	89
2.7.3.6 Al-Imam Shihab al-Din Al-Qarafi (Wafat 684 H).....	91
2.7.3.7 Al-Imam Ibn al-Hajj al-Ḥabdari (Wafat 737 H).....	92
2.7.3.8 Al-Imam Abu ‘Abdillah Muhammad Ibn Khalifah al-Ubbi al-Tunisi al-Maliki (Wafat 827 H)	93
2.7.3.9 Al-Imam Ahmad Ibn Yahya al-Wansharisi al-Maliki (Wafat 914 H)	94
2.7.3.10 Al-Imam Muhammad al-Zurqani (Wafat 1122 H)	95
2.7.3.11 Al-Imam Muhammad al-Tahir Ibn Ḩashur (Wafat 1393 H)	96
2.7.4 Ulama' Mazhab Hanbali	97
2.7.4.1 Al-Imam Ibn al-Jawzi (Wafat 597 H)	97
2.7.4.2 Al-Imam Shams al-Din al-Bacli al-Hanbali (Wafat 709 H)	99
2.7.4.3 Al-Shaykh Ibn Taymiyyah (Wafat 728 H).....	99
2.7.4.4 Al-Imam al-Hafiz Ibn Rajab al-Hanbali (Wafat 795 H)	101
2.7.4.5 Al-Imam Mar'i al-Karmi al-Hanbali (Wafat 1033 H) .	102
2.7.4.6 Al-Imam Muhammad al-Safarayini al-Hanbali (Wafat 1188 H)	102
2.7.5 Beberapa Ulama' Yang Lain	104
2.7.5.1 Al-Imam Ibn Hazm al-Andalusi al-Zahiri (Wafat 456 H)	104
2.7.5.2 Al-Amir al-Sancani (Wafat 1182 H)	105
2.7.5.3 Al-‘Allamah al-Shawkani (Wafat 1250 H)	106
2.7.5.4 Al-Shaykh Ḩabd al-Rahman al-Mubarakfuri (Wafat 1353 H)	107
2.7.6 Rumusan	109
2.7.6.1 Tiga Pendekatan Ulama' dalam Pembahagian Bid'ah..	111
2.7.6.2 Penolakan Imam al-Shatibi dan Beberapa Tokoh Yang Lain	116
2.7.6.3 Maslahah Mursalah di sisi al-Imam al-Shatibi sebagai ganti Bid'ah Hasanah (Wajib & Sunat)	119

2.7.6.4 Pembahagian Bid'ah Yang Pelik dan Janggal.....	120
2.8 Dalil-dalil Bagi Bid'ah Hasanah (Perkara Baru dan Baik)	122
2.8.1 Al-Quran: Satu (1) Dalil	122
2.8.1.1 Dalil Pertama: Ayat 27, Surah al-Hadid.....	122
2.8.2 Al-Sunnah: Dua Puluh Sembilan (29) Dalil	124
<i>(Sann al-Sunnah al-Hasanah (Memulakan Sunnah Yang Baik))</i>	125
2.8.2.1 Dalil Pertama: Riwayat Jarir Ibn Abdullah ﷺ	125
2.8.2.2 Dalil Kedua: Riwayat Abu Hurayrah ؓ.....	127
2.8.2.3 Dalil Ketiga: Riwayat Huzayfah Ibn al-Yaman ؓ	128
2.8.2.4 Dalil Keempat: Riwayat Abu Juhayfah ؓ	129
2.8.2.5 Dalil Kelima: Riwayat Wathilah Ibn al-Asqa' ؓ	129
Masalah I: <i>Sann al-Sunnah al-Hasanah</i> terikat dengan Sebab <i>Wurud Hadith?</i>	130
Masalah II: <i>Sann al-Sunnah al-Hasanah</i> sebagai “al-Insha” (Mencipta) dan bukannya “al-Ihya” (Menghidupkan) atau “al-Imsak” (Berpegang)	131
<i>(Sann Sunnat al-Huda)</i>	132
2.8.2.6 Dalil Keenam: Riwayat Abu Hurayrah ؓ (i)	133
2.8.2.7 Dalil Ketujuh: Riwayat Abu Hurayrah (ii)	133
<i>(Lafaz Bid'ah Datang Bersama “Qayd”)</i>	134
2.8.2.8 Dalil Kelapan: Riwayat ‘Amr Ibn ‘Awf ؓ Berkenaan Pesanan Nabi ﷺ kepada Bilal ؓ	134
2.8.2.9 Dalil Kesembilan: Riwayat ‘Amr Ibn ‘Awf ؓ.....	135
<i>(Mafhum al-Mukhalafah)</i>	135
2.8.2.10 Dalil Kesepuluh: Urusan Baru Yang Berasaskan Prinsip Agama adalah Diterima.....	136
2.8.2.11 Dalil Kesebelas: Amalan Yang Dibina Atas Perintah Rasulullah ﷺ	136
<i>(Penunjuk kepada Kebaikan)</i>	137
2.8.2.12 Dalil Kedua Belas: Riwayat Abu Mas'ud al-Ansari ؓ 137	137
2.8.2.13 Dalil Ketiga Belas: Riwayat Anas Ibn Malik ؓ	137
<i>(“Sunnah” Para Khulafa' al-Rashidin dan Sahabat ؓ)</i>	138
2.8.2.14 Dalil Keempat Belas: Perintah Rasulullah ؓ agar Para Sahabat Menuruti Saidina Abu Bakr ؓ dan Saidina 'Umar ؓ 138	138
2.8.2.15 Dalil Kelima Belas: Perintah Rasulullah ؓ untuk Mengikut Sunnah Para Khulafa' al-Rashidin.....139	139

<i>(Para Sahabat Memulakan Amalan Yang Baik di Zaman Rasulullah ﷺ)</i>	140
2.8.2.16 Dalil Keenam Belas: Saidina Mu'adh Ibn Jabal ﷺ - Sunnah Bagi Makmum Yang Masbuq.....	141
2.8.2.17 Dalil Ketujuh Belas: Saidina Bilal ﷺ - Sunnah al-Tathwib di dalam Azan Subuh	142
2.8.2.18 Dalil Kelapan Belas: Saidina Bilal ﷺ - Solat Sunat Wudu'	144
2.8.2.19 Dalil Kesembilan Belas: Rasulullah ﷺ Memuji Lafaz Sahabat Memuji Allah ﷺ Ketika I'tidal.....	145
2.8.2.20 Dalil Kedua Puluh: Rasulullah ﷺ Memuji Pujian Indah Seorang Sahabat di Awal Solat	146
2.8.2.21 Dalil Kedua Puluh Satu: Rasulullah ﷺ Menghadiahkan Emas kepada Seorang A'rabi Yang Memuji Allah Dengan Pujian Yang Indah.....	147
2.8.2.22 Dalil Kedua Puluh Dua: Rasulullah ﷺ Memperakui Seorang Sahabat Yang Suka Mengkhatamkan Bacaannya Di Dalam Solat Dengan Surah Al-Ikhlas	149
2.8.2.23 Dalil Kedua Puluh Tiga: Rasulullah ﷺ Memperakui Perbuatan Seorang Sahabat Yang Suka Membaca Surah Al-Ikhlas Pada Setiap Rakaat Solat	150
2.8.2.24 Dalil Kedua Puluh Empat: Rasulullah ﷺ Memperakui Saidina Abu Sa'id al-Khudri ﷺ Yang Merawat Pesakit dengan Surah Al-Fatiyah.....	151
2.8.2.25 Dalil Kedua Puluh Lima: Rasulullah ﷺ Menerangkan Fadilat Puji-pujian Seorang Sahabat Baginda ﷺ di dalam Solat	153
2.8.2.26 Dalil Kedua Puluh Enam: Rasulullah ﷺ Tidak Melarang Para Sahabat ﷺ Bertalbiyah Dengan Tambahan Lafaz Pilihan Mereka Sendiri.....	154
2.8.2.27 Dalil Kedua Puluh Tujuh: Doa Seorang Sahabat ﷺ Yang Dipuji oleh Rasulullah ﷺ (i)	155
2.8.2.28 Dalil Kedua Puluh Lapan: Doa Seorang Sahabat ﷺ Yang Dipuji oleh Rasulullah ﷺ (ii)	156
2.8.2.29 Dalil Kedua Puluh Sembilan: Saidina Khubayb ﷺ - Solat Sunat Sebelum Hukuman Bunuh	157
2.8.3 Athar Para Sahabat ﷺ dan Tabi'in: Tujuh Belas (17) Athar	158
2.8.3.1 Athar Pertama: Saidina Abu Bakr dan Saidina 'Umar ﷺ	158
2.8.3.2 Athar Kedua: Saidina 'Umar ﷺ - Memulakan Solat Tarawih Berjemaah di belakang Satu Imam Pada Awal Malam	159
2.8.3.3 Athar Ketiga: Saidina 'Umar ﷺ - Memerintahkan Saidina Ubayy Ibn Ka'b ﷺ Menjadi Imam Solat Tarawih Secara Berjemaah	160

2.8.3.4 Athar Keempat: Saidina ‘Uthman Bin ‘Affan ﷺ - Pembesaran dan Pembaharuan Masjid Nabawi	161
2.8.3.5 Athar Kelima: Para Sahabat ؓ - Membaca Surah al-‘Asr Sebelum Berpisah.....	162
2.8.3.6 Athar Keenam: Saidina ‘Abdullah Ibn ‘Umar ؓ - Solat Duha Secara Beramai-ramai di Masjid	162
2.8.3.7 Athar Ketujuh: Saidina ‘Ali ؓ - Solat Duha Secara Beramai-ramai di Masjid	163
2.8.3.8 Athar Kelapan: Saidina ‘Abdullah Ibn Mas’ud ؓ - Mencipta dan Memperindahkan Lafaz Selawat kepada Rasulullah ﷺ	164
2.8.3.9 Athar Kesembilan: Perkara Yang Dilihat Baik oleh Umat Islam adalah Baik.....	166
2.8.3.10 Athar Kesepuluh: Ijtihad Saidina Mu’awiyah ؓ - Keperluan Keselamatan dan Kehormatan Bagi Pemimpin Mengikut Pandangan Masyarakat Tempatan (i).....	167
2.8.3.11 Athar Kesebelas: Ijtihad Saidina Mu’awiyah ؓ - Keperluan Keselamatan dan Kehormatan Bagi Pemimpin Mengikut Pandangan Masyarakat Tempatan (ii).....	169
2.8.3.12 Athar Kedua Belas: Imam al-Awza’i (Wafat 157H) – Bid’ah Yang Tidak Diingkari Para Ulama’.....	170
2.8.3.13 Athar Ketiga Belas: ‘Urwah Ibn al-Zubayr – Doa Selepas Makan dan Minum.....	170
2.8.3.14 Athar Keempat Belas: Saidina ‘Abdullah Ibn Mas’ud ؓ - Mengkhususkan Hari Khamis Bagi Tazkirah.....	172
2.8.3.15 Athar Kelima Belas: Saidatina ‘A’ishah ؓ - Penggunaan Alat Pengayak Tepung.....	174
2.8.3.16 Athar Keenam Belas: Saidina ‘Umar Bin Abdul Aziz (Wafat 101H) – Hukuman-hukuman Baru	175
2.8.3.17 Athar Ketujuh Belas: Imam al-Hasan al-Basri - <i>Al-Qasas</i> dan <i>Al-Qussas</i>	176
2.8.4 Logik and Rasional (al-Maqul).....	177
2.9 Bid’ah Hasanah (Baru dan Baik) oleh Para Sahabat ؓ (selepas Kewafatan Rasulullah ؓ)	178
2.10 Bid’ah Hasanah (Baru dan Baik) oleh Para Tabi’in dan Tabi’i al-Tabi’in	182
2.11 Perkara Baru dan Baik (<i>Bid’ah Hasanah</i>) Telah Memelihara Agama Islam Sepanjang Kurun.....	184
2.11.1 Berkaitan al-Quran	185

2.11.2 Berkaitan Usul Fiqh dan Mustalah Hadith	186
2.11.3 Berkaitan Bahasa Arab.....	186
2.11.4 Berkaitan Ilmu Semakan Perawi Hadith (Jarh dan Ta ^c dil)	187
2.11.5 Berkaitan Fiqh.....	188
2.11.6 Berkaitan Aqidah	188
2.12 Ijtihad Yang Muktabar sebagai Neraca Menentukan <i>Bid'ah Hasanah</i> (Perkara Baru dan Baik).....	189
2.13 Keperluan Membezakan di antara Bid'ah dan Isu-isu Khilafiyah	192
2.14 Rumusan dan Nasihat Penutup.....	195
BIBLIOGRAFI	199





KONSEP AL-TARK



1.1 Pendahuluan

Pada hari ini, kita melihat bahawa hujah yang sering dikemukakan oleh golongan tertentu untuk menghukumkan haram ke atas pelbagai bentuk amalan ibadat yang dilakukan oleh umat Islam khasnya di Malaysia seperti melafazkan *Usolli*, menyambut Mawlid Nabi, mengadakan Majlis Tahlil, dan seumpamanya, ialah dengan menyatakan bahawa amalan-amalan tersebut “TIDAK DILAKUKAN” oleh Rasulullah ﷺ. Pada hakikatnya, hujah seperti ini adalah tidak tepat dan longgar jika dinilai dari sudut ilmiah, khususnya disiplin ilmu usul fiqh. Ini adalah kerana apa yang ditinggalkan oleh Rasulullah ﷺ ataupun yang tidak dilakukan oleh Baginda ﷺ tidak memberi maksud larangan atau tegahan pada prinsip asasnya. Konsep *al-Tark* ini perlu difahami dengan sebaik-baiknya sebelum perbincangan mengenai konsep dan definisi bid’ah boleh dimulakan.

Masyarakat Islam seharusnya dapat membezakan perkara-perkara yang dilarang oleh Rasulullah ﷺ dan perkara-perkara yang tidak dilakukan oleh Baginda. Larangan merujuk kepada kalimah “النهي” manakala apa yang tidak dilakukan atau diamalkan merujuk kepada “الترك”. *Al-Nahy* “النهي” dan *al-tark* “الترك” adalah dua perkara yang berbeza dan tidak boleh disamakan. Mereka yang tidak jelas tentang perbezaan di antara kedua-dua istilah ini sering memberikan tafsiran yang salah dan seringkali dilihat terlalu tergesa-gesa mengeluarkan pendapat atau hukum dalam urusan agama.

Apa yang dimaksudkan dengan *al-tark* di dalam perbincangan ini ialah:

“sesuatu yang tidak dilakukan oleh Rasulullah ﷺ (atau ditinggalkan amalan/perlaksanaannya) dan dalam masa yang sama tidak ada dalil muktabar daripada Shariat Islam seperti al-Quran, al-Sunnah atau al-Athar yang mengharamkan atau memakruhkan amalan yang tidak dilakukan tersebut.”

Dua persoalan yang ingin dijawab oleh penulis di dalam bab ini ialah:

- Adakah semua perkara yang tidak dilakukan oleh Rasulullah ﷺ itu merupakan sesuatu yang haram atau makruh atau bid’ah yang terkeji?
- Mengapa *al-Tark* tidak boleh dijadikan hujah di dalam membina hukum haram dan makruh?

Al-Shaykh al-‘Allamah al-Sayyid Abdullah Ibn al-Siddiq al-Ghumari¹ (1413H) telah pun menjelaskan dengan sebaik-baiknya tentang konsep ini di dalam sebuah buku karangannya yang bertajuk:

حُسْنُ التَّفْهِمِ وَالدَّرْكُ لِسَائِلَةِ التَّرْكِ

¹ Beliau adalah al-Hafiz al-Sayyid Abu al-Fadl ‘Abdullah Ibn al-‘Allamah Abu ‘Abdullah Shams al-Din Muhammad Ibn al-Wali al-Kabir al-Sayyid Muhammad al-Siddiq al-Ghumari al-Idrisi al-Hasani. Beliau telah dilahirkan di dalam sebuah keluarga para ulama’ yang terkenal pada penghujung bulan Jamadil Akhir, tahun 1328H bersamaan 1910M di Tanjah, Maghribi. Susur galur keturunan beliau berhubung dengan Rasulullah ﷺ melalui cucu Baginda - Saidina Hasan Ibn Saidina ‘Ali . Beliau merupakan seorang ulama’ yang menguasai pelbagai ilmu dan teristikewanya ilmu hadith sehingga beliau amat terkenal pada zamannya dan digelar sebagai sebagai “Hafiz al-‘Asr”. Beliau mampu menghafal sekitar sepuluh ribu (10,000) hadith dengan sanad-sanadnya dan kedudukan para perawinya. Di samping itu beliau juga dikenali dengan tasawwuf dan ketekunannya dalam ibadat, pengajaran dan penulisan. Beliau telah wafat pada tahun 1413H di Tanjah, Maghribi [Lihat Markaz al-Dirasat wa al-Abhath wa Ihya’ al-Turath di www.almarkaz.ma].

“Kefahaman dan Pengetahuan Yang Baik Dalam Memahami Masalah al-Tark.”

Selanjutnya, perkara yang sama telah dihuraikan oleh al-Shaykh Prof. Dr. ^cAli Jumu'ah² di dalam satu bab di dalam kitab/fatwa beliau:

الْبَيْانُ لَا يُشْغِلُ الْأَدْهَانَ / يُشْغِلُ الْأَدْهَانَ

“Penerangan bagi Isu-isu Yang Mengganggu Pemikiran.”

1.2 Hakikat Yang Perlu Diketahui

Umat Islam perlu mengetahui dua hakikat penting di dalam memahami konsep al-Tark ini³:

1.2.1 Hakikat Pertama: Rasulullah ﷺ Tidak Melakukan Semua Perkara Yang Harus/Halal

Rasulullah ﷺ tidak melakukan semua perkara yang harus: Ini adalah kerana perkara yang harus itu terlalu banyak dan tidak terhitung. Apatah lagi ditambah dengan akhlak mulia Rasulullah ﷺ yang sentiasa bersifat dengan zuhud dan *qana'ah* (merasa cukup dengan apa yang ada daripada kurniaan Allah ﷺ). Baginda hanya melakukan perkara yang harus sekadar yang memenuhi hajat Baginda dan meninggalkan apa yang tidak diperlukan oleh Baginda.

² Beliau adalah al-Shaykh al-'Allamah Nur al-Din Prof. Dr. 'Ali Jumu'ah Muhammad 'Abd al-Wahhab. Beliau seorang ulama' al-Azhar yang terkenal masakini khususnya di dalam bidang Usul al-Fiqh dan fatwa, anggota Hay'ah Kibar al-Ulama' di Universiti al-Azhar dan merupakan Mufti bagi Republik Mesir dari tahun 2003 sehingga 2013. Beliau merupakan anak murid bagi al-Shaykh Abdullah al-Ghumari.

³ (al-Ghumari (1413H), 2002 - Husn al-Tafahhum wa al-Dark li Mas'alat al-Tark)

1.2.2 Hakikat Kedua: Rasulullah ﷺ Tidak Melakukan Semua Perkara Yang Sunat

Rasulullah ﷺ tidak melakukan semua perkara yang sunat: Ini adalah kerana Baginda meluangkan kebanyakan masa Baginda itu melakukan perkara yang lebih besar dan penting seperti: berdakwah menyampaikan wahyu, berdebat dengan golongan musyrikin dan ahli kitab, memerangi golongan kafir, memelihara kesucian Islam, membuat perjanjian keamanan dan persepakatan, mendirikan hukum jenayah Islam, menyediakan tentera untuk berjihad, mengutuskan pengutip zakat dan tenaga pengajar agama, dan perkara-perkara yang berkaitan dengan pentadbiran negara Islam serta banyak lagi.

Bahkan Rasulullah ﷺ meninggalkan sebahagian perkara sunat dengan sengaja kerana tidak mahu perkara tersebut difardukan ke atas umatnya. Bagi semua amalan-amalan baik yang sunat, Baginda ﷺ merasa cukup dengan nas-nas umum al-Quran dan al-Sunnah yang menganjurkan umat Islam berbuat baik walaupun sekecil-kecilnya dan kepada sesiapa sahaja secara umum.

1.3 Faktor-Faktor al-Tark

Apabila Rasulullah ﷺ meninggalkan sesuatu perkara, maka ia (*al-tark*) mungkin disebabkan beberapa faktor. Rasulullah ﷺ meninggalkan sesuatu perkara mungkin kerana:

- Adat dan Kebiasaan
- “Dilupakan”
- Tidak Mahu Membebankan Umat
- Tidak Terlintas di Fikiran
- Termasuk di dalam Makna Umum Nas Shariat Yang Lain
- Keadaan Masyarakat Yang Tidak Sesuai

Berikut adalah penerangan dan contoh bagi faktor-faktor tersebut:

1.3.1 Faktor Pertama: Adat dan Kebiasaan

Adat dan kebiasaan:

Sebagai contoh, Rasulullah ﷺ tidak memakan daging dab yang telah dihidangkan kepada Baginda di rumah Saidatina Maimunah ؓ . Maka apabila Saidina Khalid ؓ bertanya:

أَحَرَامٌ هُوَ يَا رَسُولَ اللَّهِ؟

Maksudnya: “Adakah ia haram, Wahai Rasulullah? ”.

T: (*al-Bukhari (256H), 1999 - Sahih al-Bukhari*); (*Muslim (261H), 2006 - al-Jami' al-Sahih / Sahih Muslim*) dan lain-lain.

Maka Rasulullah ﷺ menerangkan bahawa dab itu tidak terdapat di tempat asal Baginda dan oleh kerana itu maka Baginda tidak mempunyai selera untuk memakan daging dab tersebut.

1.3.2 Faktor Kedua: “Dilupakan”

Baginda ﷺ “dilupakan”⁴:

Sebagai contoh, Rasulullah ﷺ tertinggal melakukan sesuatu (seperti rakaat) atau tertambah sesuatu di dalam solat, maka apabila Baginda ditanya: “Adakah telah berlaku perubahan di dalam solat? ”. Maka Baginda bersabda:

إِنَّهُ لَوْ حَدَثَ فِي الصَّلَاةِ شَيْءٌ لَنَبَاتُكُمْ بِهِ وَلَكِنْ إِنَّمَا أَنَا بَشَرٌ مِثْلُكُمْ أَنَّسَى كَمَا تَنسَوْنَ فَإِذَا نَسِيْتُ فَذَكَرُونِي.

⁴*Al-nisyan* bagi Rasulullah ﷺ itu bukanlah satu kekurangan, bahkan ia adalah hikmah *al-tashri'* (pensyariatan).

Maksudnya: “Sekiranya berlaku sesuatu (pengurangan atau pertambahan) di dalam solat, maka pasti aku akan memberitahu kamu semua mengenainya. Akan tetapi, hanyasanya, aku manusia seperti kamu, aku lupa (dilupakan) sepetimana kamu semua lupa, maka apabila aku terlupa (dilupakan), maka peringatkanlah daku.”

T: (*al-Bukhari (256H), 1999 - Sahih al-Bukhari*); (*Muslim (261H), 2006 - al-Jami' al-Sahih / Sahih Muslim*) dan lain-lain.

1.3.3 Faktor Ketiga: Tidak Mahu Membebangkan Umat

Tidak mahu perkara tersebut difardhukan ke atas umat Baginda ﷺ:

Sebagai contoh, Rasulullah ﷺ meninggalkan solat tarawih pada malam bulan Ramadan di Masjid Nabawi apabila para sahabat ﷺ mula bersembahyang secara berjemaah di belakang Baginda. Saidatina 'Aishah ؓ memberitakan bahawa:

أَنَّ رَسُولَ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ خَرَجَ ذَاتَ لَيْلَةٍ مِّنْ جَوْفِ الْيَلِيلِ، فَصَلَّى فِي الْمُسْجِدِ فَصَلَّى رِجَالٌ بِصَلَاتِهِ، فَأَصْبَحَ النَّاسُ فَتَحَدَّثُوا فَاجْتَمَعَ أَكْثَرُهُمْ فَصَلَّوْا مَعَهُ، فَأَصْبَحَ النَّاسُ فَتَحَدَّثُوا فَكَثُرَ أَهْلُ الْمُسْجِدِ مِنَ الْلَّيْلَةِ الثَّالِثَةِ، فَخَرَجَ رَسُولُ اللَّهِ صَلَّى اللَّهُ عَلَيْهِ وَسَلَّدَ اللَّهُ عَلَيْهِ وَسَلَّمَ فَصَلَّوْا بِصَلَاتِهِ، فَلَمَّا كَانَتِ الْلَّيْلَةُ الرَّابِعَةُ عَجَزَ الْمُسْجِدُ عَنِ أَهْلِهِ حَتَّى خَرَجَ لِصَلَاةِ الصُّبْحِ، فَلَمَّا قَضَى الْفَجْرَ أَقْبَلَ عَلَى النَّاسِ فَتَشَهَّدَ، ثُمَّ قَالَ: أَمَا بَعْدُ، فَإِنَّهُ لَمْ يَخْفَ عَلَيَّ مَكَانُكُمْ لَكِنِّي خَشِيتُ أَنْ تُفْرَضَ عَلَيْكُمْ فَتَعْجِزُوا عَنْهَا

Maksudnya: “Sesungguhnya Rasulullah ﷺ telah keluar pada satu malam di waktu tengah malam, lalu Baginda bersolat di Masjid (Nabawi), maka beberapa orang lelaki pun bersolat dengan solat Baginda (secara berjemaah). Maka, apabila tiba di waktu pagi, orang ramai mula bercakap-cakap (berkenaan solat Baginda itu), maka lebih ramai dari kalangan merkea (datang) berhimpun dan bersolat bersama Baginda (pada malam yang kedua). Dan apabila tiba di waktu pagi, orang ramai mula bercakap-cakap (berkenaan solat Baginda itu), maka (bertambah) ramailah orang-orang yang

datang ke Masjid (Nabawi) pada malam ketiga. Maka Rasulullah ﷺ pun keluar (untuk bersolat) dan mereka pun bersolat dengan solat Baginda ﷺ (secara berjema'ah).

Dan apabila tibanya malam keempat, Masjid tidak dapat menampung lagi orang-orang yang datang bersolat (lantaran begitu ramai) sehingga Baginda (hanya) keluar untuk bersolat Subuh. Maka apabila Baginda selesai mengerjakan solat Subuh, Baginda pun berpaling mengadap kepada orang ramai dan kemudian Baginda melafazkan Shahadah (memulakan kata-kata), kemudian Baginda pun bersabda:

“Adapun setelah itu, maka sesungguhnya bukanlah satu perkara yang tersembunyi bagiku tentang kedudukan-kedudukan kamu (yang menunggu daku untuk bersolat bersama kamu), akan tetapi aku takut (solat di tengah malam ini) akan difardukan ke atas kamu, lalu kamu tidak mampu melakukannya.”

T: (*al-Bukhari (256H), 1999 - Sahih al-Bukhari*) – lafaz di atas; (*Muslim (261H), 2006 - al-Jami' al-Sahih / Sahih Muslim*); (*Abu Dawud (275H), 2010 - Sunan Abi Dawud*); *al-Nasa'i*; (*Malik (179H), 1985 - al-Muwatta'*); (*Ibn Khuzaymah (311H), - Sahih Ibn Khuzaymah*); (*Ibn Hibban (354H), 1993 - Sahih Ibn Hibban*); (*al-Hakim (405H), 1990 - al-Mustadrak 'ala al-Sahihayn*) dan lain-lain.

Al-Imam Ibn Khuzaymah telah menyatakan perkara ini dengan jelas di dalam kitab “Sahih”nya dengan meletakkan tajuk bagi hadith ini sebagai:

بَابُ الدَّلِيلِ عَلَى أَنَّ النَّبِيَّ ﷺ إِنَّمَا تَرَكَ قِيَامَ لَيَالِي رَمَضَانَ كُلَّهُ خَشْيَةً أَنْ يُفْتَرَضَ قِيَامُ اللَّيْلِ
عَلَى أُمَّتِهِ فَيَعْجِزُوا عَنْهَا.

Maksudnya: “Bab: Dalil Yang Menunjukkan Bahawa Sesungguhnya Nabi ﷺ Hanyasanya Meninggalkan Qiyam Pada Malam-malam Ramadan Keseluruhannya kerana Takut akan Difardukan Qiyam al-Layl ke atas Umat Baginda, Lalu Mereka Tidak Mampu Melakukannya.”

R: (*Ibn Khuzaymah (311H), - Sahih Ibn Khuzaymah*)

1.3.4 Faktor Keempat: Tidak Terlintas Di Fikiran

Perkara tersebut tidak terlintas di fikiran Baginda ﷺ:

Sebagai contoh, Rasulullah ﷺ pada asalnya berkhutbah di atas tungkul pohon tamar yang telah dipotong dan Baginda tidak terlintas untuk membuat kerusi dan mimbar bagi tujuan berkhutbah. Namun apabila sebahagian para sahabat ؓ mencadangkan agar mimbar dibina bagi tujuan khutbah, maka Baginda bersetuju dan tidak menolak.

Jabir Ibn cAbdullah ؓ meriwayatkan bahawa:

أَنَّ امْرَأَةً مِنْ الْأَنْصَارِ، قَالَتْ لِرَسُولِ اللَّهِ : يَا رَسُولَ اللَّهِ، أَلَا أَجْعَلُ لَكَ شَيْئًا تَقْعُدُ عَلَيْهِ، فَإِنَّ لِي غُلَامًا نَجَّارًا؟ قَالَ: إِنْ شِئْتِ، قَالَ: فَعَمِلْتُ لَهُ الْمِنْبَرَ، فَلَمَّا كَانَ يَوْمُ الْجُمُعَةِ قَعَدَ النَّبِيُّ عَلَى الْمِنْبَرِ الَّذِي صَنَعَ، فَصَاحَتِ النَّخْلَةُ الَّتِي كَانَ يَخْطُبُ عِنْدَهَا، حَتَّى كَادَتْ تَشَقَّقُ فَنَزَلَ النَّبِيُّ ﷺ حَتَّى أَخَذَهَا فَضَمَّهَا إِلَيْهِ، فَجَعَلَتْ تَئِنُّ أَئِنَّ الصَّبِيِّ الَّذِي يُسَكَّتُ حَتَّى اسْتَقَرَّتْ، قَالَ: بَكَتْ عَلَى مَا كَانَتْ تَسْمَعُ مِنَ الذِّكْرِ

Maksudnya: "Sesungguhnya seorang wanita daripada kaum Ansar berkata kepada Rasulullah ﷺ: Wahai Rasulullah! Apakah tidak boleh untuk aku buatkan sesuatu bagimu (untuk) kamu duduk di atasnya, maka sesungguhnya aku mempunyai seorang hamba (yang) pandai bertukang (dengan kayu)?". Baginda menjawab: Sekiranya kamu mahu (melakukannya, maka silakanlah).

(Jabir) berkata: Maka wanita tersebut telah membuat bagi Baginda sebuah mimbar. Maka apabila tibanya hari Jumaat, Nabi ﷺ pun duduk di atas mimbar yang diperbuatkan untuk Baginda, maka (batang) pohon tamar yang dahulunya Baginda berkhutbah di sisinya pun menjerit (menangis), sehingga hampir-hampir ia terbelah. Maka Baginda Nabi ﷺ pun turun lalu Baginda mengambilnya dan memeluknya, maka batang tamar itu pun merintih seumpama bayi yang merintih apabila didiamkan sehinggalah ia stabil / tetap. (Maka) Baginda pun bersabda: Sesungguhnya ia menangis kerana apa yang ia telah dengar daripada zikir / peringatan."

T: (*al-Bukhari* (256H), 1999 - *Sahih al-Bukhari*)

Sebagai contoh yang lain: Pada mulanya Rasulullah ﷺ hanya duduk di atas tanah untuk berbicara kepada para sahabat dan ahli keluarga Baginda ﷺ secara dekat. Ini adalah kerana sifat tawadu' Baginda Nabi ﷺ yang amat mulia dan jumlah mereka yang masih kecil. Apabila umat Islam bertambah ramai dan mereka datang untuk bersama di dalam majlis Rasulullah ﷺ di Masjid Nabawi, di sana terdapat keperluan untuk tempat duduk yang lebih tinggi agar mereka yang duduk jauh juga dapat mendengar sabdaan Baginda dengan mudah. Di sebut di dalam kitab-kitab Sirah Nabi ﷺ bahawa oleh kerana itu, para sahabat ؓ telah mencadangkan agar sebuah tempat duduk yang dibuat daripada tanah disediakan untuk Baginda agar rombongan asing / baru yang datang ke Madinah untuk bertemu Baginda dapat mengenali Baginda dengan mudah dan mendengar sabdaan Baginda dengan jelas, maka Baginda bersetuju dan tidak menolak.

Disebutkan bahawa tempat duduk tersebut dibuat dengan tiga anak tangga, dan Baginda Rasulullah ﷺ duduk di anak tangga yang ketiga dengan kedua-dua kaki Baginda yang mulia diletakkan di anak tangga yang kedua. Kemudian, dibuatkan bagi Baginda mimbar seperti mana yang telah disebutkan di atas. Dalam riwayat yang lain pula menyatakan bahawa seorang pekerja bagi al-‘Abbas Ibn ‘Abd al-Muttalib ؓ yang bernama Kilab telah membuat mimbar bagi Rasulullah ﷺ daripada kayu al-Athl pada tahun ketujuh Hijrah.

1.3.5 Faktor Kelima: Termasuk di dalam Makna Umum Nas Shariat

Perkara yang ditinggalkan tersebut termasuk di dalam makna umum ayat al-Quran dan hadith:

Rasulullah ﷺ banyak meninggalkan banyak perkara sunat kerana tidak mahu ianya difardhukan ke atas umatnya. Di samping itu, nas-nas al-Quran dan al-Sunnah secara umum telah pun meletakkan garis panduan umum bagi penerimaan amalan yang baik. Sebagai contoh, firman Allah ﷺ (al-Baqarah:197):

وَمَا تَفْعَلُوا مِنْ خَيْرٍ يَعْلَمُهُ اللَّهُ۝

Maksudnya: “Dan apa jua kebaikan yang kamu kerjakan diketahui oleh Allah.”

Dan firman Allah ﷺ lagi (al-Zalzalah:7):

فَمَنْ يَعْمَلْ مِثْقَالَ ذَرَّةٍ خَيْرًا أَبْرَهُ۝

Maksudnya: “Maka sesiapa berbuat kebajikan seberat zarah, nescaya akan dilihatnya (dalam surat amalnya)!.”

Dan sabdaan Rasulullah ﷺ:

فِي كُلِّ ذِي كَبِدِ رَطْبَةِ أَجْرٌ

Maksudnya: “Dan pada (segala kebajikan yang dibuat terhadap) setiap yang bernyawa (hati yang basah/lembap) itu ada ganjaran pahala.”

T: (*al-Bukhari (256H), 1999 - Sahih al-Bukhari*); (*Muslim (261H), 2006 - al-Jami' al-Sahih / Sahih Muslim*) dan lain-lain.

Dan juga sabdaan Rasulullah ﷺ dalam sebuah hadith yang agak panjang kepada Abu Dharr al-Ghfari ﷺ:

(الصَّلَاةُ) خَيْرٌ مَوْضُوعٌ، مَنْ شَاءَ أَقْلَلَ، وَمَنْ شَاءَ أَكْثَرَ

Maksudnya: “(Solat itu) adalah sebaik-baik keadaan / tempat; barangsiapa yang mahu, (maka) dia boleh melakukannya dengan sedikit; dan barangsiapa yang mahu, (maka) dia boleh memperbanyakannya.”

T: (*Ahmad (241H), 1995 - al-Musnad*); (*Ibn Hajar al-'Asqalani (852H), 1998 - al-Matalib al-'Aliyah bi Zawa'id al-Masanid al-*

Thamaniyah) - Dengan shawahid daripada Abu Hurayrah ﷺ, Abu Umamah ؓ dan Awf Ibn Malik ؓ.

1.3.6 Faktor Keenam: Keadaan Masyarakat Yang Tidak Sesuai

Keadaan pada waktu itu yang tidak mengizinkan:

Perlaksanaan sesuatu perkara itu mungkin boleh menyebabkan kesan yang kurang baik di kalangan para sahabat Baginda ﷺ atau sebahagian mereka. Sebagai contoh, Rasulullah ﷺ pada hakikatnya ingin membina semula ka'bah mengikut binaan asal yang dibuat oleh Nabi Ibrahim ﷺ. Namun begitu, Baginda tidak melakukannya kerana keadaan yang tidak sesuai. Mengenai perkara ini, Rasulullah ﷺ pernah bersabda kepada isteri Baginda, Saidatina Aishah ؓ:

لَوْلَا حَدَّاثَةُ عَهْدِ قَوْمٍكِ بِالْكُفْرِ لَنَقْضَتُ الْكَعْبَةَ وَلَجَعَلْتُهَا عَلَى أَسَاسِ إِبْرَاهِيمَ فَإِنَّ قُرْيَشًا
جِينَ بَنْتَ الْبَيْتِ اسْتَقْصَرَتْ وَلَجَعَلْتُ لَهَا خَلْفًا

Maksudnya: “Kalaularah bukan kerana kaummu itu masih baru sahaja meninggalkan kekufuran⁵, maka aku akan meruntuhkan (memperbaiki) Ka'bah dan membinanya semula mengikut kaedah/asas Nabi Ibrahim ﷺ. Sesungguhnya ketika kaum Quraish membina ka'bah (semula), mereka tidak menyempurnakannya, dan aku akan bina baginya (Ka'bah) itu pintu⁶.”

T: (*al-Bukhari (256H), 1999 - Sahih al-Bukhari); (Muslim (261H), 2006 - al-Jami' al-Sahih / Sahih Muslim*) - *lafaz hadith ini dan lain-lain.*

⁵ Dalam riwayat lain, “masih baru dengan Islam.”

⁶ Dalam riwayat lain, “pintu di bahagian barat dan timur”, dan “pintu untuk masuk dan keluar.”

1.4 Hujah bagi Konsep al-Tark

Dalil dan hujah bagi menyatakan bahawa *al-Tark* semata-mata tidak boleh dijadikan hujah ialah berikut:

1.4.1 Hujah Pertama: *Al-Tark* Bukan Bentuk Larangan di dalam Nas Shariat

Pengharaman sesuatu daripada nas Shariat hanya boleh diambil dalam bentuk:

Pertama: *al-Nahy* (Larangan): Seperti firman Allah ﷺ (al-Isra':32):

﴿ وَلَا تَقْرُبُوا الْزِنَى إِنَّهُ كَانَ فِي حَشَّةٍ وَسَاءَ سَيِّلًا ﴾
23

Maksudnya: “Dan janganlah kamu menghampiri zina, sesungguhnya zina itu adalah satu perbuatan yang keji dan satu jalan yang jahat.”

Kedua: Lafaz *al-tahrim* (Pengharaman): Seperti firman Allah ﷺ (al-Ma’idah:3):

﴿ حُرِمَتْ عَلَيْكُمُ الْمَيْتَةُ وَالدَّمُ وَلَحْمُ الْخِنْزِيرِ وَمَا أَهْلَ لِغَيْرِ اللَّهِ بِهِ وَالْمُنْخَنِقَةُ وَالْمَوْقُوذَةُ وَالْمُتَرَدِّيَةُ وَالْمَطِيقَةُ وَمَا أَكَلَ أَكْلَ السَّبُعِ إِلَّا مَا ذَكَرْتُمْ وَمَا ذُبِحَ عَلَى الصُّصِّبِ وَإِنْ تَسْتَقْسِمُوا بِالْأَزْلَمِ ذَلِكُمْ فِسْقٌ ﴾
3

Maksudnya: “Diharamkan kepada kamu (memakan) bangkai, dan darah, dan daging babi, dan binatang-binatang yang disembelih kerana yang lain dari Allah, dan yang mati tercekik, dan mati dipukul, dan mati jatuh, dan mati ditanduk, dan yang mati dimakan binatang buas, kecuali yang sempat kamu sembelih, dan yang disembelih atas nama berhala; dan (diharamkan) kamu mengundi nasib dengan anak panah. Yang demikian itu adalah perbuatan fasik ...”

Ketiga: Kejian (*al-dhamm*) terhadap perkara tersebut atau pelakunya dijanjikan akibat yang buruk (*al-tawacud bi al-ciqab*): Seperti sabdaan Rasulullah ﷺ:

وَمَنْ غَشَّنَا فَلَيْسَ مِنَّا

Maksudnya: “Dan barangsiapa yang menipu kami, maka dia bukanlah dari kalangan kami.”

T: (*Muslim (261H), 2006 - al-Jami' al-Sahih / Sahih Muslim*).

dan

مَنْ قَتَلَ مُؤْمِنًا فَاعْتَبِطْ بِقَتْلِهِ لَمْ يَقْبُلْ اللَّهُ مِنْهُ صَرْفًا وَلَا عَدْلًا

Maksudnya: “Barangsiapa yang membunuh seorang yang beriman, dan dia melakukannya dengan sengaja tanpa sebab (yang disyariatkan), maka Allah ﷺ tidak menerima segala amalan baiknya.”

T: (*Abu Dawud (275H), 2010 - Sunan Abi Dawud*).

Al-Tark bukanlah salah satu bentuk larangan atau pengharaman atau kejian atau janji buruk, maka *al-tark* tidak boleh dijadikan hujah pengharaman.

1.4.2 Hujah Kedua: *Al-Tark* Bukan *Al-Nahy* (Larangan)

Firman Allah ﷺ (al-Hashr: 7):

﴿وَمَا مَأْتَنَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا﴾

Maksudnya: “Apa jua yang dibawa oleh Rasulullah kepada kamu maka terimalah ia, dan apa jua yang dilarang kamu melakukannya maka patuhilah larangannya..”

Di dalam ayat di atas, Allah ﷺ tidak menyatakan bahawa “Apa yang ditinggalkan oleh Rasul ﷺ, maka tinggalkanlah.” Ini menunjukkan bahawa *al-tark* tidak memberi maksud haram atau makruh.

1.4.3 Hujah Ketiga: Hukum Asas Bagi *Al-Tark* adalah Harus

Rasulullah ﷺ bersabda:

دُعُونِي مَا تَرْكْتُكُمْ إِنَّمَا هَلَكَ مَنْ كَانَ قَبْلَكُمْ بِسُوَادِهِمْ وَأَخْتِلَافِهِمْ عَلَى أَنْبِيَائِهِمْ فَإِذَا نَهَيْتُكُمْ
عَنْ شَيْءٍ فَاجْتَنِبُوهُ وَإِذَا أَمْرَتُكُمْ بِأَمْرٍ فَأْتُوا مِنْهُ مَا أَسْتَطَعْتُمْ

Maksudnya: “Biarkanlah apa yang aku tinggalkan (penerangannya) bagi kamu. Sesungguhnya kaum yang sebelum kamu telah hancur kerana soalan (yang tidak perlu) dan bantahan mereka ke atas nabi-nabi mereka. Maka apabila aku melarang kamu daripada sesuatu, maka hindarilah ia, dan apabila aku menyuruh kamu dengan sesuatu, maka lakukanlah ia sedaya upaya kamu.”

T: (*al-Bukhari* (256H), 1999 - *Sahih al-Bukhari*).

Hadith ini menunjukkan dengan jelas bahawa asas pengharaman itu adalah apabila adanya larangan dan asas kewajipan itu apabila adanya perintah daripada Shariat. Dan asas bagi perkara yang tidak ada larangan dan suruhan (iaitu *al-tark*) daripada Shariat adalah harus. Maka golongan yang menyusahkan dan menyempitkan amalan baik umat Islam dengan berhujah dengan *al-tark* ditakuti bersikap dengan sikap yang telah menghancurkan umat terdahulu.

1.4.4 Hujah Keempat: *Al-Tark* Tanpa *Al-Nahy* (Larangan) Menunjukkan Hukum Tidak Haram

Penegasan Rasulullah ﷺ di dalam hadith Khalid ﷺ bahawa apa yang Baginda tidak lakukan dan tidak larang, maka ia bukanlah sesuatu yang haram. Di dalam hadith yang diriwayatkan oleh al-Bukhari dan Muslim (dan lain-lain), Saidina Khalid ﷺ dan Rasulullah ﷺ berada di rumah Saidatina Maimunah ﷺ apabila mereka dihidangkan daging dab

yang dipanggang. Tatkala Rasullullah ﷺ menghulurkan tangan untuk mengambil daging tersebut, maka seorang wanita yang hadir telah berkata:

أَخْبِرْنَ رَسُولَ اللَّهِ مَا قَدَّمْتُنَّ لَهُ، هُوَ الضَّبْ يَا رَسُولَ اللَّهِ

Maksudnya: “Beritahulah kepada Rasulullah ﷺ (tentang) apa yang telah kamu hidangkan kepada Baginda, itu adalah daging dab, Wahai Rasulullah.”

Maka Baginda mengangkat tangan Baginda dan tidak mengambil daging dab tersebut. Maka Saidina Khalid ﷺ pun bertanya:

أَحَرَامُ الضَّبْ يَا رَسُولَ اللَّهِ؟

Maksudnya: “Adakah dab itu haram, Wahai Rasulullah? ”.

Maka Baginda menjawab dengan bersabda:

لَا وَلَكِنْ لَمْ يَكُنْ بِأَرْضِ قَوْمِيِّ، فَأَجِدُنِي أَعَافُهُ

Maksudnya: “Tidak, akan tetapi ia (*al-tark*) adalah kerana ia (dab) itu tidak terdapat di negeri kaumku, maka aku mendapati diri aku tidak mempunyai selera (untuk memakannya).”

Saidina Khalid ﷺ berkata:

فَاجْتَرَرْتُهُ فَأَكَلْتُهُ وَرَسُولُ اللَّهِ يَنْظُرُ إِلَيَّ

Maksudnya: “Maka daku pun mengoyakkannya, lalu memakannya sedangkan Rasulullah ﷺ memandang kepadaku.”

T: (*al-Bukhari* (256H), 1999 - *Sahih al-Bukhari*).

Maka berdasarkan hadith ini dan seumpamanya, ulama’ usul fiqh mengasaskan kaedah:

الْتَّرْكُ لَا يَقْتَضِي التَّحْرِيمَ (أَوْ) تَرْكُ الشَّيْءِ لَا يَقْتَضِي تَحْرِيمَهُ

Maksudnya: “Al-Tark itu tidak membawa maksud pengharaman” (atau) “Meninggalkan sesuatu perkara itu tidak membawa maksud pengharamannya.”

R: (*al-Ghumari* (1413H), 2002 - *Husn al-Tafahhum wa al-Dark li Mas'alat al-Tark*)

1.4.5 Hujah Kelima: *Al-Tark* Mungkin Disebabkan Anjuran Umum Shariat Telah Wujud

Para sahabat Rasulullah ﷺ memahami bahawa tidak semua perkara yang tidak dilakukan oleh Rasulullah ﷺ itu adalah perkara yang terkeji melainkan ada larangan, pengharaman, kejian dan janji buruk. Sebagai contoh, Saidina Bilal ﷺ memahami bahawa walaupun Rasulullah ﷺ tidak mengerjakan solat sunat selepas berwudhu', tetapi beliau mengamalkannya sehingga Rasulullah ﷺ bertanya kepada beliau:

يَا بِلَالُ حَدَّثْنِي بِأَرْجَى عَمَلٍ عَمِلْتَهُ فِي الْإِسْلَامِ فَإِنِّي سَمِعْتُ دَفَّ نَعْلَيْكَ بِينَ يَدَيِّكِ فِي الْجَنَّةِ

Maksudnya: "Wahai Bilal! Beritahulah kepadaku tentang sebaik-baik amalan yang diharapkan (oleh engkau kebaikannya) yang engkau amalkan di dalam Islam. Sesungguhnya aku mendengar bunyi kedua kasutmu di hadapanku di dalam Syurga."

Maka Saidina Bilal ﷺ menjawab:

مَا عَمِلْتُ عَمَلاً أَرْجَى عِنْدِي أَنِّي لَمْ أَتَطَهَّرْ طَهُورًا فِي سَاعَةٍ لَيْلٍ أَوْ نَهَارٍ إِلَّا صَلَّيْتُ بِذَلِكَ الطَّهُورِ مَا كُتِبَ لِي أَنْ أُصَلِّي

Maksudnya: "Aku tidaklah beramal dengan satu amalan yang lebih aku harapkan melainkan apabila aku bersuci (mengambil wudu') sama ada di waktu malam atau siang, maka aku akan bersolat dengan kesucian (wudu') tersebut sebanyak mana yang tertulis (ditakdirkan) bagi aku untuk bersolat."

T: (*al-Bukhari* (256H), 1999 - *Sahih al-Bukhari*); (*Muslim* (261H), 2006 - *al-Jami' al-Sahih / Sahih Muslim*) dan lain-lain.

Amalan Saidina Bilal ﷺ yang telah diperakui oleh Rasulullah ﷺ ini telah menjadi asas pensyariatan solat sunat Wudu'. Dari pada kisah di atas juga, kita dapat memahami bahawa memperbanyakkan solat sunat adalah termasuk di dalam anjuran umum Shariat.

1.4.6 Hujah Keenam: Al-Tark Mungkin Disebabkan Keadaan Yang Tidak Sesuai

Saidatina cA'ishah ﷺ berkata:

إِنْ كَانَ رَسُولُ اللَّهِ لَيَدْعُ الْعَمَلَ وَهُوَ يُحِبُّ أَنْ يَعْمَلَ بِهِ حَشْيَةً أَنْ يَعْمَلَ بِهِ النَّاسُ
فَيُفْرَضُ عَلَيْهِمْ، وَمَا سَبَّحَ رَسُولُ اللَّهِ سُبْحَةً الصُّحَى قَطُّ وَإِنِّي لَا سُبْحُهَا

Maksudnya: “Rasulullah ﷺ ada meninggalkan amalan walaupun dalam masa yang sama Baginda (sebenarnya) suka untuk mengamalkannya, (tetapi Baginda) meninggalkannya kerana takut orang ramai akan beramal dengannya, lalu difardukan ke atas mereka. Dan Rasulullah ﷺ tidak pernah bersolat Duha pun⁷, sedangkan daku sesungguhnya pasti akan melakukannya.”

T: (*al-Bukhari* (256H), 1999 - *Sahih al-Bukhari*) – *lafaz di atas* ; (*Muslim* (261H), 2006 - *al-Jami' al-Sahih* / *Sahih Muslim*) dan *lain-lain*.

Hadith di atas adalah merupakan hujah bahawa *al-tark* boleh berlaku kerana keadaan masyarakat yang tidak sesuai, dan bukan kerana perkara yang ditinggalkan itu adalah haram.

1.4.7 Hujah Ketujuh: *Al-Tark* Bukan Asas Sunnah

Ulama' usul al-fiqh mentakrif al-Sunnah (yang menjadi sumber hukum Shariat) sebagai: Perkataan (القول), perbuatan (العمل) dan perakuan (التفير) Rasulullah ﷺ. Mereka tidak menyatakan apa yang ditinggalkan oleh Rasulullah ﷺ (*al-tark*) sebagai sumber hukum. Maka *al-tark* tidak boleh dijadikan dalil dari sudut usul fiqh.

⁷ Ini adalah pandangan Saidatina cA'ishah ﷺ .

1.4.8 Hujah Kelapan: *Al-Tark* Bukan Satu Bentuk *Khitab*

Ulama' usul fiqh menyatakan bahawa hukum Shariat itu adalah *khithab* (perintah) Allah ﷺ dan apa yang dikehendaki maksudnya (*mantuq, dalalah* dan *mafhum*) di dalam al-Quran, al-Sunnah, al-Ijma'c dan al-Qiyas. Dan *al-tark* ini tidak termasuk di dalam *dalalah* (apa yang dikehendaki) nas-nas tersebut.

1.4.9 Hujah Kesembilan: *Al-Tark* Mempunyai Banyak Kebarangkalian

Apabila Rasulullah ﷺ tidak melakukan sesuatu perkara, ia mungkin disebabkan beberapa faktor (seperti yang dinyatakan sebelum ini) selain daripada kebarangkalian perkara itu adalah haram. Dan mengikut kaedah usul fiqh:

مَا تَطَرَّقَ إِلَيْهِ الْأَحْتِيَالُ، سَقَطَ بِهِ الْإِسْتِدْلَالُ

Maksudnya: “Apabila sesuatu nas itu mempunyai kebarangkalian-kebarangkalian yang lain, maka ia tidak boleh dijadikan dalil (tersendiri).”

Ini menjelaskan bahawa *al-tark* semata-mata tidak boleh dijadikan dalil. Bahkan telah ditegaskan sebelum ini bahawa apa yang tidak dilakukan oleh Rasulullah ﷺ (tanpa ada larangan dan sebagainya) bukanlah sesuatu yang haram.

1.4.10 Hujah Kesepuluh: *Al-Tark* Bukanlah Satu Tuntutan atau Larangan

Al-tark (tidak melakukan sesuatu) adalah keadaan asal (الأصل) bagi seseorang dan *al-f'il* (perbuatan) itu adalah perkara yang mendatang

(الطري). Mengikut disiplin usul fiqh, keadaan asal itu tidak membawa sebarang makna tuntutan atau larangan (tidak ada sebarang *dalalah*), maka keadaan asal atau *al-tark* itu tidak boleh dijadikan asas pengharaman atau makruh.

1.5 Dua Kaedah Usul Fiqh Yang Perlu Difahami Bersama Konsep *al-Tark*

Terdapat dua kedah usul fiqh⁸ yang mempunyai kaitan yang sangat rapat dengan konsep *al-Tark*. Kedua-dua kaedah ini sangat perlu bagi memahami kaedah pentafsiran nas-nas al-Quran dan al-Sunnah⁹. Seandainya seseorang itu tidak dapat membezakan aplikasi kedua-dua kaedah ini di tempat dan kedudukan yang sesuai, dia sebenarnya terdedah dengan kesilapan di dalam memahami asas bagi pengeluaran hukum yang dibuat oleh para ulama' dan Salafus Soleh.

1.5.1 Kaedah Pertama: Perkara Yang Harus Ditinggalkan Menunjukkan Ia Bukan Perkara Wajib

Kaedah pertama berbunyi:

جَائِزُ التَّرْكِ لَيْسَ بِوَاجِبٍ

Maksudnya: “Apa yang harus ditinggalkan (tidak dilakukan) maka ia bererti bahawa perkara itu tidak wajib.”

⁸ Kaedah-kaedah usul fiqh adalah sangat penting bagi memastikan proses pengeluaran dan pemahaman hukum tidak terpesong dari jalan yang lurus.

⁹ Kita sering melihat bahawa golongan yang sering berhujah dengan *al-tark* tidak memahami aplikasi kaedah-kaedah ini. Bahkan lebih jauh lagi, mereka sebenarnya tidak mengetahui kewujudan kaedah-kaedah ini.

Kaedah ini menerangkan bahawa perkara yang boleh ditinggalkan pada hakikatnya ia adalah tidak wajib. Kaedah ini diasaskan berdasarkan kepada perbuatan Rasulullah ﷺ. Apabila Rasulullah ﷺ memakan daging kambing dan tidak berwudu' selepas itu bagi mendirikan solat; atau Baginda ﷺ tidak berwudu' selepas berbekam untuk mendirikan solat, perbuatan Rasulullah ﷺ ini (*al-tark*) menunjukkan bahawa mengambil wudu' selepas berbekam atau makan daging kambing adalah tidak wajib.

Begitu juga apabila para ulama' mazhab al-Shafie menyatakan bahawa melafazkan *Usolli* tidak wajib, ia adalah jelas kerana ia tidak dilakukan oleh Rasulullah ﷺ. Melafazkan *Usolli* tidak boleh dihukumkan haram kerana ia mempunyai sandaran daripada nas-nas al-Quran dan al-Sunnah dengan menggunakan kaedah al-Qiyas.¹⁰

Seseorang yang membaca nas-nas Shariat tanpa memahami kaedah ini dan cuba berlagak seperti *mujtahid*¹¹ sering mengeluarkan kefahaman yang salah daripada nas yang dibacanya itu. Terdapat banyak contoh yang penulis boleh kemukakan untuk membuktikan perkara ini. Namun begitu, bagi meringkaskan perbincangan di dalam buku ini, penulis mengemukakan satu contoh kesilapan yang berlaku apabila seseorang itu membaca nas-nas Shariat tanpa memahami kaedah ini.

Contohnya, terdapat riwayat di mana Saidatina cA'ishah ؓ berkata:

...وَلَا صَامَ شَهْرًا كَامِلًا غَيْرَ رَمَضَانَ...

¹⁰ Dalil-dalil bagi penshariatan lafaz niat bagi ibadat tidak dibincangkan di dalam buku yang kecil ini.

¹¹ *Mujtahid* adalah seseorang yang memenuhi syarat-syarat untuk berijtihad. *Mujtahid* juga mempunyai pelbagai peringkat dan kategori.

Maksudnya: "...Dan (aku tidak tahu bahawa Rasulullah ﷺ pernah) berpuasa sebulan penuh secara sempurna melainkan di dalam bulan Ramadan..."

T: (*Muslim (261H), 2006 - al-Jami' al-Sahih / Sahih Muslim*); *al-Nasa'i*; (*Ahmad (241H), 1995 - al-Musnad*); (*al-Bayhaqi (458H), 2000 - al-Sunan al-Kubra*) dan lain-lain.

Apabila Rasulullah ﷺ tidak pernah berpuasa penuh di bulan selain bulan Ramadan¹², ini bukanlah bermaksud bahawa berpuasa penuh (sunat) sebulan di bulan selain daripada bulan Ramadan itu makruh atau haram. Tetapi, ia menunjukkan bahawa berpuasa penuh di bulan selain daripada bulan Ramadan adalah tidak wajib kerana "Apa yang harus ditinggalkan (tidak dilakukan), maka ia bererti bahawa perkara itu tidak wajib." Bahkan, 'Abdullah Ibn 'Umar ﷺ diriwayatkan berpuasa penuh pada bulan-bulan Haram (yang dihormati iaitu Muharram, Rajab, Dhu al-Qidah dan Dhu al-Hijjah).

Mereka yang tidak memahami kaedah ini sering mengeluarkan pendapat bahawa berpuasa penuh di bulan selain bulan Ramadan itu adalah bid'ah dan haram. Maka, mereka mengatakan bahawa berpuasa secara penuh di dalam bulan Rajab dan Sha'ban adalah bid'ah (terkeji). Ini adalah satu kejahanan yang nyata tentang kaedah ini.

1.5.2 Kaedah Kedua: Tiada Penerangan pada *Maqam al-Bayan* Menunjukkan Pengkhususan

Kaedah kedua berbunyi:

السُّكُوتُ فِي مَقَامِ الْبَيَانِ يُفِيدُ الْحُضْرَ

Maksudnya: "Apabila Shariat (mendiamkan diri) tidak menerangkan sesuatu perkara apabila ia perlu diterangkan, maka

¹² Berdasarkan riwayat Saidatina 'A'ishah ﷺ. Dalam riwayat yang lain ada menyatakan bahawa Rasulullah ﷺ pernah berpuasa penuh di dalam bulan Sha'ban.

ia menunjukkan bahawa perkara tersebut adalah terkhusus/terhad.”

Kaedah ini adalah berdasarkan hadith Rasulullah ﷺ :

مَا أَحَلَّ اللَّهُ فِي كِتَابِهِ فَهُوَ حَلَالٌ، وَمَا حَرَّمَ فَهُوَ حَرَامٌ، وَمَا سَكَتَ عَنْهُ فَهُوَ عَافِيَةٌ، فَاقْبِلُوا مِنْ اللَّهِ الْعَافِيَةَ، فَإِنَّ اللَّهَ لَمْ يَكُنْ نَسِيَّاً

Maksudnya: “Apa yang Allah ﷺ halalkan di dalam kitab-Nya, maka ia adalah halal, dan apa yang Dia haramkan, maka ia adalah haram. Dan apa yang Dia diamkan, maka ia adalah kemaafan (keharusan), maka terimalah kemaafan dari-Nya. Sesungguhnya Allah ﷺ tidak melupakan sesuatu apa juapun.”

Kemudian Baginda membaca firman Allah ﷺ (Maryam:64):

وَمَا كَانَ رَبُّكَ نَسِيَّاً

Maksudnya: “Dan tidaklah Tuhanmu itu (Wahai Muhammad) berkeadaan lupa.”

T: (*al-Hakim (405H), 1990 - al-Mustadrak 'ala al-Sahihayn); (al-Daruqutni (385H), 2004 - Sunan al-Daruqutni); (al-Bayhaqi (458H), 2000 - al-Sunan al-Kubra); (al-Bazzar (292H), 1997 - al-Bahr al-Zakhkhar bi Musnad al-Bazzar); (al-Tabarani (360H), - Musnad al-Shamiyyin) dan (al-Haythami (807H), - Kashf al-Astar) serta dengan shawahid yang begitu banyak.*

Sebagai contoh, azan bagi solat sunat Aidil-Fitri dan Aidil-Adha adalah bid'ah yang tidak disyariatkan. Ini bukanlah kerana kaedah *al-tark*, iaitu kerana Nabi ﷺ tidak melakukannya semata-mata seperti kaedah di atas. Tetapi ia adalah kerana apabila Rasulullah ﷺ menerangkan kaedah mengerjakan solat sunat Aidil-Fitri dan Aidil-Adha (مقام البيان), Baginda tidak menyebut tentang azan. Maka, apabila Rasulullah ﷺ tidak menerangkan tentang azan dalam penerangan Baginda tentang solat sunat Aidil-Fithri dan Aidil-Adha (السکوت), ia menunjukkan bahawa azan itu tidak disyariatkan.

Apabila seseorang itu tidak dapat memahami perbezaan di antara kedua-dua kaedah ini, dia mungkin berpemikiran terlalu sempit atau terlalu longgar dalam memahami konsep *al-tark* dan *bid'ah*. Dan kedudukan yang pertengahan dan berhemah itu adalah yang paling baik. Rasulullah ﷺ bersabda (sebanyak 3 kali berturut-turut):

هَلْكَ الْمُنْتَطَعِّمُونَ

Maksudnya: “Musnahlah orang-orang yang (berpemikiran dan berperilaku) sempit/menyusahkan.”

T: (*Muslim (261H), 2006 - al-Jami' al-Sahih / Sahih Muslim*); (*Abu Dawud (275H), 2010 - Sunan Abi Dawud*); (*Ahmad (241H), 1995 - al-Musnad*); (*Abu Ya'la al-Mawsili (307H), 1992 - Musnad Abu Ya'la al-Mawsili*); (*al-Tabarani (360H), - al-Mu'jam al-Kabir*); (*Ibn Abi Shaybah (235H), 2004 - Musannaf Ibn Abi Shaybah*) dan lain-lain daripada *'Abdullah Ibn Mas'ud* ﷺ.

Al-Imam al-Nawawi mentafsirkan bahawa mereka adalah orang-orang yang terlalu menyusah-nyusahkan, melampau, dan melepas had-had Shariat dalam percakapan dan perbuatan mereka.

Pemahaman tentang aplikasi kedua-dua kaedah ini di tempat yang sesuai adalah amat penting agar konsep *al-tark* dan seterusnya konsep *bid'ah* benar-benar difahami dengan baik.

Kedua-dua kaedah usul al-fiqh yang dibincangkan sebelum ini mempunyai kaitan dengan perbahasan *al-tark al-wujudi* dan *al-tark al-'adami* di dalam perbincangan usul al-fiqh. Namun begitu, penulis tidak bercadang untuk membincangkan kedua-dua konsep usul al-fiqh tersebut di sini.

1.6 Kesimpulan

Kesimpulan yang dapat diambil daripada perbincangan di atas ialah:

- Perkara yang tidak ada larangan daripada Shariat dalam bentuk haram atau makruh, maka hukum asalnya adalah harus. *Al-Tark* termasuk di dalam makna hadith Rasulullah ﷺ:

وَمَا سَكَتَ عَنْهُ فَهُوَ عَفْوٌ / عَافِيَةٌ / مِمَّا عَفَا عَنْهُ

Maksudnnya: “Dan apa yang didiamkan oleh Shariat, maka ia adalah satu kemaafan (keharusan) / riwayat lain: keafiyatan (tidak berdosa) / riwayat lain: daripada apa yang Dia telah maafkan.”

T: (*Abu Dawud (275H), 2010 - Sunan Abi Dawud); (al-Tirmidhi (279H), - al-Jami' al-Kabir (Sunan al-Tirmidhi)); (Ibn Mājah (273H), - Sunan Ibn Mājah); (al-Hakim (405H), 1990 - al-Mustadrak 'ala al-Sahihayn); (al-Daruqutni (385H), 2004 - Sunan al-Daruqutni); (al-Bayhaqi (458H), 2000 - al-Sunan al-Kubra); (al-Bazzar (292H), 1997 - al-Bahr al-Zakhkhar bi Musnad al-Bazzar); (al-Tabarani (360H), - al-Mu'jam al-Kabir); (al-Tabarani (360H), - Musnad al-Shamiyyin); (al-Haythami (807H), - Kashf al-Astar); al-Tahawi dan lain-lain.*

- Barangsiapa yang berhujah dengan *al-tark* dalam mengharamkan sesuatu dengan hujah bahawa Rasulullah ﷺ tidak melakukanya, maka dia ditakuti telah mengharamkan perkara yang halal atau tidak haram tanpa asas Shariat. Ingatlah firman Allah ﷺ yang berikut (Yunus:59):

﴿قُلْ أَرَأَيْتُمْ مَا أَنْزَلَ اللَّهُ لَكُمْ مِنْ رِزْقٍ فَجَعَلْتُمْ مِنْهُ حَرَامًا وَحَلَالًا قُلْ إِنَّ اللَّهَ أَذِنَ لَكُمْ أَمْ

علَى اللَّهِ تَفَرُّونَ ﴿٥٩﴾

Maksudnya: “Katakanlah (kepada kaum yang mengada-adakan sesuatu hukum): “Sudahkah kamu nampak baik-buruknya sesuatu yang diturunkan Allah untuk manfaat kamu itu sehingga dapat kamu jadikan sebahagian daripadanya haram, dan sebahagian lagi halal?” Katakanlah lagi (kepada mereka): “Adakah Allah izinkan bagi kamu berbuat demikian, atau kamu hanya mengada-adakan secara dusta terhadap Allah?”.

Dan firman-Nya lagi (al-Nahl: 116):

﴿ وَلَا تَقُولُوا لِمَا تَصِفُ الْسِنَّاتُكُمُ الْكَذِبَ هَذَا حَلَلٌ وَهَذَا حَرَامٌ اتَّقْتَرُوا عَلَى اللَّهِ الْكَذِبَ إِنَّ الَّذِينَ يَقْتَرُونَ عَلَى اللَّهِ الْكَذِبَ لَا يُفْلِحُونَ ﴾¹¹⁶

Maksudnya: “Dan janganlah kamu berdusta dengan sebab apa yang disifatkan oleh lidah kamu: “Ini halal dan ini haram”, untuk mengada-adakan sesuatu yang dusta terhadap Allah; sesungguhnya orang-orang yang berdusta terhadap Allah tidak akan berjaya.”

- Perkara yang tidak dilakukan oleh generasi Salafus Soleh tidak bermakna haram atau makruh. Mereka mungkin meninggalkan sesuatu perkara kerana pelbagai sebab dan kebarangkalian seperti keadaan yang tidak sesuai, atau kerana memilih perkara yang lebih baik atau kerana perkara tersebut tidak terlintas difikiran mereka. Ini bertepatan dengan kata-kata Al-Imam al-Shafie:

كُلُّ مَا لَهُ مُسْتَنْدٌ مِنَ الشَّرْعِ فَلَيْسَ بِدُعْةٍ وَلَوْ لَمْ يَعْمَلْ بِهِ السَّلَفُ

Maksudnya: “Setiap perkara yang mempunyai sandaran dari sudut Shariat, maka ia bukanlah bid’ah (yang terkeji) walaupun perkara tersebut tidak dilakukan oleh generasi Salaf.”

Al-Shaykh al-Hafiz Abdullah al-Ghumari (1413H)¹³ telah menyusun intipati konsep *al-tark* ini di dalam satu *nazm*nya yang masyhur. *Nazm* tersebut dan maksudnya adalah seperti di bawah.

لَا يَقْتَضِي مَنْعًا وَلَا إِيجَابًا	الْتَّرْكُ لَيْسَ بِحُجَّةٍ فِي شَرِيعَنَا
Ia tidak memberi maksud larangan atau kewajipan,	<i>Al-Tark</i> bukanlah merupakan hujah di dalam Shariat kita,

¹³ (al-Ghumari (1413H), 2002 - Husn al-Tafahhum wa al-Dark li Mas'alat al-Tark) & (Ali Jumu'ah, 2005 - Al-Bayan Lima Yashgal/ Yushghil al-Adhhan).

وَرَاهُ حُكْمًا صَادِقًا وَصَوَابًا	فَمَنِ ابْتَغَى حَظًّا بِتَرْكِ نَبِيِّنَا
Dan menganggapnya (<i>al-tark</i>) sebagai hukum yang benar lagi tepat,	Maka barangsiapa yang mencari pengharaman dengan <i>tark</i> Nabi kita,
بَلْ أَخْطَأَ الْحُكْمَ الصَّحِيحَ وَخَابَا	قَدْ ضَلَّ عَنْ نَهْجِ الْأَدِلَّةِ كُلَّهَا
Bahkan dia tersalah daripada memilih hukum yang sahih, dan menjadi fakir,	Sesungguhnya dia telah tersesat daripada semua kaedah pemahaman dalil (yang tepat),
مُتَوَعِّدًا لِمُخَالَفَيْهِ عَذَابًا	لَا حَظْرٌ يُمْكِنُ إِلَّا إِنْ نَهَىُ أَتَى
Yang menjanjikan azab bagi orang yang bersalahan dengannya,	Tidak ada pengharaman melainkan sekiranya datangnya larangan,
أَوْ لَفْظٌ تَحْرِيمٌ يُوَاكِبُ عَابَا	أَوْ ذَمٌ فِعْلٌ مُؤْذِنٌ بِعُقُوبَةٍ
Atau lafaz pengharaman yang diiringi penaiban.	Atau kejian bagi perbuatan tersebut dengan pemberitahuan akibat (buruk),

1.7 Renungan

Sekiranya seseorang itu menolak konsep *al-tark* seperti yang diterangkan oleh para ulama' dan dia berpendirian bahawa semua perkara yang tidak dilakukan oleh Rasulullah ﷺ itu adalah bid'ah yang terkeji, maka:


- Bercakap dengan bahasa selain daripada bahasa Arab yang fasih seperti bahasa Melayu atau bahasa Arab pasar;
- Mengumpulkan al-Quran, menghiasnya dengan titik, baris, tanda-tanda wakaf dan membacanya dengan qiraat tertentu;
- Menterjemah al-Qur'an dan menulis tafsirannya;
- Mengumpul, menilai dan menterjemah hadith Rasulullah ﷺ;

- Mencipta istilah-istilah baru bagi ilmu-ilmu Islam seperti akidah, nahu, maqasid al-Shariah, fiqh, usul fiqh, dan seumpamanya;
- Menderma darah;
- Berjual-beli dengan menggunakan duit kertas;
- Membayar zakat fitrah dengan nilai dan duit kertas;
- Mengira waktu solat, puasa serta haji menggunakan kaedah hisab atau formula matematik;
- Mendirikan penjara, universiti, kementerian-kementerian, dan seumpamanya;
- Makan menggunakan sudu dan garpu dan di atas kerusi dan meja;
- Membuat majlis berkhatan beramai-ramai;
- Mengkhatamkan al-Quran di dalam satu malam;

Dan banyak lagi perkara-perkara lain yang tidak dapat kami nyatakan di sini; adalah perkara-perkara bid'ah yang terkeji (*madhmumah*)?!!!

Ini adalah tidak munasabah mengikut pandangan akal dan Shariat. Maka, jelaslah bahawa *al-Tark* (apa yang tidak dilakukan oleh Rasulullah ﷺ) tidak boleh dijadikan hujah di dalam mengharamkan atau memakruhkan sesuatu.

Setelah pembaca mendapat gambaran yang jelas tentang konsep *al-Tark* dan kedudukannya, maka perbincangan yang seterusnya bertajuk “Definisi Bid’ah” boleh dilakukan dengan lebih baik dan berkesan.





PERKARA BARU DAN BAIK DARI PERSPEKTIF SHARIAT



2.1 Pendahuluan

Konsep bid'ah adalah salah satu konsep yang perlu difahami secara ilmiah mengikut pandangan majoriti ulama' oleh umat Islam agar perkara berkaitannya tidak menjadi sebab dan titik perpecahan di kalangan umat Islam di seluruh dunia amnya dan di Malaysia khususnya. Golongan yang kurang faham dan jelas mengenai konsep ini sering dilihat begitu tergesa-gesa membid'ahkan dan menghukum fasiq bahkan kufur dan sesat ke atas umat Islam yang lain kerana konsep bid'ah yang difahami oleh mereka begitu sempit. Maka, adalah sangat wajar bagi penulis menjadikan konsep ini di antara perkara yang paling awal dibincangkan di dalam "Siri Memperbaiki Kefahaman Agama" ini setelah perbincangan mengenai konsep al-Tark.

Kekaburan mengenai konsep ini akan bertambah buruk dan boleh bertukar menjadi polemik yang besar di dalam masyarakat apabila pihak yang berbeza pendapat tidak berpegang dengan adab-adab Islam dan akhlaknya. Salah faham berkenaan definisi dan konsep bid'ah ini di kalangan sebahagian agamawan juga telah menyebabkan fatwa-fatwa yang kontroversi dikeluarkan sehingga cacamarba di dalam metodologi fatwa jelas kelihatan. Perbincangan konsep bid'ah secara ilmiah memerlukan penulisan yang panjang dan perbincangan yang mendalam. Namun begitu, bagi menjadikan perbincangan ini terfokus kepada kepada isu yang sebenarnya, penulis memfokuskan

perbincangan bab ini kepada ***bid'ah hasanah*** atau **perkara baru dan baik** dari perspektif Shariat.¹⁴ Persoalan yang dikemukakan di sini ialah:

- Apakah pandangan Islam terhadap perkara-perkara baru yang timbul selepas kewafatan Rasulullah ﷺ?
- Adakah perkara baru itu dikeji kerana kedudukannya sebagai perkara baru atau kerana ia menyalahi Shariat?
- Apakah pandangan para ulama' muktabar di dalam masalah ini?

Penulis memulakan perbincangan ini dengan menukilkan kisah dua orang sahabat Rasulullah ﷺ yang paling rapat kedudukannya dengan Baginda ﷺ, iaitu Saidina Abu Bakr ؓ dan Saidina 'Umar ؓ. Kisah mereka berdua ini dapat memberikan gambaran paling asas berkenaan kedudukan perkara baru dan baik dari perspektif Shariat.

2.2 Kisah Saidina 'Umar al-Khattab ؓ dan Saidina Abu Bakr ؓ

“Ia – Demi Allah – adalah Sesuatu Yang Baik”

Kisah ini telah diriwayatkan dengan panjang lebar di dalam kitab-kitab hadith yang sahih seperti Sahih al-Bukhari di mana Saidina 'Umar ؓ menyuarakan kebimbangannya dengan peristiwa pembunuhan yang berlaku di al-Yamamah di mana tujuh puluh (70) orang *qurra'* telah gugur syahid. Beliau mencadangkan kepada Saidina Abu Bakr ؓ supaya mengumpulkan al-Quran di dalam satu mushaf. Maka apabila Saidina Abu Bakr ؓ bertanya:

¹⁴ Bagi membincangkan konsep dan isu bid'ah secara terperinci, - Insha Allah – penulis akan menyiapkan sebuah buku berkenaan di masa akan datang.

كَيْفَ أَفْعُلُ شَيْئًا لَمْ يَفْعَلْهُ رَسُولُ اللَّهِ صَلَّى اللَّهُ عَلَيْهِ وَسَلَّمَ؟

Maksudnya: “Bagaimanakah mungkin aku melakukan sesuatu yang tidak dilakukan oleh Rasulullah ﷺ?.”

Saidina ‘Umar ﷺ lantas menjawab:

هُوَ وَاللَّهُ خَيْرٌ

Maksudnya: “Ia - Demi Allah! - adalah sesuatu yang baik.”

Dan apabila Saidina Abu Bakr ﷺ telah dilapangkan dadanya untuk bersetuju dengan pandangan Saidina ‘Umar ﷺ, beliau lantas memanggil Zayd Ibn Thabit ﷺ dan memintanya untuk mengumpulkan al-Quran. Saidina Zayd ﷺ bertanya soalan yang serupa:

كَيْفَ تَفْعَلَا نِحْنَ شَيْئًا لَمْ يَفْعَلْهُ النَّبِيُّ صَلَّى اللَّهُ عَلَيْهِ وَسَلَّمَ؟

Maksudnya: “Bagaimanakah mungkin kamu berdua melakukan sesuatu yang tidak dilakukan oleh Rasulullah ﷺ?.”

Saidina Abu Bakr ﷺ lantas menjawab:

هُوَ وَاللَّهُ خَيْرٌ

Maksudnya: “Ia - Demi Allah! - adalah sesuatu yang baik.”

Dan akhirnya Zayd Ibn Thabit ﷺ juga dilapangkan dadanya untuk menerima pandangan Saidina Abu Bakr ﷺ dan Saidina ‘Umar ﷺ berkenaan kebaikan pengumpulan al-Quran tersebut walaupun ianya tidak dilakukan oleh Rasulullah ﷺ.

Berdasarkan daripada athar tersebut, kita dapat memahami bahawa:

- “Tidak semua perkara baharu atau tidak dilakukan oleh Rasulullah ﷺ itu termasuk di dalam bid’ah yang diharamkan oleh Shariat.”
- Bersikap wara’ dan teliti di dalam melakukan urusan berkenaan agama Islam adalah amalan para Sahabat ﷺ.

- Ijtihad oleh para ulama' yang muktabar adalah merupakan pintu kepada pertimbangan perkara baru dan baik (*bid'ah hasanah*) dari perspektif Shariat.
- Perkara baru dan baik (atau *bid'ah hasanah*) telah memelihara agama ini sehingga ke hari ini sepetimana al-Quran dan al-Sunnah telah terpelihara sehingga ke hari ini dengan begitu banyak perkara baru dan baik berlaku pada kedua-duanya.

Keistimewaan ijtihad Saidina Abu Bakr ﷺ and Saidina ‘Umar ﷺ pula ada diisyaratkan oleh Rasulullah ﷺ di dalam hadith-hadith Baginda. Huzayfah Ibn Husayl ﷺ meriwayatkan bahawa: Rasulullah ﷺ bersabda:

اَقْتَدُوا بِاللّٰهِيْنِ مِنْ بَعْدِيْ : أَبِي بَكْرٍ ، وَعُمَّارَ

Maksudnya: “Ikutilah mereka berdua selepas [ketiadaan]ku: (iaitu) Abu Bakr dan ‘Umar.”

T: (Ahmad (241H), 1995 - al-Musnad) – Dengan sanad yang baik (hasan).

2.3 Saidina ‘Umar al-Khattab ﷺ : “Sebaik-baik Bid‘ah adalah Perkara Ini.”

Saidina ‘Umar al-Khattab ﷺ pernah menggunakan istilah yang hampir sama kepada jemaah yang mengerjakan Sembahyang Tarawih di bulan Ramadan di belakang seorang imam dengan katanya:

نِعْمَتِ الْبِدْعَةِ هَذِهِ

Maksudnya: “Sebaik-baik bid‘ah adalah perkara ini!”

Bahkan lebih awal daripada itu lagi, Saidina ‘Umar al-Khattab ﷺ telah menamakan sesuatu yang tidak dilakukan oleh Rasulullah ﷺ, iaitu pengumpulan al-Quran di dalam satu mushaf, sebagai sesuatu yang baik (*khayr*) dan pendapat beliau ini dipersetujui oleh Saidina Abu Bakr ﷺ

dan kemudiannya Zayd Ibn Thabit ﷺ. Bahkan ia diterima sebagai *ijma'* para Sahabat ﷺ setelah itu.

◦Uqbah Ibn ◦Amir ﷺ meriwayatkan bahawa: Aku mendengar Rasulullah ﷺ bersabda:

لَوْ كَانَ مِنْ بَعْدِي نَبِيٌّ، لَكَانَ عُمَرُ بْنُ الْخَطَّابِ

Maksudnya: “Sekiranya ada nabi selepasku, maka pastinya ‘Umar Ibn al-Khattab adalah orangnya.”

T: (*Ahmad (241H), 1995 - al-Musnad*) - Dengan sanad yang baik.

Maka, penggunaan istilah “baik” bagi perkataan bid’ah atau perkara baharu selepas kewafatan Rasulullah ﷺ adalah berasal daripada ijtihad para sahabat Rasulullah ﷺ, khususnya Saidina Umar al-Khattab ﷺ dan bukannya direka semata-mata oleh ulama’ terkemudian. Dan, apabila al-Imam al-Shafie rah.a. menjelaskan hal ini dengan lebih terperinci, pastinya beliau mempunyai sandaran yang jelas daripada Shariat yang akan dibentangkan sebahagiannya nanti.

2.4 Al-Imam al-Shafie ﷺ: “Bid’ah itu Dua Jenis Bid’ah”

Di antara sumbangan besar al-Imam al-Shafie rah.a. dalam ilmu Usul al-Fiqh ialah pembahagian dan perincian beliau terhadap istilah “*al-bid’ah*” (sesuatu yang baharu) dan *al-muhdathat* (perkara baharu yang diadakan).¹⁵ Ini diriwayatkan dengan sanad yang sahih melalui dua muridnya yang terkenal pada zaman akhir kehidupan beliau di Kaherah, Mesir iaitu:

1. Harmalah Ibn Yahya al-Tujaybi, Pakar hadith Mesir, dan
2. Al-Rabi^c Ibn Sulayman al-Muradi

¹⁵ (Haddad, 2009 - The sunni definition of bid`a as either good or bad)

Harmalah menyebut: “Aku mendengar Al-Imam al-Shafie (rah.a.) berkata:

الْبِدْعَةُ بِدْعَاتٍ: مَحْمُودَةٌ وَمَذْمُومَةٌ، فَمَا وَاقَ السُّنَّةَ فَهُوَ مَحْمُودٌ، وَمَا خَالَفَهَا فَهُوَ مَذْمُومٌ

Maksudnya: “Bida’h itu ada dua jenis: (i) yang dipuji, dan (ii) yang dikeji. Maka apa yang bersepakat dengan al-Sunnah, maka ia adalah dipuji, dan apa yang menyalahinya / bertentangan dengannya, maka ia adalah dikeji.”

R: (*Abu Nu’aym al-Asbahani (430H), 1409H - Hilyat al-Awliya' wa Tabaqat al-Asfiya'*)

Al-Rabi^c Ibn Sulayman al-Muradi juga meriwayatkan kenyataan yang sama bahawa dengan berkata: “Al-Imam Al-Shafie berkata kepada kami:

الْمُخْدَثَاتُ مِنَ الْأُمُورِ ضَرِبَانِ: مَا أُخْدِثَ يُخَالِفُ كِتَابًا أَوْ سُنَّةً أَوْ أَثْرًا أَوْ إِجْمَاعًا، فَهِذِهِ بِدْعَةٌ ضَلَالٌ. وَمَا أُخْدِثَ مِنْ الْخِيْرِ لَا خِلَافَ لِوَاحِدٍ مِنْ هَذَا، فَهِذِهِ مُحْدَثَةٌ غَيْرُ مَذْمُومَةٍ.
قَدْ قَالَ عُمَرُ فِي قِيَامِ رَمَضَانَ: ((نِعْمَتِ الْبِدْعَةُ هَذِهِ))

Maksudnya: “Perkara-perkara baru daripada urusan (dunia dan agama) ada dua bahagian:

- (i) Apa yang baru diperbuat dan menyalahi kitab al-Qur'an atau al-Sunnah atau Athar atau Ijma^c, maka ini adalah bid'ah yang sesat, dan:
- (ii) Apa yang baru diperbuat daripada kebaikan dan tidak bertentangan dengan mana-mana satu daripada (empat perkara) ini, maka ia adalah perkara baru yang tidak dikeji. Sesungguhnya telah berkata (Saidina) ‘Umar (رضي الله عنه) pada menghidupkan malam Ramadan (dengan solat Tarawih): Sebaik-baik bid'ah, inilah dia.”

R: (*Ibn 'Asakir (571H), 1995 - Tabyin Kadhib al-Muftari 'ala Abi al-Hasan al-Ash'ari*)

Perkara yang sama juga telah dinukilkkan oleh al-Imam al-Dhahabi di dalam kitab beliau “Siyar A’lam al-Nubala” daripada Imam al-Bayhaqi bahwa al-Rabi^c Ibn Sulayman al-Muradi berkata: (al-Imam) al-Shafie berkata:

الْمُحْدَثَاتُ مِنَ الْأُمُورِ ضَرْبَانٍ: مَا أُخْدِثَ يُخَالِفُ كِتَابًا أَوْ سُنَّةً أَوْ أَثْرًا أَوْ إِجْمَاعًا، فَهَذِهِ
الْبِدْعَةُ ضَلَالٌ، وَمَا أُخْدِثَ مِنَ الْخَيْرِ لَا خِلَافَ فِيهِ لِوَاحِدٍ مِنْ هَذَا، فَهَذِهِ مُحْدَثَةٌ غَيْرُ
مَذْمُومَةٍ، قَدْ قَالَ عُمَرُ فِي قِيَامِ رَمَضَانَ: نِعْمَتِ الْبِدْعَةُ هَذِهِ، يَعْنِي أَنَّهَا مُحْدَثَةٌ لَمْ
تُكُنْ، وَإِذَا كَانَتْ فَلَيْسَ فِيهَا رَدٌّ لِمَا مَضَى. رَوَاهُ الْبَيْهَقِيُّ، عَنْ الصَّدِيفِيِّ، عَنْ الْأَصَمِّ

Maksudnya: “Perkara-perkara baru itu ada dua jenis:

- (i) Sesuatu yang dimulakan dan bertentangan dengan kitab (al-Quran) atau Sunnah atau Athar atau Ijma’ maka bid’ah ini adalah satu kesesatan, dan
- (ii) Sesuatu yang dimulakan daripada kebaikan serta tidak bertentangan dengan salah satu daripada (empat) perkara ini, maka ini adalah perkara baru yang tidak terkeji.

Sesungguhnya ‘Umar ﷺ telah berkata berkenaan qiyam Ramadan (solat Tarawih secara berjemaah di belakang seorang imam): “Sebaik-baik bid’ah inilah ia,” iaitu sesungguhnya ia adalah perkara baru yang belum pernah terjadi/berlaku, dan walaupun ia adalah (perkara baru), (akan tetapi) tidak ada padanya penolakan terhadap apa yang telah lalu (daripada empat sumber terdahulu).

Ia telah diriwayatkan oleh al-Bayhaqi, daripada al-Sadafi, daripada al-Asamm.”

R: (*al-Dhahabi (748H), 1992 - Siyar A’lam al-Nubala’*)

Perkara ini juga telah dinukilkkan oleh salah seorang ulama’ hadith terkemuka yang berpegang dengan mazhab al-Shafie. Al-Imam al-Bayhaqi (wafat 458H) meriwayatkan di dalam “*Manaqib Al-Imam al-Shafi’i rah.a.*” bahawa Al-Imam al-Shafie berkata:

الْمُحَدَّثَاتُ ضَرْبَانٍ: مَا أَحْدِثَ يُخَالِفُ كِتَابًا أَوْ سُنَّةً أَوْ أَثْرًا أَوْ إِجْمَاعًا فَهَذِهِ بَدْعَةُ الضَّلَالِ،
 وَمَا أَحْدِثَ مِنْ الْخُيُّرِ لَا يُخَالِفُ شَيْئًا مِنْ ذَلِكَ فَهَذِهِ مُحَدَّثَةٌ غَيْرُ مَذْمُومَةٌ

Maksudnya: “Perkara yang baru itu dua jenis:

- (i) Sesuatu yang dimulakan dan bertentangan dengan kitab (al-Quran) atau Sunnah atau Athar atau Ijma’ maka ia adalah bid’ah kesesatan, dan
- (ii) Sesuatu yang dimulakan daripada kebaikan serta tidak bertentangan dengan sesuatu daripada perkara yang tersebut (al-Quran, al-Sunnah, Athar atau Ijma’), maka ia adalah perkara baru yang tidak terkeji”.

R: (*al-Bayhaqi (458H), 1970 - Manaqib al-Shaf'i*).

Kebaikan dan keburukan sesuatu perkara yang baru wujud itu tidak diukur berdasarkan waktu kewujudannya. Penilaian samada perkara yang baru wujud itu ‘baik’ atau ‘buruk’ bergantung kepada sejauhmanakah perkara itu selari dengan Shariat atau tidak. Al-Imam al-Shafie telah meletakkan suatu kriteria asas yang perlu digunakan dalam meletakkan hukum terhadap sesuatu ‘perkara baharu’. Perkara yang baru tidak menjadi haram kerana sifat baharunya, tetapi kerana bertentangan dengan asas-asas Shariat. Al-Imam al-Shafie telah menggunakan istilah bid’ah terpuji (*bid’ah mahmudah*) dan bid’ah petunjuk (*bid’ah huda*) sepertimana yang telah dibentangkan sebelum ini, maka tidak lah menjadi satu kehairanan apabila ulama’ mazhab al-Shafie telah menerima istilah *bid’ah hasanah* ini secara ijma’ tanpa khilaf di kalangan mereka (Gibril Fuad Haddad, 2009). Sebenarnya Al-Imam al-Shafie bukanlah orang pertama yang menggunakan perkataan “baik” untuk istilah bid’ah. Bahkan, Al-Imam al-Shafie menyandarkan penggunaan istilah ini kepada Saidina ‘Umar al-Khattab ﷺ sepertimana yang telah diriwayatkan daripada beliau.

2.5 Sejenak Memahami Hadith Bid'ah Secara Menyeluruh

Al-^cIrbad Ibn Sariyah ﷺ berkata:

صَلَّى بِنَا رَسُولُ اللَّهِ ﷺ ذَاتَ يَوْمٍ ثُمَّ أَقْبَلَ عَلَيْنَا فَوَعَظَنَا مَوْعِظَةً بَلِيجَةً ذَرَفَتْ مِنْهَا الْعَيْنُونُ وَوِجَلَتْ مِنْهَا الْقُلُوبُ، فَقَالَ قَائِلٌ: يَا رَسُولَ اللَّهِ كَأَنَّ هَذِهِ مَوْعِظَةً مُوَدِّعًا، فَمَاذَا تَعْهَدْ إِلَيْنَا؟ فَقَالَ: أُوصِيكُمْ بِتَقْوَى اللَّهِ وَالسَّمْعِ وَالطَّاعَةِ، وَإِنْ عَبْدًا حَبَشِيًّا فَإِنَّهُ مَنْ يَعِيشُ مِنْكُمْ بَعْدِي فَسَيَرَى اخْتِلَافًا كَثِيرًا، فَعَلَيْكُمْ بِسُنْنَتِي وَسُنْنَةِ الْخُلَفَاءِ الْمُهَدِّيِّينَ الرَّاشِدِيِّينَ تَمَسَّكُوا بِهَا وَعَضُّوا عَلَيْهَا بِالنَّوَاجِذِ، وَإِيَّاكُمْ وَمُحْدَثَاتِ الْأُمُورِ فَإِنَّ كُلَّ مُحْدَثَةٍ بِدُعَةٍ وَكُلَّ بِدُعَةٍ ضَلَالٌ

Maksudnya: “Rasulullah ﷺ telah mengerjakan solat dengan kami pada satu hari, kemudian (setelah selesai solat), Baginda ﷺ mengadap kepada kami dan memberikan satu nasihat yang amat menyentuh hati, mata-mata mengalirkan air mata kerananya, dan hati-hati bergetar kerananya. Maka seseorang berkata: Wahai Rasulullah! Sesungguhnya ini adalah seumpama nasihat seseorang yang memberi ucapan perpisahan, maka apakah yang Tuan muh berpesan kepada kami?.

Baginda ﷺ bersabda:

(i) Aku berpesan kepada kamu dengan Taqwa kepada Allah, dan mendengar serta taat, walaupun seorang hamba Habshi (menjadi ketua kamu). Maka sesungguhnya barangsiapa dari kalangan kamu yang hidup selepas (kewafatan)ku, maka dia akan melihat pertelingkahan yang begitu banyak.

(ii) Maka hendaklah kamu berpegang dengan sunnahku dan sunnah para khulafa’ al-Rashidin yang diberi petunjuk lagi bijaksana, berpeganglah dengannya dan peganglah ia dengan kemas (seperti kamu memegangnya dengan gigi gerham yang paling dalam sekali).

(iii) Dan berhati-hatilah kamu daripada perkara-perkara baru, maka sesungguhnya setiap yang baru itu adalah bid’ah, dan setiap bid’ah itu adalah kesesatan.”

T: (Abu Dawud (275H), 2010 - Sunan Abi Dawud); (al-Tirmidhi (279H), - al-Jami' al-Kabir (Sunan al-Tirmidhi)); (Ibn Mājah (273H), - Sunan Ibn Mājah); (al-Darimi (255H), - Sunan al-Darimi); (Ahmad (241H), 1995 - al-Musnad); (Ibn Hibban (354H), 1993 - Sahih Ibn Hibban); (al-Hakim (405H), 1990 - al-Mustadrak 'ala al-Sahihayn) dan lain-lain.

Secara ringkasnya hadith ini boleh dibahagikan kepada tiga bahagian¹⁶ dan setiap bahagiannya adalah berkaitan di antara satu sama lain dan memberikan makna dan konteks yang dimaksudkan oleh Baginda Rasulullah ﷺ.

Bahagian pertama menyuruh kita bertaqwah dan memberikan ketaatan kepada pemimpin umat Islam walaupun dia adalah seorang yang rendah kedudukannya pada pandangan mata kita tatkala berlakunya perpecahan yang banyak di kalangan umat Islam.

Bahagian yang kedua menyuruh kita agar terus berpegang dengan Sunnah Baginda Rasulullah ﷺ dan para pewaris Baginda yang benar-benar mengamalkan Sunnah Baginda dan memahami maksud daripadanya dengan sebaik-baiknya. Bahkan, di dalam bahagian yang kedua ini terdapat pengiktirafan daripada Rasulullah ﷺ bahawa di sana ada perkara-perkara baik yang akan dimulakan oleh para pewaris Baginda ﷺ. Baginda ﷺ juga menamakan perbuatan mereka dengan menggunakan lafaz “Sunnah”.

Bahagian ketiga pula menyuruh agar kita berhati-hati dengan perkara-perkara baru yang akan membawa kepada kesesatan. Dan jika diamati dengan teliti bahagian ketiga ini dan hubungannya dengan bahagian yang pertama dan kedua, maka kita dapat lihat

¹⁶ Seperti nombor yang telah penulis letakkan di dalam terjemahan hadith tersebut: (i), (ii) dan (iii).

bahawa maksud perkara-perkara baru yang dilarang itu ialah perkara-perkara baru yang membawa kepada perpecahan umat Islam.

Walaupun istilah bid'ah itu pada asasnya merangkumi segala bid'ah sama ada dalam bentuk zahir atau batin, atau sama ada dalam bentuk aqidah (*i'tiqadi*), perbuatan (*'amali*) atau perkataan (*qawli*). Namun begitu, sebahagian ulama' muta'akhirin mula mengkhususkan istilah al-Sunnah dan al-Bid'ah di dalam perkara-perkara aqidah kerana ia adalah merupakan asas agama dan kesalahan padanya adalah kesalahan yang besar. Ini adalah kerana makna perpecahan umat itu lebih jelas dan kuat pada perpecahan aqidah. Imam Ibn Rajab al-Hanbali menyebut:

وَكَثِيرٌ مِنَ الْعُلَمَاءِ الْمُتَأْخِرِينَ يَخُصُّ اسْمَ السُّنْنَةِ بِهَا يَتَعَلَّقُ بِالْاعْتِقَادَاتِ، لِأَنَّهَا أَصْلُ الدِّينِ،
وَالْمُخَالِفُ فِيهَا عَلَى خَطَرٍ عَظِيمٍ

Maksudnya: “Dan ramai dari kalangan para ulama’ terkemudian mengkhususkan nama al-Sunnah dengan apa yang berkaitan dengan kepercayaan-kepercayaan aqidah, kerana sesungguhnya ia adalah asas agama dan seseorang yang bertentangan (dengan al-Sunnah) padanya berada di atas bahaya yang amat besar.”

R: (*Ibn Rajab al-Hanbali (795H), 2001 - Jami' al-'Ulum wa al-Hikam fi Sharh Khamsin Hadithan min Jawami' al-Kalim*).

Tambahan lagi, sekiranya kita melihat dengan teliti kejian dan kata-kata amaran para ulama' Salafus Soleh terhadap ahli-ahli bid'ah, maka kita akan dapat melihat bahawa kebanyakannya atau hampir kesemuanya ditujukan kepada ahli-ahli bid'ah di dalam perkara-perkara aqidah. Dan makna perpecahan umat Islam secara jelasnya adalah merujuk kepada perpecahan dari sudut aqidah dan bukannya perkara-perkara kecil lagi *furu'*. Ini adalah kerana perbezaan dalam perkara *furu'*, apabila ia bersandarkan kepada kefahaman yang betul terhadap

nas-nas Shariat, maka ia diperakui oleh Rasulullah ﷺ seperti mana yang terdapat dalam banyak hadith Baginda ﷺ.

Para ulama' juga ada menyebutkan bahawa perpecahan umat Islam itu adalah dalam bentuk zahir dan batin. Perpecahan zahir berlaku apabila berlakunya kemurtadan dan perpecahan batin berlaku dengan aqidah-aqidah yang sesat lagi bid'ah. Dan perpecahan aqidah yang merupakan bid'ah kesesatan dan akan melanda umat ini telah diberitahu oleh Baginda ﷺ di dalam hadith yang lain. Abu Hurayrah رضي الله عنه meriwayatkan bahawa sesungguhnya Rasulullah ﷺ bersabda:

نَفَرَ قِتْلَةُ الْيَهُودُ عَلَىٰ إِحْدَىٰ وَسَبْعِينَ أَوِ اثْتَتِينَ وَسَبْعِينَ فِرْقَةً وَالنَّصَارَىٰ مِثْلُ ذَلِكَ، وَنَفَرَ قِتْلَةُ أُمَّتِي عَلَىٰ ثَلَاثٍ وَسَبْعِينَ فِرْقَةً

Maksudnya: "Yahudi telah berpecah kepada tujuh puluh satu atau tujuh puluh dua golongan; dan Nasrani pun (telah berpecah) seumpama itu; Dan umatku akan berpecah kepada tujuh puluh tiga golongan."

T: (*al-Tirmidhi* (279H), - *al-Jami' al-Kabir* (*Sunan al-Tirmidhi*)); (*Abu Dawud* (275H), 2010 - *Sunan Abi Dawud*); (*Ibn Mājah* (273H), - *Sunan Ibn Mājah*); (*Ahmad* (241H), 1995 - *al-Musnad*); (*Ibn Hibban* (354H), 1993 - *Sahih Ibn Hibban*); (*al-Bayhaqi* (458H), 2000 - *al-Sunan al-Kubra*); (*al-Bayhaqi* (458H), 1988 - *al-I'tiqad ila Sabil al-Rashad*); (*Abu Ya'la al-Mawsili* (307H), 1992 - *Musnad Abu Ya'la al-Mawsili*); (*Ibn al-Jawzi* (597H), 2001 - *Talbis Iblis*) dan lain-lain.

Oleh sebab itu, ramai para ulama' apabila memberikan contoh berkenaan bid'ah yang haram dan bid'ah yang sesat, maka mereka akan memberikan contoh-contoh bid'ah di dalam perkara aqidah. Ini amat ketara di dalam kenyataan Sultan al-'Ulama' 'Izz al-Din Ibn 'Abd al-Salam dan para ulama' lain yang akan diketengahkan nanti.

Hakikat ini sangat bertentangan dengan sikap sebahagian golongan ekstrim yang menyifatkan ahli bid'ah sebagai umat Islam yang beramal dengan amalan *khilafiyah* di antara mazhab muktabar, atau

amalan-amalan sunat tambahan. Bahkan golongan eksktrim ini bersikap melampau apabila membid'ahkan perkara yang disepakati oleh mazhab-mazhab muktabar Ahli Sunnah dan Jama'ah.

2.6 Bagaimana Ulama' Memahami Hadith: "Setiap Bid'ah adalah Sesat"

Al-Imam Abu al-Hasanat Muhammad ḡAbd al-Hayy al-Laknawi¹⁷ menyatakan bahawa terdapat dua pendekatan para ulama' di dalam memahami hadith ini, iaitu:

Pendekatan pertama:

Majoriti para ulama' menyatakan bahawa hadith ini adalah khusus dari sudut makna walaupun umum dari sudut lafaz. Oleh itu, pendekatan ini menyatakan bahawa bid'ah yang sesat itu hanyalah bid'ah yang bertentangan dengan al-Quran, al-Sunnah, al-Athar atau Ijma'. Inilah pendekatan yang dipelopori oleh Al-Imam al-Shafie.

Pendekatan kedua:

Sebahagian para ulama' pula menyatakan bahawa hadith tersebut kekal dalam maknanya yang umum. Namun begitu, bid'ah yang dimaksudkan di dalam hadith ini ialah *Bid'ah Shar'iyyah* (Bid'ah dari sudut Shariat) sahaja dan tidak termasuk *Bid'ah Lughawiyah* (Bid'ah dari sudut bahasa).

Berdasarkan pemerhatian penulis, sebahagian ulama' yang mensyarahkan hadith tersebut menggunakan atau menyatakan kedua-dua pendekatan tersebut sekali gus. Berikut adalah penerangan bagi kedua-dua pendekatan ini.

¹⁷ (al-Maliki (1425H), 1998 - Manhaj al-Salaf fi Fahm al-Nusus bayn al-Nazariyyah wa al-Tatbiq)

2.6.1 Pendekatan 1: Pengkhususan Makna Umum Hadith

Berikut adalah nukilan penulis daripada sebahagian ulama' yang masyhur berkenaan kedudukan hadith tersebut sebagai lafaz umum yang dikhkususkan maknanya.

2.6.1.1 Al-Imam al-Khattabi (Wafat 388 H)

Al-Imam Ahmad Ibn Muhammad al-Khattabi al-Busti (wafat 388 H) menyebut ketika mensyarahkan hadith ini:

وقوله : (كُل محدثة بدعة) فإن هذا خاص في بعض الأمور دون بعض ، وهي كل شيء أحدث على غير أصل من أصول الدين وعلى غير معياره وقياسه ، وما كان منها مبنياً على قواعد الأصول ومردوهاً إليها فليس ببدعة ولا ضلاله والله أعلم

Maksudnya: “Dan kata-kata Baginda ﷺ: (Setiap perkara baru adalah bid’ah), maka sesungguhnya ia adalah khas pada sebahagian perkara tanpa (melibatkan) sebahagian (perkara yang lain), dan ia adalah setiap sesuatu yang dicipta / dimulakan tanpa berdasarkan kepada salah satu asas daripada asas-asas agama dan bukan di atas neraca dan analoginya.

Dan apa yang daripadanya (perkara-perkara baru tersebut) yang dibina di atas kaedah-kaedah prinsip (agama) dan kembali kepadanya, maka ia bukanlah bid’ah dan bukanlah juga kesesatan. Dan Allah Maha Mengetahui.”

R: (*al-Khattabi (388H), 1932 - Ma'alim al-Sunan: Sharh Sunan Abi Dawud*)

2.6.1.2 Al-Imam al-Nawawi (Wafat 676 H)

Al-Imam al-Nawawi secara jelas menerangkan bahawa hadith tersebut adalah lafaz umum yang dikhkususkan maknanya. Beliau menyebut:

قَوْلُهُ : (وَكُلُّ بِدْعَةٍ ضَلَالٌ) هَذَا عَامٌ مُخْصُوصٌ، وَالْمُرَادُ غَالِبُ الْبِدَعِ

Maksudnya: “Sabdaan Baginda ﷺ: “Dan setiap bid’ah itu adalah sesat” merupakan satu lafaz umum yang maknanya dikhkususkan. Dan makna yang dikehendaki ialah kebanyakan bid’ah.”

R: (*al-Nawawi (676H), 1999 - al-Minhaj: Sharh saih Muslim Ibn al-Hajjaj*)

Beliau juga menyebut:

فَإِذَا عُرِفَ مَا ذَكَرْتُهُ عُلِمَ أَنَّ الْحُدِيثَ مِنْ الْعَامِ الْمُخْصُوصِ. وَكَذَا مَا أَشْبَهَهُ مِنْ الْأَحَادِيثِ الْوَارِدَةِ، وَيُؤَيَّدُ مَا قُلْنَاهُ قَوْلُ عُمَرَ بْنِ الْخَطَّابِ رَضِيَ اللَّهُ عَنْهُ فِي التَّرَاوِيْحِ : نِعْمَتُ الْبِدَعَةُ

...

“Maka sekiranya diketahui apa yang telah aku sebutkan, diketahuilah bahawa sesungguhnya hadith tersebut adalah daripada jenis umum lafaznya serta khusus maksudnya. Dan begitulah juga seumpamanya daripada hadith-hadith lain yang datang dalam bab ini, dan kata-kata ‘Umar Ibn al-Khattab ﷺ berkenaan solat al-Tarawih: “Sebaik-baik bid’ah, inilah dia,” menguatkan apa kami sebutkan ini.”

R: (*al-Nawawi (676H), 1999 - al-Minhaj: Sharh saih Muslim Ibn al-Hajjaj*)

2.6.1.3 Al-Imam Shams al-Din al-Kirmani (Wafat 786 H)

Berkenaan perkara yang sama, al-Imam Shams al-Din Muhammad Ibn Yusuf al-Kirmani pula menyebut di dalam kitab syarahannya bagi Sahih al-Bukhari:

وَحَدِيثُ (كُلُّ بِدْعَةٍ ضَلَالٌ) مِنْ الْعَامِ الْمُخْصُوصِ.

Maksudnya: “Dan hadith “Setiap bid’ah itu adalah sesat” adalah daripada (lafaz) umum (dengan makna yang) dikhkususkan.”

R: (*Shams al-Din al-Kirmani (786H), 1981 - al-Kawakib al-Darari fi Sharh Sahih al-Bukhari*). Ia juga dikenali sebagai” Sharh al-Kirmani c^ala Sahih al-Bukhari.”

2.6.1.4 Al-Imam al-Hafiz Ibn Hajar al-^cAsqalani (Wafat 852 H)

Al-Imam al-Hafiz Ibn Hajar al-^cAsqalani al-Shafi^ci mensyarahkan hadith ini dengan menyebut:

والمراد بقوله (كل بدعة ضلاله) ما أحدث ولا دليل له من الشرع بطريق خاص ولا عام. فليس في هذا الحديث كلية تقتضي شمول الضلاله لكل محدث ، بل هو من قبيل العام المخصوص أو العام الذي أريد به المخصوص.

Maksudnya: “Dan makna yang dikehendaki dengan sabdaan Baginda ﷺ: (Setiap bid’ah adalah kesesatan) (ialah) sesuatu yang dimulakan dan tidak ada baginya dalil dari Shariat sama ada dengan jalan yang khusus atau umum. Maka tidak ada di dalam hadith ini “lafaz *kull*” yang menuntut makna kesesatan itu meliputi setiap perkara yang baru.

Bahkan ia (hadith ini) adalah daripada (lafaz) umum yang dikhkususkan atau lafaz umum yang dikehendaki dengannya makna yang khusus.”

R: (*Ibn Hajar al-'Asqalani (852H), 1960 - Fath al-Bari bi Sharh Sahih al-Bukhari*)

2.6.1.5 Al-Imam Ahmad Ibn Yahya al-Wansharisi al-Maliki (Wafat 914 H)

Al-Imam Ahmad Ibn Yahya al-Wansharisi al-Maliki menyebut:

وبعد وقوفك على هذا التحصيل والتأصيل لا تشک أن قوله صلی الله علیہ وسلم: ((كل بدعة ضلاله))، من العام المخصوص كما صرّح بها الأئمة رضوان الله علیهم.

Maksudnya: “Dan setelah kamu berdiri di atas hasil (kajian) dan prinsip ini, kamu tidak akan lagi syak bahawa sesungguhnya sabdaan Rasulullah ﷺ: “Setiap bid’ah itu adalah sesat” adalah daripada (lafaz) umum yang dikhkususkan (maknanya) sepetimana yang telah dijelaskan oleh para imam – (Semoga) keredaan Allah ﷺ dicurahkan ke atas mereka.”

R: (Abu al-'Abbas al-Wansharisi (914H), 1981 - *al-Mi'yar al-Mu'rib wa al-Jami' al-Mughrib 'an Fatawa Ahl Ifriqiyyah wa al-Andalus wa al-Maghrib)*

2.6.1.6 Al-Imam Zayn al-Din al-Munawi (Wafat 1031 H)

Al-Imam Zayn al-Din al-Munawi (w.1031 H) pula menyebut:

وَقَوْلُهُ (وَكُلُّ إِلَيْ آخِرِهِ) عَامٌ مَخْصُوصٌ

Maksudnya: “Dan sabdaan Baginda (Rasulullah ﷺ): “Dan setiap (bid’ah itu adalah sesat) sehingga ke akhir hadith” adalah merupakan (lafaz) umum (yang) dikhkususkan (maknanya).”

T: (Zayn al-Din al-Munawi (1031H), 1356H - *Fayd al-Qadir Sharh al-Jami' al-Saghir*)

2.6.1.7 Al-Imam Ibn al-‘Allan al-Siddiqi al-Shafi‘i (Wafat 1057 H)

Al-Imam Ibn al-‘Allan al-Siddiqi al-Shafi‘i al-Ash‘ari al-Makki menyebut di dalam kitabnya yang masyhur “*Dalil al-Falihin li Turuq Riyad al-Salihin*” yang merupakan syarahan bagi kitab al-Imam al-Nawawi yang bertajuk “*Riyad al-Salihin*”:

فَعْلَمْ أَنْ قَوْلَهُ: «وَكُلُّ بَدْعَةٍ ضَلَالٌ» عَامٌ أُرِيدُ بِهِ خَاصٌ إِذْ سَنَةُ الْخَلْفَاءِ الرَّاشِدِينَ مِنْهَا مَعَ أَنَّا أَمْرَنَا بِاتِّبَاعِهَا لِرَجُوعِهَا إِلَى أَصْلِ شَرْعِي

“Maka diketahui bahawa sesungguhnya sabdaan Baginda “Dan setiap bid’ah itu adalah kesesatan” merupakan (lafaz) umum yang dikehendaki dengannya (makna yang) khusus, kerana di dalam sunnah para al-Khulafa’ al-Rashidin itu terdapat (perkara-perkara baru/ bid’ah) sedangkan kita sesungguhnya diperintahkan untuk mengikutnya (sunnah-sunnah / perkara-perkara baru tersebut) kerana ia kembali kepada asas Shariat.”

R:(Ibn ‘Allan (1057H), 2004 - *Dalil al-Falihin li Turuq Riyad al-Salihin*)

2.6.1.8 Al-Imam Muhammad al-Zurqani (Wafat 1122 H)

Di dalam kitabnya: “Sharh al-Zurqani ‘ala al-Muwatta”, Bab: Apa Yang Datang Berkenaan Qiyam Ramadan, Al-Imam Abu ‘Abdillah Muhammad Ibn ‘Abd al-Baqi al-Zurqani al-Maliki menyebut ketika mensyarahkan kata-kata Saidina ‘Umar ﷺ: Sebaik-baik bid’ah, inilah ia,” :

وَحَدِيثٌ " (كُلُّ بُدْعَةٍ ضَلَالٌ) " عَامٌ مَخْصُوصٌ

Maksudnya: “Dan hadith: “Setiap bid’ah adalah sesat” itu umum (dari sudut lafaz) dan (maknanya) telah dikhkususkan.”

R: (*al-Zurqani (1122H), 2003 - Sharh al-Zurqani 'ala al-Muwatta'*)

2.6.1.9 Al-Amir al-San‘ani (Wafat 1182 H/1768 M)

Al-Amir al-San‘ani berkata di dalam kitabnya yang masyhur, *Subul al-Salam*, setelah membicarakan tentang pembahagian bid’ah:

فَقُولُهُ: (كُلُّ بُدْعَةٍ ضَلَالٌ) عَامٌ مَخْصُوصٌ

Maksudnya: “Maka sabdaan Baginda (Setiap bid’ah itu adalah kesesatan) adalah umum (dari sudut lafaznya, tetapi) maknanya (khusus).”

R: (*al-Amir al-San‘ani (1182H), - Subul al-Salam*)

2.6.1.10 Al-Imam al-Alusi (Wafat 1270 H)

Al-Imam al-Alusi menyebut di dalam tafsirnya bagi ayat 27 dari surah al-Hadid, setelah beliau memberikan contoh-contoh bid’ah yang lima:

فَعِلِمَ أَنَّ قَوْلَهُ صَلَّى اللَّهُ تَعَالَى عَلَيْهِ وَسَلَّمَ "كُلُّ بُدْعَةٍ ضَلَالٌ" مِنْ الْعَامِ الْمَخْصُوصِ.

Maksudnya: “Maka diketahui bahawa sesungguhnya sabdaan (Rasulullah) ﷺ: “Setiap bid’ah adalah kesesatan” adalah daripada (lafaz) umum yang telah (dikhkususkan) maknanya.”

R: (*al-Alusi (1270H), 1994 - Ruh al-Ma'ani fi Tafsir al-Qur'an al-'Azim wa al-Sab' al-Mathani*)

Sedikit Rumusan:

Pengkhususan makna bagi lafaz umum bukanlah sesuatu yang asing di dalam bahasa. Di dalam ilmu balaghah, terdapat satu kaedah bahasa Arab yang menyebut:

إِلْتَاقُ الْكُلَّ وَإِرَادَةُ الْجُزْءِ / الْبَعْضِ

Maksudnya: “Lafaz sebutan meliputi semua, dan makna yang dikehendaki adalah juzu’nya atau sebahagiannya.”

Dan apabila para ulama’ menyatakan bahawa hadith tersebut adalah “*camm makhsus*”, ia bermaksud bahawa hadith tersebut adalah umum dari sudut lafaz, namun khusus dari sudut makna. Maksudnya walaupun secara zahirnya lafaz “كُلٌّ” itu meliputi setiap bid’ah (perkara baru), tetapi bukanlah semua bid’ah (perkara baru) itu diharamkan dan sesat, tetapi hanya sebahagiannya. Lafaz “كُلٌّ” di dalam bahasa Arab juga boleh menunjukkan penekanan atau *ta’kid* bagi sesuatu perkara selepasnya.

2.6.2 Pendekatan 2: Makna Umum Hadith Hanya Merangkumi Bid’ah dari sudut Shariat

Pendekatan kedua daripada kalangan sebahagian kecil para ulama’ ialah dengan mengekalkan makna umum lafaz bid’ah yang terdapat di dalam hadith ini, namun keumuman ini hanyalah terhad kepada makna bid’ah dari sudut Shariah dan tidak termasuk makna bid’ah dari sudut bahasa. Salah seorang ulama’ yang mengambil pendekatan ini ialah Al-Imam Al-Hafiz Ibn Rajab al-Hanbali. Beliau menyatakan di dalam kitabnya *Jami’ al-‘Ulum wa al-Hikam*:

فَقَوْلُهُ صَلَّى اللَّهُ عَلَيْهِ وَسَلَّمَ " كُلُّ بِدْعَةٍ ضَلَالٌ " مِنْ جَوَامِعِ الْكَلِمِ لَا يَخْرُجُ عَنْهُ شَيْءٌ ، وَهُوَ أَصْلُ عَظِيمٌ مِنْ أُصُولِ الدِّينِ، وَأَمَّا مَا وَقَعَ فِي كَلَامِ السَّلَفِ مِنْ إِسْتِحْسَانٍ بَعْضِ الْبِدَعِ فَإِنَّمَا ذَلِكَ فِي الْبِدَعِ الْلُّغُوِيَّةِ لَا الشَّرْعِيَّةِ، فَمِنْ ذَلِكَ قَوْلُ عُمَرَ رَضِيَ اللَّهُ عَنْهُ فِي التَّرَاوِيْحِ " نِعْمَتِ الْبِدَعَةُ هَذِهِ "

Maksudnya: “Maka, sabdaan Rasulullah ﷺ bahawa: “Setiap bid’ah itu adalah sesat” adalah merupakan salah satu daripada *jawami’ al-kalim* (kata-kata yang ringkas dengan makna yang luas) yang tidak terkeluar daripadanya sesuatu apa pun. Dan ia adalah merupakan asas yang besar daripada asas-asas Islam.

Dan adapun apa yang berlaku pada kata-kata ulama’ terdahulu daripada memandang baik sebahagian bid’ah (perkara-perkara baru), maka hanyasanya itu adalah pada bid’ah dari sudut bahasa dan bukanlah bid’ah dari sudut Shariah. Dan sebagai contoh daripada perkara ini ialah kata-kata Saidina ‘Umar ﷺ berkenaan solat Tarawih: “Sebaik-baik bida’h, inilah ia.”

R: (*Ibn Rajab al-Hanbali (795H), 2001 - Jami' al-'Ulum wa al-Hikam fi Sharh Khamsin Hadithan min Jawami' al-Kalim*)

2.6.3 Perbandingan di antara Kedua-dua Pendekatan Ini

Implikasi pendekatan pertama ialah pembahagian bid’ah kepada dua bahagian iaitu:

1. Bid’ah yang bertentangan dengan Shariat: Makna khusus yang dikehendaki oleh hadith Rasulullah ﷺ tersebut.
2. Bid’ah yang tidak bertentangan dengan Shariat: Termasuk di dalam makna umum lafaz bid’ah.

Pendekatan yang kedua pula membahagikan bid’ah kepada dua jenis iaitu:

1. Bid'ah Shar'iyyah: Bid'ah yang dimaksudkan di dalam hadith Rasulullah ﷺ tersebut.
2. Bid'ah Lughawiyyah: Bid'ah yang tidak dimaksudkan di dalam hadith Rasulullah ﷺ tersebut.


Apa yang dapat dilihat ialah kedua-dua pendekatan ini sebenarnya membawa natijah yang sama, iaitu **kedua-duanya tidak menafikan bahawa di sana terdapat perkara baru yang tidak dikeji oleh Shariat**, tetapi pendekatan kedua menyatakan bahawa perkara baru yang tidak bertentangan dengan Shariat bukanlah bid'ah dari sudut istilah Shariat, cuma bid'ah dari sudut bahasa.¹⁸ Pendekatan yang pertama pula memberi maksud bahawa *bid'ah lughawiyyah* itu juga termasuk di dalam lafaz bid'ah, tetapi ia bukanlah bid'ah yang dikeji oleh Shariat.

Maka jelaslah kepada kita sebenarnya perbezaan di antara kedua-dua pendekatan ini adalah sebenarnya perbezaan istilah semata-mata kerana:

“Bid'ah yang tidak bertentangan dengan Shariat berdasarkan pendekatan pertama sebenarnya adalah sama dengan Bid'ah Lughawiyyah di sisi pendekatan kedua.”

¹⁸ Bid'ah dari sudut bahasa ialah “sesuatu perkara yang dimulakan / dicipta tanpa ada contoh terdahulu.”

Gambarajah di bawah dapat memberikan ilustrasi bagi rumusan perbincangan ini.



2.6.4 Kalimah “*Kull*” Tidak Menafikan Pengkhususan Makna Umum Hadith

Salah tafsir yang berlaku kepada kalimah “كُلّ” yang bermakna “Setiap” di dalam hadith tersebut dan seumpamanya telah menimbulkan fahaman yang agak jumud dan keras bagi sebahagian pihak dalam mendepani perkara baru dan baik dari perspektif Shariah. Al-Imam al-Nawawi menjelaskan bahawa kewujudan kalimah “Setiap” di dalam hadith tersebut tidak menghalang wujudnya pengkhususan makna kerana hal ini juga turut berlaku di dalam nas-nas al-Quran dan al-Sunnah yang lain. Al-Imam al-Nawawi berkata:

وَلَا يَمْنَعُ مِنْ كَوْنِ الْحَدِيثِ عَامًّا مَخْصُوصًا . قَوْلُهُ : (كُلُّ بُدْعَةٍ) مُؤَكَّدًا (بِكُلِّ) ، بَلْ
 يَدْخُلُهُ التَّخْصِيصُ مَعَ ذَلِكَ ، كَقَوْلِهِ تَعَالَى : تُدَمِّرُ كُلُّ شَيْءٍ .

Maksudnya: “Dan kedudukan hadith ini sebagai sebuah hadith yang umum (lafaznya) dan khusus (maknanya) tidak dihalang dengan sabdaan Baginda: “Setiap bid’ah” – iaitu dikuatkan dengan

lafaz “كُلٌّ”, bahkan pengkhususan tetap berlaku bagi hadith tersebut walaupun bersama dengan kalimah (Setiap) itu seperti (firman Allah ﷺ): (Azab yang datang) memusnahkan setiap sesuatu.”

R: (*al-Nawawi (676H), 1999 - al-Minhaj: Sharh sahih Muslim Ibn al-Hajjaj*)

Contoh bagi kalimah “كُلٌّ” dengan lafaz yang umum, namun dengan makna yang khusus di dalam al-Quran dan al-Hadith adalah seperti berikut:

مِثَالُ الْعَامِ الَّذِي أُرِيدَ بِهِ الْخُصُوصُ

“Contoh bagi lafaz umum [di dalam nas Shariat] yang dikehendaki dengannya makna yang khusus”

2.6.4.1 Contoh Pertama: Al-Kahf, Ayat 79

Firman Allah ﷺ berkenaan kata-kata Nabi Khadir ﷺ dalam menjelaskan sebab beliau merosakkan perahu yang dimiliki oleh seorang miskin (Al-Kahf: 79):

﴿أَمَّا السَّفِينَةُ فَكَانَتْ لِمَسَكِينٍ يَعْمَلُونَ فِي الْبَحْرِ فَأَرَدْتُ أَنْ أَعِيهَا وَكَانَ وَرَاءَهُمْ مَلِكٌ يَأْخُذُ كُلَّ سَفِينَةٍ غَصْبًا﴾
79

Maksudnyanya: “Adapun perahu itu adalah ia dipunyai oleh orang miskin yang bekerja di laut; oleh itu, aku bocorkan dengan tujuan hendak mencacatkannya, kerana di belakang mereka nanti ada seorang raja yang pasti merampas **setiap** perahu.”

Sekiranya, raja tersebut merampas setiap perahu tanpa mengira yang baik atau yang cacat/rosak, maka tidak ada faedah bagi perbuatan Nabi Khadir ﷺ tersebut. Namun begitu, maksud “Setiap perahu” di dalam ayat di atas ialah “setiap kapal yang tidak cacat/rosak”. Kalimah “setiap” atau “كُلٌّ” tersebut tidak terpakai kepada kapal yang cacat/rosak.

Maka dengan mencacatkan kapal tersebut, Nabi Khadir ﷺ telah menyelamatkan kapal tersebut dari dirampas.

2.6.4.2 Contoh Kedua: Al-Ahqaf, Ayat 25

Firman Allah ﷺ berkenaan azab yang diturunkan kepada kaum Ḥād yang menolak seruan Nabi Hud ﷺ (al-Ahqaf: 25):

﴿ تُدْمِرُ كُلَّ شَيْءٍ بِمَا مَرِبَّهَا فَاصْبَحُوا لَا يُرَى إِلَّا مَسَكِنُهُمْ كَذَلِكَ نَجْزِي الْقَوْمَ الْمُجْرِمِينَ ﴾



Maksudnya: “(Angin sebagai azab) Yang menghancurkan setiap sesuatu dengan izin dari Tuhan. Maka menjadilah mereka punah ranah tidak kelihatan melainkan tempat-tempat tinggal mereka. Demikianlah Kami membalas kaum yang berdosa.”

Sekiranya lafaz “setiap sesuatu” itu diambil secara zahir, maka tidak ada sesuatu pun yang tinggal di dunia ini melainkan tempat tinggal kaum Ḥād. Namun begitu, kita dapat memahami bahawa “kull” di dalam ayat ini adalah merujuk kepada benda-benda bernyawa daripada kaum Ḥād iaitu kaum/orang ramai dan ternakan mereka.

2.6.4.3 Contoh Ketiga: Al-An’ām, Ayat 44

Firman Allah ﷺ berkenaan kaum-kaum terdahulu (al-An’ām: 44):

﴿ فَلَمَّا نَسُوا مَا ذُكِّرُوا بِهِ فَتَحَنَّا عَلَيْهِمْ أَبْوَابَ كُلِّ شَيْءٍ حَتَّىٰ إِذَا فِرَحُوا بِمَا آتُونَا أَخَذْنَاهُمْ بَغْتَةً فَإِذَا هُمْ مُبْلِسُونَ ﴾

Maksudnya: “Kemudian apabila mereka melupakan apa yang telah diperingatkan mereka dengannya, Kami bukakan kepada mereka pintu-pintu setiap sesuatu, sehingga apabila mereka bergembira dan bersukaria dengan segala nikmat yang diberikan kepada mereka, Kami timpakan mereka secara mengejut (dengan bala

bencana yang membinasakan), maka mereka pun berputus asa (dari mendapat sebarang pertolongan)."

Seandainya kalimah "setiap" / "kull" di dalam ayat di atas itu bersifat umum, maka ia sepatutnya juga meliputi pintu rahmat dan hidayat. Namun begitu, kita dapat memahami bahawa kalimah "kull" tersebut hanya meliputi nikmat-nikmat kemewahan dan kesenangan keduniaan. Maksudnya Allah ﷺ membukakan pintu-pintu nikmat keduniaan tersebut sebagai *istidraj* terhadap golongan yang ingkar agar mereka terus tenggalam di dalam kelalaian mereka sebelum datangnya azab Allah ﷺ.

2.6.4.4 Contoh Keempat: Hadith *al-Habbah al-Sawda'*

Abu Hurayrah ﷺ meriwayatkan bahawa beliau mendengar Rasulullah ﷺ bersabda:

فِي الْحُبَّةِ السَّوْدَاءِ شِفَاعَ مِنْ كُلِّ دَاءٍ، إِلَّا السَّامَ، قَالَ ابْنُ شِهَابٍ، وَالسَّامُ: الْمُوتُ

Maksudnya: "Di dalam bijian hitam ini ada kesembuhan daripada **setiap** penyakit melainkan *al-sam*." Ibn Shihab berkata: Dan *al-sam* itu adalah kematian."

T: (*al-Bukhari* (256H), 1999 - *Sahih al-Bukhari*) – *lafaz* di atas; (*Muslim* (261H), 2006 - *al-Jami' al-Sahih* / *Sahih Muslim*); (*al-Tirmidhi* (279H), - *al-Jami' al-Kabir* (*Sunan al-Tirmidhi*)); (*Ibn Majah* (273H), - *Sunan Ibn Majah*); (*Ahmad* (241H), 1995 - *al-Musnad*); (*al-Nasa'i* (303H), 1986 - *al-Sunan al-Kubra*); (*al-Bayhaqi* (458H), 2000 - *al-Sunan al-Kubra*); *al-Humaydi* dan lain-lain.

Sekiranya hadith ini diambil secara zahir, maka setiap penyakit di dunia ini boleh disembuhkan dengan *al-habbah al-sawda'* (*nigella sativa*) dan pesakit tidak perlu kepada ubat yang lain. Akan tetapi, para ulama' yang mensyarahkan hadith ini memberikan penerangan bahawa ia sebenarnya merujuk kepada sebahagian jenis penyakit (*jenis sejuk*), manfaatnya yang banyak, keharusan berubat dan sebagainya dan bukanlah bermaksud "keseluruhan dan kesemua penyakit" secara total.

Namun begitu, sebahagian ulama' menyatakan bahawa berkemungkinan lafaznya boleh diambil dengan makna zahir dengan maksud habbatus sauda' boleh dimanfaatkan dalam pelbagai cara bagi mengubat pelbagai penyakit.

Sedikit Rumusan:

Maka dengan penerangan ini, dapatlah kita fahami kedudukan kalimah “كُلُّ” / “setiap” dalam nas-nas Shariat. Ia tidak semestinya memberi maksud “keseluruhan dan kesemua”, tetapi ia boleh memberi maksud kebanyakan atau ia digunakan untuk memberi penekanan (*ta'kid*) agar perkara tersebut diberi perhatian dengan serius.

2.7 Pembahagian Bid'ah di sisi *Jumhur* (Majoriti) Ulama'

Di dalam bahagian ini, penulis akan mengemukakan kata-kata ulama' Islam yang masyhur daripada empat mazhab Islam yang utama berkenaan pembahagian bid'ah. Ini amat penting agar kita dapat melihat bagaimakah pemahaman majoriti para ulama' terhadap perkara-perkara baru dari perspektif Shariat: adakah semuanya buruk dan haram atau di sana ada huraiyan yang lebih terperinci dan cermat? Serta kita dapat menilai sama ada pendekatan pertama atau pendekatan kedua yang menjadi pilihan majoriti mereka.

2.7.1 Ulama' Mazhab Shafie

Penulis mulakan terlebih dahulu dengan menukilkan pendapat daripada tujuh belas (17) orang tokoh ulama' mazhab al-Shafie kerana ia adalah mazhab yang menjadi amalan di Malaysia khasnya dan kepulauan Melayu amnya.

2.7.1.1 Al-Imam al-Shafie (Wafat 204H)

Pendirian al-Imam al-Mujaddid Muhammad Bin Idris al-Shafie di dalam hal ini adalah jelas sepetimana yang telah dibincangkan di awal bab ini dan kata-kata beliau tersebut telah diriwayatkan dengan sanad yang sahih dan bersambung daripada anak-anak murid beliau sendiri. Imam al-Shafie membahagikan bid'ah kepada dua jenis, iaitu:

1. Bid'ah yang bertentangan dengan nas and asas Shariat, dan
2. Bid'ah yang tidak bertentangan dengan nas dan asas Shariat.

Beliau menyifatkan bid'ah yang tidak bertentangan dengan nas dan asas Shariat sebagai *mahmud* atau *mahmudah* (dipuji) dan *ghayr madhmumah* (tidak dikeji). Dalam masa yang sama, beliau menyifatkan bid'ah yang bertentangan dengan nas dan asas Shariat sebagai *madhmum* (di keji) dan *dhalalah* atau *dalal* (sesat). Dengan pengertian yang lain, beliau membahagikan bid'ah kepada bid'ah yang baik dan bid'ah yang buruk.

[Pembaca boleh merujuk kata-kata Imam al-Shafie berkenaan pembahagian ini di bahagian awal perbincangan ini. Rujuk: **2.4 Al-Imam al-Shafie ﴿: “Bid’ah itu Dua Jenis Bid’ah”]**]

2.7.1.2 Al-Imam al-Ghazali (Wafat 505 H)

Al-Imam al-Mujaddid Hujjat al-Islam Abu Hamid al-Ghazali (w.505 H), seorang tokoh ilmuan Islam di dalam bidang aqidah, fiqh, tasawwuf¹⁹ dan pelbagai disiplin, menyebut di dalam kitabnya, al-Ihya':

¹⁹ Beliau dianggap sebagai pengasas kedua mazhab al-Ashā'irah di dalam bidang aqidah, penghidup dan pentahqiq Tasawwuf, mujtahid mazhab dan *ashab al-wujuh* di dalam mazhab al-Shafie serta mujaddid yang mengharmonikan ketiga-tiga disiplin Islam tersebut.

فَكُمْ مِنْ مُحَدَّثٍ حَسْنٍ ، كَمَا قِيلَ فِي إِقَامَةِ الْجَمَاعَاتِ فِي التَّرَاوِيْحِ إِنَّهَا مِنْ مُحَدَّثَاتِ عُمَرِ رَضِيَ اللَّهُ عَنْهُ وَأَنَّهَا بَدْعَةٌ حَسْنَةٌ ، إِنَّهَا الْبَدْعَةُ الْمَذْمُوْمَةُ مَا يُصَادِمُ السُّنَّةَ الْقَدِيمَةَ أَوْ يُكَادُ يَفْضِي إِلَى

تغیرها

Maksudnya: “Maka betapa banyak perkara-perkara baru yang baik, sepetimana dikatakan pada [amalan] mendirikan solat-solat berjemaah (dalam melaksanakan) al-Tarawih: “Sesungguhnya ia adalah daripada perkara-perkara baru yang (dimulakan) oleh [Saidina] ‘Umar رضي الله عنه dan **sesungguhnya ia adalah bid’ah hasanah (yang baik).**

Hanyasanya bid’ah yang dikeji (*madhmumah*) itu ialah apa yang bertentangan dengan al-Sunnah yang terdahulu dan hampir-hampir membawa kepada pengubahannya..”

R: (*al-Ghazali (505H)*, - *Ihya' 'Ulum al-Din*)

Di dalam kitab Adab-adab Makan, *Ihya' 'Ulum al-Din*, ketika membicarakan berkenaan makan di atas *sufrah* yang diletakkan di atas tanah itu bahwasanya ia lebih dekat dengan Sunnah berbanding makan di atas meja hidangan, Al-Imam al-Ghazali menyebut:

وَمَا يُقَالُ إِنَّهُ أَبْدَعُ بَعْدَ رَسُولِ اللَّهِ صَلَّى اللَّهُ عَلَيْهِ وَسَلَّمَ فَلَيْسَ كُلُّ مَا أَبْدَعَ مَنْهِيًّا بِلِ الْمُنْهِيُّ
بِدْعَةٌ تُضَادُ سُنَّةً ثَابِتَةً وَتَرْفُعُ أَمْرًا مِنَ الشَّرِيعَةِ مَعَ بَقَاءِ عُلَمَاءِهِ . بَلِ الإِبْدَاعُ قَدْ يُحِبُّ فِي بَعْضِ
الْأَحْوَالِ إِذَا تَغَيَّرَتِ الأَسْبَابُ . وَلَيْسَ فِي الْمَائِدَةِ إِلَّا رَفْعُ الطَّعَامِ عَنِ الْأَرْضِ لِتَيسِيرِ الْأَكْلِ
وَأَمْثَالُ ذَلِكَ مَا لَا كُراْهَةَ فِيهِ .

Maksudnya: “Dan tidaklah dikatakan makan di atas meja hidangan (ma’idah) itu sebagai satu bid’ah (yang buruk) yang dilakukan selepas Rasulullah صلی الله علیہ وسلم, **maka tidak semua perkara yang dicipta selepas Rasulullah ﷺ itu adalah dilarang.** Bahkan yang dilarang itu ialah bid’ah yang berlawanan dengan sunnah yang *thabit* dan yang mengangkat sesuatu perintah daripada Shariat sedangkan *‘illahnya* masih kekal.

Bahkan penciptaan sesuatu yang baru itu **kadangkala menjadi wajib dalam sebahagian keadaan apabila berubahnya sebab-sebab (hukum Shariat).**

Dan tidak ada apa-apa (kesalahan) pada meja hidangan melainkan mengangkat makanan daripada atas tanah untuk memudahkannya dimakan dan seumpamanya yang tidak ada elemen makruh padanya.”

R:(*al-Ghazali (505H)*, - *Ihya' 'Ulum al-Din*)

2.7.1.3 Al-Imam Ibn al-Athir (Wafat 606 H)

Al-Imam Ibn al-Athir ketika menerangkan istilah bid'ah di dalam kitabnya “*al-Nihayah fi Gharib al-Hadith wa al-Athar*” menyatakan seperti berikut:

وَفِي حَدِيثِ عُمَرَ رَضِيَ اللَّهُ عَنْهُ فِي قِيَامِ رَمَضَانَ «نِعْمَتُ الْبِدْعَةِ هَذِهِ» الْبِدْعَةُ بِدُعْتَانٍ: بِدُعَةٌ هُدَى، وَبِدُعَةٌ ضَلَالٌ، فَمَا كَانَ فِي خِلَافِ مَا أَمَرَ اللَّهُ بِهِ وَرَسُولُهُ صَلَّى اللَّهُ عَلَيْهِ وَسَلَّمَ فَهُوَ فِي حَيْزِ الدَّمَّ وَالْإِنْكَارِ، وَمَا كَانَ وَاقِعًا تَحْتَ عُمُومِ مَا نَدَبَ اللَّهُ إِلَيْهِ وَحَضَّ عَلَيْهِ اللَّهُ أَوْ رَسُولُهُ فَهُوَ فِي حَيْزِ الْمُذْحِ، وَمَا لَمْ يَكُنْ لَهُ مِثَالٌ مَوْجُودٌ كَوْنُعْ مِنَ الْجُودِ وَالسَّخَاءِ وَفَعْلِ الْمُعْرُوفِ فَهُوَ مِنَ الْأَفْعَالِ الْمُحْمُودَةِ، وَلَا يَجُوزُ أَنْ يَكُونَ ذَلِكَ فِي خِلَافِ مَا وَرَدَ الشَّرْعُ بِهِ؛
لِأَنَّ النَّبِيَّ صَلَّى اللَّهُ عَلَيْهِ وَسَلَّمَ قَدْ جَعَلَ لَهُ فِي ذَلِكَ ثَوَابًا...

Maksudnya: “Dan di dalam kata-kata [Saidina] ‘Umar ﷺ pada menyatakan qiyam Ramadan: “Sebaik-baik bid’ah adalah perkara ini,” [kita mendapat kefahaman bahawa] bid’ah itu terbahagi kepada dua jenis bid’ah: (i) Bid’ah Petunjuk, dan (ii) Bid’ah Kesesatan.

Maka, apa yang bertentangan dengan apa yang telah diperintahkan oleh Allah ﷺ dan Rasul-Nya ﷺ, maka ia termasuk di dalam sempadan celaan dan ingkar, dan apa yang termasuk di dalam keumuman yang telah diperintahkan oleh Allah ﷺ dan digalakkan oleh Allah ﷺ dan Rasul-Nya ﷺ, maka ia termasuk di dalam sempadan kepujian.

Dan apa yang tidak ada baginya contoh terdahulu seperti apa sahaja bentuk kemulian, kemurahan, dan perbuatan makruf, maka ia adalah daripada perbuatan-perbuatan yang terpuji, dan tidak boleh (dikatakan bahawa) ia bertentangan dengan apa yang telah didatangkan oleh Shariat, kerana Nabi ﷺ telah menyatakan pahala bagi pelaku yang melakukan perbuatan tersebut.”

Kemudian beliau membawakan dalil-dalil bagi pendirian beliau tersebut dan berkata:

وَعَلَى هَذَا التَّأْوِيلِ يُحَمَّلُ الْحَدِيثُ الْآخَرُ «كُلُّ مُحْدَثٍ بَدْعَةٌ» إِنَّمَا يُرِيدُ مَا خَالَفَ أُصُولَ
الشَّرِيعَةِ وَلَمْ يُوَافِقِ السُّنَّةَ.

Maksudnya: “Dan di atas tafsiran inilah diletakkan hadith yang lain (iaitu): “Setiap perkara baru adalah bid’ah”. Hanyasanya ia (hadith itu) mengkehendaki dengannya sesuatu perkara yang bertentangan dengan asas-asas Shariat dan tidak bersepakat dengan al-Sunnah.”

R: (*Ibn al-Athir (606H), 1979 - al-Nihayah fi Gharib al-Hadith wa al-Athar*)

2.7.1.4 Al-Imam al-Hafiz Al-Mundhiri (Wafat 656 H)

Al-Imam al-Hafiz al-Mundhiri dinukilkkan sebagai menyebut:

وَالْمُحَدَّثُ عَلَى قِسْمَيْنِ مُحَدَّثٌ لَيْسَ لَهُ أَصْلٌ إِلَّا الشُّهُوَةُ [الشَّهْوَةُ] وَالْعَمَلُ بِالْإِرَادَةِ فَهَذَا
بَاطِلٌ ، وَمَا كَانَ عَلَى قَوَاعِدِ الْأُصُولِ أَوْ مَرْدُودٍ إِلَيْهَا فَلَيْسَ بِبَدْعَةٍ وَلَا ضَلَالَةً

Maksudnya: “Dan perkara yang baru itu terbahagi kepada dua bahagian:

- Perkara baru yang tidak ada baginya asas melainkan (kerana mencari) kemayshuran / kerana hawa nafsu dan beramal dengan kehendak (nafsu), maka ini adalah batil.
- Dan apa yang berdasarkan prinsip-prinsip asas (Shariat) dan kembali kepadanya, maka ini bukanlah bid’ah dan bukan juga kesesatan.”

R: (*al-'Azim Abadi (1329H), 1415H - 'Awn al-Ma'bud Sharh Sunan Abi Dawud*)

2.7.1.5 Al-Imam ʻIzz al-Din Ibn ʻAbd al-Salam (Wafat 660 H)

Sultan al-ʻUlama’ Al-Imam ʻIzz al-Din Ibn ʻAbd al-Salam menyebut berkenaan pembahagian bid’ah dengan begitu jelas di dalam satu fasal kitabnya yang mayshur iaitu “*Qawa'id al-Ahkam fi Masalih al-Anam*”:

[فصلٌ فِي الْبِدَعَةِ]

الْبِدَعَةُ فِعْلٌ مَا لَمْ يُعْهَدْ فِي عَصْرِ رَسُولِ اللَّهِ - صَلَّى اللَّهُ عَلَيْهِ وَسَلَّمَ - . وَهِيَ مُنْقَسِمَةٌ إِلَى: بِدْعَةٍ وَاجِبَةٍ، وَبِدْعَةٍ مُحَرَّمَةٍ، وَبِدْعَةٍ مَنْدُوبَةٍ، وَبِدْعَةٍ مَكْرُوَهَةٍ، وَبِدْعَةٍ مُبَاحَةٍ، وَالطَّرِيقُ فِي مَعْرِفَةِ ذَلِكَ أَنْ تُعْرَضَ الْبِدَعَةُ عَلَى قَوَاعِدِ الشَّرِيعَةِ: فَإِنْ دَخَلَتْ فِي قَوَاعِيدِ الْإِيجَابِ فَهِيَ وَاجِبَةٌ، وَإِنْ دَخَلَتْ فِي قَوَاعِيدِ التَّحْرِيمِ فَهِيَ مُحَرَّمَةٌ، وَإِنْ دَخَلَتْ فِي قَوَاعِيدِ الْمَنْدُوبِ فَهِيَ مَنْدُوبَةٌ، وَإِنْ دَخَلَتْ فِي قَوَاعِيدِ الْمُكْرُوَهِ فَهِيَ مَكْرُوَهَةٌ، وَإِنْ دَخَلَتْ فِي قَوَاعِيدِ الْمُبَاحِ فَهِيَ مُبَاحَةٌ.

Maksudnya: “Fasal berkenaan pada perkara-perkara baru:

Al-Bid’ah ialah sesuatu perbuatan yang tidak dilakukan lagi tidak diketahui pada zaman Rasulullah ﷺ, dan ia terbahagi kepada kepada:

- (i) bid’ah yang wajib,
- (ii) bid’ah yang diharamkan,
- (iii) bid’ah yang digalakkan,
- (iv) bid’ah yang tidak disukai (makruh), dan
- (v) bid’ah yang diharuskan.

Dan jalan untuk mengetahui (bahagian) bid’ah tersebut ialah dengan dibentangkan bid’ah tersebut kepada kaedah-kaedah Shariat.

Sekiranya ia termasuk di dalam kaedah yang mewajibkan (*ijab*), maka ia adalah wajib, dan sekiranya ia termasuk di dalam kaedah yang mengharamkan (*tahrim*), maka ia adalah haram, dan sekiranya ia termasuk di dalam kaedah yang digalakkan, maka ia adalah *mandub* (*sunat*), dan sekiranya ia termasuk di dalam kaedah yang tidak disukai, maka ia adalah *makruh*, dan sekiranya ia termasuk di dalam kaedah yang diharuskan, maka ia adalah harus.”

وَلِلْبِدَعِ الْوَاجِبَةُ أَمْثَلَةٌ. أَحَدُهَا: إِلَاشْتِغَالُ بِعِلْمِ النَّحْوِ الَّذِي يُفْهَمُ بِهِ كَلَامُ اللَّهِ وَكَلَامُ رَسُولِهِ - صَلَّى اللَّهُ عَلَيْهِ وَسَلَّمَ -، وَذَلِكَ وَاجِبٌ لِأَنَّ حِفْظَ الشَّرِيعَةِ وَاجِبٌ وَلَا يَتَّسَعُ حِفْظُهَا إِلَّا بِمَعْرِفَةِ ذَلِكَ، وَمَا لَا يَتَمُّ الْوَاجِبُ إِلَّا بِهِ فَهُوَ وَاجِبٌ. الْمِثَالُ الثَّانِي: حِفْظُ غَرِيبِ الْكِتَابِ وَالسُّنْنَةِ مِنَ الْلُّغَةِ. الْمِثَالُ الثَّالِثُ: تَدْوِينُ أُصُولِ الْفِقْهِ. الْمِثَالُ الرَّابِعُ: الْكَلَامُ فِي الْجُرْحِ وَالتَّعْدِيلِ لِتَمْيِيزِ الصَّحِيحِ مِنْ السَّقِيمِ، وَقَدْ دَلَّتْ قَواعِدُ الشَّرِيعَةِ عَلَى أَنَّ حِفْظَ الشَّرِيعَةِ فَرْضٌ كِفَائِيٌّ فِيمَا زَادَ عَلَى الْقَدْرِ الْمُتَعَيْنِ، وَلَا يَتَّسَعُ حِفْظُ الشَّرِيعَةِ إِلَّا بِمَا ذَكَرْنَاهُ.

Dan bagi bid'ah yang wajib itu beberapa contoh:

Pertamanya: Menyibukkan diri dengan ilmu nahu yang difahami dengannya Kalam Allah dan Rasul-Nya ﷺ, dan ia adalah wajib kerana menjaga Shariat itu wajib dan pemeliharaan Shariat itu tidak akan datang melainkan dengan pengetahuan tersebut. Dan “Sesuatu perkara yang tidak sempurna kewajipan melainkan dengannya, maka perkara itu juga adalah wajib.”

Contoh yang kedua ialah: Menghafal/memelihara makna bagi kalimah-kalimah yang *gharib* (jarang digunakan) daripada bahasa (Arab).

Contoh yang ketiga: Mengarang ilmu Usul al-Fiqh.

Contoh yang keempat: Perbahasan berkenaan ilmu *al-jarh* dan *al-tacdir* untuk membezakan hadith yang sahih daripada yang berpenyakit.

Dan sesungguhnya kaedah-kaedah Shariat itu telah menunjukkan bahawa pemeliharaan Shariat itu adalah fardu kifayah pada apa yang lebih daripada kadar tertentu, dan pemeliharaan Shariat itu

tidak dapat dilakukan melainkan dengan perkara-perkara yang telah kami sebutkannya.

وَلِلْبِدَعِ الْمُحَرَّمَةِ أَمْثِلَةٌ. مِنْهَا: مَذَهَبُ الْقَدَرِيَّةِ، وَمِنْهَا مَذَهَبُ الْجُبْرِيَّةِ، وَمِنْهَا مَذَهَبُ الْمُرْجِئَةِ، وَمِنْهَا مَذَهَبُ الْمُجَسَّمَةِ، وَالرَّدُّ عَلَى هَؤُلَاءِ مِنْ الْبِدَعِ الْوَاجِبَةِ.

Dan bagi bid'ah-bid'ah yang haram itu beberapa contoh.

Di antaranya: mazhab al-Qadariyyah, mazhab al-Jabriyyah, mazhab al-Murji'ah, mazhab al-Mujassimah, **dan menolak hujah golongan-golongan tersebut adalah di antara bid'ah yang wajib.**

وَلِلْبِدَعِ الْمُنْدُوبَةِ أَمْثِلَةٌ. مِنْهَا: إِحْدَاثُ الرُّبُطِ وَالْمُدَارِسِ وَبِنَاءُ الْقَنَاطِيرِ، وَمِنْهَا كُلُّ إِحْسَانٍ لَمْ يُعَهَّدْ فِي الْعَصْرِ الْأَوَّلِ، وَمِنْهَا: صَلَاةُ التَّرَاوِيحِ، وَمِنْهَا الْكَلَامُ فِي دَقَائِقِ التَّصُوُّفِ، وَمِنْهَا الْكَلَامُ فِي الْجَدَلِ فِي جَمِيعِ الْمُحَافِلِ لِلَاسْتِدْلَالِ عَلَى الْمُسَائِلِ إِذَا قُصِدَ بِذَلِكَ وَجْهُ اللَّهِ سُبْحَانَهُ.

Dan bagi bid'ah-bid'ah yang mandub (sunat) itu beberapa contoh:

Di antaranya ialah menbangunkan ribat-ribat dan sekolah-sekolah, membina bangunan/jambatan, semua jenis kebajikan yang tidak dilakukan pada masa lalu, di antaranya: Solat al-Tarawih, perbahasan dalam ilmu tasawwuf yang halus lagi teliti, perbahasan di dalam perdebatan dalam menghimpunkan kitab-kitab untuk mencari dalil bagi masalah-masalah sekiranya diniatkan dengannya keredaan Allah ﷺ.

وَلِلْبِدَعِ الْمُكْرُوهَةِ أَمْثِلَةٌ. مِنْهَا: زَخْرَفَةُ الْمُسَاجِدِ، وَمِنْهَا تَزْوِيقُ الْمُصَاحِفِ، وَأَمَّا تَلْحِينُ الْقُرْآنِ بِحِينِ تَغْيِيرِ الْقَاطُهُ عَنِ الْوَضْعِ الْعَرَبِيِّ، فَالْأَصَحُّ أَنَّهُ مِنْ الْبِدَعِ الْمُحَرَّمَةِ.

Dan bagi bid'ah-bid'ah yang makruh itu beberapa contoh:

Di antaranya: Menghiaskan masjid-masjid (dengan melampau), menghiaskan al-Quran (dengan melampau), dan adapun melenggokkan bacaan al-Qur'an sehingga berubah lafaznya daripada kaedah bahasa Arab, maka hukum yang sahih ialah ia daripada bid'ah yang diharamkan.

وَلِلْبِدَعِ الْمُبَاحَةٌ أَمْثَلٌ. مِنْهَا: الْمُصَافَحَةُ عَقِيبَ الصُّبْحِ وَالْعَصْرِ، وَمِنْهَا التَّوْسُعُ فِي الْلَّذِيْدِ مِنَ الْمُلَاقِلِ وَالْمُشَارِبِ وَالْمَلَابِسِ وَالْمَسَاكِنِ، وَلُبْسُ الطَّيَّالِسَةِ، وَتَوْسِيعُ الْأَكْعَامِ. وَقَدْ يُخْتَلِفُ فِي بَعْضِ ذَلِكَ، فَيَجْعَلُهُ بَعْضُ الْعُلَمَاءِ مِنَ الْبِدَعِ الْمُكْرُوهَةِ، وَيَجْعَلُهُ آخَرُونَ مِنَ السُّنَنِ الْمُفْعُولَةِ عَلَى عَهْدِ رَسُولِ اللَّهِ - صَلَّى اللَّهُ عَلَيْهِ وَسَلَّمَ - فَمَا بَعْدُهُ، وَذَلِكَ كَالإِسْتِعَادةِ فِي الصَّلَاةِ وَالْبَسْمَلَةِ.

Dan bagi bid'ah-bid'ah yang harus itu beberapa contoh:

Di antaranya ialah saling bersalam-salaman selepas solat Subuh dan Asar, memperluaskan keenakan/kelazatan di dalam makanan, minuman, pakaian, dan rumah, memakai kain yang menutup kepala dan bahu, dan meluaskan hujung lengan baju.

Dan mungkin berlaku perbezaan pendapat dalam sebahagian daripada perkara itu, maka sebahagian ulama' menjadikannya daripada bid'ah yang makruh, dan sebahagiannya menjadikannya (sebahagian) daripada sunnah yang dilakukan pada zaman Rasulullah ﷺ dan seumpamanya, dan itu adalah seperti membaca *Isti'adhah* dan *Basmalah* di dalam solat.”

R:('Izz al-Din Ibn 'Abd al-Salam (*Sultan al-Ulama'*) (660H), 1991 - *Qawa'id al-Ahkam fi Masalih al-Anam*)

2.7.1.6 Al-Imam Abu Shamah al-Maqdisi (Wafat 665 H)

Al-Imam Abu Shamah al-Maqdisi al-Shafi'i menyebut di dalam kitabnya “*al-Ba'ith 'ala Inkar al-Bida'*”:

ثُمَّ الْحَوَادِثُ مُنْقَسِّمَةٌ إِلَى بَدْعٍ مُسْتَحْسَنَةٍ وَإِلَى بَدْعٍ مُسْتَقْبَحَةٍ قَالَ حِرْمَلَةُ ابْنُ يَحْيَى سَمِعْتُ الشَّافِعِيَ رَحْمَهُ اللَّهُ تَعَالَى يَقُولُ الْبَدْعَةُ بَدْعَانٌ بَدْعَةٌ مُحْمُودَةٌ وَبَدْعَةٌ مَذْمُومَةٌ فِيمَا وَافَقَ السَّنَةُ فَهُوَ مُحْمُودٌ وَمَا خَالَفَ السَّنَةَ فَهُوَ مَذْمُومٌ ...

Maksudnya: “Kemudian, perkara-perkara baru itu terbahagi kepada (i) **bid'ah-bid'ah yang dipandang baik** dan (ii) kepada bid'ah-bid'ah yang dipandang buruk.

[Al-Imam] Harmalah Ibn Yahya menyebut: Aku telah mendengar al-Shafie – semoga Allah merahmatinya – berkata: Bid'ah itu dua jenis bid'ah: Bid'ah yang dipuji dan bid'ah yang dikeji. Maka apa yang bersepakat dengan al-Sunnah maka ia adalah terpuji, dan apa yang menyalahi al-Sunnah, maka ia adalah terkeji.”

Beliau juga menyebut:

فالبدع الحسنة متفق على جواز فعلها والاستحباب لها ورجاء الثواب لمن حسنت نيته
فيها وهي كل مبتدع موافق لقواعد الشريعة غير مخالف لشيء منها ولا يلزم من فعله
محذور شرعاً ...

Maksudnya: “**Maka bid'ah hasanah (baik)** yang disepakati keharusan melakukannya dan dianjurkan (pengamalan)nya dan diharapkan pahala bagi sesiapa yang mempunyai niat yang baik padanya itu ialah setiap perkara baru yang bersepakat dengan kaedah-kaedah Shariat, lagi tidak bertentangan dengan sesuatu apa pun daripadanya, dan tidak berlaku perkara yang dilarang Shariat kerana melakukannya.”

Dan beliau juga menyebut:

وأما البدع المستقبحة فهي التي أردنا نفيها بهذا الكتاب وإنكارها وهي : كل ما كان مخالفًا للشريعة أو ملزماً لمخالفتها وذلك منقسم إلى حرم ومكروه ويختلف ذلك باختلاف الواقع وبحسب ما به من مخالفة الشريعة تارة يتنهى ذلك إلى ما يجب التحريم وتارة لا يتتجاوز صفة كراهة الترير

Maksudnya: “Dan adapun bid'ah-bid'ah yang dipandang keji, maka ia adalah perkara-perkara yang kami ingin nafikannya/menolaknya dan mengingkarinya dengan kitab ini ialah: Setiap sesuatu perkara yang bertentangan dengan Shariat atau menyebabkan pertentangan dengannya. Dan perkara itu terbahagi kepada (bid'ah) yang haram dan makruh. Dan hal itu berbeza dengan berbezanya keadaan dan berdasarkan (sebanyak mana) ia mengandungi sesuatu [elemen] yang bertentangan dengan Shariat. Ada masanya ia sampai kepada apa yang

mewajibkan pengharamannya dan ada masanya ia tidak melebihi sifat kedudukan(nya) yang makruh (tanpa dosa)."

R: (*Abu Shamah al-Maqdisi (665H), 1978 - al-Ba'ith 'ala Inkar al-Bida' wa al-Hawadith*)

2.7.1.7 Al-Imam Al-Nawawi (Wafat 676 H)

Di dalam kitabnya "Tahdhib al-Asma' wa al-Lughat", Al-Imam al-Nawawi menyebut dengan jelas seperti berikut:

الْبِدْعَةُ بِكَسْرِ الْباءِ فِي الشَّرْعِ هِيَ إِحْدَاثُ مَا لَمْ يَكُنْ فِي عَهْدِ رَسُولِ اللَّهِ - صَلَّى اللَّهُ عَلَيْهِ وَسَلَّمَ -، وَهِيَ مُنْقَسِّمةٌ إِلَى: حَسْنَةٍ وَقَبِحَةٍ.

قال الشيخ الإمام المجمع على إمامته وجلالته وتمكنه في أنواع العلوم وبراعته أبو محمد عبد العزيز بن عبد السلام رحمه الله ورضي عنه في آخر كتاب "القواعد": البدعة منقسمة إلى: واجبة، ومحرمة، ومندوبة، ومكرروحة، ومتاحة. قال: والطريق في ذلك أن تعرض البدعة على قواعد الشريعة، فإن دخلت في قواعد الإيجاب فهي واجبة، أو في قواعد التحرير فمحرمة، أو الندب فمندوبة، أو المكرر فمكرروحة، أو المباح فمتاحة، ...

Maksudnya: "al-Bid'ah - dengan huruf ba berbaris bawah - di dalam Shariat ialah melakukan sesuatu yang baru yang tidak terdapat di zaman Rasulullah ﷺ **dan ia (bid'ah) terbahagi kepada: baik dan terkeji.**

Telah berkata al-Shaykh al-Imam, yang ijma' para ulama berkenaan kedudukannya sebagai al-Imam, keagungannya dan kehebatannya di dalam pelbagai bidang ilmu serta kebijaksanaannya, Abu Muhammad Ḩabd al-Aziz Ibn Ḩabd al-Salam – semoga Allah ﷺ merahmati dan meredai beliau – di akhir kitab "al-Qawa'id" [aitu: Qawa'id al-Ahkam fi Masalih al-Anam]:

Bid'ah terbahagi kepada: wajib, haram, sunat, makruh dan harus. Beliau berkata: Dan kaerah di dalam hal itu ialah, bid'ah tersebut dibentangkan di atas kaerah-kaerah Shariat, maka sekiranya ia termasuk di dalam kaerah kewajipan, maka ia adalah wajib; atau di dalam kaerah pengharaman, maka ia adalah haram; atau di

dalam kaedah galakan, maka ia adalah sunat; atau di dalam kaedah makruh, maka ia adalah makruh, atau di dalam kaedah keharusan, maka ia adalah harus.”

R: (*al-Nawawi (676H)*, - *Tahdhib al-Asma' wa al-Lughat*)

Setelah itu, Al-Imam al-Nawawi menerangkan dengan agak terperinci bid'ah-bid'ah bagi setiap kategori hukum yang lima tersebut dan mendatangkan kata-kata Saidina 'Umar al-Khattab ﷺ dan al-Imam al-Shafie rah.a. sebagai dalil dan hujah.

Di dalam Sharh Muslim pula, setelah beliau menyatakan bahawa hadith: “Setiap bid'ah adalah sesat...” merupakan hadith yang umum (dari sudut lafaz) tetapi khusus (dari sudut makna), Al-Imam al-Nawawi membuat penerangan yang hampir sama dengan berkata:

...قَالَ الْعُلَمَاءُ الْبِدْعَةُ خَمْسَةُ أَقْسَامٍ وَاجِبَةٌ وَمَنْدُوبَةٌ وَمُحَرَّمَةٌ وَمَكْرُوْهَةٌ وَمُبَاحَةٌ فِيمَنِ الْوَاجِبَةِ
نَظِمُ أَدْلَةُ الْمُتَكَلِّمِينَ لِلرَّدِّ عَلَى الْمَلَاهِدَةِ وَالْمُبْتَدِعِينَ وَشِبْهِ ذَلِكَ وَمِنَ الْمَنْدُوبَةِ تَصْنِيفُ كُتُبٍ
الْعِلْمِ وَبِنَاءُ الْمُدَارِسِ وَالرُّبُطِ وَغَيْرُ ذَلِكَ وَمِنَ الْمُبَاحِ التَّبَسُّطُ فِي الْأَوَانِ الْأَطْعَمَةِ وَغَيْرُ ذَلِكَ
وَالْحَرَامُ وَالْمَكْرُوْهُ ظَاهِرَانِ وَقَدْ أَوْضَحْتُ الْمُسَائِلَةَ بِأَدْلِتِهَا الْمُبُسوَّطَةِ فِي تَهْذِيبِ الْأَسْمَاءِ
وَاللُّغَاتِ ...

Maksudnya: “Para ulama’ berkata: al-Bid’ah itu lima bahagian: wajib, sunat, haram, makruh dan harus.

Maka, di antara bid'ah yang wajib adalah susunan dalil-dalil para ulama’ aqidah untuk menolak golongan yang ingkar/ tidak beriman dan ahli-ahli bid’ah dan seumpamanya;

Dan di antara bid'ah yang sunat ialah pengarangan kitab-kitab ilmu, pembinaan sekolah-sekolah dan ribat dan lain-lain;

Dan di antara bid'ah yang harus ialah berlapang-lapang (berlazat-lazat) di dalam aneka jenis makanan dan lain-lain; dan haram dan makruh adalah jelas.

Sesungguhnya aku telah menerangkan masalah ini dengan dalil-dalilnya yang telah dihuraikan di dalam kitab “Tahdhib al-Asma’ wa al-Lughat”...]

R: (*al-Nawawi* (676H), 1999 - *al-Minhaj: Sharh saih Muslim Ibn al-Hajjaj*)

Maka jelaslah kepada kita bahawa Al-Imam al-Nawawi berpegang dengan pembahagian yang dibuat oleh Sultan al-‘Ulama’ Al-Imam ‘Izz al-Din Ibn ‘Abd al-Salam dan Imam al-Shafie.

2.7.1.8 Al-Imam Ibn Daqiq al-‘Id (Wafat 702 H)

Al-Imam al-Mujaddid Ibn Daqiq al-‘Id menyebut di dalam kitabnya *Sharh al-Arba‘in al-Nawawiyyah*:

اعلم أن المحدث على قسمين: محدث ليس له أصل في الشريعة فهذا باطل مذموم .
ومحدث بحمل النظير على الناظر فهذا ليس بمذموم لأن لفظ "المحدث" ولفظ "البدعة"
" لا يذمان مجرد الاسم بل لمعنى المخالفة للسنة والداعي إلى الضلالة ولا يذم ذلك
مطلقاً فقد قال الله تعالى: (مَا يَأْتِيهِم مِّنْ ذِكْرٍ مِّنْ رَّبِّهِمْ مُّحَدَّثٌ). وقال عمر رضي الله عنه:
"نعمت البدعة هذه" يعني التراویح .

Maksudnya: “Ketahuilah, sesungguhnya perkara baru itu terbahagi kepada dua bahagian:

- (i) Perkara baru yang tidak ada baginya asas di dalam Shariat, maka ia adalah batil lagi dikeji.
- (ii) Dan perkara baru [berasaskan Qiyas] dengan meletakkan perkara yang sama di antara satu sama lain (analogi), maka ini tidaklah dikeji kerana lafaz “*muhdath*” dan lafaz “*al-bid’ah*” tidak dikeji hanya kerana nama mereka, bahkan (tetapi) kerana makna yang bertentangan dengan al-Sunnah, yang menyeru kepada kesesatan.

Dan kata nama itu tidak dikeji secara mutlaq. Maka sesungguhnya Allah ﷺ telah berfirman (*al-Anbiya’*:2):

﴿مَا يَأْتِيهِم مِّن ذِكْرٍ مِّن رَّبِّهِمْ مُّخَدِّثٌ إِلَّا أَسْتَمَعُوهُ وَهُمْ يَلْعَبُونَ ﴾

Maksudnya: “Tidak datang kepada mereka itu sebarang peringatan yang diturunkan dari Tuhan mereka lepas satu: satu, (melainkan mereka memasang telinga mendengarnya sambil mereka mempermain-mainkannya)

Dan ‘Umar ﷺ telah berkata: “Sebaik-baik bid’ah, inilah dia,” iaitu solat Tarawih.”

R:(*Ibn Daqiq al-'Id (702H), 2003 - Sharh al-Arba'in al-Nawawiyyah fi al-Ahadith al-Sahihah al-Nabawiyyah*)

2.7.1.9 Al-Imam Taqiyy al-Din al-Subki (Wafat 756 H)

Dan Al-Imam Murtada al-Zabidi menyebut di dalam “Ithaf al-Sadah al-Muttaqin” satu nukilan daripada Al-Imam Taqiyy al-Din al-Subki bahawa beliau berkata:

البدعة في الشرع إنما يراد بها الأمر الحادث الذي لا أصل له في الشرع،
وقد يطلق مقيداً، فيقال: بدعة هدى، وبدعة ضلاله. ”أ.هـ

Maksudnya: “Bid’ah di dalam Shariat itu hanyasanya dikehendaki dengannya perkara baru yang tidak ada asalnya di dalam Shariat. Dan adakalanya ia (kalimah bid’ah itu) disebut dengan secara terikat (dengan sifatnya), maka disebut: Bid’ah petunjuk dan Bid’ah kesesatan.”

R: (*al-Murtada al-Zabidi (1205H), - Ithaf al-Sadah al-Muttaqin fi Sharh Ihya' 'Ulum al-Din*)

2.7.1.10 Al-Imam Ibn Kathir (Wafat 774 H)

Al-Imam al-Hafiz al-Mufassir Ibn Kathir al-Shafi'i pula menyebut:

والبدعة على قسمين : تارة تكون بدعة شرعية كقوله : فإن كل محدثة بدعة وكل بدعة ضلالة ، وتارة تكون بدعة لغوية كقول أمير المؤمنين عمر بن الخطاب عن جمعه إياهم على صلاة التراويح واستمرارهم : نعمت البدعة هذه

Maksudnya: “Dan bid’ah itu adalah terbahagi kepada dua bahagian:

- (i) Adakalanya ia adalah bid’ah Shar‘iyah seperti sabdaan Baginda: “Maka sesungguhnya setiap yang baru itu adalah bid’ah, dan setiap bid’ah adalah kesesatan.”
- (ii) Dan adakalanya ia adalah bid’ah lughawiyyah seperti kata-kata Amir al-Mu’mimin ‘Umar Ibn al-Khattab ﷺ tentang perbuatannya menghimpunkan orang ramai untuk solat Tarawih dan mereka berterusan melakukannya: “Sebaik-baik bid’ah, inilah ia.”

R: (*Ibn Kathir (774H), 1419H - Tafsir al-Qur'an al-'Azim*)

2.7.1.11 Al-Imam Ibn Hajar al-^cAsqalani (Wafat 852 H)

Al-Imam Al-Hafiz Amir al-Mu’minin fi al-Hadith Ibn Hajar al-^cAsqalani menyebut di dalam *Fath al-Bari* ketika mensyarahkan hadith “Setiap bid’ah adalah sesat...” :

والمحدثات بفتح الدال جمع محدثة والمراد بها ما أحدث وليس له أصل في الشرع ويسمى في عرف الشرع بدعة وما كان له أصل يدل عليه الشرع فليس ببدعة فالبدعة في عرف الشرع مذمومة بخلاف اللغة فإن كل شيء أحدث على غير مثال يسمى بدعة سواء كان حمودا أو مذموما ...

Maksudnya: “Dan muhdathat – dengan huruf dal berbaris atas – adalah kata jamak bagi muhdathah, dan makna yang dikehendaki dengannya ialah apa yang dimulakan dan tiada baginya asas di dalam Shariat dan dinamakan di dalam uruf Shariat sebagai bid’ah.

Dan apa yang ada baginya asas yang ditunjukkan oleh Shariat (untuk menjadi dalil baginya), maka ia bukanlah bid'ah.

Dan bid'ah di dalam ‘uruf (kebiasaan istilah) Shariat itu adalah terkeji, berbeza dengan istilah bahasa, maka sesungguhnya setiap sesuatu yang dilakukan/mulakan tanpa ada contoh yang terdahulu dinamakan sebagai bid'ah (dari sudut bahasa), sama ada ia dipuji atau dikeji..”

R: (*Ibn Hajar al-'Asqalani (852H), 1960 - Fath al-Bari bi Sharh Sahih al-Bukhari*)

Beliau juga menyebut:

وَالْتَّحْقِيقُ أَنَّهَا إِنْ كَانَتْ مَا تَنْدَرِجُ تَحْتَ مُسْتَحْسَنٍ فِي الشَّرْعِ فَهِيَ حَسَنَةٌ وَإِنْ كَانَتْ مَا تَنْدَرِجُ تَحْتَ مُسْتَقْبَحَةٍ وَإِلَّا فَهِيَ مِنْ قَسْمِ الْمُبَاحِ وَقَدْ تَنْقَسِمُ إِلَى
الْأَحْكَامِ الْخَمْسَةِ

Maksudnya: “**Dan hasil *tahqiq* (penelitian terperinci) ialah sesungguhnya sekiranya ia (suatu perkara baru) daripada apa yang terletak di bawah perkara yang dilihat baik di dalam Shariat, maka ia adalah baik (*hasanah*).**

Dan sekiranya ia adalah daripada apa yang terletak di bawah perkara yang dipandang keji di dalam Shariat, maka ia adalah terkeji.

Dan sekiranya tidak, maka ia adalah daripada bahagian yang harus. Dan adakalanya ia boleh terbahagi kepada hukum yang lima.”

R: (*Ibn Hajar al-'Asqalani (852H), 1960 - Fath al-Bari bi Sharh Sahih al-Bukhari*)

Berkenaan dengan pembahagian bid'ah kepada lima bahagian berdasarkan hukum *taklifinya*, maka beliau berkata:

وَقَسَمَ بَعْضُ الْعُلَمَاءِ الْبِدْعَةَ إِلَى الْأَحْكَامِ الْخَمْسَةِ وَهُوَ وَاضِعُ

Maksudnya: “Dan sebahagian ulama’ telah membahagikan bid’ah kepada hukum yang lima, dan ia adalah jelas.”

R:(Ibn Hajar al-'Asqalani (852H), 1960 - Fath al-Bari bi Sharh Sahih al-Bukhari)

Beliau juga menyebut di dalam kitab yang sama pada “Bab: Azan Hari Jumaat”:

وَكُلُّ مَا لَمْ يَكُنْ فِي زَمْنِهِ - صَلَّى اللَّهُ عَلَيْهِ وَسَلَّمَ - يُسَمَّى بِدُعْةٍ، لَكِنْ مِنْهَا مَا يَكُونُ حَسَنًا
وَمِنْهَا مَا يَكُونُ بِخَلْفِ ذَلِكَ

Maksudnya: “Dan setiap (sesuatu) yang tidak ada pada zaman Baginda - ﷺ - dinamakan sebagai bid’ah, akan tetapi ada sebahagian daripadanya yang merupakan sesuatu **yang baik** dan ada sebahagian daripadanya yang merupakan sebaliknya (iaitu jahat/keji).”

R: (Ibn Hajar al-'Asqalani (852H), 1960 - Fath al-Bari bi Sharh Sahih al-Bukhari)

2.7.1.12 Al-Imam Shams al-Din al-Sakhawi (Wafat 902 H)

Al-Imam Shams al-Din al-Sakhawi menyebut di dalam kitabnya “Fath al-Mughith bi Sharh Alfiyyat al-Hadith li al-^cIraqi” – ketika membincangkan tentang periwatan yang dibuat oleh ahli bid’ah:

وَالْبِدْعَةُ هِيَ مَا أُخْدِثَ عَلَى غَيْرِ مِثَالٍ مُتَقَدِّمٍ، فَيَشْمَلُ الْمُحْمُودَ وَالْمُذْمُومَ، وَلِذَلِكَ قَسَمَهَا الْعِزُّ
بْنُ عَبْدِ السَّلَامِ، كَمَا أُشِيرُ إِلَيْهِ إِنْ شَاءَ اللَّهُ عِنْدَ التَّسْمِيعِ بِقِرَاءَةِ الْلَّهَانِ، إِلَى الْأَحْكَامِ
الْخَمْسَةِ، وَهُوَ وَاضِحٌ، وَلَكِنَّهَا خُصِّتْ شَرْعًا بِالْمُذْمُومِ مِمَّا هُوَ خِلَافُ الْمُعْرُوفِ عَنِ النَّبِيِّ
صَلَّى اللَّهُ عَلَيْهِ وَسَلَّمَ.

Maksudnya: “Dan bid’ah itu ialah apa yang diadakan / dicipta tanpa contoh terdahulu. Maka ia meliputi yang terpuji dan terkeji.

Dan kerana itulah al-^cIzz Ibn cAbd al-Salam membahagikannya - sepertimana yang saya akan tunjukkan - dengan kehendak Allah -

ketika (perbahasan) memperdengarkan bacaan al-Luhhan²⁰ - kepada hukum yang lima, dan ia adalah jelas.

Akan tetapi, ia dikhususkan dari sudut Shariat bagi sesuatu yang dikeji daripada sesuatu (perkara) yang bertentangan dengan apa yang makruf (diketahui) daripada Nabi ﷺ.”

R: (*Shams al-Din al-Sakhawi (902H), 2003 - Fath al-Mugith bi Sharh Alfiyat al-Hadith*)

2.7.1.13 Al-Imam Jalal al-Din al-Suyuti (Wafat 911 H)

Al-Imam al-Hafiz Jalal al-Din al-Suyuti menyebut di dalam kitab syarahannya bagi al-Muwatta' :

تطلق [البدعة] في الشرع على ما يقابل السنة أي ما لم يكن في عهده صلى الله عليه وآله وسلم ثم تنقسم إلى الأحكام الخمسة ...

Maksudnya: “Lafaz al-bid’ah di dalam Shariat ditujukan kepada apa-apa selain daripada al-Sunnah, iaitu apa yang tidak ada di zaman Baginda ﷺ, kemudian ia terbahagi kepada hukum yang lima ...”.

R: (*al-Suyuti (911H), - Sharh al-Suyuti 'ala al-Muwatta'*)

Di dalam kitab fatwanya yang masyhur iaitu al-Hawi li al-Fatawi, beliau ada menyebut:

لأن البدعة لم تحصر في الحرام والمحظى بل قد تكون أيضا مباحة ومندوبة وواجبة

Maksudnya: “.. Ini adalah kerana bid’ah itu tidak terhad pada perkara yang haram dan makruh sahaja, bahkan ia juga boleh menjadi harus, sunat dan wajib.”

R: (*al-Suyuti (911H), 2004 - al-Hawi li al-Fatawi*)

²⁰ Seseorang yang membaca al-Quran dengan tidak mengikut cara yang lurus / betul di dalam bahasa Arab.

2.7.1.14 Al-Imam Ibn Hajar al-Haytami (Wafat 973 H)

Al-Imam Ibn Hajar al-Haytami juga telah menukilkan kata-kata al-Imam ʻIzz al-Din Ibn ʻAbd al-Salam berkenaan pembahagian bid’ah kepada lima hukum *taklifi* di dalam kitabnya *al-Fatawa al-Hadithiyyah* apabila menjawab soalan yang dikemukakan berkenaan bid’ah dan beliau kemudiannya menyebut:

... وفي الحديث : (كل بدعة ضلاله) وهو محمول على المحرمة لا غير ...

Maksudnya: “Dan berkenaan hadith: “Setiap bid’ah adalah kesesatan”, maka ia diletakkan ke atas bid’ah yang diharamkan, tidak selain daripadanya ...”

R: (Ibn Hajar al-Haytami (973H), - al-Fatawa al-Hadithiyyah)

2.7.1.15 Al-Imam Zayn al-Din al-Munawi (Wafat 1031 H)

Al-Imam Zayn al-Din al-Munawi menyebut di dalam kitabnya: “*Fayd al-Qadir*”²¹ ketika mensyarahkan hadith di bawah daripada *al-Jamiʻ al-Saghir*:

إِذَا مَاتَ صَاحِبُ بِدْعَةٍ فَقَدْ فُتَحَ فِي الْإِسْلَامِ فَتْحٌ

“Apabila wafatnya seorang ahli bid’ah, maka sesungguhnya dibuka di dalam Islam satu bukaan (kebaikan).”

(تنبيه) المراد بالبدعة هنا اعتقاد مذهب القدرية أو الجبرية أو المرجئة أو المجسمة ونحوهم فإن البدعة خمسة أنواع: محرمة وهي هذه وواجبة وهي نصب أدلة المتكلمين للرد على هؤلاء وتعلم التحاو الذي به يفهم الكتاب والسنّة ونحو ذلك ومندوبة كإحداث نحو

²¹ Nama penuh kitab beliau ini ialah “*Fayd al-Qadir Sharh al-Jamiʻ al-Saghir min Ahadith al-Bashir al-Nadhir*”. Kitab beliau ini merupakan sharaḥan bagi kitab: “*al-Jamiʻ al-Saghir min Ahadith al-Bashir al-Nadhir*” yang dikarang oleh Al-Imam al-Suyuti.

رباط ومدرسة وكل إحسان لم يعهد في الصدر الأول ومكرهه كزخرفة مسجد وتزويق
مصحف ومتاحة كالصافحة عقب صبح وعصر وتوسيع في لذيد مأكل وملبس ومسكن
ولبس طيلسان وتوسيع أكمام ذكره النووي في تهذيبه

Maksudnya: “(Perhatian) Maksud yang dikehendaki dengan bid’ah di sini ialah iktikad mazhab al-Qadariyyah atau al-Jabriyyah atau al-Murji’ah atau al-Mujassimah dan seumpama mereka.

Maka sesungguhnya bid’ah itu ada lima (5) jenis:

- (i) [bid’ah] yang diharamkan dan ia adalah (bid’ah yang telah disebut) di sini, dan
- (ii) [bid’ah] yang wajib dan ia adalah (seperti) meletakkan dalil-dalil ulama’ kalam (aqidah) untuk menolak mereka-mereka (yang sesat aqidahnya) itu dan mempelajari ilmu Nahu yang mana dengannya al-Quran dan al-Sunnah dapat difahami dan seumpamanya, dan
- (iii) [bid’ah] yang disunatkan seperti mencipta / membina seumpama ribat, dan sekolah dan setiap amalan ihsan yang tidak pernah ada di zaman yang pertama (terdahulu), dan
- (iv) [bid’ah] yang dimakruhkan seperti menghias masjid (dengan melampau) dan menghias al-Quran (dengan melampau), dan
- (v) [bid’ah] yang diharuskan seperti bersalaman (selepas) solat Subuh dan Asar dan meluaskan / mempelbagaikan makanan yang lazat, pakaian, tempat tinggal, dan memakai taylasan (kain yang menutup kepala dan bahu) dan meluaskan pergelangan baju,
(ini) telah disebut oleh al-Nawawi di dalam (kitabnya) Tahdhib (al-Asma wa al-Lughat).”

R: (Zayn al-Din al-Munawi (1031H), 1356H - Fayd al-Qadir Sharh al-Jami' al-Saghir)

2.7.1.16 Al-Imam Ibn al-‘Allan al-Siddiqi al-Shafi‘i (Wafat 1057 H)

Al-Imam Ibn al-‘Allan al-Siddiqi al-Shafi‘i al-Ash‘ari al-Makki menyebut di dalam kitabnya yang masyhur “*Dalil al-Falihin li Turuq Riyad al-Salihin*” yang merupakan syaranan bagi kitab al-Imam al-Nawawi yang bertajuk “*Riyad al-Salihin*”:

والمراد بالضلال هنا ما ليس له أصل في الشرع وإنما حمل عليه مجرد الشهوة أو الإرادة
بخلاف محدث له أصل في الشرع إما بحمل النظر على النظير أو بغير ذلك فإنه حسن إذ
هو سنة الخلفاء الراشدين والأئمة المهدىين فمنشأ الذم في البدعة ليس مجرد لفظ محدث أو
بدعة بل ما اقتنى به من خالفته للسنة ورعايته للضلال ولذا انقسمت البدعة إلى الأحكام
الخمسة لأنها إذا عرضت على القواعد الشرعية لم تخل عن واحد منها

Maksudnya: “Dan makna yang dikehendaki dengan ‘kesesatan’ di dalam hadith ini adalah apa yang tidak ada baginya asas di dalam Shariat, dan ia hanyasanya dilakukan semata-mata kerana kecenderungan nafsu dan kehendak.

Dan ini berbeza dengan perkara baru yang mempunyai asas di dalam Shariat sama ada dengan meletakkan (membandingkan) perkara tersebut di atas perkara seumpamanya (Qiyas/analogi) atau dengan cara lain, maka ia adalah sesuatu yang baik.

Ini adalah kerana ia adalah Sunnah al-Khulafa’ al-Rashidin dan para imam yang diberi petunjuk.

Dan sebab kejadian pada perkara bid’ah itu bukanlah semata-mata kerana lafaz “baharu” atau “bid’ah”, bahkan ia adalah kerana apa yang bersama dengannya daripada perkara yang bertentangan dengan Shariat dan yang memelihara kesesatan.

Dan oleh kerana ini, bid’ah itu terbahagi kepada hukum yang lima kerana sesungguhnya apabila ia (bid’ah) itu dibentangkan ke atas kaedah-kaedah Shariat, ia tidak akan terlepas daripada salah satu daripadanya (hukum yang lima).”

R: (*Ibn 'Allan (1057H), 2004 - Dalil al-Falihin li Turuq Riyad al-Salihin*)

2.7.1.17 Al-Imam al-Bakri al-Dimyati (Wafat 1310 H)

Di dalam kitabnya yang masyhur: “I'anat al-Talibin”, al-Imam al-Bakri al-Dimyati telah menukilkan kata-kata al-Imam ‘Izz al-Din Ibn ‘Abd al-Salam di dalam kitabnya serta diikuti dengan hadith serta kata-kata Imam al-Shafie. Kemudian beliau menyebut:

والحاصل أن البدع الحسنة متفق على ندبها وهي ما وافق شيئاً مما مر ولم يلزم من فعله
محذور شرعاً ومنها ما هو فرض كفاية كتصنيف العلوم.

Maksudnya: “Dan hasilnya ialah bahawa sesungguhnya **bid’ah hasanah yang disepakati mengenai anjuran (Shariat) bagi melakukannya** ialah apa yang bersepakat dengan apa yang telah lalu (di dalam kata-kata Imam al-Shafie iaitu al-Quran, al-Sunnah, al-Athar dan al-Ijma^c) dan tidak lazim berlaku dari perlaksanaanya itu sesuatu yang dilarang oleh Shariah, dan di antaranya ada yang merupakan fardu kifayah seperti mengarang (pelbagai jenis) ilmu.”

R: (*al-Dimyati (1302H), 1997 - I'anat al-Talibin: Hashiyah 'ala Hall Alfaz Fath al-Mu'in li Sharh Qurrat al-'Ayn bi Muhimmat al-Din*)

Dan setelah menukilkan kata-kata al-Imam Abu Shamah yang memuji perkara-perkara kebajikan yang dilakukan pada sambutan Mawlid Nabawi, beliau menyebut:

وأن البدع السيئة، وهي ما خالف شيئاً من ذلك صريحاً أو التزاماً، قد تنتهي إلى ما يوجب
التحريم تارة والكرابة أخرى، وإلى ما يظن أنه طاعة وقربة.

Maksudnya: “Dan sesungguhnya bid’ah-bid’ah yang jahat itu ialah apa yang bertentangan dengan sesuatu daripada perkara tersebut (al-Quran, al-Sunnah, al-Athar dan al-Ijma^c) sama ada secara terang/jelas atau implikasi. Kadang-kala ia boleh sampai kepada (faktor) yang mewajibkan pengharaman, dan kadang-kala (ia boleh sampai kepada) makruh, dan kepada sesuatu yang disangka

bahawa sesungguhnya ia adalah satu ketaatan dan pendekatan (kepada Allah)."

R:(*al-Dimyati* (1302H), 1997 - *I'anat al-Talibin: Hashiyah 'ala Hall Alfaz Fath al-Mu'in li Sharh Qurrat al-'Ayn bi Muhimmat al-Din)*

2.7.2 Ulama' Mazhab Hanafi

Berikut adalah penerangan oleh sepuluh (10) orang tokoh dari kalangan ulama' mazhab Hanafi berkenaan bid'ah dan pembahagiannya.

2.7.2.1 Al-Imam Shams al-Din al-Kirmani (Wafat 786 H)

Al-Imam Shams al-Din al-Kirmani menyebut di dalam kitab syarahannya bagi Sahih al-Bukhari (*al-Kawakib al-Darari fi Sharh Sahih al-Bukhari/ Sharh al-Kirmani 'ala Sahih al-Bukhari*):

البدعة كل شيء عمل على غير مثال سابق، وهي خمسة أقسام: واجبة ومندوبة ومحرمة ومكرورة ومتاحة. وحديث (كل بدعة ضلاله) من العام المخصوص.

Maksudnya: "Bid'ah itu adalah setiap sesuatu perkara yang diamalkan tidak mengikut contoh terdahulu, **dan ia terbahagi kepada lima (5) bahagian: wajib, sunat, haram, makruh dan harus**. Dan hadith "Setiap bid'ah itu adalah sesat" adalah daripada (lafaz) umum (dengan makna yang) dikhuruskan."

R: (*Shams al-Din al-Kirmani* (786H), 1981 - *al-Kawakib al-Darari fi Sharh Sahih al-Bukhari*)

2.7.2.2 Al-Imam Sa'd al-Din al-Taftazani (Wafat 792 H)

Al-Imam Sa'd al-Din al-Taftazani berkata:

و لا يعرفون أن البدعة المذمومة هو المحدث في الدين من غير أن يكون في عهد الصحابة والتابعين لا دل عليه الدليل الشرعي.

وَمِنْ الْجُهْلَةِ مِنْ يَجْعَلُ كُلَّ أَمْرٍ لَمْ يَكُنْ فِي زَمْنِ الصَّحَابَةِ بَدْعَةً مَذْمُوَّةً وَإِنْ لَمْ يَقُمْ دَلِيلٌ عَلَى
قَبْحِهِ تَمْسِكًا بِقَوْلِهِ عَلَيْهِ السَّلَامُ : إِيَاكُمْ وَمَحْدُثَاتُ الْأَمْرِ، وَلَا يَعْلَمُونَ أَنَّ الْمَرَادَ بِذَلِكَ هُوَ
أَنْ يَجْعَلُ فِي الدِّينِ مَا لَيْسَ مِنْهُ عَصْمَنَا اللَّهُ مِنْ اتِّبَاعِ الْهُوَى وَثَبَّتَنَا عَلَى اقْتِفَاءِ الْهُدَى) أَه

Maksudnya: “Dan mereka (golongan batil yang taksub) tidak mengetahui bahawa sesungguhnya bid’ah yang dikehendaki itu ialah perkara baru di dalam agama yang tidak ada di dalam zaman Sahabat dan Tabi‘in, dan tidak ada dalil daripada Shariat yang menunjukkan kepadanya.

Dan adalah daripada kalangan orang-orang jahil sesiapa yang menjadikan setiap perkara yang tidak ada di zaman Sahabat sebagai bid’ah yang dikehendaki walaupun tidak ada dalil yang menunjukkan kejelekannya, kerana berpegang dengan zahir sabdaan Baginda ﷺ: “Berhati-hatilah daripada perkara-perkara baru”, dan mereka tidak mengetahui bahawa maksud yang dikehendaki dengan (sabdaan Baginda ﷺ) itu ialah membuat sesuatu di dalam agama yang bukan daripadanya. Semoga Allah memelihara kita daripada mengikut hawa nafsu dan menetapkan kita di atas jalan (yang) mengikut petunjuk.”

R: (*Sa'd al-Din al-Taftazani (791H), 1981 - Sharh al-Maqasid fi 'Ilm al-Kalam*)

2.7.2.3 Al-Imam Badr al-Din al-‘Ayni (Wafat 855 H) – Bid’ah Hasanah dan Bid’ah Mustaqbahah (Sayyi’ah)

Al-Imam al-‘Allamah al-Muhaddith al-Hafiz al-Mu’arrikh Badr al-Din al-‘Ayni – seorang tokoh besar ilmu hadith - menyebut di dalam kitabnya: “*Umdat al-Qari Sharh Sahih al-Bukhari*²²):

²² Kitab beliau ini dianggap sebagai salah satu kitab syarah terbaik bagi Sahih al-Bukhari dan beliau mengambil masa selama lebih kurang 20 tahun untuk menyiapkannya.

الْبِدْعَةُ فِي الْأَصْلِ إِحْدَاثٌ أَمْرٌ لَمْ يَكُنْ فِي رَمَنِ رَسُولِ اللَّهِ صَلَّى اللَّهُ عَلَيْهِ وَسَلَّمَ . ثُمَّ الْبِدْعَةُ عَلَى نَوْعَيْنِ، إِنْ كَانَتْ مِمَّا يَنْدَرِجُ تَحْتَ مُسْتَحْسَنٍ فِي الشَّرْعِ فَهِيَ بِدْعَةٌ حَسَنَةٌ. وَإِنْ كَانَتْ مِمَّا يَنْدَرِجُ تَحْتَ مُسْتَقْبَحٍ فِي الشَّرْعِ فَهِيَ بِدْعَةٌ مُسْتَقْبَحَةٌ.

Maksudnya: “Bid’ah pada asalnya ialah mewujudkan sesuatu perkara yang tidak ada di zaman Rasulullah ﷺ.

Kemudian, bid’ah itu terbahagi kepada dua bahagian:

- (i) Sekiranya ia termasuk di dalam sesuatu yang dipandang baik di dalam Shariat, maka ia adalah **bid’ah yang baik (hasanah)**;
- (ii) (ii) Dan sekiranya ia termasuk di dalam sesuatu yang dipandang buruk di dalam Shariat maka ia adalah **bid’ah yang terkeji**.

R: (*Badr al-Din al-'Ayni (855)*, - *'Umdat al-Qari Sharh Sahih al-Bukhari*)

Beliau juga menyebut di dalam kitab yang sama:

البدعة - لغة - كل شيء على غير مثال سابق. وشرعًا: إحداث مالم يكن له أصل في عهد رسول الله صلى الله عليه وسلم، وهي على قسمين: بدعة ضلاله، وبدعة حسنة، وهي ما رأه المسلمون حسناً، ولا يكون مخالفًا للكتاب والسنّة والإجماع.

Maksudnya: “Bid’ah itu dari sudut bahasa ialah: tiap-tiap sesuatu yang tidak ada contoh sebelumnya.

Dan dari sudut Shariah ialah: Mencipta sesuatu yang tidak ada asal pada zaman Rasulullah ﷺ dan **ia terbahagi kepada dua bahagian: Bid’ah yang sesat dan bid’ah yang baik**, dan ia adalah apa yang dilihat oleh orang-orang Muslim sebagai sesuatu yang baik, dan ia tidak bertentangan dengan al-Quran, al-Sunnah dan al-Ijma’.”

R: (*Badr al-Din al-'Ayni (855)*, - *'Umdat al-Qari Sharh Sahih al-Bukhari*)

2.7.2.4 Al-Imam Ya'qub Ibn Sayyid 'Ali al-Barusawi al-Hanafi (Wafat 931 H)

Al-Imam Ya'qub Ibn Sayyid 'Ali al-Barusawi al-Rumi al-Hanafi menyebut di dalam kitabnya "Mafatih al-Jinan fi Sharh Shir'at al-Islam", p.13:

والمراد أن كل بدعة في الدين كانت على خلاف منهاجهم وطريقتهم فهو ضلاله وإن فقد حرقوا أن من البدعة ما هي حسنة مقبولة كالاشتغال بالعلوم الشرعية وتدوينها، ومنها ما هي سيئة مردودة وهي ما أحدث بعدهم على خلاف منهاجهم بحيث لو اطلعوا عليه لأنكروه وكرهوا

Maksudnya: "Dan maksud [bagi bid'ah yang tertolak itu] ialah sesungguhnya setiap bid'ah di dalam agama yang bertentangan dengan manhaj-manhaj mereka dan jalan mereka (para Sahabat 比士，para Tabi'in dan para Tabi'i al-Tabi'in), maka ia adalah sesat.

Dan jika tidak [bertentangan], maka mereka telah mentahqiqkan bahawa ada daripada bid'ah itu sesuatu yang baik lagi diterima seperti menyibukkan diri dengan ilmu-ilmu Shariah dan mengarangnya.

Dan ada daripadanya (bid'ah) itu yang buruk dan ditolak dan ia adalah apa yang dicipta selepas mereka yang bertentangan dengan manhja-manhaj mereka di mana sekiranya mereka melihatnya, maka mereka akan mengingkarinya dan menolaknya."

R: (*Ya'qub Ibn Sayyid 'Ali (931H), - Mafatih al-Jinan fi Sharh Shir'at al-Islam*)

2.7.2.5 Al-Imam al-Muhaddith al-Shaykh Abd al-Haqq al-Dihlawi (Wafat 1052 H)

Al-Imam al-Muhaddith al-Shaykh Abd al-Haqq al-Dihlawi menyebut di dalam kitabnya: "*Sharh al-Mishkat*":

اعلم أن كل ما ظهر بعد رسول الله ﷺ بدعة، وكل ما وافق أصول سنته وقواعدها أو
قيس عليها فهو بدعة حسنة، وكل ما خالفها فهو بدعة سيئة وضلاللة

Maksudnya: “Ketahuilah! Bahawa sesungguhnya setiap perkara yang muncul selepas (kewafatan) Rasulullah ﷺ adalah bid’ah.

Dan setiap perkara (baru) yang bersepakat dengan asas-asas sunnah Baginda ﷺ dan kaedah-kaedahnya atau dikiaskan ke atasnya maka ia adalah bid’ah yang baik, dan setiap (perkara baru) yang menyalahinya (sunnah Baginda ﷺ) maka ia adalah bid’ah yang jahat dan sesat.”

R: (*Waliyyullah al-Dihlawi (1052H)*, - *Lama'at al-Tanqih fi Sharh Mishkat al-Masabih*)

2.7.2.6 Al-Imam Abu Sa’id al-Khadimi al-Hanafi (Wafat 1176 H)

Al-Imam al-Faqih al-Usuli Abu Sa’id al-Khadimi al-Hanafi menyebut di dalam kitabnya “al-Birriqah al-Mahmudiyyah”:

البدعة الممنوعة ما تكون خلاف سنة أو حكمة مشروعية سنة فحكمة مشروعية السواك
دفع الأذى وإزالة الرائحة الكريهة وتطهير الفم، ولا شك أن الدخان خالف لهذه الحكمة
وقرر أن البدعة الحسنة ما يكون له إعانة لأمر ديني

Maksudnya: “Bid’ah yang dilarang itu ialah apa yang bertentangan dengan Sunnah atau hikmah penshariatan Sunnah. Maka hikmah penshariatan al-Siwak ialah mencegah penyakit dan menghilangkan bau yang busuk dan membersihkan mulut. Dan tidak syak lagi bahawa asap (rokok) itu bertentangan dengan hikmah ini.

Dan telah diputuskan/ditetapkan bahawa **bid’ah yang baik itu ialah apa yang ada padanya بantuan bagi perkara-perkara agama.”**

R: (*Abu Sa'id al-Khadimi al-Hanafi (1176H)*, 1348H – *Al-Birriqah al-Mahmudiyyah fi Sharh al-Tariqah al-Nabawiyah wa al-Shariah al-Muhammadiyyah fi al-Sirah al-Ahmadiyyah*)

2.7.2.7 Al-Imam Nur al-Din Muhammad Ibn ‘Abdillah al-Tatawi al-Sindi (Wafat 1138 H)

Al-Imam Abu al-Hasan Nur al-Din Muhammad Ibn ‘Abd al-Hadi al-Tatawi al-Sindi menyebut ketika mensyarahkan hadith:

وَشُرُّ الْأُمُورِ مُحْدَثُهَا

Maksudnya: “Dan seburuk-buruk perkara ialah perkara-perkara yang baru.”

يُرِيدُ الْمُحْدَثَاتُ الَّتِي لَيْسَ فِي الشَّرِيعَةِ أَصْلٌ يَشَهِّدُ لَهَا بِالصَّحَّةِ وَهِيَ الْمُسَمَّاهُ بِالْبِدَعَ كَذَا
ذَكَرَهُ الْقُرْطُبِيُّ وَالْمَرَادُ الْمُحْدَثَاتُ فِي الدِّينِ وَعَلَى هَذَا فَقَوْلُهُ وَكُلُّ بَدْعَةٍ ضَلَالَةٌ عَلَى عُمُومِهِ
وَكُلُّ ضَلَالَةٍ فِي النَّارِ أَيْ صَاحِبَهَا فِي النَّارِ

Maksudnya: “(Perkara-perkara baru yang) Baginda (Rasulullah ﷺ) kehendaki ialah perkara-perkara baru yang tiada asas yang menyaksikan (menjadi dalil) kesahihannya dan ia dinamakan sebagai bida^c, seperti itulah disebut oleh al-Qurtubi.

Dan makna yang dikehendaki di sini ialah perkara-perkara baru di dalam agama. Dan berdasarkan (tafsiran/ kefahaman) ini, maka sabdaan Baginda ﷺ: “Dan setiap bid’ah adalah kesesatan” (hendaklah difahami) dengan keumuman (lafaznya) dan “Setiap kesesatan adalah di dalam neraka,” iaitu (memberi maksud) pelakunya adalah di dalam neraka.”

R: (*Nur al-Din al-Sindi (1138H), 1986 - Hashiyat al-Sindi 'ala Sunan al-Nasa'i*)

2.7.2.8 Al-Imam Ibn ‘Abidin al-Hanafi (Wafat 1252 H)

Al-Imam Ibn ‘Abidin al-Hanafi yang disebut sebagai Pentahqiq mazhab al-Hanafi menyebut di dalam kitabnya masyhur:

مَطْلَبُ الْبَدْعَةِ خَمْسَةُ أَقْسَامٍ

(قَوْلُهُ أَيْ صَاحِبُ بِدْعَةٍ) أَيْ مُحَرَّمَةٍ، وَإِلَّا فَقَدْ تَكُونُ وَاجِبَةً، كَنَصْبِ الْأَدِلَّةِ لِلرَّدِّ عَلَى أَهْلِ الْفِرَقِ الضَّالَّةِ، وَتَعْلُمُ النَّحْوَ الْمُفْهِمَ لِلْكِتَابِ وَالسُّنْنَةِ وَمَنْدُوبَةَ كَإِحْدَادِ نَحْوِ رِبَاطٍ وَمَدْرَسَةٍ وَكُلُّ إِحْسَانٍ لَمْ يَكُنْ فِي الصَّدْرِ الْأَوَّلِ، وَمَكْرُوهَةٌ كَزَخْرَفَةِ الْمُسَاجِدِ. وَمُبَاحَةٌ كَالْتَوْسُعِ بِلَذِيذِ الْمَالَكِيِّ وَالْمُشَارِبِ وَالثِّيَابِ كَمَا فِي شَرْحِ الْجَامِعِ الصَّغِيرِ لِلْمُنَاوِيِّ عَنْ تَهْذِيبِ النَّوْوِيِّ، وَبِمِثْلِهِ فِي الطَّرِيقَةِ الْمُحَمَّدِيَّةِ لِلْبِرْكَيِّ

Maksudnya: “Satu tuntutan perbincangan: **Bid’ah itu lima bahagian.**

(Kata-katanya iaitu Ahli Bid’ah) merujuk kepada bid’ah yang diharamkan.

Maka bid’ah itu kadang-kadang adalah wajib, seperti menegakkan dalil-dalil bagi menolak ahli-ahli golongan yang sesat, dan belajar ilmu Nahu yang memberikan kefahaman bagi (memahami) al-Quran dan al-Sunnah;

Dan (kadang-kadang ia adalah) disunatkan seperti membina ribat, madrasah dan setiap perkara baik yang tidak ada pada masa/zaman terdahulu;

Dan (kadang-kadang ia adalah) makruh seperti (melampau dalam) menghiasi masjid;

Dan (kadang-kadang ia adalah) diharuskan seperti meluaskan keenakan dengan kepelbagai makanan, minuman dan pakaian, seperti mana yang telah dibincangkan di dalam Sharh al-Jami‘ al-Saghir oleh al-Munawi daripada Tahdhib al-Nawawi, dan seumpamanya di dalam al-Tariqah al-Muhammadiyyah oleh al-Birkilli.”

R: (Ibn 'Abidin (1252H), 1992 - Radd al-Muhtar 'ala al-Durr al-Mukhtar)- Bab Sifat al-Salah / Wajibat al-Salah.

2.7.2.9 Al-Imam al-Muhaddith al-Mufassir al-Faqih al-Alusi (Wafat 1270 H)

Dalam mentafsirkan ayat 27 daripada surah al-Hadid:

﴿ وَرَهْبَانِيَّةً أَبْتَدَعُوهَا مَا كَتَبْنَاهَا عَلَيْهِمْ إِلَّا أَبْتِغَاءَ رِضْوَانِ اللَّهِ فَمَا رَعَوهَا حَقٌّ رِعَايَتَهَا ﴾
 ﴿ فَعَاتَنَا الَّذِينَ ءَامَنُوا مِنْهُمْ أَجْرَهُمْ وَكَثِيرٌ مِنْهُمْ فَسِقُونَ ﴾

Maksudnya: "... Dan Rahbaniyyah yang mereka ada-adakan; Kami tidak mewajibkannya atas mereka; melainkan untuk mencari keredhaan Allah; lalu mereka tidak memeliharanya menurut yang sewajibnya. Oleh itu, Kami berikan kepada orang yang beriman di antara mereka pahalanya, dan kebanyakan mereka orang yang fasik."

Al-Imam al-Mufassir al-Muhaddith al-Faqih Mahmud Shihab al-Din Abu al-Thana' al-Husayni al-Alusi menyebut:

وليس في الآية ما يدل على ذم البدعة مطلقاً، والذي تدل عليه ظاهراً ذم عدم رعاية ما التزمه، وتفصيل الكلام في البدعة ما ذكره الإمام محيي الدين النووي في شرح صحيح مسلم قال العلماء: البدعة خمسة أقسام واجبة ومندوبة ومحرمة ومكرورة ومتاحة . فمن الواجبة تعلم أدلة المتكلمين للرد على الملاحدة والمبتدئين وشبيه ذلك، ومن المندوبة تصنيف كتب العلم وبناء المدارس والربط وغير ذلك، ومن المتاحة التبسيط في الألوان الأطعمة وغيرها، والحرام والمكرور ظاهران، فعلم أن قوله صلى الله تعالى عليه وسلم «كل بدعة ضلال» من العام المخصوص.

Maksudnya: "Dan tidak ada di dalam ayat ini apa yang menunjukkan kejadian terhadap bid'ah secara mutlaq. Dan apa yang ditunjukkan (oleh ayat ini) secara zahir ialah kejadian terhadap (sikap) tidak memelihara apa yang telah mereka wajibkan ke atas diri mereka.

Dan perincian bagi perbincangan berkenaan bid'ah ialah apa yang telah disebut oleh al-Imam Muhy al-Din al-Nawawi di dalam Sharh Sahih Muslim.

Para ulama' berkata: Bid'ah itu ada lima bahagian: wajib, sunat, haram, makruh dan harus.

Maka daripada (bid'ah) yang wajib ialah mempelajari dalil-dalil (ulama') mutakallimin bagi menolak golongan yang tidak mempercayai (kebenaran aqidah Islam) dan ahli-ahli bid'ah dan seumpama itu;

Dan daripada (bid'ah) yang sunat ialah menulis kitab-kitab ilmu, membina sekolah-sekolah, ribat, dan selain daripada itu;

Dan daripada (bid'ah) yang harus ialah melapangkan/ meluaskan kepelbagaian makanan dan seumpama itu;

Dan (bid'ah) yang haram dan makruh itu adalah jelas.

Maka diketahui bahawa sesungguhnya sabdaan (Rasulullah ﷺ) : “Setiap bid’ah adalah kesesatan” adalah daripada (lafaz) umum yang telah (dikhususkan) maksudnya.”

R: (*al-Alusi (1270H), 1994 - Ruh al-Ma'ani fi Tafsir al-Qur'an al-'Azim wa al-Sab' al-Mathani*)

2.7.2.10 Al-Imam ḡAbd al-Hayy al-Laknawi (Wafat 1304 H)

Al-Imam ḡAbd al-Hayy al-Laknawi menyebut:

حدث في زمن عمر وقال في حقه : نعمت البدعة هي ، سماها بدعة باعتبار المعنى العام
ووصفها بالحسن إشعارا بأنه ليس كل محدث عام ضلاله ولو يريده المعنى الشرعي حتى
يرد أن كل بدعة ضلاله فكيف توصف بالحسن؟

Maksudnya: “(Ianya - solat Tarawih) mula berlaku di zaman [Saidina] ‘Umar (Ibn al-Khattab ؓ) dan beliau berkata berkenaan: “Sebaik-baik bid’ah, inilah dia”.

Beliau menamakannya bid’ah berdasarkan kepada makna yang umum dan beliau menyifatkannya dengan "Baik" (untuk) menyatakan bahawa sesungguhnya tidaklah setiap perkara baru itu umumnya adalah sesat.

Dan andainya beliau kehendaki dengannya makna Shar’ie sehingga menolak (hadith) sesungguhnya “Setiap bid’ah itu adalah sesat,” maka bagaimanakah ia (solat al-Tarawih di belakang seorang imam) disifatkan dengan "baik"?”

Di tempat yang lain, beliau menyebut:

وأما الحادث بعد الأزمة الثلاثة فيعرض على أدلة الشرع: فإن وجد نظيره في العهود الثلاثة أو دخل في قاعدة من قواعد الشرع لم يكن بدعة لأنها عبارة عنها لا يوجد في القرون الثلاثة وله أصل من أصول الشرع وإن أطلقت عليه البدعة قيده بالحسنة ، وإن لم يوجد له أصل من أصول الشرع صار بدعة ضلاله وإن ارتكبه من يعد من أرباب الفضيلة أو من يشتهر بالمشيخة فإن أفعال العلماء والعباد ليست بحججة ما لم تكن مطابقة للشرع.

Maksudnya: “Dan adapun perkara baru yang berlaku selepas zaman yang tiga (kurun itu - kurun Nabi ﷺ dan al-Salaf al-Soleh), maka ianya dibentangkan di atas dalil-dalil Shariat.

Maka sekiranya didapati seumpamanya di dalam era tiga kurun (Nabi ﷺ dan al-Salaf al-Soleh), atau ianya termasuk di dalam satu kaedah daripada kaedah-kaedah Shariat, (maka) ia tidak menjadi bid'ah kerana ia adalah ibarat bagi apa yang tidak wujud pada era tiga kurun (Nabi ﷺ dan al-Salaf al-Soleh), dan baginya asas daripada asas-asas Shariat. **Dan sekiranya diungkapkan ke atasnya lafaz bid'ah (sekalipun), maka ianya diikat dengan (sifat) "kebaikan".**

Dan sekiranya tiada baginya asas daripada asas-asas Shariat, (maka) ia menjadi bid'ah yang sesat, walapun ianya dilakukan/ diamalkan oleh sesiapa yang dianggap daripada tokoh-tokoh yang dihormati, atau sesiapa yang masyhur sebagai sheikh, (kerana) sesungguhnya perbuatan para ulama' dan para hamba Allah itu bukanlah hujah apabila ia tidak benar-benar sepakat dengan Shariat.”

R: (*al-Laknawi (1304H), - Iqamat al-Hujjah 'ala anna al-Ikthar fi al-Ta'abbud laysa bi Bid'ah*)

2.7.3 Ulama' Mazhab Maliki

Berikut adalah penerangan berkenaan bid'ah oleh sebelas (11) orang tokoh dari kalangan ulama' mazhab Maliki berkenaan perkara ini.

2.7.3.1 Al-Imam Ibn ‘Abd al-Barr (Wafat 463 H)

Dalam mengulas kata-kata Saidina ‘Umar Ibn al-Khattab ﷺ, al-Imam Ibn ‘Abd al-Barr menyatakan bahawa:

وأما قول عمر: نعمت البدعة في لسان العرب اختراع ما لم يكن وابتداؤه ، فها كان من ذلك في الدين خلافا للسنة التي مضى عليها العمل فتلك بيعة لا خير فيها وواجب ذمها والنهي عنها والأمر باجتنابها وهجران مبتدعها إذا تبين له سوء مذهبها. وما كان من بدعة لا تخالف أصل الشريعة والسنة فتلك نعمت البدعة كما قال عمر لأن أصل ما فعله سنة.

Maksudnya: “Dan adapun kata-kata [Saidina] ‘Umar (Ibn al-Khattab ﷺ) : "Sebaik-baik bid'ah", (maka) pada lisan (bahasa) Arab (inya merujuk kepada) mencipta sesuatu yang tidak ada sebelumnya dan memulakannya.

Maka perkara-perkara baru di dalam agama ini yang bertentangan dengan al-Sunnah yang telah lama diamalkan, maka itu adalah bid'ah yang tidak ada kebaikan padanya dan wajib mengejinya dan juga melarang daripadanya serta menyuruh agar ianya dijauhi dan ahli bid'ah itu dipulau apabila ternyata baginya keburukan mazhabnya.

Dan perkara-perkara bid'ah (baru) tersebut yang tidak bertentangan dengan asas Shariat dan al-Sunnah, maka itulah sebaik-baik bid'ah sepertimana yang telah disebut oleh [Saidina] ‘Umar (Ibn al-Khattab ﷺ) kerana asas bagi apa yang dilakukannya adalah Sunnah.”

R:(*Ibn ‘Abd al-Barr (463H), 2000 - al-Istidhkar*)

2.7.3.2 Al-Imam Abu al-Walid al-Baji (Wafat 474 H)

Al-Imam Abu al-Walid al-Baji menyebut:

وقال الأوزاعي: (إذا ظهرت البدع فلم ينكرها أهل العلم صارت سنة) ومن ذلك أن عمر بن الخطاب جمع الناس في صلاة التراويح ليصلّي بهم أبي بن كعب ولما رآهم في الغد

يصلون التراویح جماعة قال: (نعم البدعة هذه). وفي تسمية عمر لذلك بيعة تجوز، وإن
فهي سنة لقوله صلی الله علیه وسلم: (عليکم بستي وسنة الخلفاء الراشدين المهدىين
عضوأ عليها بالنواجد وإنكم ومحدثات الأمور فإن كل محدثة بيعة وأن كل بيعة
ضلاله) – يعني والله أعلم كل بيعة سيئة ضلاله.

Maksudnya: “Dan (Imam) al-Awza'i berkata: “Apabila zahirnya bid'ah-bid'ah, dan para ahli ilmu tidak mengingkarinya, maka ia menjadi sunnah.” Dan sesungguhnya di antara (contoh bagi perkara) itu ialah perbuatan [Saidina] ‘Umar Ibn al-Khattab ﷺ yang telah mengumpulkan orang ramai bagi melakukan solat al-Tarawih untuk diimamkan/ diketuai oleh [Saidina] Ubayy Ibn Ka'b ﷺ.

Dan apabila beliau melihat mereka mengerjakan solat (al-Tarawih tersebut) pada keesokan malam secara berjema'ah, beliau berkata: "Sebaik-baik bid'ah, inilah ia". Dan pada penamaan [Saidina] ‘Umar ﷺ bagi perkara tersebut sebagai bid'ah adalah satu bentuk majaz / metafora²³, (kerana ia sebenarnya adalah) satu sunnah berdasarkan sabdaan Nabi ﷺ:

“Hendaklah kamu berpegang / mengikut dengan sunnahku dan sunnah para khulafa' yang bijaksana, lagi diberi petunjuk (selepas daku). Maka berpeganglah dengannya (sekuat-kuatnya) dengan gigi gerham yang paling hujung; dan berhati-hatilah kamu daripada perkara-perkara yang baru, maka sesungguhnya setiap perkara baru itu adalah bid'ah, dan sesungguhnya setiap bid'ah itu adalah kesesatan” - iaitu (merujuk kepada) - Allah lebih mengetahui – setiap bid'ah yang jahat, lagi sesat.”

R: (Abu al-Walid al-Baji (474H), 1986 - *al-Ta'dil wa al-Tajrih liman Kharraj lah al-Bukhari fi al-Jami' al-Sahih*)

²³ Metafora ialah pemakaian kata-kata yg menyatakan sesuatu makna atau maksud yang lain daripada makna biasa atau makna sebenar (zahir) perkataan yg berkenaan (sebagai perbandingan atau kiasan). Kamus Dewan -Edisi Keempat.

2.7.3.3 Al-Imam Abu Bakr al-Turtushi al-Maliki (Wafat 520 H)

Al-Imam Abu Bakr Muhammad Ibn al-Walid al-Turtushi al-Maliki berkata di dalam “al-Hawadith wa al-Bida”:

روى محمد بن يحيى عن مالك في المدونة أنه قال عن قنوت الوتر : إنه لحسن وهو أمر حدث لم يكن في زمن أبي بكر وعمر وعثمان.

Maksudnya: “Muhammad Ibn Yahya meriwayatkan daripada [Imam] Malik di dalam al-Mudawwanah bahawa beliau berkata berkenaan qunut di dalam solat al-Witr: **“Sesungguhnya ia adalah baik”**, sedangkan ia adalah perkara baru yang tidak ada pada zaman Abu Bakr ﷺ, ‘Umar ﷺ dan ‘Uthman ﷺ.”

R: (*Abu Bakr al-Turtushi al-Maliki (520H), 1998 - al-Hawadith wa al-Bida'*)

2.7.3.4 Al-Imam Abu Bakr Ibn al-^cArabi (Wafat 543 H)

Al-Imam al-Hafiz Abu Bakr Ibn al-^cArabi menyebut di dalam syarahannya bagi Sunan al-Tirmidhi:

اعلموا علمكم الله أن المحدثات على قسمين: محدث ليس له أصل إلا الشهوة والعمل بمقتضى الإرادة، فهذا باطل قطعاً. ومحدث بحمل النظير على الناظر، فهذه سنة الخلفاء، والأئمة الفضلاء. وليس المحدث والبدعة مذموماً للفظ محدث وبذلة ولا لمعناها، فقد قال تعالى: ما يأتيهم من ذكرٍ من ربهم مُحَدِّثٌ، وقال عمر: نعمت البدعة هذه، وإنما يُذم من البدعة ما خالف السنة، ويُذم من المحدثات ما دعا إلى ضلاله

Maksudnya: “Ketahuilah – semoga Allah mengajar kamu – bahawa sesungguhnya perkara-perkara baru itu terbahagi kepada dua bahagian:

(i) Perkara baru yang tiada baginya asas melainkan shahwat dan beramal mengikut kehendak (sendiri), maka ini adalah batil secara pasti.

(ii) Dan perkara baru yang diasaskan dengan meletakkan sesuatu perkara dengan perkara yang serupa dengannya, maka ini adalah Sunnah para khalifah dan para Imam yang mulia. Dan perkara baru dan bid'ah itu tidaklah dikeji kerana lafaz baru atau bid'ah atau maknanya, maka sesungguhnya Allah ﷺ berfirman: “Tidak datang kepada mereka peringatan yang baru daripada tuhan mereka,” dan ‘Umar رضي الله عنه telah berkata: Sebaik-baik bid’ah, ini lah ia.”

Hanyasanya (apa) yang dikeji daripada bid’ah itu (ialah) apa yang menyalahi al-Sunnah, dan (apa) yang dikeji daripada perkara-perkara baru itu (ialah) apa yang menyeru kepada kesesatan.”

R: (*Ibn al-'Arabi al-Maliki (543H)*, - 'Aridat al-Ahwadhi bi Sharh Sahih al-Tirmidhi)

2.7.3.5 Al-Imam al-Qurtubi (Wafat 671 H)

Al-Imam al-Mufassir Shams al-Din Abu 'Abdillah Muhammad Ibn Ahmad al-Ansari al-Qurtubi al-Ash'ari al-Maliki menyebut di dalam kitab Tafsirnya yang terkemuka:

كل بيعة صدرت من مخلوق فلا يخلو أن يكون لها أصل في الشرع أو لا: فإن كان لها أصل كانت واقعة تحت عموم ما ندب الله إليه وحضر رسوله عليه ، فهي في حيز المدح؛ وإن لم يكن مثاله موجوداً كنوع من الجود والسخاء و فعل المعروف ، فهذا فعله من الأفعال المحمودة ، وإن لم يكن الفاعل قد سبق إليه ، ويعضد هذا قول عمر رضي الله عنه : نعمت البدعة هذه ، لما كانت من أفعال الخير وداخلة في حيز المدح ، وهي وإن كان النبي صلى الله عليه وآله وسلم قد صلاها إلا أنه تركها ولم يحافظ عليها ، ولا جمع الناس عليها ، فمحافظة عمر رضي الله عنه عليها ، وجمع الناس لها ، ونذبهم إليها ، بدعة لكنها بدعة محمودة مدروحة. وإن كانت في خلاف ما أمر الله به ورسوله فهي في حيز الذم والإنكار، قال معناه الخطابي وغيره .

قلت : وهو معنى قوله صلى الله عليه وآلـه وسلم في خطبته : وشر الأمور محدثاتها وكل بدعة ضلالـة ، ي يريد ما لم يوافق كتابـا أو سـنة ، أو عمل الصحابة رضي الله عنـهم، وقد بين هذا بقولـه : من سن في الإسلام ... وهذا إشارة إلى ما ابتـدع من قبيح وحسن ، وهو أصل هذا الباب .

Maksudnya: "Setiap bid'ah yang dilakukan oleh makhluk, maka sama ada ia mempunyai asas daripada Shariat ataupun tidak.

Maka sekiranya baginya asas, maka ia terletak di bawah keumuman yang dianjurkan oleh Allah ﷺ kepadanya dan digalakkan oleh Rasul-Nya baginya, maka ia berada di dalam lingkungan yang terpuji, walaupun tidak ada baginya contoh yang wujud seperti satu bentuk (baru) daripada sikap pemurah dan dermawan serta berbuat kebaikan. Maka perbuatannya ini adalah daripada perbuatan-perbuatan yang dipuji, walaupun tidak ada seorang pun yang mendahuluinya melakukannya.

(Hakikat) ini telah diperkuatkan oleh kata-kata [Saidina] 'Umar رضي الله عنه: "Sebaik-baik bid'ah, inilah dia,' lantaran ianya (solat berjemaah Tarawih di belakang seorang imam) adalah daripada perbuatan-perbuatan yang baik dan termasuk di dalam lingkungan kepujian.

Dan ianya, walapun Nabi ﷺ telah mengerjakannya, namun Baginda telah meninggalkannya dan tidak memeliharanya / meneruskannya, dan Baginda tidak menghimpunkan manusia baginya. Maka pemeliharaan [Saidina] 'Umar رضي الله عنه (melakukannya secara berterusan) terhadapnya, dan beliau menghimpunkan orang ramai baginya, dan menganjurkan mereka untuk melakukannya, (adalah merupakan) satu bid'ah, tetapi **bid'ah yang terpuji lagi disanjung**.

Dan sekiranya ia (perkara baru itu) bertentangan dengan apa yang telah diperintahkan oleh Allah ﷺ dan Rasul-Nya, maka ia adalah di dalam lingkungan kejian dan ingkar. Dengan makna ini (jua) Imam al-Khattabi dan selain beliau telah sebutkan.

Aku berkata: Dan ia adalah makna sabdaan Baginda (Rasulullah) ﷺ di dalam khutbah Baginda: "Dan seburuk-buruk perkara adalah perkara-perkara yang baru diadakan dan setiap bid'ah adalah kesesatan,"، (Baginda) menghendaki dengan (sabdaan)nya itu apa

yang tidak bersepakat dengan al-Quran atau al-Sunnah atau amalan para sahabat ﷺ.

Dan sesungguhnya Baginda ﷺ telah menerangkan hal ini dengan sabdaan Baginda: "Barangsiapa yang memulakan /mencipta di dalam Islam...." dan ini adalah isyarat bagi apa yang baru diadakan daripada perkara yang buruk dan baik, dan ia adalah asas bagi bab ini."

R: (*al-Qurtubi (671H), 1964 - al-Jami' li Ahkam al-Qur'an*)

2.7.3.6 Al-Imam Shihab al-Din Al-Qarafi (Wafat 684 H)

Al-Imam Shihab al-Din Abu al-'Abbas Ahmad al-Qarafi menyebut di dalam kitabnya yang masyhur "al-Furuq":

(الْفَرْقُ الثَّانِي وَالْخَمْسُونَ وَالْمِائَتَانِ بَيْنَ قَاعِدَةٍ مَا يَحْرُمُ مِنْ الْبِدَعِ وَيُنْهَى عَنْهُ وَبَيْنَ قَاعِدَةٍ مَا لَا يُنْهَى عَنْهُ مِنْهَا)

اعلم أنَّ الْأَصْحَابَ - فِيهَا رَأَيْتَ - مُتَفَقُونَ عَلَى إِنْكَارِ الْبِدَعِ نَصَّ عَلَى ذَلِكَ ابْنُ أَبِي زَيْدٍ وَغَيْرُهُ وَالْحُقُّ التَّفْصِيلُ، وَأَنَّهَا خَمْسَةُ أَقْسَامٍ، (قِسْمٌ) وَاحِدٌ، وَهُوَ مَا تَنَاوَلُهُ قَوَاعِدُ الْوُجُوبِ وَأَدِلَّتُهُ مِنْ الشَّرْعِ ...، (الْقِسْمُ الثَّانِي) : مُحَرَّمٌ، وَهُوَ بِدْعَةٌ تَنَاوَلَتْهَا قَوَاعِدُ التَّحْرِيمِ وَأَدِلَّتُهُ مِنْ الشَّرِيعَةِ ...، (الْقِسْمُ الثَّالِثُ) مِنْ الْبِدَعِ مَنْدُوبٌ إِلَيْهِ، وَهُوَ مَا تَنَاوَلَهُ قَوَاعِدُ النَّدِيبِ وَأَدِلَّتُهُ مِنْ الشَّرِيعَةِ ...، (الْقِسْمُ الرَّابِعُ) بِدَعٌ مَكْرُوهٌ، وَهِيَ مَا تَنَاوَلَهُ أَدِلَّةُ الْكَرَاهَةِ مِنْ الشَّرِيعَةِ وَقَوَاعِدُهَا ...، (الْقِسْمُ الْخَامِسُ) الْبِدَعُ الْمُبَاحُ، وَهِيَ مَا تَنَاوَلَهُ أَدِلَّةُ الْإِبَاحةِ وَقَوَاعِدُهَا مِنْ الشَّرِيعَةِ ...

Maksudnya: "Perbezaan Kedua Ratus Lima Puluh Dua di antara Kaerah Bagi Apa Yang Haram dan Dilarang daripada Perkara-perkara Bid'ah dan Kaerah Bagi Apa Yang Tidak Dilarang daripadanya

Ketahuilah bahawa sesungguhnya ulama-ulama' mazhab (Maliki) - pada apa yang telah aku lihat - bersepakat di dalam mengingkari

perkara-perkara bid'ah. Ini telah dinaskan oleh Ibn Abi Zayd dan selain beliau.

Dan kebenaran di dalam perkara ini ialah (ianya memerlukan) perincian, dan sesungguhnya ia (bid'ah) terbahagi kepada lima (5) bahagian.

(Bahagian) yang wajib: dan ia adalah apa yang dicakupi oleh kaedah-kaedah kewajipan dan dalil-dalilnya daripada Shariat,

(Bahagian kedua) ialah yang diharamkan: dan ia adalah bid'ah yang dicakupi oleh kaedah-kaedah pengharaman dan dalil-dalilnya daripada Shariat....,

(Bahagian ketiga) daripada bid'ah-bid'ah ialah yang dianjurkan kepadanya; dan ia adalah apa yang dicakupi oleh kaedah-kaedah anjuran dan dalil-dalilnya daripada Shariat....,

(Bahagian Keempat) ialah bid'ah-bid'ah yang makruh: dan ia adalah apa yang dicakupi oleh dalil-dalil kemakruhan daripada Shariat dan kaedah-kaedahnya....,

(Bahagian Kelima) ialah bid'ah yang diharuskan: dan ia adalah apa yang dicakupi oleh dalil-dalil keharusan dan kaedah-kaedahnya daripada Shariat ...”

R: (*al-Qarafi (684H)*, - *al-Furuq / Anwar al-Buruq fi Anwa' al-Furuq*)

2.7.3.7 Al-Imam Ibn al-Hajj al-^cAbdari (Wafat 737 H)

Al-Imam Muhammad Ibn al-Hajj al-^cAbdari al-Maliki menyebut di dalam kitabnya “al-Madkhal”:

فَالْجُوَابُ أَنَّ الْبِدَعَ قَدْ قَسَمَهَا الْعُلَمَاءُ عَلَىٰ حَمْسَةِ أَقْسَامٍ: بِدُعَةٌ وَاحِدَةٌ وَهِيَ مِثْلُ كَتْبِ الْعِلْمِ فَإِنَّهُ لَمْ يَكُنْ مِنْ فِعْلِ مَنْ مَضَى لِأَنَّ الْعِلْمَ كَانَ فِي صُدُورِهِمْ وَكَشْكُلِ الْمُصَحَّفِ وَنَقْطَهِ.

الْبِدَعَةُ الثَّانِيَةُ: بِدُعَةٌ مُسْتَحَبَّةٌ قَالُوا: مِثْلُ بَنَاءِ الْقَنَاطِيرِ وَتَنْظِيفِ الْطُّرُقِ لِسُلُوكِهَا وَتَهْبِيَةِ الْجُسُورِ وَبَنَاءِ الْمَدَارِسِ وَالرُّبُطِ وَمَا أَشْبَهَ ذَلِكَ.

الْبِدَعَةُ الثَّالِثَةُ: وَهِيَ الْمُبَاحَةُ كَالْمُنْخُلِ وَالْأُشْنَانِ وَمَا شَاكَلَهُمْ.

الْبِدْعَةُ الرَّابِعَةُ: وَهِيَ الْمُكْرُوهَةُ مِثْلُ الْأَكْلِ عَلَى الْخُوَانِ وَمَا أَشْبَهُ.

الْبِدْعَةُ الْخَامِسَةُ: وَهِيَ الْمُحَرَّمَةُ وَهِيَ أَكْثَرُ مِنْ أَنْ تَنْحَصِرَ.

Maksudnya: “Maka jawapan (bagi hal itu) ialah sesungguhnya bid'ah itu telah dibahagikan oleh para ulama' kepada lima (5) bahagian:

- (i) Bid'ah yang wajib seperti menulis ilmu (Shariat). Maka sesungguhnya ia bukanlah daripada perbuatan orang-orang yang terdahulu kerana ilmu itu berada di dalam dada-dada mereka, dan seumpama meletakkan baris dan titik-titik bagi mushaf (al-Quran).
- (ii) Bid'ah yang kedua ialah: Bid'ah yang disunatkan. Mereka berkata: Seumpama membina jambatan dan membersihkan jalan-jalan untuk dilalui dan menyediakan titi/jambatan, membina sekolah-sekolah, ribat dan seumpamanya.
- (iii) Bid'ah yang ketiga: ialah bid'ah yang diharuskan seperti alat mengayak tepung, wangian tumbuhan bagi membasuh tangan dan apa yang menyerupai kedua-duanya.
- (iv) Bid'ah yang keempat: ialah yang makruh seperti makan di atas meja hidangan dan seumpamanya.
- (v) Bid'ah yang kelima: ialah yang diharamkan dan ia adalah begitu banyak dan tidak terhitung.”

R:(Ibn al-Hajj al-Maliki (737H), - al-Madkhal)

2.7.3.8 Al-Imam Abu ‘Abdillah Muhammad Ibn Khalifah al-Ubbi al-Tunisi al-Maliki (Wafat 827 H)

Salah seorang ulama' besar hadith daripada mazhab Maliki, Al-Imam Abu ‘Abdillah Muhammad Ibn Khalifah al-Ubbi menyebut ketika mensyarahkan hadith Rasulullah ﷺ yang berbunyi:

مَنْ أَحْدَثَ فِي أَمْرِنَا هَذَا مَا لَيْسَ مِنْهُ فَهُوَ رَدٌّ

Maksudnya: “Barangsiapa yang mengadakan di dalam urusan kami ini sesuatu yang bukan daripadanya, maka ia adalah tertolak.”

ما ليس من أمره هو ما لم يسنه ولم يشهد الشرع باعتباره، فيتناول المنهيات والبدع التي لم يشهد الشرع باعتبارها، وأما التي شهد باعتبار أصلها فهي جائزة وهي من أمره

كالمستحدثات المستحسنة

Maksudnya: “Apa yang bukan daripadanya ialah apa yang tidak disunnahkan oleh Baginda ﷺ dan tidak ada (nas) Shariat yang menyaksikan keabsahannya. Maka ia mencakupi perkara-perkara yang dilarang dan bid’ah-bid’ah yang tidak ada persaksian daripada Shariat bagi keabsahannya .

Dan adapun (perkara) yang mempunyai persaksian (daripada Shariat) bagi keabsahan asasnya, maka ia adalah harus dan ia adalah daripada urusan Baginda ﷺ seperti **perkara-perkara baru yang dilihat sebagai baik.**”

R: (*al-Ubbi al-Maliki* (827H), - *Ikmal Ikmal al-Mu'lim*)

2.7.3.9 Al-Imam Ahmad Ibn Yahya al-Wansharisi al-Maliki (Wafat 914 H)

Al-Imam Ahmad Ibn Yahya al-Wansharisi al-Maliki menyebut di dalam kitabnya “al-Mi‘yar al-Mu‘rib” (*al-Mi‘yar al-Mu‘rib wa al-Jami’ al-Mughrib ‘an Fatawa Ahl Ifriqiyyah wa al-Andalus wa al-Maghrib*):

وأصحابنا وإن اتفقوا على إنكار البدع في الجملة فالتحقيق الحق عندهم أنها خمسة أقسام

Maksudnya: “Dan para ulama’ kita (al-Malikiyyah), walaupun mereka telah bersepakat berkenaan pengingkaran terhadap bid’ah-bid’ah secara umum, maka **tahqiq yang sebenarnya di sisi mereka adalah sesungguhnya (bid’ah) itu ada lima bahagian.**”

Kemudian beliau pun menerangkan kelima-lima bahagian bid'ah tersebut dan memberikan contoh bagi setiap bahagian. Selanjutnya beliau berkata:

فَالْحَقُّ فِي الْبَدْعَةِ إِذَا عُرِضَتْ أَنْ تُعرَضُ عَلَى قَوَاعِدِ الشَّرْعِ فَأَيِّ الْقَوَاعِدِ اقْتَضَتْهَا الْحَقْتُ
بِهَا، وَبَعْدَ وَقْفِكَ عَلَى هَذَا التَّحْصِيلِ وَالتَّأْصِيلِ لَا تَشْكُ أَنْ قَوْلَهُ صَلَّى اللَّهُ عَلَيْهِ وَسَلَّمَ: "كُلُّ بَدْعَةٍ ضَلَالٌ" ، مِنَ الْعَامِ الْمُخْصُوصِ كَمَا صَرَحَ بِهِ الْأَئِمَّةُ رَضِيَ اللَّهُ عَنْهُمْ.

Maksudnya: “Maka, kebenaran berkenaan bid’ah itu apabila ia dinilai ialah dengan membentangkannya di atas kaedah-kaedah Shariat. Mana-mana kaedah yang berkaitan dengan implikasinya, maka ia dinisbahkan kepadanya.

Dan setelah kamu berdiri di atas hasil (kajian) dan prinsip ini, kamu tidak akan lagi syak bahawa sesungguhnya sabdaan Rasulullah ﷺ: “Setiap bid’ah itu adalah sesat” adalah daripada (lafaz) umum yang dikhurasukan (maknanya) sepetimana yang telah dijelaskan oleh para imam – (Semoga) keredaan Allah ﷺ dicurahkan ke atas mereka.”

R: (*Abu al-'Abbas al-Wansharisi (914H), 1981 - al-Mi'yar al-Mu'rib wa al-Jami' al-Mughrib 'an Fatawa Ahl Ifriqiyyah wa al-Andalus wa al-Maghrib*)

2.7.3.10 Al-Imam Muhammad al-Zurqani (Wafat 1122 H)

Di dalam kitabnya: “Sharh al-Zurqani ‘ala al-Muwatta”, Bab: Apa Yang Datang Berkenaan Qiyam Ramadan, Al-Imam Abu ‘Abdillah Muhammad Ibn ‘Abd al-Baqi al-Zurqani al-Maliki menyebut ketika mensyarahkan kata-kata Saidina ‘Umar ﷺ: “Sebaik-baik bid’ah, inilah ia,” :

وَصَفَهَا بِنِعْمَتٍ لِأَنَّ أَصْلَ مَا فَعَلَهُ سُنَّةً وَإِنَّمَا الْبِدْعَةُ الْمُنْوَعَةُ خِلَافَ السُّنَّةِ.

Maksudnya: “Beliau (Saidina ‘Umar ﷺ) menyifatkannya dengan “Sebaik-baiknya”, kerana asas bagi apa yang beliau lakukan ialah

sunnah. Dan hanyasanya bid'ah yang dilarang itu ialah yang bertentangan dengan al-Sunnah.”

Dan seterusnya beliau berkata:

فَسَمِّا هَا بِدُعَةً لِأَنَّهُ - صَلَّى اللَّهُ عَلَيْهِ وَسَلَّمَ - لَمْ يُسْنَ الْاجْتِمَاعُ لَهَا وَلَا كَانَتْ فِي زَمَانٍ
الصَّدِيقِ وَهُوَ لُغَةٌ مَا أُخْدِثَ عَلَى غَيْرِ مِثَالٍ سَبَقَ، وَتُطْلُقُ شَرْعًا عَلَى مُقَابِلِ السُّنَّةِ وَهِيَ مَا
لَمْ يَكُنْ فِي عَهْدِهِ - صَلَّى اللَّهُ عَلَيْهِ وَسَلَّمَ - ثُمَّ تَنْقِسُ إِلَى الْأَحْكَامِ الْخُمْسَةِ، وَهِيَ مَا
كُلُّ بِدُعَةٍ ضَلَالٌ » "عَامٌ مَخْصُوصٌ .

Maksudnya: “Maka beliau menamakannya (solat berjemaah Tarawih di belakang seorang imam) sebagai bid'ah kerana Baginda ﷺ tidak memulakan perhimpunan / perkumpulan baginya (qiyam Ramadan), dan tidak juga ia berlaku pada zaman (Abu Bakr) al-Siddiq ؓ.

Dan ia (bid'ah) dari sudut bahasa ialah sesuatu yang dimulakan tanpa ada contoh yang terdahulu. Dan diungkapkan dalam Shariat sebagai antonim (kata lawan) kepada al-Sunnah, dan ia adalah sesuatu perkara yang tidak ada pada zaman Baginda (Rasulullah) ﷺ, **kemudian ia diliputi oleh hukum yang lima.**

Dan hadith: “Setiap bid'ah adalah sesat” itu umum (dari sudut lafaz) dan (maknanya) telah dikhususkan.”

R: (*al-Zarqani (1122H), 2003 - Sharh al-Zurqani 'ala al-Muwatta'*)

2.7.3.11 Al-Imam Muhammad al-Tahir Ibn Ḥāshur (Wafat 1393 H)

Di dalam mentafsirkan firman Allah ﷺ:

﴿وَرَهَبَانِيَّةٌ أَبْتَدَعُوهَا﴾

Maksudnya: “... dan Rahbaniyyah yang mereka telah mengadakannya..”

Al-Imam Ibn 'Ashur menyebut di dalam kitab tafsirnya "al-Tahrir wa al-Tanwir":

وَفِيهَا حُجَّةٌ لِأَنْقِسَامِ الْبِدْعَةِ إِلَى مَحْمُودٍ وَمَذْمُومٍ بِحَسْبِ انْدِرَاجِهَا تَحْتَ نَوْعٍ مِنْ أَنْوَاعِ
الْمُشْرُوعِيَّةِ فَتَعْتَرِيَّهَا الْأَحْكَامُ الْخَمْسَةُ كَمَا حَقَّقَهُ الشَّهَابُ الْقَرَافِيُّ وَحُذَاقُ الْعُلَمَاءِ. وَأَمَّا
الَّذِينَ حَاوَلُوا حَصْرَهَا فِي الذَّمِّ فَلَمْ يَجِدُوا مَصْرِفًا. وَقَدْ قَالَ عُمَرٌ لَمَّا جَمِعَ النَّاسُ عَلَى قَارِئٍ
وَاحِدٍ فِي قِيَامِ رَمَضَانَ «نِعْمَتِ الْبِدْعَةُ هَذِهِ».

Maksudnya: "**Dan padanya hujah bagi terbahaginya bid'ah kepada yang terpuji dan yang terkeji berdasarkan kedudukannya pada satu jenis daripada jenis-jenis penshariatian. Maka, hukum yang lima itu meliputinya sepertimana yang telah ditahqiq oleh (al-Imam) al-Shihab al-Qarafi dan mereka yang bijak pandai dari kalangan para ulama'.**

Dan adapun mereka yang cuba untuk mengongkongnya (istilah bid'ah) hanya dalam rangka kejian, maka mereka tidak mendapati (baginya) jalan. Dan sesungguhnya [Saidina] 'Umar (رضي الله عنه) berkata – apabila orang ramai telah dihimpunkan di belakang seorang imam bagi mendirikan (malam) Ramadan - : "Sebaik-baik bid'ah, inilah ia."

R: (*Ibn 'Ashur (1393H), 1984 - al-Tahrir wa al-Tanwir*)

2.7.4 Ulama' Mazhab Hanbali

Berikut adalah penerangan berkenaan bid'ah oleh enam (6) orang tokoh dari kalangan ulama' mazhab al-Hanbali berkenaan topik ini.

2.7.4.1 Al-Imam Ibn al-Jawzi (Wafat 597 H)

Al-Imam al-Hafiz 'Abd al-Rahman Ibn al-Jawzi al-Hanbali menyebut:

البدعة عبارة عن فعل لم يكن فابتدع ، والأغلب في المبتدعات أنها تصادم الشريعة بالمخالفة وتجوب التعالي عليها بزيادة أو نقص، فإن ابتدع شيء لا يخالف الشريعة ، ولا يوجب التعالي عليها فقد كان جمهور السلف يكرهونه، وكانوا ينفرون من كل مبتدع وإن كان جائزًاً، حفظاً للأصل وهو الإتباع

Maksudnya: “Bid’ah itu ialah ibarat bagi sesuatu perbuatan yang tidak pernah berlaku, maka dia memulakannya/menciptanya. Dan kebanyakan perkara-perkara bid’ah itu ialah ianya bertentangan dengan Shariat dan menyebabkan perubahan ke atasnya sama ada dengan tambahan atau terkurang.

Sekiranya tercipta/ dimulakan sesuatu bid’ah yang tidak bertentangan dengan Shariat dan tidak menyebabkan perubahan ke atasnya, maka sesungguhnya majoriti Salafus Soleh itu tidak menyukainya, dan mereka melarikan diri daripada setiap perkara baru walaupun ianya harus, kerana menjaga prinsip asas iaitu mengikut.”

Beliau kemudiannya menambah lagi dengan berkata:

إِنَّ الْقَوْمَ كَانُوا يَتَحَذَّرُونَ مِنْ كُلِّ بَدْعَةٍ وَإِنْ لَمْ يَكُنْ بِهَا بَأْسٌ لَّمْ يَجْدُهُوا مَا لَمْ يَكُنْ، وَقَدْ
جَرَتْ مُحَدَّثَاتٍ لَا تَصَادِمُ الشَّرِيعَةَ وَلَا تَتَعَارَضُ مَعَهَا، فَلَمْ يَرُوا بِفَعْلِهَا بَأْسًاً ... وَمَتَى
أَسَنَ الْمُحَدَّثَ إِلَى أَصْلِ مَشْرُوعٍ لَمْ يَذْمُمْ

Maksudnya: “Sesungguhnya kaum (Salafus Soleh) itu mereka berhati-hati daripada setiap bid’ah walaupun tidak ada kejian/larangan padanya agar mereka tidak mencipta sesuatu yang tidak pernah ada.

(Namun begitu) sesungguhnya telah berlaku perkara-perkara baru yang tidak bertentangan dengan Shariat serta tidak menyebabkannya (pertentangan Shariat), maka mereka tidak melihat adanya (kejian/larangan) bagi melakukan (perkara-perkara tersebut).... **Dan apabila sesuatu perkara baru itu disandarkan kepada satu asas yang dishariatkan, (maka) ia tidaklah dikeji.**”

R: (*Ibn al-Jawzi (597H), 2001 - Talbis Iblis*)

2.7.4.2 Al-Imam Shams al-Din al-Ba^cli al-Hanbali (Wafat 709 H)

Al-Imam Abu ^cAbdillah Shams al-Din Muhammad Ibn Abi al-Fath Ibn Abi al-Fadl al-Ba^cli al-Hanbali menyebut di dalam kitabnya “al-Muttali^c cala Alfaz al-Muqni^c” di dalam “Kitab Sunnat al-Talaq wa Bid^catih”:

والبدعة: ما عمل على غير مثال سابق، والبدعة: بدعتان، بدعة هدى، وبدعة ضلاله.

والبدعة: منقسمة بانقسام أحكام التكليف الخمسة

Maksudnya: “Dan bid’ah itu: ialah sesuatu yang diamalkan tanpa berdasarkan contoh yang terdahulu.

Dan **bid’ah itu ada dua jenis bid’ah: bid’ah petunjuk dan bid’ah kesesatan.**

Dan **bid’ah itu terbahagi dengan pembahagian hukum taklifi yang lima** (wajib, sunat, harus, makruh dan haram). ”

R: (*Shams al-Din al-Ba’li (709H), 2003 - al-Muttali’ ‘ala Alfaz al-Muqni’*)

2.7.4.3 Al-Shaykh Ibn Taymiyyah (Wafat 728 H)

Al-Shaykh Ibn Taymiyyah al-Harrani al-Dimashqi menyebut di dalam kitabnya: “Qa^cidah Jalilah fi al-Tawassul wa al-Wasilah”:

وكل بدعة ليست واجبة ولا مستحبة فهي بدعة سيئة، وهي ضلاله باتفاق المسلمين. ومن قال في بعض البدع إنها بدعة حسنة فإنما ذلك إذا قام دليل شرعي على أنها مستحبة، فأما ما ليس بمستحب ولا واجب فلا يقول أحد من المسلمين إنها من الحسنات التي يتقرب

بها إلى الله

Maksudnya: "Dan setiap bid'ah yang tidak wajib atau disunatkan, maka ia adalah bid'ah yang jahat, dan ia adalah sesat dengan kesepakatan umat Islam.

Dan barangsiapa yang menyatakan pada sebahagian bid'ah bahawa sesungguhnya ia adalah bid'ah yang baik, maka itu hanyasanya sekiranya terdapat dalil daripada Shariat yang menunjukkan bahawa sesungguhnya ia adalah disunatkan.

Maka adapun apa yang tidak disunatkan dan tidak wajib, maka tidak ada seorang pun dari kalangan umat Islam yang menyatakan bahawa sesungguhnya ia adalah daripada kebaikan-kebaikan yang (seorang Muslim) boleh mendekatkan diri kepada Allah ﷺ dengannya."

R: (*Ibn Taymiyyah (728H), 2001 - Qa'idah Jalilah fi al-Tawassul wa al-Wasilah*)

Di dalam nukilan yang lain, al-Shaykh Ibn Taymiyyah dilihat menolak dengan jelas pembahagian bid'ah kepada bid'ah yang baik dan bid'ah yang buruk. Beliau berkata:

المحافظة على عموم قول النبي صلى الله عليه وسلم "كل بدعة ضلاله" متعين، وأنه يجب العمل بعمومه، وأن من أخذ يصنف البدع إلى حسن وقبيح، ويجعل ذلك ذريعة إلى ألا يحتاج بالبدعة على النهي فقد أخطأ كما يفعله طائفة من المتفقهة والمتكلمة والمتصوفة والمتباعدة

"Pemeliharaan keumuman [makna] sabdaan Nabi ﷺ pada hadith "Setiap bid'ah adalah kesesatan" itu adalah perlu/satu kemestian, dan sesungguhnya wajib beramal dengan keumuman maknanya.

Dan sesungguhnya sesiapa yang membahagikan bid'ah kepada [bid'ah] yang baik dan [bid'ah] yang buruk, dan menjadikannya sebagai jalan untuk tidak berhujah dengan bid'ah bagi [menunjukkan] larangan, maka sesungguhnya dia telah melakukan kesalahan seperti mana yang dilakukan oleh sekelompok kecil dari orang-orang fiqh, ilmu kalam, tasawwuf dan ahli ibadah."

R: (*Ibn Taymiyyah (728H) 2004 – Majmu' Fatawa Ahmad Ibn Taymiyyah*), Jilid 10, pp. 370-371.

2.7.4.4 Al-Imam al-Hafiz Ibn Rajab al-Hanbali (Wafat 795 H)

Al-Hafiz Ibn Rajab al-Hanbali menyebut di dalam “*Jami' al-Ulum wa al-Hikam*”:

وَالْمُرَادِ بِالْبِدْعَةِ مَا أُحْدِثَ إِمَّا لَا أَصْلَ لَهُ فِي الشَّرِيعَةِ يَدْلُلُ عَلَيْهِ، وَإِمَّا مَا كَانَ لَهُ أَصْلٌ مِنْ
الشَّرْعِ يَدْلُلُ عَلَيْهِ فَلَيْسَ بِبِدْعَةٍ شَرْعًا وَإِنْ كَانَ بِدْعَةً لُغَةً

Maksudnya: “Dan makna yang dikehendaki dengan bid’ah ialah: Sesuatu perkara yang dimulakan serta tidak mempunyai asal baginya di dalam Shariat yang menunjukkannya (menjadi dalil baginya), dan manakala sesuatu perkara yang mempunyai asal daripada Shariat yang menunjukkannya (menjadi dalil baginya), maka ia bukanlah bid’ah dari sudut Shariat walaupun ia adalah bid’ah dari sudut bahasa.”

Beliau juga menyebut:

وَأَمَّا مَا وَقَعَ فِي كَلَامِ السَّلَفِ مِنْ اسْتِحْسَانِ بَعْضِ الْبِدَعِ، فَإِنَّمَا ذَلِكَ فِي الْبِدَعِ الْلُّغَوِيَّةِ، لَا
الشَّرْعِيَّةِ، فَمِنْ ذَلِكَ قَوْلُ عُمَرَ رَضِيَ اللَّهُ عَنْهُ لَمَّا جَمَعَ النَّاسَ فِي قِيَامِ رَمَضَانَ عَلَى إِمَامٍ وَاحِدٍ
فِي الْمُسْجِدِ، وَخَرَجَ وَرَآهُمْ يُصَلِّونَ كَذَلِكَ فَقَالَ: نِعْمَتِ الْبِدْعَةُ هَذِهِ.

Maksudnya: “Dan adapun apa yang disebut di dalam kata-kata para Salafus Soleh yang menunjukkan bahawa mereka memandang baik sebahagian bid’ah, maka hanyasanya itu adalah daripada bid’ah dari sudut bahasa, bukan(nya bid’ah) dari sudut Shariat.

Dan di antara (kata-kata tersebut) ialah kata-kata [Saidina] ‘Umar رضي الله عنه apabila beliau menghimpunkan orang ramai bagi melakukan qiyam Ramadan di belakang satu imam di masjid. Dan (apabila) beliau keluar (pada satu malam) dan melihat mereka itu sedang bersolat (secara berjemaah di belakang satu imam) seumpama itu, maka beliau pun berkata: “Sebaik-baik bid’ah, inilah ia.”

R: (*Ibn Rajab al-Hanbali (795H), 2001 - Jami' al-'Ulum wa al-Hikam fi Sharh Khamsin Hadithan min Jawami' al-Kalim*)

2.7.4.5 Al-Imam Mar'i al-Karmi al-Hanbali (Wafat 1033 H)

Al-Imam al-'Allamah Mar'i Ibn Yusuf al-Karmi al-Maqdisi al-Hanbali mensyarahkan hadith “Setiap bid'ah adalah sesat” dengan berkata:

(كل بيعة ضلاله) : هذا الكلام ليس على إطلاقه ، بل قيده العلماء . قال ابن عبد السلام رحمة الله تعالى: تنقسم إلى واجبة، ومحرمة، ومندوبة ، ومكرورة ، ومباحة

Maksudnya: “(Setiap bi'ah adalah sesat): Sabdaan (Baginda ﷺ) ini bukanlah secara mutlak, bahkan para ulama' telah meletakkan ikatan/ pengkhususan (bagi maknanya). (al-Imam) Ibn 'Abd al-Salam – Semoga Allah ﷺ merahmati beliau - berkata: (Bid'ah) itu terbahagi kepada wajib, haram, sunat, makruh dan haram.”

R: (*Mar'i Yusuf al-Karmi (1033H), 200 - Tahqiq al-Burhan fi Sha'n al-Dukhan alladhi Yashrabuh al-Nas al-'An*)

2.7.4.6 Al-Imam Muhammad al-Safarayini al-Hanbali (Wafat 1188 H)

Al-Imam al-'Allamah Muhammad Ibn Ahmad al-Safarayini al-Hanbali menyebut:

فإن قلت : المحدثات منقسمة إلى بدع مستحسنة وإلى بدع مستقبحة كما قال الإمام الشافعي رضي الله عنه.... . قلت : الأمر كذلك ولكن تسمية المستحسن من ذلك بيعة على سبيل التوسيع والمجاز وإلا فالبدع المراد بها ما خالف المشروع وتعدي به إلى الممنوع.

وأما المحدثات الحسنة فجائزه ومنها واجب ومنها ما هو مستحب مثل بناء المنابر والربط والمدارس والمدارس والخانات والسبيل وغير ذلك من أنواع البر التي لم تعهد في الصدر

الأول، فإن فعل ذلك موافق لما جاءت به الشريعة من اصطناع المعروف والمعاونة على البر والتقوى

Maksudnya: “Sekiranya kamu berkata: Perkara-perkara baru itu terbahagi kepada bid'ah-bi'ah yang dipandang baik dan bid'ah-bid'ah yang dipandang keji seperti mana yang dikatakan oleh al-Imam al-Shafie ﷺ.....

(Maka) Aku berkata: (Ya), hal ini sememangnya begitu. Akan tetapi, penamaan al-mustahsan (dipandang baik) bagi bid'ah itu adalah (dilakukan) berdasarkan perluasan (makna kalimah) dan metafora. (Ini adalah kerana) makna yang dikehendaki dengan (lafaz bid'ah) itu ialah apa yang bertentangan dengan apa yang dishariatkan dan melampau sehingga kepada perkara yang dilarang.

Dan adapun perkara-perkara baru yang baik, maka ia adalah harus. Dan daripadanya ada yang wajib dan daripadanya (jua) ada yang disunatkan seperti membina mimbar-mimbar, ribat, sekolah-sekolah, hospital-hospital dan bilik-bilik persinggahan bagi musafir dan selain itu daripada jenis-jenis kebajikan yang tidak didapati pada zaman (generasi) yang pertama. Maka sesungguhnya perlakuan itu selari/ sepakat dengan apa yang telah didatangkan oleh Shariat daripada (anjuran) melakukan kebaikan, dan tolong menolong dalam melakukan kebajikan dan ketaqwaan.”

Kemudian beliau menyebut:

وأما البدع المستقبحة فهي التي أطلق العلماء ذمها والمراد هنا : بالبدع الاعتقادية المخالفة
لما كان عليه السلف من الصحابة والتابعين لهم بإحسان وأئمة الدين المعول عليهم
والمشهود لهم بالتمكين والمجمع على إمامتهم بين علماء أهل السنة العاملين

Maksudnya: “Dan adapun bid'ah-bid'ah yang dipandang keji maka ia adalah yang disebut secara mutlaq oleh para ulama' pada mengejinya.

Dan makna yang dikehendaki di sini ialah bid'ah-bid'ah berkaitan aqidah yang bertentangan dengan (pegangan)

salafus soleh daripada para sahabat (Nabi ﷺ), dan para Tabi'in yang mengikut mereka dengan baik dan para imam di dalam agama (Islam ini) yang menjadi (tempat pergantungan ilmu agama), dan disaksikan bagi mereka dengan kekuahan ilmu, dan disepakati secara keseluruhan bagi kedudukan mereka sebagai para imam di kalangan para ulama' ahli sunnah yang beramal (dengan ilmu mereka)."

R: (*al-Safarayini al-Hanbali (1188H), 1994 - Lawa'iḥ al-Anwar al-Saniyyah wa Lawaqih al-Afkār al-Saniyyah Sharh Qasidah Ibn Abi Dawud al-Ha'iyyah fi Aqidat Ahl al-Athar al-Salafiyyah*)

2.7.5 Beberapa Ulama' Yang Lain

Berikut adalah penerangan dari empat (4) orang tokoh ilmuan Islam yang mempunyai manhaj mereka tersendiri berbanding empat mazhab Fiqh yang utama.

2.7.5.1 Al-Imam Ibn Hazm al-Andalusi al-Zahiri (Wafat 456 H)

Al-Imam Abu Muhammad, 'Ali Ibn Ahmad Ibn Sa'id Ibn Hazm al-Zahiri, mujtahid besar di dalam mazhab al-Zahiri dan tokoh ternama dari kalangan ulama' Andalus menyebut:

والبدعة : كل ما قيل أو فعل مما ليس له أصل فيها نسب إلى الله صلی الله عليه وآلہ وسلم.

وهو في الدين : كل ما لم يأت في القرآن ولا عن رسول الله صلی الله عليه وآلہ وسلم إلا أن

- منها ما يؤجر عليه صاحبه ويغدر بما قصد إليه من الخير

- ومنها ما يؤجر عليه صاحبه ويكون حسنا وهو ما كان أصله الإباحة كما روي عن عمر

رضي الله عنه نعمت البدعة هذه وهو ما كان فعل خير جاء النص بعموم استحبابه وإن لم

يقرر عمله في النص

- ومنها ما يكون مذموما ولا يعذر صاحبه وهو ما قامت به الحجة على فساده فتى ادى عليه القائل به.

Maksudnya: “Dan bid'ah itu (ialah): Setiap apa yang diucapkan atau dilakukan (setiap perkataan dan perbuatan) yang tidak ada baginya asal yang dinisbahkan kepada (Rasulullah) ﷺ. Dan pada (perspektif) agama: (ia adalah) setiap sesuatu yang tidak datang padanya/ berkenaananya (sesuatu daripada) al-Quran dan tidak juga daripada Rasulullah ﷺ melainkan sesungguhnya:

- Daripadanya ada yang diganjarkan (pahala) bagi pelakunya dan dimaafkan baginya dengan apa yang dia telah niatkan daripada perkara kebaikan.

- **Dan daripadanya ada yang diganjarkan (pahala) bagi pelakunya dan ia menjadi sesuatu yang baik.** Dan ia adalah sesuatu yang pada asalnya adalah harus sepetimana yang diriwayatkan daripada [Saidina] ‘Umar ﷺ: “Sebaik-baik bid'ah, ini lah ia.” Dan ia adalah merupakan satu perbuatan baik di mana nas (Shariat) telah datang menganjurkannya secara umum walaupun amalan yang sedemikian itu tidak dilaporkan di dalam nas (Shariat).

- Dan daripadanya ada yang menjadi sesuatu yang dikeji dan tidak diuzurkan pelakunya. Dan ia adalah sesuatu di mana hujah (Shariat) telah tertegak menunjukkan kerosakannya, (akan tetapi) pihak yang berpandangan sedemikian berterusan melakukannya.”

R: (*Ibn Hazm al-Zahiri (456H), - al-Ihkam fi Usul al-Ahkam*)

2.7.5.2 Al-Amir al-San‘ani (Wafat 1182 H)

Al-Amir Muhammad Ibn Isma'il al-San‘ani menerangkan - ketika mensyarahkan hadith “Setiap bid'ah adalah sesat,” - dengan berkata:

(وكل بدعة ضلاله) البدعة لغة ما عمل على غير مثال سابق ، والمراد بها هنا ما عمل من دون أن يسبق له شرعية من كتاب ولا سنة، وقد قسم العلماء البدعة خمسة أقسام : واجبة: كحفظ العلوم بالتدوين، والرد على الملاحدة بإقامة الأدلة. ومندوبة: كبناء

المدارس. ومتاحة: كالتوسيعة في ألوان الأطعمة، وفاخر الثياب. ومحرمة ومكرورة: وهذا ظاهران قوله: (كل بدعة ضلاله) عام مخصوص

Maksudnya: “(Dan setiap bid'ah adalah sesat): Bid'ah dari sudut bahasa ialah apa yang dibuat tanpa mengikuti contoh terdahulu. Dan makna yang dikehendaki dengannya (hadith ini) di sini ialah apa yang dibuat tanpa ada penshariatan yang mendahuluinya, sama ada daripada al-Quran atau al-Sunnah.

Dan sesungguhnya para ulama' telah membahagikan bid'ah itu kepada lima (5) bahagian:

- (i) [Bid'ah] Yang diWajibkan: seperti memelihara ilmu-ilmu (agama) dengan penulisan, dan menolak golongan-golongan yang ingkar dengan mendirikan dalil-dalil (baginya), dan
- (ii) [Bid'ah] Yang disunatkan: seperti membina sekolah-sekolah, dan
- (iii) [Bid'ah] Yang diharuskan: seperti meluaskan/mempelbagaikan warna-warna (jenis) makanan dan pakaian-pakaian yang cantic, dan
- (iv) [Bid'ah] Yang Diharamkan, dan
- (v) [Bid'ah] Yang Dimakruhkan, dan
kedua-duanya (bid'ah tersebut) adalah jelas.

Maka sabdaan Baginda (Rasulullah ﷺ): “Setiap bid'ah adalah sesat” (merupakan lafaz yang) umum dengan (makna yang) dikhususkan.

R:(al-Amir al-San'ani (1182H), - Subul al-Salam)

2.7.5.3 Al-'Allamah al-Shawkani (Wafat 1250 H)

Di dalam menerangkan pembahagian bid'ah di dalam kitabnya “Nayl al-Awtar”, al-Allamah Muhammad Ibn ‘Ali Ibn Muhammad al-Shawkani dilihat menukilkan kalam al-Imam al-Hafiz Ibn Hajar al-‘Asqalani dari Fath al-Bari. Beliau berkata:

قَوْلُهُ: (فَقَالَ عُمَرُ: نِعْمَتْ الْبِدْعَةُ) قَالَ فِي الْفَتْحِ: الْبِدْعَةُ أَصْلُهَا مَا أُخْدِثَ عَلَى غَيْرِ مِثَالٍ سَابِقٍ، وَتُطْلُقُ فِي الشَّرْعِ عَلَى مُقَابَلَةِ السُّنَّةِ فَتَكُونُ مَذْمُومَةً، وَالتَّحْقِيقُ أَنَّهَا إِنْ كَانَتْ مِمَّا يَنْدَرِجُ تَحْتَ مُسْتَحْسَنٍ فِي الشَّرْعِ فَهِيَ حَسَنَةٌ، وَإِنْ كَانَتْ مِمَّا يَنْدَرِجُ تَحْتَ مُسْتَقْبَحٍ فِي الشَّرْعِ فَهِيَ مُسْتَقْبَحَةٌ، وَإِلَّا فَهِيَ مِنْ قِسْمِ الْمُبَاحِ، وَقَدْ تَنْقِسُ إِلَى الْأَحْكَامِ الْخَمْسَةِ. اِنْتَهَى

“Kata-kata beliau: (Maka [Saidina] ‘Umar ﷺ berkata: Sebaik-baik bid’ah).

Beliau (al-Imam al-Hafiz Ibn Hajar al-‘Asqalani) berkata di dalam Fath al-Bari:

Bid’ah pada asalnya ialah apa yang dimulakan tanpa contoh yang terdahulu. Dan di dalam Shariat, ianya digunakan untuk merujuk kepada sesuatu yang bertentangan dengan al-Sunnah, maka dengan ini, ia adalah sesuatu yang dikeji [Shariat].

Dan hasil *tahqiq* (penelitian terperinci) ialah sesungguhnya sekiranya ia (suatu perkara baru) daripada apa yang terletak di bawah perkara yang dilihat baik di dalam Shariat, maka ia adalah baik (*hasanah*).

Dan sekiranya ia adalah daripada apa yang terletak di bawah perkara yang dipandang keji di dalam Shariat, maka ia adalah terkeji.

Dan sekiranya tidak, maka ia adalah daripada bahagian yang harus. Dan adakah ia boleh terbahagi kepada hukum yang lima.”

R: (*al-Shawkani (1250H) 1993 – Nayl al-Awtar*), Jilid 3/10, p.65.

2.7.5.4 Al-Shaykh ḨAbd al-Rahman al-Mubarakfuri (Wafat 1353 H)

Al-Shaykh Abu al-ḤUla Muhammad ḨAbdurrahman Ibn ḨAbd al-Rahim al-Mubarakfuri – pengarang kitab “Tuhfat al-Ahwazi bi Sharh Jami’ al-Tirmidhi” - telah menukikan kata-kata al-Imam al-Hafiz Ibn Rajab al-Hanbali ketika mensyarahkan hadith:

وَإِيَّا كُمْ وَمُحْدَثَاتِ الْأُمُورِ إِلَّا

Maksudnya: “Dan berhati-hatilah kamu daripada perkara-perkara baru (sehingga akhir hadith)”

dengan katanya:

قال الحافظ بن رجب في كتاب جامع العلوم والحكم فيه تحذير للأمة من اتباع الأئم
المحدثة المبتدةة وأكَّد ذلك بقوله كُل بِدْعَةٍ ضَلَالٌ وَمَرَادُ بِالْبِدْعَةِ مَا أَحْدِثَ مِمَّا لَا أَصْلَ لَهُ
فِي الشَّرِيعَةِ يَدْلُلُ عَلَيْهِ وَأَمَّا مَا كَانَ لَهُ أَصْلٌ مِنَ الشَّرْعِ يَدْلُلُ عَلَيْهِ فَلَيْسَ بِبِدْعَةٍ شَرْعًا وَإِنْ
كَانَ بِدْعَةً لُغَةً فَقَوْلُهُ صَلَّى اللهُ عَلَيْهِ وَسَلَّمَ كُل بِدْعَةٍ ضَلَالٌ مِنْ جَوَامِعِ الْكَلِمِ لَا يَخْرُجُ عَنْهُ
شَيْءٌ وَهُوَ أَصْلٌ عَظِيمٌ مِنْ أُصُولِ الدِّينِ وَأَمَّا مَا وَقَعَ فِي كَلَامِ السَّلَفِ مِنْ اسْتِحْسَانِ بَعْضِ
الْبِدَعِ فَإِنَّمَا ذَلِكَ فِي الْبِدَعِ الْلُّغُوِيَّةِ لَا الشَّرِيعَةِ

Maksudnya: “al-Hafiz Ibn Rajab al-Hanbali telah berkata di dalam kitab “Jami’ al-Ulum wa al-Hikam” :

Padanya (terdapat) amaran bagi umat ini daripada mengikut perkara-perkara baru lagi bid’ah. Dan (Baginda) telah menegaskan/ menguatkan (amaran) itu dengan sabdaan Baginda ﷺ: “Setiap bid’ah adalah kesesatan”.

Dan makna yang dikehendaki dengan bid’ah ialah: Sesuatu perkara yang dimulakan serta tidak mempunyai asal baginya di dalam Shariat yang menunjukkannya (menjadi dalil baginya), dan manakala sesuatu perkara yang mempunyai asal daripada Shariat yang menunjukkannya (menjadi dalil baginya), maka ia bukanlah bid’ah dari sudut Shariat walaupun ia adalah bid’ah dari sudut bahasa.

Maka sabdaan Baginda ﷺ: “Setiap bid’ah adalah kesesatan” adalah daripada jawamic al-kalim (kata-kata ringkas dengan makna yang luas) (dan) tidak terkeluar sesuatu apa pun (bid’ah) daripadanya dan ia adalah merupakan asas yang besar daripada asas-asas agama.

Dan adapun apa yang disebut di dalam kata-kata para Salafus Soleh yang menunjukkan bahawa mereka memandang baik

sebahagian bid'ah, maka hanyasanya itu adalah daripada bid'ah dari sudut bahasa, bukan(nya bid'ah) dari sudut Shariat.”

R:(*al-Mubarakfuri (1353H)*, - *Tuhfat al-Ahwazi bi Sharh Jami' al-Tirmidhi*)

2.7.6 Rumusan

Beberapa rumusan yang dapat diambil daripada pandangan-pandangan ulama' yang telah dibentangkan berkenaan hal ini ialah:

- Tidak ada seorang pun ulama' yang menolak bahawa di sana terdapat perkara baru yang baik dari sudut pandangan Shariat.
- Tiga tokoh utama yang sering menjadi rujukan di dalam pembahagian bid'ah ialah Saidina 'Umar Ibn al-Khattab ﷺ, al-Imam al-Shafie dan al-Imam ^cIzz al-Din Ibn ^cAbd al-Salam.
- Penerangan yang paling lengkap dan terperinci berkenaan isu ini ialah perincian yang dibuat oleh al-Imam ^cIzz al-Din Ibn ^cAbd al-Salam.
- Perincian yang dibuat oleh al-Imam ^cIzz al-Din Ibn ^cAbd al-Salam pada hakikatnya adalah merupakan pengembangan bagi pendekatan yang dipelopori oleh Imam al-Shafie.
- Perincian yang dibuat oleh al-Imam ^cIzz al-Din Ibn ^cAbd al-Salam diikuti oleh majoriti para ulama' dari keempat-empat mazhab selepas beliau seperti al-Nawawi, al-Qarafi, Ibn ^cAbidin dan lain-lain.
- Majoriti ulama' daripada semua mazhab dilihat sebagai benar-benar telah bersepakat bahawa lafaz bid'ah di dalam hadith: “Setiap bid'ah adalah sesat...” adalah merupakan kalimah yang umum dari sudut lafaz tetapi khusus dari sudut makna. Pengkhususan (*al-takhsis*) tersebut datangnya daripada hadith-hadith Rasulullah ﷺ yang lain. Perbuatan serta kata-kata para

sahabat ﷺ, khususnya ‘Umar al-Khattab ﷺ, juga dijadikan sebagai sokongan bagi pengkhususan (*al-takhsis*) berkenaan.

- Pendekatan kedua yang membahagikan bid’ah kepada bid’ah dari sudut Shariat dan bid’ah dari sudut bahasa hanya diambil oleh sebahagian kecil para ulama’ seperti Ibn Kathir, Ibn Rajab al-Hanbali, al-Mubarakfuri dan lain-lain.
- Berdasarkan penilitian penulis, para ulama’ sebenarnya tidak menolak prinsip bahawa:

لَيْسَ كُلُّ جَدِيدٍ بِدُعَةً (مُحَمَّدٌ)

Maksudnya: “Tidak semua perkara baharu itu termasuk di dalam bid’ah yang diharamkan oleh Shariat.”

Perbezaan yang berlaku pada hakikatnya ialah pada penamaan perkara baru yang baik serta tidak bertentangan dengan Shariat sebagai Bid’ah Hasanah, adakahnya ianya selari dengan kefahaman nas Shariat atau tidak. Dan sebab utama bagi berlakunya khilaf di kalangan para ulama’ berkenaan hal ini ialah kerana wujudnya perbezaan di dalam pendekatan atau metodologi di dalam mentafsirkan hadith Rasulullah ﷺ yang masyhur iaitu:

فَإِنَّ كُلَّ مُحْدَثَةٍ بِدُعَةٌ وَكُلَّ بِدُعَةٍ ضَلَالٌ

Maksudnya: “Maka sesungguhnya setiap yang baharu itu bid’ah dan setiap yang bid’ah itu adalah sesat.”

Dan kata-kata Saidina ‘Umar Ibn al-Khattab ﷺ iaitu:


نِعْمَتِ الْبِدْعَةِ هَذِهِ

Maksudnya: “Sebaik-baik bid’ah adalah perkara ini!”


2.7.6.1 Tiga Pendekatan Ulama' dalam Pembahagian Bid'ah

Salah satu rumusan penting yang dapat diambil daripada perbincangan para ulama' empat mazhab tentang pembahagian bid'ah sebelum ini adalah: terdapat tiga (3) pendekatan pembahagian bid'ah di sisi para ulama'.


Pendekatan Pertama (Majoriti Ulama'- Dipelopori oleh Imam al-Shafie):



Pendekatan Ketiga (Sebahagian kecil para ulama'):



Pendekatan Kedua (Majoriti Ulama' – Dipelopori oleh Imam 'Izz al-Din Ibn 'Abd al-Salam):




Pendekatan pertama (yang dipelopori oleh Imam al-Shafie) dan kedua (yang dipelopori oleh Imam ‘Izz al-Din Ibn ‘Abd al-Salam) pada hakikatnya boleh dianggap sebagai satu pendekatan yang sama dan ia merupakan pendekatan majoriti para ulama’ empat mazhab sepermata yang dapat dilihat dari perbincangan sebelum ini. Pendekatan pertama dipelopori oleh al-Imam al-Shafie dan pendekatan kedua dimulakan dengan jelas oleh al-Imam ‘Izz al-Din Ibn ‘Abd al-Salam. Pendekatan ketiga pula diambil oleh sebahagian kecil ulama’ dari kalangan empat mazhab seperti al-Imam Ibn Rajab al-Hanbali.

Ilustari berikut dapat memberikan gambaran berkenaan hubungan di antara:

- Hadith Utama (Asl) “Sunnah Hasanah dan Sunnah Sayyi’ah” yang menjadi asas dalam penilaian perkara baru dari perspektif Shariat;
- Hadith ‘Am Makhsus yang menyatakan bahawa setiap bid’ah adalah kesesatan;
- Tokoh utama yang menjadi rujukan asas di sisi majoriti ulama’ Ahli Sunnah dan Jama’ah bagi pembahagian “Bid’ah”, iaitu:
 - Saidina ‘Umar Ibn Al-Khattab ﷺ (w.23H)
 - Imam Muhammad Bin Idris al-Shafie (w.204H)
 - Imam Sultan al-‘Ulama ‘Izz al-Din Bin ‘Abd al-Salam al-Sulami al-Shafie (w.660H).

Hadith Utama (*Asl*), Hadith ‘Am Makhsus dan Tokoh Utama Bagi Pembahagian “Bid’ah” di sisi Majoriti Ulama’ Ahli Sunnah dan Jama’ah



2.7.6.2 Penolakan Imam al-Shatibi dan Beberapa Tokoh Yang Lain

Walaupun kita telah melihat bahawa majoriti ulama' telah bersepakat bahawa bid'ah itu boleh dibahagikan kepada dua jenis, iaitu bid'ah yang dipuji atau dikeji; atau bid'ah dari sudut bahasa dan bid'ah dari sudut Shariat; atau lima jenis, iaitu wajib, sunat, harus, makruh dan haram, di sana masih terdapat beberapa tokoh ilmuan Islam yang menolak pembahagian ini seperti al-Imam al-Shatibi daripada ulama' mazhab al-Maliki (rujuk al-I'tisam) dan al-Shaykh Ibn Taymiyyah daripada ulama' mazhab al-Hanbali (rujuk Majmu' al-Fatawa). Namun begitu, al-Shaykh Ibn Taymiyyah juga dinukilkan daripadanya zahir kenyataannya yang seolah-olah menunjukkan bahawa dia juga menerima pembahagian yang dilakukan oleh majoriti ulama' tersebut.

Di sini penulis menukarkan kenyataan al-Imam al-Shatibi yang menolak pendekatan majoriti ulama' dalam pembahagian bid'ah kerana kenyataan beliau ini jelas dan mudah difahami serta sering dinukilkan oleh golongan yang menolak pendekatan majoriti ulama' dalam pembahagian bid'ah. Beliau menyebut di dalam kitabnya, al-I'tisam:

هذا التقسيم أمر مخترع لا يدل عليه دليل شرعي بل هو في نفسه متدافع لأن من حقيقة
البدعة أن لا يدل عليها دليل شرعي لا من نصوص الشرع ولا من قواعده. إذ لو كان
هناك ما يدل من الشرع على وجوب أو ندب أو إباحة لما كان ثم بدعة، ولكن العمل
داخله في عموم الأعمال المأمور بها أو المخير فيها، فالجمع بين تلك الأشياء بداعا وبين
كون الأدلة تدل على وجوبها أو ندبها أو إباحتها جمع بين متنافيين

Maksudnya: “Dan pembahagian ini adalah satu perkara yang direka-reka, tidak ada baginya dalil Shariat, bahkan ia pada hakikatnya saling tolak menolak (bertentangan) kerana di antara

hakikat bid'ah itu ialah tidak ada dalil Shariat yang menunjukkan kepadanya, sama ada dari teksnya atau dari prinsipnya.

Ini adalah kerana sekiranya di sana ada sesuatu daripada Shariah yang menunjukkan kepada kewajipannya atau galakan baginya atau keharusannya, maka di sana sebenarnya tidak ada bid'ah, dan beramal dalam keadaan itu adalah termasuk di dalam keumuman amalan-amalan yang diperintahkan dengannya atau diberi pilihan padanya.

Maka mengumpulkan di antara perkara-perkara bid'ah tersebut dan menyatakan bahawa di sana adanya dalil Shariat yang menunjukkan kepada kewajipannya atau galakan baginya atau keharusannya adalah merupakan satu himpunan di antara dua perkara yang menafikan di antara satu sama lain.”

R: (*al-Shatibi (790H), 1992 - al-I'tisam*)

Pada pandangan penulis, pada hakikatnya pendekatan Imam al-Shatibi ini adalah mirip kepada pendekatan para ulama' yang membahagikan bid'ah kepada bid'ah Shar'iyyah dan bid'ah lughawiyyah. Ini adalah kerana beliau menyatakan bahawa kata-kata Saidina 'Umar ﷺ: “Sebaik-baik bid'ah, inilah dia”, adalah merupakan satu *majaz* atau metafora (bahasa). Tetapi yang jelas di sini ialah beliau tidak menolak bahawa di sana terdapat perkara baru dan baik dari perspektif Shariat dan ianya boleh termasuk di dalam dalil-dalil umum Shariat. Ini jelas dapat dilihat dalam perbahasan kitabnya *al-I'tisam*.

Sedikit Ulasan:

Al-Shaykh al-Hafiz Abdullah Ibn al-Siddiq al-Ghumari (1413H) menyatakan bahawa pendekatan al-Imam al-Shatibi dalam menolak pembahagian bid'ah serta wujudnya Bid'ah Hasanah adalah satu pendirian yang *shadhdh* atau terasing atau bertentangan dengan pandangan yang lebih kuat.²⁴ Al-Imam al-Shatibi menolak penggunaan

²⁴ (al-Ghumari (1413H), 2005 - Itqan al-Sun'ah fi Tahqiq Ma'na al-Bid'ah)

istilah Bid'ah Hasanah untuk perkara-perkara baru yang baik dan tidak bertentangan dengan Shariah, namun begitu beliau menggunakan istilah “Maslahah Mursalah” untuk perkara-perkara tersebut. Sebagai contoh, penulis nukulkan di sini komentar beliau berkenaan dengan contoh-contoh yang bid'ah wajib dan sunat yang diberikan oleh para ulama' yang lain, beliau menyebut:

أَنَّ جَمِيعَ مَا ذُكِرَ فِيهِ مِنْ قَبْلِ الْمُصَالِحِ الْمُرْسَلَةِ، لَا مِنْ قَبْلِ الْبِدْعَةِ الْمُحَدَّثَةِ، وَالْمُصَالِحُ الْمُرْسَلَةُ قَدْ عَمِلَ بِمُقْتَضَايَا السَّلْفِ الصَّالِحِ مِنَ الصَّحَابَةِ وَمَنْ بَعْدُهُمْ، فَهِيَ مِنَ الْأُصُولِ الْفِقْهِيَّةِ التَّابِيَّةِ عِنْدَ أَهْلِ الْأُصُولِ، وَإِنْ كَانَ فِيهَا خَلَافٌ بَيْنَهُمْ، وَلَكِنْ لَا يُعَدُّ ذَلِكَ قَدْحًا عَلَى مَا نَحْنُ فِيهِ.

Maksudnya: “Sesungguhnya semua yang disebut padanya (wujudnya bid'ah hasanah) adalah daripada Masalih Mursalah, bukannya daripada bid'ah yang dicipta. Dan Masalih Mursalah itu telah beramat dengannya para salafus soleh daripada kalangan sahabat dan generasi selepas mereka, maka ia adalah daripada asas fiqh yang dipakai di sisi ahli Usul al-Fiqh, walaupun padanya khilaf di kalangan mereka, akan tetapi ia tidak dikira sebagai satu penolakan/kejadian terhadap apa yang menjadi pegangan kita.”

R: (*al-Shatibi (790H), 1992 - al-I'tisam*)

Imam al-Shatibi sendiri tidak menolak perkara-perkara baru dan baik sepetimana yang telah dijelaskan oleh Sultan al-'Ulama' al-Imam ^cIzz al-Din Ibn ^cAbd al-Salam, cuma beliau menyebut:

فَإِنَّ كَلَامَ ابْنِ عَبْدِ السَّلَامِ ظَاهِرٌ مِنْهُ أَنَّهُ سَمَّى الْمُصَالِحَ الْمُرْسَلَةَ بِدَعَا

Maksudnya: “Maka sesungguhnya kata-kata Ibn ^cAbd al-Salam itu, secara zahirnya ialah beliau menamakan al-masalih al-mursalah sebagai bid'ah.”

R: (*al-Shatibi (790H), 1992 - al-I'tisam*).

2.7.6.3 Maslahah Mursalah di sisi al-Imam al-Shatibi sebagai ganti Bid'ah Hasanah (Wajib & Sunat)

Pada pengamatan penulis, penggunaan “Maslahah Mursalah” sebagai asas bagi perkara-perkara baru yang baik dan tidak bertentangan dengan Shariah mempunyai beberapa kelemahan seperti berikut:

- Maslahah Mursalah bukanlah satu kaedah istinbat hukum yang disepakati oleh semua mazhab fiqh muktabar seperti al-Qiyas (kecual al-Zahiri). Hakikat ini diakui sendiri oleh al-Imam al-Shatibi. Ia merupakan salah satu sumber hukum yang utama di dalam mazhab Maliki dan al-Imam al-Shatibi adalah seorang alim bermazhab Maliki.
- Sebahagian daripada bid'ah-bid'ah yang baik itu adalah merupakan Maslahah Mu^ctabarah yang diasaskan melalui jalan *dalalah*, atau *mafhum* atau *qiyyas*. Maka, penamaan maslahah mursalah bagi maslahah mu^ctabarah adalah kurang tepat. *Wallahu a^clam.*

Kita juga dapat memahami bahawa sebenarnya al-Imam al-Shatibi tidak menolak konsep Bid'ah Hasanah atau wujudnya perkara baru dan baik di dalam agama Islam, namun beliau hanya menolak istilah tersebut. Ini terbukti apabila beliau membahagikan bid'ah kepada bid'ah yang makruh dan bid'ah yang haram sahaja. Maka, perbezaan yang sebenarnya di antara majoriti ulama dan al-Imam al-Shatibi pada asasnya hanyalah perbezaan penamaan dan bukanlah isi.

Namun begitu, kita dapat melihat golongan-golongan yang menolak konsep Bid'ah Hasanah di sisi jumhur ulama' telah mengeksplorasi kata-kata al-Imam al-Shatibi tanpa membuat penerangan yang seadil-adilnya. Mereka menggembarkan pendirian Imam al-Shatibi ini sebagai pendirian paling tepat dan rajih

dan menyembunyikan kedudukannya yang *shadhdh* di dalam masalah ini walaupun ianya jelas bertentangan dengan pendirian majoriti ulama'. Sifat mereka yang menyembunyikan kebenaran daripada masyarakat umum di dalam hal ini adalah amat mendukacitakan.

2.7.6.4 Pembahagian Bid'ah Yang Pelik dan Janggal

Terdapat beberapa pendapat yang pelik dan janggal (*Shadhdh*/شاذ) dalam pembahagian bid'ah yang timbul sejak akhir-akhir ini. Pendapat *shadhdh* yang pertama ialah pendapat yang membahagikan bid'ah kepada bid'ah agama (الدين) dan bid'ah dunia (الدنيا). Pendokong pendapat ini menyatakan bahawa bid'ah yang terlarang adalah bid'ah dalam hal berkaitan agama, manakala bid'ah di dalam perkara keduniaan adalah dibenarkan.

Pembahagian seperti ini seolah-olah terkesan dengan pemikiran sekularisma yang memisahkan di antara urusan dunia dan urusan agama. Pada hakikatnya, tiada urusan dunia yang terkeluar daripada hukum agama yang lima. Bahkan, pengumpulan al-Quran, penyeragaman resam (tulisan) al-Quran, solat Tarawih, azan kedua bagi Solat Juma'at, dan lain-lain perkara yang dilakukan oleh para sahabat ﷺ selepas kewafatan Rasulullah ﷺ adalah termasuk di dalam perkara-perkara asas dan tunjang agama.

Tambahan pula, para ulama' seperti al-Imam al-Qarafi telah memberikan contoh bid'ah-bid'ah yang haram dan makruh di dalam perkara-perkara keduniaan. Bahkan, sistem ekonomi sosialis, sistem politik komunis, dan prinsip hak asasi manusia tanpa batasan adalah di antara seburuk-buruk bid'ah yang telah dipaksakan ke atas dunia Islam. Begitu juga dengan pelbagai adat-adat tempatan yang bertentangan dengan Shariat Islam serta teori sains dan aplikasi teknologi yang menyalahi prinsip *sunnatullah* seperti teori manusia berasal daripada

monyet, pengklonan manusia dan pembedahan kosmetik tanpa hajat dan darurat dan amalan amalan perundangan yang bertentangan dengan prinsip keadilan Islam dan Shariat Islam seperti perkahwinan sejenis dan pluralisma agama adalah jelas dilarang oleh Islam walaupun ianya berlaku di dalam hal-hal keduniaan. **Pembahagian bid'ah seperti ini sebenarnya boleh membawa mala petaka yang besar kepada agama Islam.** Maka oleh itu, pendapat ini jelas tertolak.

Pendapat *shadhdh* yang kedua ialah pendapat yang membahagikan bid'ah kepada bid'ah dalam perkara ibadat (العبادات) dan bid'ah di dalam perkara muamalat (المعاملات)²⁵. Pendokong pendapat ini menyatakan bahawa bid'ah yang terlarang adalah bid'ah yang berlaku di dalam perkara-perkara ibadat dan bukannya perkara muamalat. Pembahagian seperti ini juga tertolak dengan begitu mudah sekali kerana dalil-dalil bagi bid'ah hasanah yang dikemukakan oleh jumhur ulama' adalah kebanyakannya dalam perkara ibadat. Pembahagian ini juga seakan-akan membuka ruang yang luas untuk melakukan bid'ah di dalam perkara muamalat. Walaupun prinsip Shariat di dalam perkara Ibadat adalah lebih khusus dan *ahwat* (berhati-hati) berbanding prinsip Shariat di dalam Mu'amalat, ini tidak bermakna bahawa di sana tidak akan berlakunya bid'ah di dalam perkara Mu'amalat.

Kedua-dua pembahagian tersebut seolah-olah memisahkan agama daripada urusan dunia²⁶ dan memisahkan sebahagian agama daripada sebahagian yang lain²⁷. Dengan kata lain, kedua-dua pembahagian bid'ah yang tersebut adalah satu pembahagian yang *shadhdh* (pelik,

²⁵Istilah muamalat di sini adalah istilah umum yang merangkumi perkara-perkara muamalat (secara khusus), munakahat dan jinayat.

²⁶Dengan membahagikan bid'ah kepada bid'ah keagamaan dan bid'ah keduniaan.

²⁷Dengan memisahkan bid'ah di dalam Ibadat dan bid'ah di dalam Mu'amalat.

janggal dan terasing) dan bertentangan dengan kaedah istinbat hukum Shariat serta pendirian majoriti para ulama'. Kedua-dua pendekatan tersebut pada hakikatnya adalah satu bid'ah yang terkeji dan tertolak.

2.8 Dalil-dalil Bagi Bid'ah Hasanah (Perkara Baru dan Baik)

Sebenarnya terlalu banyak dalil-dalil berkaitan pengiktirafan Shariat Islam bagi sesuatu perkara yang baru dan baik. Namun begitu, penulis menyenaraikan sebahagiannya sahaja. Dalil-dalil tersebut ialah:

- Al-Quran
- Al-Sunnah
- Al-Athar
- Al-Maqul (Logik dan Rasional)

2.8.1 Al-Quran: Satu (1) Dalil

Sebahagian ulama' berhujah bahawa *bid'ah hasanah* pernah wujud di dalam Shariat yang terdahulu sebelum kedatangan Nabi Muhammad ﷺ. Ini dapat dilihat daripada bid'ah "Rahbaniyyah" yang telah dilakukan oleh pengikut-pengikut Nabi 'Isa Ibn Maryam ﷺ dengan tujuan untuk mendekatkan diri kepada Allah ﷺ.

2.8.1.1 Dalil Pertama: Ayat 27, Surah al-Hadid

Firman Allah ﷺ di dalam Surah al-Hadid, ayat 27, berkenaan pengikut Nabi 'Isa ﷺ dan bid'ah Rahbaniyyah ini:

﴿ثُمَّ قَفَّيْنَا عَلَىٰ إِاثْرِهِمْ بِرُسُلِنَا وَقَفَّيْنَا بِعِيسَى ابْنَ مَرِيمَ وَإِتَيْنَاهُ الْإِنْجِيلَ وَجَعَلْنَا فِي كُلُوبِ الظَّالِمِينَ أَتَبَعُوهُ رَأْفَةً وَرَحْمَةً وَرَهْبَانِيَّةً أَبْتَدَعُوهَا مَا كَتَبْنَا هَا عَلَيْهِمْ إِلَّا﴾

أَبْتَغَاهُ رِضْوَانٌ اللَّهِ فِيمَا رَعَوْهَا حَقٌّ رِعَايَتِهَا فَعَاتَنَا الَّذِينَ ءَامَنُوا مِنْهُمْ أَجْرَهُمْ وَكَثِيرٌ
۲۷
مِنْهُمْ فَسِقُونَ

Maksudnya: “Kemudian Kami irangi sesudah mereka Rasul-rasul kami, dan Kami irangi pula dengan Isa Ibn Maryam, serta kami berikan kepadanya Kitab Injil; dan kami jadikan dalam hati orang yang mengikutnya perasaan belas kasihan dan mereka mengadak-an Rahbaniyah; Kami tidak mewajibkannya atas mereka; melainkan untuk mencari keredaan Allah; lalu mereka tidak memeliharanya menurut yang sewajibnya. Oleh itu, Kami berikan kepada orang yang beriman di antara mereka pahalanya, dan kebanyakan mereka orang yang fasik.”

Hujah yang boleh dikemukakan berdasarkan ayat al-Qur'an di atas ialah:

Walaupun bid'ah Rahbaniyyah itu tidak diwajibkan ke atas mereka (para pengikut Nabi Isa ﷺ), tetapi mereka melakukannya untuk mencari keredaan Allah ﷺ. Dan bukti bahawa Allah ﷺ menerima bid'ah Rahbaniyyah yang telah mereka lakukan ialah Allah ﷺ sendiri menyatakan bahawa Dia memberi ganjaran kepada mereka yang beristiqamah melakukannya walaupun ramai daripada mereka tidak dapat memelihara bid'ah Rahbaniyyah tersebut. Sekiranya bid'ah hasanah ditolak secara mutlaq, maka pastinya Allah ﷺ tidak akan memberikan pahala di atas amalan tersebut.

R: (*al-Alusi, Shihab al-Din Mahmud (1270H) 1994 - Ruh al-Ma'ani fi Tafsir al-Qur'an al-'Azim wa al-Sab' al-Mathani*)

Namun begitu, ramai para ulama' yang membicarakan dalil-dalil berkenaan *bid'ah hasanah* tidak mengemukakan ayat al-Quran di atas sebagai dalil *bid'ah hasanah*. Pada pandangan penulis, ia mungkin disebabkan oleh faktor-faktor berikut:

1. Shariat Nabi terdahulu bukanlah merupakan Shariat bagi umat Nabi Muhammad ﷺ mengikut pandangan majoriti ulama' Usul al-Fiqh sekiranya tidak ada bukti penshariatan perkara yang sama ke atas umat Nabi Muhammad ﷺ.
2. Bid'ah Rahbaniyyah ini telah dinasakhkan bahkan diharamkan di dalam Shariat Nabi Muhammad ﷺ.
3. Sebahagian ahli tafsir menyebut bahawa perkhabaran di dalam ayat tersebut adalah dalam bentuk kejian (*dhamm*).

2.8.2 Al-Sunnah: Dua Puluh Sembilan (29) Dalil

Kebanyakan dalil-dalil bagi *bid'ah hasanah* diambil oleh para ulama' daripada hadith-hadith yang diriwayatkan daripada Rasulullah ﷺ sama ada berbentuk *qawli* (perkataan), *fi'li* (perbuatan) atau *taqriri* (perakuan). Setelah meneliti hadith-hadith yang dikemukakan oleh para ulama' sebagai dalil-dalil *bid'ah hasanah*, penulis membahagikan dalil-dalil al-Sunnah kepada beberapa bahagian seperti berikut:

1. *Sann al-Sunnah al-Hasanah* (Memulakan Sunnah Yang Baik)
2. *Sann Sunnat al-Huda* (Memulakan Sunnah Petunjuk)
3. Lafaz Bid'ah Datang Bersama “*Qayd*”
4. *Mafhum al-Mukhalafah* (Kefahaman Yang Bertentangan)
5. Penunjuk kepada Kebaikan
6. “*Sunnah*” Para Sahabat ﷺ
7. Para Sahabat ﷺ Yang Memulakan Amalan Yang Baik di Zaman Rasulullah ﷺ

Pembahagian ini mungkin merupakan salah satu sumbangan baru penulis di dalam perbahasan ini. (وَاللَّهُ أَعْلَمُ وَعِلْمَهُ أَتْمَ وَالْحَمْدُ لِلَّهِ)

(Sann al-Sunnah al-Hasanah (Memulakan Sunnah Yang Baik))

Penulis meletakkan lima (5) dalil di bawah bahagian ini. Dalil-dalil di dalam bahagian ini membuktikan bahawa Rasulullah ﷺ sendiri yang memulakan dan mengasaskan kaedah pembahagian sesuatu perkara baru kepada baik dan buruk. Justeru, hadith-hadith di dalam bahagian ini disebut oleh para ulama' sebagai prinsip umum atau *asl* di dalam menilai semua perkara baru yang berlaku. Dua persoalan berkaitan sebab *wurud* (kedatangan) hadith dan maknanya sebagai "Memulakan" (الإمساك) dan bukannya "Menghidupkan" (الإحياء) atau "Berpegang" (الإمساك) dijawab oleh penulis di hujung bahagian ini.

2.8.2.1 Dalil Pertama: Riwayat Jarir Ibn Abdullah ﷺ

Jarir Ibn Abdullah رضي الله عنهما berkata:

كُنَّا عِنْدَ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي صَدْرِ النَّهَارِ، قَالَ: فَجَاءَهُ قَوْمٌ حُفَاةٌ عَرَاهُ مُجْتَابِي التَّمَارِ أَوْ الْعَبَاءِ مُتَقَلِّدِي السُّيُوفِ عَامَتُهُمْ مِنْ مُضَرٍّ بَلْ كُلُّهُمْ مِنْ مُضَرٍّ فَتَمَرَّ وَجْهُ رَسُولِ اللَّهِ صَلَّى اللَّهُ عَلَيْهِ وَسَلَّمَ لِمَا رَأَى بِهِمْ مِنْ الْفَاقَةِ فَدَخَلَ ثُمَّ خَرَجَ فَأَمَرَ بِلَا لَا فَأَذَنَ وَأَقَامَ فَصَلَّى ثُمَّ خَطَبَ فَقَالَ: ((يَا أَيُّهَا النَّاسُ اتَّقُوا رَبَّكُمُ الَّذِي خَلَقَكُمْ مِنْ نَفْسٍ وَاحِدَةٍ إِلَى آخِرِ الْآيَةِ إِنَّ اللَّهَ كَانَ عَلَيْكُمْ رَقِيبًا)) وَالْآيَةُ الَّتِي فِي الْحُسْرِ ((اتَّقُوا اللَّهَ وَلْتَنْظُرْ نَفْسُ مَا قَدَّمْتِ لِغَدٍ وَاتَّقُوا اللَّهَ))، تَصَدَّقَ رَجُلٌ مِنْ دِينَارِهِ مِنْ دِرْهَمِهِ مِنْ ثُوْبِهِ مِنْ صَاعِ بُرْرِهِ مِنْ صَاعِ تَمِرِهِ)) (حَتَّى قَالَ) : ((وَلَوْ بِشِقٍ تَمِرَةً))، قَالَ: فَجَاءَ رَجُلٌ مِنْ الْأَنْصَارِ بِصُرَّةٍ كَادَتْ كَفُّهُ تَعْجِزُ عَنْهَا بَلْ قُدْ عَجَزَتْ، قَالَ: ثُمَّ تَابَعَ النَّاسُ حَتَّى رَأَيْتُ كَوْمِينِ مِنْ طَعَامٍ وَثِيَابٍ حَتَّى رَأَيْتُ وَجْهَ رَسُولِ اللَّهِ صَلَّى اللَّهُ عَلَيْهِ وَسَلَّمَ كَانَهُ مُذَهَّبٌ، فَقَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ: ((مَنْ سَنَ فِي الْإِسْلَامِ سُنَّةً حَسَنَةً فَلَهُ أَجْرٌ هَا يَتَهَلَّلُ كَانَهُ مُذَهَّبٌ))، وَأَجْرُ مَنْ عَمِلَ بِهَا بَعْدَهُ مِنْ غَيْرِ أَنْ يَنْقُصَ مِنْ أُجُورِهِمْ شَيْءٌ، وَمَنْ سَنَ فِي الْإِسْلَامِ سُنَّةً

سَيِّئَةً كَانَ عَلَيْهِ وَزْرُهَا وَوِزْرُ مَنْ عَمِلَ بِهَا مِنْ بَعْدِهِ أَنْ يَنْقُصَ مِنْ أَوْزَارِهِمْ
شیءٌ .).

Maksudnya: “Ketika kami sedang berada di sisi Rasulullah ﷺ pada waktu tengahari, maka datanglah satu kaum dalam keadaan tidak beralas kaki dan tidak cukup pakaian, mereka memakai penutup kepala yang terkoyak sambil menggantungkan pedang di badan mereka, kebanyakan mereka adalah dari (qabilah) Mudar, bahkan setiap mereka adalah dari Mudar. Maka berubah wajah Rasulullah ﷺ kerana melihat kesusahan yang mereka hadapi.

Rasulullah ﷺ pun memasuki (rumah Baginda ﷺ) dan kemudian keluar serta memerintahkan Bilal ﷺ untuk melakukan azan dan iqamah (Zohor). Setelah itu, Baginda ﷺ (dan para sahabat ؓ) bersolat. Setelah selesai solat, Baginda ﷺ berkhutbah dan membaca ayat al-Quran (dari Surah al-Nisaa’: Ayat 1 dan Surah al-Hashr: Ayat 18).

[1] Wahai sekalian manusia! Bertaqwalah kepada Tuhan kamu yang telah menjadikan kamu (bermula) dari diri yang satu (Adam), dan yang menjadikan daripada (Adam) itu pasangannya (isterinya – Hawa), dan juga yang membiakkan dari keduanya – zuriat keturunan – lelaki dan perempuan yang ramai. Dan bertaqwalah kepada Allah yang kamu selalu meminta dengan menyebut-yebut namaNya, serta peliharalah hubungan (silaturrahim) kaum kerabat; kerana sesungguhnya Allah sentiasa memerhati (mengawas) kamu.

[18] Wahai orang-orang yang beriman! Bertaqwalah kepada Allah (dengan mengerjakan suruhanNya dan meninggalkan laranganNya); dan hendaklah tiap-tiap diri melihat dan memerhatikan apa yang dia telah sediakan (dari amal-amalnya) untuk hari esok (hari akhirat). Dan (sekali lagi diingatkan): Bertaqwalah kepada Allah, sesungguhnya Allah Amat Meliputi PengetahuanNya akan segala yang kamu kerjakan.

(Serta bersabda):

“Bersedekahlah seseorang itu daripada dinarnya, daripada dirhamnya, daripada pakaianya, daripada segantang gandumnya, daripada segantang tamarnya, (sehingga Baginda ﷺ

bersabda) walaupun dengan sebahagian daripada sebiji tamarnya.”

Maka orang ramai agak perlahan untuk mula bersedekah. Lalu datanglah seorang lelaki daripada Ansar dengan satu kantung yang hampir-hampir tidak mampu dipegang dengan tapak tangannya [dan dia bersedekah dengannya]. Maka setelah itu, orang ramai pun terus bersedekah secara berterusan sehingga terkumpulnya dua longgokan besar pakaian dan makanan dan sehingga aku telah melihat wajah Rasulullah ﷺ berseri-seri seolah-olah bekas yang bersinar. Dan Baginda ﷺ pun bersabda:

مَنْ سَنَّ فِي الْإِسْلَامِ سُنَّةً حَسَنَةً فَلَهُ أَجْرُهَا وَأَجْرُ مَنْ عَمِلَ بِهَا بَعْدَهُ مِنْ غَيْرِ أَنْ يَنْقُصَ مِنْ أُجُورِهِمْ شَيْءٌ، وَمَنْ سَنَّ فِي الْإِسْلَامِ سُنَّةً سَيِّئَةً كَانَ عَلَيْهِ وِزْرُهَا وَوِزْرُ مَنْ عَمِلَ بِهَا مِنْ بَعْدِهِ مِنْ غَيْرِ أَنْ يَنْقُصَ مِنْ أُوْزَارِهِمْ شَيْءٌ

“Barangsiapa yang mencipta di dalam Islam satu sunnah yang baik, maka dia memperolehi pahalanya dan pahala orang-orang yang beramal dengan sunnah tersebut selepasnya tanpa mengurangkan sedikit pun daripada pahala-pahala mereka.

Dan barangsiapa mencipta satu sunnah yang buruk, maka dia memperolehi dosanya dan dosa orang-orang yang beramal dengan sunnah (yang buruk) tersebut selepasnya tanpa mengurangkan sedikit pun dosa-dosa mereka.”

T: (*Muslim (261H), 2006 - al-Jami' al-Sahih / Sahih Muslim*); (*al-Nasa'i (303H), 1986 - al-Sunan al-Sughra / al-Mujtaba min al-Sunan*) dan lain-lain.

2.8.2.2 Dalil Kedua: Riwayat Abu Hurayrah ﷺ

Abu Hurayrah ﷺ meriwayatkan bahawa Rasulullah ﷺ bersabda:

مَنْ سَنَّ حَيْرًا فَاسْتُنَّ بِهِ، كَانَ لَهُ أَجْرُهُ كَامِلًا، وَمَنْ أُجْوَرَ مَنْ اسْتَنَّ بِهِ لَا يَنْقُصُ مِنْ أُجُورِهِمْ شَيْئًا، وَمَنْ اسْتَنَ شَرًّا فَاسْتُنَّ بِهِ، فَعَلَيْهِ وِزْرُهُ كَامِلًا، وَمَنْ أَوْزَارَ الَّذِي اسْتَنَ بِهِ لَا يَنْقُصُ مِنْ أُوْزَارِهِمْ شَيْئًا

Maksudnya: “Barangsiapa yang memulakan satu kebaikan, lalu diamalkan dengannya (oleh orang lain), (maka) baginya pahalanya secara sempurna, dan pahala-pahala mereka yang mengamalkannya, (dengan) tidak mengurangkan sesuatu apa pun daripada pahala-pahala mereka.

Dan barangsiapa yang memulakan satu kejahanan, (lalu) diamalkan dengannya (oleh orang lain), (maka) ke atasnya dosanya secara sempurna, dan dosa-dosa mereka yang mengamalkannya, (dengan) tidak mengurangkan sesuatu apa pun daripada dosa-dosa mereka.”

T: (*Ahmad (241H), 1995 - al-Musnad*) - *Sanadnya bersambung, perawinya adalah thiqah dan perawi bagi al-Bukhari dan Muslim. Dan seumpamanya di dalam Ibn Majah (273H) dengan sanad yang bersambung dan para perawinya adalah thiqah.*

2.8.2.3 Dalil Ketiga: Riwayat Huzayfah Ibn al-Yaman ﷺ

Huzayfah Ibn al-Yaman ﷺ meriwayatkan bahawa Rasulullah ﷺ bersabda:

مَنْ سَنَ حَيْرًا فَاسْتُنَّ بِهِ، كَانَ لَهُ أَجْرُهُ، وَمَنْ أَجْوَرَ مَنْ يَتَبَعُهُ غَيْرَ مُنْتَقِصٍ مِنْ أَجْوَرِهِمْ
شَيْئًا، وَمَنْ سَنَ شَرًّا فَاسْتُنَّ بِهِ، كَانَ عَلَيْهِ وِزْرُهُ، وَمَنْ أَوْزَارَ مَنْ يَتَبَعُهُ غَيْرَ مُنْتَقِصٍ مِنْ
أَوْزَارِهِمْ شَيْئًا

Maksudnya: “Barangsiapa yang mencipta/ memulakan satu kebaikan, lalu diikuti dengannya (oleh orang lain), maka baginya pahalanya dan daripada pahala-pahala sesiapa yang mengikutinya tanpa mengurangkan sesuatu apa pun daripada pahala-pahala mereka.

Dan barangsiapa yang mencipta/ memulakan satu kejahanan, lalu diikuti dengannya (oleh orang lain), maka ke atasnya dosanya dan dosa-dosa sesiapa yang mengikutinya tanpa mengurangkan sesuatu apa pun daripada dosa-dosa mereka.”

T: (*Ahmad (241H), 1995 - al-Musnad*); (*al-Bazzar (292H), 1997 - al-Bahr al-Zakhkhar bi Musnad al-Bazzar*); (*al-Tabarani (360H)*, - *al-Mu'jam al-Awsat*) - *Dengan sanad yang baik; (al-Hakim (405H), 1990 - al-Mustadrak 'ala al-Sahihayn); al-Tahawi dan lain-lain.*

2.8.2.4 Dalil Keempat: Riwayat Abu Juhayfah ﷺ

Abu Juhayfah ﷺ meriwayatkan bahawa Rasulullah ﷺ bersabda:

مَنْ سَنَ سُنَّةً حَسَنَةً فَعُمِلَ بِهَا بَعْدُهُ، كَانَ لَهُ أَجْرُهَا، وَمِثْلُ أَجْوَرِهِمْ مِنْ غَيْرِ أَنْ يَنْقُصَ مِنْ أَجْوَرِهِمْ شَيْئًا، وَمَنْ سَنَ سُنَّةً سَيِّئَةً فَعُمِلَ بِهَا بَعْدُهُ، كَانَ عَلَيْهِ وِزْرُهُ، وَمِثْلُ أَوْزَارِهِمْ مِنْ غَيْرِ أَنْ يَنْقُصَ مِنْ أَوْزَارِهِمْ شَيْئًا

Maksudnya: “Barangsiapa yang memulakan satu sunnah yang baik, lalu diamalkan dengannya selepasnya, (maka) baginya pahalanya, dan seumpama pahala-pahala mereka (yang beramal dengannya) tanpa mengurangkan sesuatu apa pun daripada pahala-pahala mereka.

Dan barangsiapa yang memulakan satu sunnah yang jahat, lalu diamalkan dengannya selepasnya, (maka) ke atasnya dosanya, dan seumpama dosa-dosa mereka (yang beramal dengannya) tanpa mengurangkan sesuatu apa pun daripada dosa-dosa mereka.”

T: (*Ibn Mājah (273H), - Sunan Ibn Mājah*) - Dengan sanad yang sahi); (*al-Bazzar (292H), 1997 - al-Bahr al-Zakhkhar bi Musnad al-Bazzar*) dan (*al-Tabarani (360H), - al-Mu'jam al-Awsat*).

2.8.2.5 Dalil Kelima: Riwayat Wathilah Ibn al-Asqa' ﷺ

Wathilah Ibn al-Asqa' ﷺ meriwayatkan bahawa Nabi ﷺ bersabda:

مَنْ سَنَ سُنَّةً فَلَهُ أَجْرُهَا وَأَجْرُ مَنْ عَمِلَ بِهَا فِي حَيَاتِهِ وَبَعْدَ مَاتِهِ حَتَّى يُرْكَ، وَمَنْ مَاتَ مُرَابِطًا فِي سَبِيلِ اللَّهِ أَجْرَى اللَّهُ لَهُ أَجْرَ الْمُرَابِطِ فِي سَبِيلِ اللَّهِ حَتَّى يُبَعَثَ يَوْمَ الْقِيَامَةِ

Maksudnya: “Barangsiapa yang memulakan satu sunnah yang baik, maka baginya pahalanya, dan pahala sesiapa yang beramal dengannya sewaktu hidupnya dan selepas kewafatannya sehingga (sunnah) tersebut di tinggalkan.

Dan barangsiapa yang wafat sewaktu dia mengikat tali kudanya (menjaga umat Islam dan memerhatikan musuh mereka), maka Allah ﷺ akan mengalirkan baginya pahala orang yang berjaga dan

memerhatikan musuh di jalan Allah sehingga dia dibangkitkan pada Hari Kiamat.”

T: (*al-Tabarani* (360H), - *Musnad al-Shamiyyin*) dan (*al-Tabarani* (360H), - *al-Mu'jam al-Kabir*): Kesemuanya dengan tiga (3) sanad yang baik.

Masalah I: *Sann al-Sunnah al-Hasanah* terikat dengan Sebab Wurud Hadith?

Semua dalil-dalil yang disebut terdahulu merujuk kepada “*sann al-sunnah al-hasana*” iaitu memulakan atau mencipta sunnah (ikutan) yang baik. Sebahagian riwayat menukilkan sebab datangnya hadith ini (*sabab wurud al-hadith*), namun begitu kebanyakannya diriwayatkan dengan secara umum. Walaupun terdapat sebahagian pihak cuba menyatakan bahawa hadith ini adalah merujuk kepada sunnah sedeqah kerana itu adalah sebab datangnya dan bukannya kepada memulakan sesuatu yang baru, maka penulis mengemukakan di sini beberapa hujah bagi menolak alasan tersebut. Hujah-hujah tersebut ialah:

1. Kaedah usul al-fiqh yang masyhur menyebut:

الْعِبْرَةُ بِعُمُومِ الْلَّفْظِ لَا بِخُصُوصِ السَّبَبِ

Maksudnya: “Pertimbangan (hukum) itu adalah berdasarkan keumuman lafaz (nas) dan bukannya kerana sebab (wurud) nas yang khusus.”

2. Sekiranya kita mentafsirkan hadith atau nas al-Quran semata-mata dalam konteks sebab wurudnya dan tidak berdasarkan keumuman lafaznya, maka betapa banyak hukum ahkam Islam yang terpaksa ditolak kerana wujudnya sebab wurudnya yang khusus?!
3. Penggunaan kalimah “*sunnah hasanah*” dalam bentuk *nakirah* (tanpa alif lam taqrif – (السَّنَةُ الْحَسَنَةُ menunjukkan kepada keumuman makna yang dikehendaki kerana kaedah dalam bahasa Arab menyebut:

النَّكِرَةُ تُفِيدُ الْعُمُومَ

Maksudnya: “Lafaz *nakirah* itu memberi maksud umum.”

4. Di sana terdapat pelbagai riwayat daripada beberapa orang sahabat Rasulullah ﷺ tanpa menyebut sebab wurudnya dan kebarangkalian hadith ini diulang beberapa kali oleh Rasulullah ﷺ di beberapa peristiwa yang berbeza yang boleh menjadi bukti keumuman aplikasi hadith ini. Wallahu a’lam.

Masalah II: Sann al-Sunnah al-Hasanah sebagai “al-Insha” (Mencipta) dan bukannya “al-Ihya” (Menghidupkan) atau “al-Imsak” (Berpegang)

Sekiranya terdapat pandangan yang menyatakan bahawa maksud “*al-sann*” di dalam hadith-hadith yang telah dibentangkan sebelum ini adalah bermaksud “*al-ihya’* – menghidupkan” dan “*al-imsak* – berpegang teguh” dengan sunnah dan bukannya “*al-insha’* – mencipta” satu kebaikan yang baru, maka al-Shaykh al-Hafiz ‘Abdullah Ibn al-Siddiq al-Ghumari telah pun menyatakan bahawa kaedah:

إِعْمَالُ الْكَلَامِ أَوْلَى مِنْ إِهْمَالِهِ

Maksudnya: “Mengaplikasikan sesuatu nas adalah lebih utama daripada mengabaikannya.”

menuntut agar setiap nas hadith diberikan peranan atau aplikasi yang tersendiri dan bukannya memberi makna yang sama.

Makna *ihya’ al-sunnah* (menghidupkan sunnah) boleh didapati daripada hadith Rasulullah ﷺ yang berbunyi:

إِنَّهُ مَنْ أَحْيَا سُنَّةً مِنْ سُنَّتِي قَدْ أُمِيتْ بَعْدِي فَإِنَّ لَهُ مِنَ الْأَجْرِ مِثْلَ مَنْ عَمِلَ بِهَا مِنْ غَيْرِ أَنْ يَنْقُضَ مِنْ أُجُورِهِمْ شَيْئًا

Maksudnya: “Sesungguhnya barangsiapa yang menghidupkan satu sunnah daripada sunnahku yang telah dimatikan

(dinggalkan/ diabaikan) selepasku, maka baginya ganjaran pahala seumpama orang yang beramat dengannya tanpa mengurangkan sesuatu apa pun daripada pahala-pahala mereka.”

T: (*al-Tirmidhi (279H)*, - *al-Jami' al-Kabir (Sunan al-Tirmidhi)*); (*Ibn Mājah (273H)*, - *Sunan Ibn Mājah*); (*al-Bazzar (292H)*, 1997 - *al-Bahr al-Zakhkhar bi Musnad al-Bazzar*); *Ibn Humayd*; *Ibn Hajar al-Asqalani*; *al-Tabarani*; *Ibn 'Abd al-Barr* dan lain-lain daripada riwayat *'Amr Ibn 'Awf al-Muzani* ﷺ.

Bagi makna *al-imsak bi al-sunnah* (berpegang teguh dengan sunnah) pula boleh diambil daripada hadith Rasulullah ﷺ yang berbunyi:

فَعَلَيْكُمْ بِسُتْرِيٍّ وَسُنْنَةِ الْخُلُفَاءِ الرَّاشِدِينَ الْمُهَدِّدِينَ، فَتَمَسَّكُوا بِهَا، وَعَضُّوَا عَلَيْهَا بِالنَّوْاجِذِ

Maksudnya: “Maka hendaklah kamu berpegang dengan sunnahku dan sunnah para khulafa' al-Rashidin yang diberi petunjuk lagi bijaksana, berpeganglah dengannya dan peganglah ia dengan kemas (seperti kamu memegangnya dengan gigi gerham yang paling hujung sekali).”

T: (*Ahmad (241H)*, 1995 - *al-Musnad*); (*Abu Dawud (275H)*, 2010 - *Sunan Abi Dawud*); (*al-Tirmidhi (279H)*, - *al-Jami' al-Kabir (Sunan al-Tirmidhi)*); (*Ibn Mājah (273H)*, - *Sunan Ibn Mājah*); (*al-Darimi (255H)*, - *Sunan al-Darimi*); (*Ibn Hibban (354H)*, 1993 - *Sahih Ibn Hibban*); (*al-Hakim (405H)*, 1990 - *al-Mustadrak 'ala al-Sahihayn*) dan lain-lain.

Oleh itu lafaz “*al-sann*” perlulah mengambil makna baru iaitu “*insha' al-sunnah*” (mencipta jalan kebaikan) agar setiap nas hadith mempunyai aplikasi yang tertentu dan berbeza daripada yang lain.

(*Sann Sunnat al-Huda*)

Dalil-dalil di dalam bahagian ini membuktikan bahawa di sana terdapat sunnah yang baru dan menjadi petunjuk ikutan di dalam Shariat.

2.8.2.6 Dalil Keenam: Riwayat Abu Hurayrah ﷺ (i)

Abu Hurayrah ﷺ meriwayatkan bahawa Nabi ﷺ bersabda:

مَنْ سَنَ سُنَّةً هُدَىٰ فَاتَّبَعَ عَلَيْهَا، كَانَ لَهُ أَجْرٌ أَوْ مِثْلُ أَجْرِهِ أَوْ مِثْلُ أَجْرِهِ وَمِنْ أَجْرِهِ غَيْرُ مَنْقُوصٍ مِنْ أُجُورِهِمْ شَيْئًا، وَمَنْ سَنَ سُنَّةً ضَلَالٍ فَاتَّبَعَ عَلَيْهَا، كَانَ عَلَيْهِ وِزْرُهُ وَمِثْلُ أَوْزَارِهِ مِنْ أَتَّبَعِهِ غَيْرُ مَنْقُوصٍ مِنْ أَوْزَارِهِمْ شَيْئًا

Maksudnya: “Barangsiapa yang memulakan satu sunnah petunjuk, lalu diikuti padanya (oleh orang lain), maka baginya pahalanya dan seumpama pahala orang yang mengikutnya tanpa dikurangkan sesuatu apa pun daripada pahala-pahala mereka.

Dan barangsiapa yang memulakan satu sunnah kesesatan, lalu diikuti padanya (oleh orang lain), maka ke atasnya dosanya dan seumpama dosa-dosa orang yang mengikutnya tanpa dikurangkan sesuatu apa pun daripada dosa-dosa mereka.”

T: (*Ibn 'Abd al-Barr (463H), - al-Tamhid*): *Sanadnya baik dan semua perawinya adalah thiqah kecuali Sufyan Ibn al-Husayn al-Wasiti, beliau ialah seorang yang dipercayai, tetapi kadang-kadang melakukan kesalahan.*

2.8.2.7 Dalil Ketujuh: Riwayat Abu Hurayrah (ii)

Abu Hurayrah ﷺ meriwayatkan bahawa Nabi ﷺ bersabda:

مَنْ سَنَ سُنَّةً حَسَنَةً هُدَىٰ فَاتَّبَعَ عَلَيْهَا، كَانَ لَهُ أَجْرٌ وَمِثْلُ أَجْرِهِ وَمِنْ أَجْرِهِ غَيْرُ مَنْقُوصٍ مِنْ أُجُورِهِمْ شَيْئًا، وَمَنْ سَنَ سُنَّةً ضَلَالٍ فَاتَّبَعَ عَلَيْهَا كَانَ عَلَيْهِ وِزْرُهُ وَمِثْلُ أَوْزَارِهِ مِنْ أَتَّبَعِهِ غَيْرُ مَنْقُوصٍ مِنْ أَوْزَارِهِمْ شَيْئًا

Maksudnya: “Barangsiapa yang memulakan satu sunnah yang baik lagi menjadi petunjuk, lalu diikuti padanya (oleh orang lain), maka baginya pahalanya dan seumpama pahala-pahala orang yang mengikutnya tanpa dikurangkan sesuatu apa pun daripada pahala-pahala mereka.

Dan barangsiapa yang memulakan satu sunnah kesesatan, lalu diikuti padanya (oleh orang lain), maka ke atasnya dosanya dan seumpama dosa-dosa orang yang mengikutnya tanpa dikurangkan sesuatu apa pun daripada dosa-dosa mereka.”

T: (*al-Lalika'i (418H), 2002 - Sharh Usul I'tiqad Ahl al-Sunnah wa al-Jama'ah*): *Sanadnya baik.*

(*Lafaz Bid'ah Datang Bersama “Qayd”*)

Dalil-dalil di dalam bahagian ini mengikat lafaz bid'ah dengan sifat kesesatan dan tidak diredayai Allah. Maka kita dapat memahami bahawa inilah bentuk bid'ah yang diharamkan di dalam Shariat pada hakikatnya.

2.8.2.8 Dalil Kelapan: Riwayat ‘Amr Ibn ‘Awf ﷺ Berkenaan Pesanan Nabi ﷺ kepada Bilal ﷺ

‘Amr Ibn ‘Awf al-Muzani ﷺ meriwayatkan bahawa sesungguhnya Nabi ﷺ bersabda kepada Bilal Ibn al-Harith ﷺ:

((إِعْلَمْ))، قَالَ: مَا أَعْلَمُ يَا رَسُولَ اللَّهِ، قَالَ: ((إِعْلَمْ يَا بِلَالُ)), قَالَ: مَا أَعْلَمُ يَا رَسُولَ اللَّهِ، قَالَ: ((إِنَّهُ مَنْ أَحْيَا سُنَّةً مِنْ سُنْنَتِي قَدْ أُمِيتَ بَعْدِي فَإِنَّ لَهُ مِنَ الْأَجْرِ مِثْلَ مَنْ عَمِلَ بِهَا مِنْ غَيْرِ أَنْ يَنْقُصَ مِنْ أُجُورِهِمْ شَيْئًا، وَمَنْ ابْتَدَعَ بَدْعَةً ضَلَالَةً لَا يَرْضَاهَا اللَّهُ وَرَسُولُهُ كَانَ عَلَيْهِ مِثْلُ آثَامِ مَنْ عَمِلَ بِهَا لَا يَنْفُصُ ذَلِكَ مِنْ أَوْزَارِ النَّاسِ شَيْئًا))

Maksudnya: “Ketahuilah!”. Beliau berkata: “Aku tidak mengetahui, wahai Rasulullah.” Baginda ﷺ bersabda (lagi): “Ketahuilah wahai Bilal!..” Beliau menjawab (lagi): “Aku tidak mengetahui, wahai Rasulullah!..” Baginda (pun) bersabda:

Sesungguhnya barangsiapa yang menghidupkan satu sunnah daripada sunnahku yang telah mati selepasku, maka sesungguhnya baginya daripada pahala kebajikan sepertimana sesiapa yang beramal dengannya tanpa mengurangkan sesuatupun daripada pahala-pahala mereka.

Dan barangsiapa yang mencipta bid'ah kesesatan, yang tidak direrai oleh Allah dan Rasul-Nya, maka ke atasnya dosa seumpama dosa-dosa sepetimana sesiapa yang beramal dengannya tanpa mengurangkan sesuatu pun daripada dosa-dosa mereka.”

T: (*al-Tirmidhi (279H)*, - *al-Jami' al-Kabir (Sunan al-Tirmidhi)*) - Beliau berkata: *Ini adalah hadith yang baik.*

2.8.2.9 Dalil Kesembilan: Riwayat ‘Amr Ibn ‘Awf ﷺ

Di dalam riwayat yang lain, ‘Amr Ibn ‘Awf al-Muzani ﷺ berkata: Aku telah mendengar Rasulullah ﷺ bersabda:

مَنْ أَحْيَا سُنّةً مِنْ سُتَّيْ قَدْ أُمِيتَ بَعْدِي، فَإِنَّ لَهُ مِنَ الْأَجْرِ مِثْلَ أَجْرِ مَنْ عَمِلَ بِهَا مِنَ النَّاسِ، لَا يَنْقُصُ مِنْ أُجُورِ النَّاسِ شَيْئًا، وَمَنْ ابْتَدَعَ بَدْعَةً لَا يَرْضَاهَا اللَّهُ وَرَسُولُهُ، فَإِنَّ عَلَيْهِ مِثْلَ إِثْمِ مَنْ عَمِلَ بِهَا مِنَ النَّاسِ، لَا يَنْقُصُ مِنْ آثَامِ النَّاسِ شَيْئًا

Maksudnya: “Barangsiapa yang menghidupkan satu sunnah daripada sunnahku yang telah mati selepasku, maka sesungguhnya baginya daripada pahala kebajikan sepetimana sesiapa yang beramal dengannya daripada manusia tanpa mengurangkan sesuatupun daripada pahala-pahala mereka.

Dan barangsiapa yang mencipta bid'ah, yang tidak direrai oleh Allah dan Rasul-Nya, maka ke atasnya dosa seumpama dosa-dosa sepetimana sesiapa yang beramal dengannya daripada manusia tanpa mengurangkan sesuatupun daripada dosa-dosa mereka.”

T: (*Ibn Mājah (273H)*, - *Sunan Ibn Mājah*); (*al-Bazzar (292H), 1997 - al-Bahr al-Zakhkhar bi Musnad al-Bazzar*); (*al-Tabarani (360H)*, - *al-Mu'jam al-Kabir*); (*al-Bayhaqi (458H)*, 1988 - *al-I'tiqad ila Sabil al-Rashad*) dan lain-lain.

(*Mafhum al-Mukhalafah*)

Dalil-dalil di dalam bahagian ini melarang bid'ah yang tidak bertepatan dengan urusan Shariat pada *mantuqnya* (zahir lafaznya). Namun begitu, kefahaman sebaliknya (*mafhum al-mukhalafah*)

menunjukkan bahawa bid'ah yang bertepatan dengan urusan Shariat adalah diterima.

2.8.2.10 Dalil Kesepuluh: Urusan Baru Yang Berasaskan Prinsip Agama adalah Diterima

Saidatina 'A'ishah ﷺ meriwayatkan bahawa Rasulullah ﷺ bersabda:

مَنْ أَحْدَثَ فِي أُمْرِنَا هَذَا مَا لَيْسَ مِنْهُ فَهُوَ رَدٌّ

Maksudnya: “Barangsiapa yang mengadakan di dalam urusan kami ini sesuatu yang bukan daripadanya, maka ia adalah tertolak.”

T: (al-Bukhari (256H), 1999 - Sahih al-Bukhari) & (Muslim (261H), 2006 - al-Jami' al-Sahih / Sahih Muslim)

Mafhum mukhalafah bagi hadith ini ialah “Barangsiapa yang mengadakan di dalam urusan kami ini sesuatu yang BERASAL daripadanya/ BERASASKannya, maka ia adalah DITERIMA.”

2.8.2.11 Dalil Kesebelas: Amalan Yang Dibina Atas Perintah Rasulullah ﷺ

Saidatian 'A'ishah ﷺ meriwayatkan bahawa Rasulullah ﷺ bersabda:

مَنْ عَمِلَ عَمَلاً لَيْسَ عَلَيْهِ أَمْرُنَا فَهُوَ رَدٌّ

Maksudnya: “Barangsiapa yang beramal dengan sesuatu amalan yang tidak ada atasnya perintah kami, maka ia adalah tertolak.”

T: (Muslim (261H), 2006 - al-Jami' al-Sahih / Sahih Muslim)

Di dalam hadith di atas, Rasulullah ﷺ tidak menyatakan bahawa “Barangsiapa yang beramal dengan sesuatu amalan yang TIDAK PERNAH KAMI AMALKAN...” tetapi Baginda ﷺ bersabda: “.....yang TIDAK ADA ATASNYA PERINTAH KAMI.” Maka, *mafhum mukhalafah*

bagi hadith ini ialah “Barangsiapa yang beramal dengan sesuatu amalan yang ADA ATASNYA PERINTAH KAMI, maka ia adalah DITERIMA.”

(Penunjuk kepada Kebaikan)

“Kebaikan” itu adalah satu istilah yang sangat umum di dalam Shariat dan meliputi perkara baru dan lama, rohani dan jasmani, kecil dan besar, sedikit dan banyak serta lain-lain.

2.8.2.12 Dalil Kedua Belas: Riwayat Abu Mas’ud al-Ansari ﷺ

Abu Mas’ud al-Ansari ﷺ meriwayatkan bahawa Rasulullah ﷺ bersabda:

مَنْ دَلَّ عَلَىٰ خَيْرٍ فَلَهُ مِثْلُ أَجْرِ فَاعِلِهِ

Maksudnya: “Barangsiapa yang menunjukkan kepada sesuatu kebaikan, maka baginya seumpama pahala orang yang melakukannya.”

T: (*Muslim (261H), 2006 - al-Jami' al-Sahih / Sahih Muslim*); (*al-Tirmidhi (279H), - al-Jami' al-Kabir (Sunan al-Tirmidhi)*); (*Abu Dawud (275H), 2010 - Sunan Abi Dawud*); (*Ahmad (241H), 1995 - al-Musnad*); (*Ibn Hibban (354H), 1993 - Sahih Ibn Hibban*); (*Abu 'Awanah (316H), 1998 - Mustakhraj Abi 'Awanah*); (*al-Bayhaqi (458H), 2000 - al-Sunan al-Kubra*); (*Abu Dawud al-Tayalisi (204H), - Musnad Abu Dawud al-Tayalisi*); (*al-Tabarani (360H), - al-Mu'jam al-Kabir*); (*al-Tabarani (360H), - al-Mu'jam al-Awsat*) dan *al-Kabir dan lain-lain*.

2.8.2.13 Dalil Ketiga Belas: Riwayat Anas Ibni Malik ﷺ

Anas Ibni Malik ﷺ meriwayatkan bahawa Rasulullah ﷺ bersabda:

إِنَّ الدَّالَّ عَلَى الْخَيْرِ كَفَاعِلِهِ

Maksudnya: “Sesungguhnya orang yang menunjukkan kepada sesuatu kebaikan adalah seumpama orang yang melakukannya.”

T: (*al-Tirmidhi* (279H), - *al-Jami' al-Kabir* (*Sunan al-Tirmidhi*)); (*Abu Ya'la al-Mawsili* (307H), 1992 - *Musnad Abu Ya'la al-Mawsili*) dan lain-lain.

Kebaikan di dalam hadith-hadith ini adalah bersifat umum. Ia tidak hanya merujuk kepada kebaikan yang ada pada zaman Rasulullah ﷺ sahaja atau zaman Salafus Soleh semata-mata. Apa sahaja kebaikan yang dimulakan atau ditunjukkan oleh seseorang, maka orang itu mendapat pahala di atas kebaikan tersebut jika ia diamalkan oleh orang lain tanpa mengurangkan pahala mereka.

(“Sunnah” Para Khulafa’ al-Rashidin dan Sahabat ﷺ)

Dalil-dalil di dalam bahagian ini menunjukkan bahawa Rasulullah ﷺ memerintahkan agar kita mengikut para sahabat Baginda ﷺ dan Baginda menamakan perbuatan mereka, khususnya para al-Khulafa’ al-Rashidin sebagai “Sunnah”.

2.8.2.14 Dalil Keempat Belas: Perintah Rasulullah ﷺ agar Para Sahabat Menuruti Saidina Abu Bakr ؓ dan Saidina ‘Umar ؓ

Huzayfah Ibn Husayl ؓ meriwayatkan bahawa: Rasulullah ﷺ bersabda:

اَقْتَدُوا بِاللّٰهِيْنِ مِنْ بَعْدِيْ : أَبِي بَكْرٍ ، وَعُمَرَ

Maksudnya: “Ambillah teladan daripada dua orang [sahabatku] selepasku: (iaitu) [Saidina] Abu Bakr [ؓ] dan [Saidina] ‘Umar [ؓ].”

T: (*Ahmad* (241H), 1995 - *al-Musnad*) – Dengan sanad yang baik (hasan).

Saidina Abu Bakr ؓ dan Saidina ‘Umar ؓ telah memulakan beberapa baru yang tidak dimulakan atau pernah dilakukan oleh Rasulullah ﷺ seperti memerangi golongan yang tidak membayar zakat,

mengambil gaji/elaun sebagai khalifah dari Baitul Mal, menghimpunkan al-Quran menjadi satu mushaf, menggunakan gelaran Khalifah Rasulullah ﷺ oleh Saidina Abu Bakr ؓ dan Amir al-Mu'minin oleh Saidina 'Umar ؓ, dan lain-lain. Perkara-perkara baru tersebut tidak boleh dianggap bertentangan dengan Shariat; bahkan ia adalah Sunnah Para Khulafa' al-Rashidin.

2.8.2.15 Dalil Kelima Belas: Perintah Rasulullah ﷺ untuk Mengikut Sunnah Para Khulafa' al-Rashidin

Al-'Irbad Ibn Sariyah ؓ berkata:

صَلَّى رَسُولُ اللَّهِ عَلَيْهِ وَسَلَّمَ ذَاتَ يَوْمٍ ثُمَّ أَقْبَلَ عَلَيْنَا فَوَعَظَنَا مَوْعِظَةً بَلِيغَةً ذَرَفَتْ مِنْهَا الْعَيْنُونُ وَوَجَلَتْ مِنْهَا الْقُلُوبُ، فَقَالَ قَائِلٌ: يَا رَسُولَ اللَّهِ كَانَ هَذِهِ مَوْعِظَةً مُوَدِّعًا، فَمَاذَا تَعْهَدْ إِلَيْنَا؟ فَقَالَ: ((أُوصِيكُمْ بِتَقْوَى اللَّهِ وَالسَّمْعِ وَالطَّاعَةِ وَإِنْ عَبْدًا حَبَشِيًّا، فَإِنَّهُ مَنْ يَعْشُ مِنْكُمْ بَعْدِي فَسَيَرَى اخْتِلَافًا كَثِيرًا، فَعَلَيْكُمْ بُشِّرَتِي وَسُنَّةُ الْخُلُفَاءِ الْمُهَدِّيَّينَ الرَّاشِدِينَ تَمَسَّكُوا بِهَا وَعَضُوا عَلَيْهَا بِالنَّوَاجِذِ، وَإِيَّاكُمْ وَمُحْدَثَاتِ الْأُمُورِ فَإِنَّ كُلَّ مُحْدَثَةٍ بِدُعَةٍ وَكُلَّ بِدُعَةٍ ضَلَالٌ))

Maksudnya: "Rasulullah ﷺ telah mengerjakan solat dengan kami pada satu hari, kemudian (setelah selesai solat), Baginda ﷺ mengadap kepada kami dan memberikan satu nasihat yang amat menyentuh hati, di mana mata-mata mengalirkan air mata kerananya, dan hati-hati bergetar kerananya.

Maka seseorang berkata: Wahai Rasulullah! Sesungguhnya ini adalah seumpama nasihat seseorang yang memberi ucapan perpisahan, maka apakah yang Tuan muah berpesan kepada kami?.

Baginda ﷺ bersabda:

"(i) Aku berpesan kepada kamu dengan Taqwa kepada Allah, dan mendengar serta taat [kepada pemimpin kamu], walaupun dia adalah seorang hamba Habshi. Maka sesungguhnya barangsiapa

dari kalangan kamu yang hidup selepas (kewafatan)ku, maka dia akan melihat pertelingkahan yang begitu banyak.

(ii) Hendaklah kamu berpegang dengan sunnahku dan sunnah para khulafa'[ku] yang bijaksana (al-Rashidin) lagi diberi petunjuk (al-mahdiyyin), berpeganglah dengannya, dan peganglah ia dengan kemas (seperti kamu memegangnya dengan gigi gerham yang paling dalam sekali).

(iii) Dan berhati-hatilah kamu daripada perkara-perkara baru [yang bertentangan dengan perintahku/prinsip-prinsip Shariat], maka sesungguhnya setiap yang baru itu adalah bid'ah, dan setiap bid'ah itu adalah kesesatan.”

T: (*Abu Dawud (275H), 2010 - Sunan Abi Dawud); (al-Tirmidhi (279H), - al-Jami' al-Kabir (Sunan al-Tirmidhi)); (Ibn Mājah (273H), - Sunan Ibn Mājah); (al-Darimi (255H), - Sunan al-Darimi); (Ahmad (241H), 1995 - al-Musnad); (Ibn Hibban (354H), 1993 - Sahih Ibn Hibban); (al-Hakim (405H), 1990 - al-Mustadrak 'ala al-Sahihayn) dan lain-lain.*

Para sahabat Rasulullah ﷺ banyak melakukan perkara-perkara baru selepas kewafatan Baginda ﷺ yang tidak pernah dilakukan oleh Baginda ﷺ. Namun perkara-perkara tersebut tidak dikira sebagai bid'ah yang terkeji kerana ia tidak bertentangan dengan perintah Rasulullah ﷺ, bahkan sebahagiannya adalah merupakan perkara baru yang wajib dilakukan dan telah memelihara agama Islam sehingga ke hari ini seperti pengumpulan al-Quran. Untuk contoh-contoh yang lebih banyak, rujuk topik:[2.9 Bid'ah Hasanah (Baru dan Baik) oleh Para Sahabat ﷺ (selepas Kewafatan Rasulullah ﷺ)]

(*Para Sahabat Memulakan Amalan Yang Baik di Zaman Rasulullah ﷺ*)

Dalil-dalil di dalam bahagian ini membuktikan bahawa Rasulullah ﷺ memperakui dan mengiktiraf bahkan memuji perkara-perkara baru yang dimulakan atau dilakukan oleh para sahabat ﷺ walaupun Baginda

sendiri tidak melakukan seumpamanya. Walaupun perbuatan-perbuatan ini telah dianggap sebagai *sunnah taqririyyah* dari sudut pandangan Usul al-Fiqh, namun ia menunjukkan bahawa Rasulullah ﷺ tidak melarang para sahabat melakukan perkara yang selari dengan perintah Baginda ﷺ dan anjuran Shariat. Ini berbeza apabila ada para sahabat Baginda ﷺ yang mahu melakukan perkara yang tidak selari dengan perintah Baginda ﷺ dan anjuran Shariat seperti kisah mereka yang tidak mahu berkahwin, tidak mahu tidur dan tidak mahu makan dan minum kerana menyangka ia dianggap sebagai kesungguhan ibadah.

2.8.2.16 Dalil Keenam Belas: Saidina Mu'adh Ibn Jabal ﷺ - Sunnah Bagi Makmum Yang Masbuq

Saidina Mu'adh ﷺ menceritakan di dalam riwayat yang panjang di mana para sahabat ﷺ apabila mendatangi solat berjemaah (di zaman awal penshariatan solat) dan Rasulullah ﷺ telah melakukan sebahagian daripada solat tersebut, maka mereka yang baru sampai akan bertanya dalam bentuk isyarat: “Berapa rakaat solat yang telah dikerjakan oleh Rasulullah ﷺ?” dan mereka akan diberitahu bilangan rakaat yang telah dikerjakan. Mereka yang lewat tersebut akan menyempurnakan rakaat yang tertinggal terlebih dahulu dan kemudiannya terus masuk bersama-sama dengan jemaah Rasulullah ﷺ.

Namun begitu, pada satu ketika apabila Saidina Mu'adh Ibn Jabal ﷺ lewat, beliau telah melakukan sesuatu yang berbeza, iaitu beliau akan terus bersembahyang mengikut Rasulullah ﷺ dan apabila Baginda ﷺ selesai solat, maka Saidina Mu'adh ﷺ lantas bangun dan menyempurnakan baki rakaat yang tertinggal (seperti yang dilakukan oleh umat Islam pada hari ini). Melihat perbuatan Saidina Mu'adh ﷺ tersebut, Rasulullah ﷺ pun bersabda:

إِنَّهُ قَدْ سَنَ لَكُمْ مُعَاذْ فَهَكَذَا فَاصْنَعُوا / فَافْعَلُوا

Maksudnyanya: “Sesungguhnya Mua’dh telah memulakan bagi kamu (satu sunnah yang baru), maka seumpama itulah kamu (patut) perbuat [apabila masuk solat berjemaah dalam keadaan masbuq].”

T: (*Ahmad (241H), 1995 - al-Musnad); (al-Bayhaqi (458H), 2000 - al-Sunan al-Kubra); (al-Tabarani (360H), - al-Mu'jam al-Kabir) dan lain-lain.*

2.8.2.17 Dalil Ketujuh Belas: Saidina Bilal ﷺ - Sunnah al-Tathwib di dalam Azan Subuh

Saidina Bilal ﷺ meriwayatkan bahawa:

أَنَّهُ أَتَى النَّبِيَّ صَلَّى اللَّهُ عَلَيْهِ وَسَلَّمَ يُؤْذِنُهُ بِصَلَاةِ الْفَجْرِ، فَقَالَ: هُوَ نَائِمٌ، فَقِيلَ: ((الصَّلَاةُ خَيْرٌ مِنَ النَّوْمِ، الصَّلَاةُ خَيْرٌ مِنَ النَّوْمِ))، فَأَقِرَّتْ فِي تَأْذِينِ الْفَجْرِ، فَثَبَّتَ الْأَمْرُ عَلَى ذَلِكَ

Maksudnya: “Sesungguhnya beliau telah datang kepada Nabi ﷺ untuk memaklumkan Baginda ﷺ berkenaan solat Subuh (fajar), lalu beliau diberitahu bahawa Baginda ﷺ sedang tidur.

Maka beliau pun menyebut [di dalam azan Subuh beliau]:

الصَّلَاةُ خَيْرٌ مِنَ النَّوْمِ، الصَّلَاةُ خَيْرٌ مِنَ النَّوْمِ

“Solat itu lebih baik daripada tidur; Solat itu lebih baik daripada tidur.”

Kemudian, tambahan itu diperakui oleh Rasulullah ﷺ dalam azan Subuh, maka tetaplah (tambahan itu) dilakukan seperti itu.”

T: (*Ibn Majah (273H), - Sunan Ibn Majah).*

Di dalam riwayat yang lain, ‘Abdullah Ibn ‘Umar حفظ الله عنهما meriwayatkan:

أَنَّ النَّبِيَّ صَلَّى اللَّهُ عَلَيْهِ وَسَلَّمَ اسْتَشَارَ النَّاسَ لِمَا يَهْمُمُهُمْ إِلَى الصَّلَاةِ، فَذَكَرُوا الْبُوقَ، فَكَرِهَهُ مِنْ أَجْلِ الْيَهُودِ، ثُمَّ ذَكَرُوا النَّاقُوسَ، فَكَرِهَهُ مِنْ أَجْلِ النَّصَارَى، فَأُرِيَ النَّدَاءَ تِلْكَ اللَّيْلَةَ رَجُلٌ مِنْ

الْأَنْصَارِ، يُقَالُ لَهُ: عَبْدُ اللَّهِ بْنُ رَيْدٍ، وَعُمَرُ بْنُ الْخَطَّابِ، فَطَرَقَ الْأَنْصَارِيُّ رَسُولَ اللَّهِ ﷺ لَيْلًا، فَأَمَرَ رَسُولُ اللَّهِ ﷺ بِلَالًا بِهِ فَأَذَنَ، قَالَ الزُّهْرِيُّ: وَزَادَ بِلَالٌ فِي نِدَاءِ صَلَاةِ الْغَدَاءِ، الصَّلَاةُ خَيْرٌ مِنَ النَّوْمِ، فَاقْرَأْهَا رَسُولُ اللَّهِ ﷺ قَالَ عُمَرُ: يَا رَسُولَ اللَّهِ قَدْ رَأَيْتُ مِثْلَ الَّذِي رَأَى وَلَكِنَّهُ سَبَقَنِي.

Maksudnya: “Bahawa sesungguhnya Nabi ﷺ telah bermesyuarat/meminta pandangan orang ramai berkenaan sesuatu yang boleh mengingatkan mereka kepada solat. Maka mereka menyebut tentang *al-buq* (trompet dari tanduk), lalu Baginda ﷺ tidak menyukainya kerana ia adalah perbuatan Yahudi. Kemudian, mereka menyebut tentang *al-naqus* (loceng), lalu Baginda ﷺ tidak menyukainya kerana ia adalah perbuatan Nasrani.

Maka dilihatkan (dalam mimpi) seruan (azan) itu kepada seorang lelaki daripada al-Ansar, yang dipanggil sebagai: Abdullah Ibn Zayd ﷺ dan ‘Umar Ibn al-Khattab ﷺ. Kemudian, lelaki al-Ansari itu datang berjumpa Rasulullah ﷺ pada malam hari [memberitahu tentang mimpi tersebut], dan Rasulullah ﷺ memerintahkan Bilal dengannya, lalu beliau pun melaksanakan azan.

Al-Zuhri berkata: Dan Bilal ﷺ menambah pada azan solat Subuh dengan: “Solat itu lebih baik daripada tidur,” maka Rasulullah ﷺ pun memperakuinya.

‘Umar ﷺ berkata: Wahai Rasulullah! Sesungguhnya aku juga telah melihat sepertimana yang telah dia lihat (dalam mimpinya), akan tetapi dia mendahului aku.

T: (*Ibn Mājah* (273H), - *Sunan Ibn Mājah*).

Di antara perkara yang menarik di dalam hadith ini ialah penshariatan azan dimulakan melalui *ru’yah solehah* (mimpi yang baik) oleh dua orang para Sahabat ﷺ dan kemudiannya ia menjadi Sunnah Taqririyyah kerana diperakui oleh Rasulullah ﷺ. Kemudian, Saidina Bilal ﷺ menambah lafaz *tahwib* iaitu (الصَّلَاةُ خَيْرٌ مِنَ النَّوْمِ، الصَّلَاةُ خَيْرٌ مِنَ النَّوْمِ) sebanyak dua kali pada azan Subuh dan ia diperakui oleh Rasulullah ﷺ, lalu ia menjadi Sunnah Taqririyyah juga.

2.8.2.18 Dalil Kelapan Belas: Saidina Bilal ﷺ - Solat Sunat Wudu'

Penshariatan solat sunat Wudu' berdasarkan taqrir (perakuan) Rasulullah ﷺ bagi amalan Bilal ﷺ. Rasulullah ﷺ bertanya kepada beliau:

يَا بِلَالٌ حَدَّنِي بِأَرْجَى عَمَلِي عَمِلْتُهُ فِي الْإِسْلَامِ فَإِنِّي سَمِعْتُ دَفَّ نَعْلَيْكَ بَيْنَ يَدَيِّكِ فِي الْجَنَّةِ

Maksudnya: "Wahai Bilal! Beritahulah kepadaku tentang sebaik-baik amalan yang diharapkan (oleh engkau kebaikannya) yang engkau amalkan di dalam Islam. Sesungguhnya aku mendengar bunyi kedua kasutmu di hadapanku di dalam syurga."

Maka Saidina Bilal ﷺ menjawab:

مَا عَمِلْتُ عَمَلاً أَرْجَى عِنْدِي أَنِّي لَمْ أَتَطَهَّرْ طَهُورًا فِي سَاعَةٍ لَيْلٍ أَوْ نَهَارٍ إِلَّا صَلَّيْتُ بِذَلِكَ
الطَّهُورِ مَا كُتِبَ لِي أَنْ أُصَلِّيَ

Maksudnya: "Aku tidaklah beramal dengan satu amalan yang lebih aku harapkan melainkan apabila aku bersuci (mengambil wudhu') sama ada di waktu malam atau siang, maka aku akan bersolat dengan kesucian (wudhu') tersebut sebanyak mana yang tertulis (ditakdirkan) bagi aku untuk bersolat."

T: (*al-Bukhari (256H), 1999 - Sahih al-Bukhari*); (*Muslim (261H), 2006 - al-Jami' al-Sahih / Sahih Muslim*) dan lain-lain.

Amalan Saidina Bilal ﷺ yang dimulakan oleh beliau dan kemudian telah diperakui oleh Rasulullah ﷺ ini telah menjadi asas pensyariatan solat sunat Wudu' di sisi para ulama'. Namun begitu, Rasulullah ﷺ telah mendapati pahala amalan ini atau kemuliaan ini di dalam syurga sebelum diberitahu oleh Saidina Bilal ﷺ. Ini adalah kerana memperbanyak solat sunat adalah selari dengan anjuran umum Shariat dan tidak bertentangan dengannya.

2.8.2.19 Dalil Kesembilan Belas: Rasulullah ﷺ Memuji Lafaz Sahabat Memuji Allah ﷺ Ketika I'tidal

Saidina Rifa'ah Ibn Rafi' al-Zuraqi رض berkata: Pernah pada satu ketika kami bersolat di belakang Nabi ﷺ, maka apabila Baginda ﷺ mengangkat kepala Baginda ﷺ yang mulia itu daripada ruku', Baginda ﷺ menyebut:

سَمِعَ اللَّهُ مِنْ حَمْدٍ

Maksudnya: "Allah mendengar kepada sesiapa yang memuji-Nya." Lalu ada seorang lelaki di belakang Baginda ﷺ menyebut:

رَبَّنَا وَلَكَ الْحَمْدُ حَمْدًا كَثِيرًا طَيِّبًا مُبَارَّكًا فِيهِ

Maksudnya: "Wahai tuhan kami! Dan hanya bagi Mulah semata-mata puji-pujian yang banyak, lagi baik serta diberkati (bertambah-tambah) padanya."

Apabila Baginda ﷺ telah selesai mengerjakan solat, Baginda ﷺ bertanya:

مَنْ الْمُتَكَلِّمُ

Maksudnya: "Siapakah yang menyebut puji-pujian [sebentar tadi]?"

Lelaki tersebut menjawab: "Aku".

Baginda ﷺ bersabda:

رَأَيْتُ بِضُعْفَةً وَثَلَاثِينَ مَلَكًا يَبْتَدِرُونَهَا أَهْوَمُهُمْ يَكْتُبُهَا أَوَّلَ

Maksudnya: "Aku telah melihat tiga puluh (30) lebih para malaikat yang berlumba-lumba di kalangan mereka siapakah yang menulisnya paling awal."

T: (al-Bukhari (256H), 1999 - Sahih al-Bukhari).

Ia adalah satu perakuan yang jelas daripada Rasulullah ﷺ bagi puji-pujian yang dilakukan oleh sahabat Baginda ﷺ ini kepada Allah ﷻ.

walaupun Baginda ﷺ sendiri tidak memulakannya atau melakukannya sebelum itu.

2.8.2.20 Dalil Kedua Puluh: Rasulullah ﷺ Memuji Pujian Indah Seorang Sahabat di Awal Solat

Saidina Anas Ibn Malik رضي الله عنه meriwayatkan bahawa:

أَنَّ رَجُلًا جَاءَ إِلَى الصَّلَاةِ وَقَدْ حَفَزَهُ النَّفْسُ، فَقَالَ: أَللَّهُ أَكْبَرُ، أَلْحَمْدُ لِلَّهِ حَمْدًا كَثِيرًا طَيِّبًا مُبَارَّا فِيهِ، فَلَمَّا قَضَى رَسُولُ اللَّهِ صَلَاتُهُ، قَالَ: ((أَيُّكُمُ الْمُسْتَكْلِمُ بِالْكَلَمِ إِنَّهُ لَمْ يَقُلْ بِأَسَأً)), فَقَالَ الرَّجُلُ: أَنَا يَا رَسُولَ اللَّهِ، جِئْتُ وَقَدْ حَفَزَنِي النَّفْسُ فَقُلْتُهَا، فَقَالَ: ((لَقَدْ رَأَيْتُ اثْنَيْ عَشَرَ مَلَكًا يَتَدَرُّنَّهَا أَعْيُهُمْ يَرْفَعُهَا)), وَزَادَ هُمَيْدٌ فِيهِ: ((وَإِذَا جَاءَ أَحَدُكُمْ فَلَيَمْشِ نَحْوَ مَا كَانَ يَمْشِي فَلْيُصَلِّ مَا أَدْرَكَهُ وَلْيَقْضِ مَا سَبَقَهُ))

Maksunya: “Sesungguhnya seorang lelaki telah datang kepada (saf) solat (jemaah) kami dan dia dalam keadaan yang payah untuk bernafas (kerana berjalan laju), maka dia pun berkata:

اللَّهُ أَكْبَرُ، أَلْحَمْدُ لِلَّهِ حَمْدًا كَثِيرًا طَيِّبًا مُبَارَّا فِيهِ

Allah Maha Besar (kemuliaan dan keagunganNya), Segala puji bagi Allah dengan pujian yang banyak, lagi baik, dan bertambah-tambah padanya.”

Maka apabila Rasulullah ﷺ selesai mengerjakan solat, Baginda [ﷺ] bertanya: Siapakah di kalangan kamu yang berkata dengan beberapa perkataan tadi, maka sesungguhnya dia tidak menyebut sesuatu yang salah. Lalu seorang lelaki berkata: Aku Wahai Rasulullah! Aku telah datang dan nafasku agak payah, maka aku pun mengucapkannya.

Maka Baginda [ﷺ] bersabda: Sesungguhnya aku telah melihat dua belas malaikat yang berlumba-lumba, siapakah di kalangan mereka yang akan mengangkatnya.

Dan Humayd menambah padanya [lafaz hadith]: “Dan apabila salah seorang kamu datang, maka berjalanlah seperitimana dia

(biasa) berjalan, kemudian bersolatlah dengan apa yang dia sempat dan seterusnya menunaikan kembali apa yang telah mendahuluinya (daripada perbuatan solat)."

T: (*Abu Dawud (275H), 2010 - Sunan Abi Dawud); (Muslim (261H), 2006 - al-Jami' al-Sahih / Sahih Muslim); (al-Nasa'i (303H), 1986 - al-Sunan al-Sughra / al-Mujtaba min al-Sunan); (Ahmad (241H), 1995 - al-Musnad); (Ibn Khuzaymah (311H), - Sahih Ibn Khuzaymah); (Ibn Hibban (354H), 1993 - Sahih Ibn Hibban) dan lain-lain.*

2.8.2.21 Dalil Kedua Puluh Satu: Rasulullah ﷺ Menghadiahkan Emas kepada Seorang A'rabi Yang Memuji Allah Dengan Pujian Yang Indah

Saidina Anas Ibn Malik رضي الله عنه meriwayatkan bahawa Rasulullah ﷺ pernah melalui di sisi seorang arab kampung yang sedang berdoa di dalam solatnya dengan berkata:

يَا مَنْ لَا تَرَاهُ الْعُيُونُ، وَلَا تُخَالِطُهُ الظُّنُونُ، وَلَا يَصِفُهُ الْوَاصِفُونَ، وَلَا تُغَيِّرُهُ الْحَوَادِثُ، وَلَا يَخْشَى الدَّوَائِرُ، يَعْلَمُ مَتَاقِيلَ الْجِبَالِ، وَمَكَابِيلَ الْبَحَارِ، وَعَدَدَ قَطْرِ الْأَمْطَارِ، وَعَدَدَ وَرَقِ الْأَشْجَارِ، وَعَدَدَ مَا أَظْلَمَ عَلَيْهِ اللَّيْلُ، وَأَشْرَقَ عَلَيْهِ النَّهَارُ، لَا تُوَارِي مِنْهُ سَمَاءً سَمَاءً، وَلَا أَرْضً أَرْضًا، وَلَا بَحْرً مَا فِي قَعْدِهِ، وَلَا جَبَلٌ مَا فِي وَعْرِهِ، إِاجْعَلْ خَيْرَ عُمْرِي آخِرَهُ، وَخَيْرَ عَمَلِي خَوَاتِهُ، وَخَيْرَ أَيَّامِي يَوْمَ الْقَاتَكَ فِيهِ

"Wahai [Allah] yang tidak mampu dilihat oleh mata-mata [makhlukNya]; dan yang tidak bercampur (boleh dicapai) dengan sangkaan-sangkaan; dan yang tidak mampu disifatkan oleh sesiapa yang mahu menyifatkanNya; dan yang tidak berubah oleh sesuatu yang baharu; dan yang tidak takut (terubah) dengan putara-putaran masa; yang Maha Mengetahui beratnya gunung-ganang; dan timbangan air-air laut; dan bilangan titisan air hujan; dan bilangan daun-daun di pepohonan; dan bilangan perkara yang diliputi kegelapan malam; dan yang disinari cahaya siang; satu langit tidak menghalangNya dari langit yang lain; dan satu bumi tidak menghalangNya dari bumi yang lain; dan lautan tidak

menghalang[Nya] dari [mengetahui] apa yang ada di dasarnya; dan gunung juga tidak menghalang[Nya] dari [mengetahui] apa yang ada di terasnya; jadikanlah sebaik-baik umurku/usiaku di akhirnya, dan sebaik-baik amalanku adalah penutup-penutupnya, dan sebaik-baik hariku adalah hari aku bertemu denganMu padanya [di Akhirat kelak].”

Maka Baginda ﷺ mewakilkan seorang lelaki di sisi arab kampung itu dan bersabda:

إِذَا صَلَّى فَأَتَنِي بِهِ

Maksudnya: “Apabila dia telah selesai bersolat, maka datangkanlah dia kepadaku.”

Maka apabila beliau telah selesai bersolat, beliau pun datang kepada Baginda ﷺ dan pada waktu itu Baginda ﷺ telah diberikan hadiah seketul emas daripada sebahagian hasil galian. Maka apabila lelaki arab kampung tadi mendatangi Baginda ﷺ, Baginda ﷺ pun lantas menghadiahkan emas tersebut kepadanya, dan Baginda ﷺ bertanya:

مَنْ أَنْتَ يَا أَعْرَابِيْ؟

Maksudnya: “Daripada siapakah (qabilah manakah) engkau wahai acrabi?.”

Beliau menjawab:

مِنْ بَنِي عَامِرٍ بْنِ صَعْصَعَةَ يَا رَسُولَ اللهِ

Maksudnya: “Daripada Bani ‘Amir Ibn Sa‘sa‘ah, Wahai Rasulullah!”.

Rasulullah ﷺ pun bertanya:

هَلْ تَدْرِي لِمَ وَهَبْتُ لَكَ الْذَّهَبَ؟

Maksudnya: “Adakah kamu tahu mengapakah aku menghadiahkan kamu emas tersebut?”.

Lelaki tadi menjawab:

لِلرَّحْمَنِ بَيْنَنَا وَبَيْنَكَ يَا رَسُولَ اللَّهِ

Maksudnya: “Kerana perhubungan rahim di antara kami dan engkau, Wahai Rasulullah!.”

Maka Baginda ﷺ pun bersabda:

إِنَّ لِلرَّحِيمِ حَقًا، وَلَكِنْ وَهَبْتُ لَكَ الْذَّهَبَ لُحْسِنِ ثَنَائِكَ عَلَى اللَّهِ تَعَالَى

Maksudnya: “Sesungguhnya bagi perhubungan silaturahim itu hak, tetapi aku menghadiahkan kamu emas tersebut adalah kerana keindahan pujianmu kepada Allah ﷺ.”

T: (*al-Tabarani (360H)*, - *al-Mu'jam al-Awsat*).

Pujian yang indah tersebut bukanlah diajar oleh Rasulullah ﷺ kepada lelaki a'rabi tersebut. Tetapi Rasulullah ﷺ menzahirkan kegembiraan dan penghargaan Baginda ﷺ kepada puji-pujianNya yang indah kepada Allah ﷺ. Hadith ini menjadi dalil bahawa seorang Muslim boleh memuji Allah dengan puji-pujian yang indah walaupun pujian tersebut bukanlah sesuatu yang diriwayatkan dari Rasulullah ﷺ.

2.8.2.22 Dalil Kedua Puluh Dua: Rasulullah ﷺ Memperakui Seorang Sahabat Yang Suka Mengkhatamkan Bacaannya Di Dalam Solat Dengan Surah Al-Ikhlas

Saidatina 'A'ishah ؓ meriwayatkan bahawa:

أَنَّ رَسُولَ اللَّهِ ﷺ بَعَثَ رَجُلًا عَلَى سَرِيَّةٍ، وَكَانَ يَقْرُأُ لِأَصْحَابِهِ فِي صَلَاتِهِمْ فَيَخْتِمُ بِـ قُلْ هُوَ اللَّهُ أَحَدٌ فَلَمَّا رَجَعُوا، ذُكِرَ ذَلِكَ لِرَسُولِ اللَّهِ ﷺ فَقَالَ: سَلُوْهُ، لَا يَّسِيْعُ شَيْءٌ يَصْنَعُ ذَلِكَ؟ فَسَأَلُوهُ، فَقَالَ: لِأَنَّهَا صِفَةُ الرَّحْمَنِ، فَأَنَا أُحِبُّ أَنْ أَقْرَأَ بِهَا، فَقَالَ رَسُولُ اللَّهِ ﷺ : ((أَخْبِرُوهُ أَنَّ اللَّهَ يُحِبُّهُ))

Maksudnya: “Sesungguhnya Rasulullah ﷺ pernah mengutuskan seorang lelaki dalam satu rombongan (perang). Ketika beliau membaca bagi para sahabatnya yang lain (ketika menjadi imam

bagi mereka) di dalam solat mereka, beliau mengkhatamkan/mengakhiri bacaannya dengan "Qul Huwallahu Ahad" (Surah Al-Ikhlas). Maka apabila mereka pulang, mereka menyebut tentang perkara itu kepada Rasulullah ﷺ.

Baginda ﷺ pun bersabda: Tanyalah kepadanya, kerana apakah beliau melakukan seperti itu?.

Maka mereka bertanyanya dan beliau menjawab: Kerana sesungguhnya ia adalah sifat al-Rahman, maka aku suka untuk membacanya.

Rasulullah ﷺ bersabda: Khabarkanlah kepadanya bahawa sesungguhnya Allah menyintainya."

T: (*Muslim (261H), 2006 - al-Jami' al-Sahih / Sahih Muslim*).

2.8.2.23 Dalil Kedua Puluh Tiga: Rasulullah ﷺ Memperakui Perbuatan Seorang Sahabat Yang Suka Membaca Surah Al-Ikhlas Pada Setiap Rakaat Solat

Saidina Anas Ibn Malik ﷺ berkata:

كَانَ رَجُلٌ مِنْ الْأَنْصَارِ يَؤْمِنُ بِهِ فَكَانَ كُلُّمَا افْتَسَحَتِ السُّورَةِ يَقْرَأُ لَهُمْ فِي الصَّلَاةِ فَقَرَأَ بِهَا افْتَسَحَ بِقُلْهُ إِنَّهُ أَحَدٌ حَتَّى يَفْرُغَ مِنْهَا ثُمَّ يَقْرَأُ بِسُورَةٍ أُخْرَى مَعَهَا وَكَانَ يَصْنَعُ ذَلِكَ فِي كُلِّ رَكْعَةٍ فَكَلَمَهُ أَصْحَابُهُ فَقَالُوا إِنَّكَ تَقْرَأُ بِهِذِهِ السُّورَةِ ثُمَّ لَا تَرِي أَهْمَانَ تُجْزِيَكَ حَتَّى تَقْرَأُ بِسُورَةٍ أُخْرَى فَإِنَّمَا أَنْ تَقْرَأُ بِهَا وَإِنَّمَا أَنْ تَدْعَهَا وَتَقْرَأُ بِسُورَةٍ أُخْرَى قَالَ مَا أَنَا بِتَارِكِهَا إِنْ أَحَبَّتُمْ أَنْ أَوْمَكُمْ بِهَا فَعَلْتُ وَإِنْ كَرِهْتُمْ تَرْكِتُكُمْ وَكَانُوا يَرَوْنَهُ أَفْضَلَهُمْ وَكَرِهُوا أَنْ يَؤْمِنُمْ غَيْرُهُ فَلَمَّا أَتَاهُمُ النَّبِيُّ ﷺ أَخْبَرُوهُ الْخَبَرَ فَقَالَ يَا فُلَانُ مَا يَمْنَعُكَ مِمَّا يَأْمُرُ بِهِ أَصْحَابُكَ وَمَا يَحْمِلُكَ أَنْ تَقْرَأَ هَذِهِ السُّورَةِ فِي كُلِّ رَكْعَةٍ فَقَالَ يَا رَسُولَ اللهِ إِنِّي أُحِبُّهَا فَقَالَ رَسُولُ اللهِ ﷺ إِنَّ حُبَّهَا أَدْخِلَكَ الْجَنَّةَ

Maksudnya: "Pernah ada seorang lelaki daripada al-Ansar yang mengimamkan solat di masjid Quba'. Maka setiap kali beliau memulakan bacaan surah ketika dia membacakannya bagi mereka

(menjadi imam) di dalam solat, maka beliau memulakannya dengan "Qul Huwallahu Ahad" (surah Al-Ikhlas) sehingga selesai daripadanya. Kemudian (barulah) beliau membaca surah yang lain bersamanya. Dan beliau melakukan perkara itu pada setiap rakaat.

Maka para sahabatnya bertutur kepadanya dengan berkata: Kamu membaca surah (al-Ikhlas) ini, kemudian kamu rasakan bahawa sesungguhnya ia tidak mencukupi bagi, sehingga kamu membaca surah yang lain. Maka (sepatutnya) sama ada kamu membacanya atau kamu meninggalkannya dan membaca surah yang lain.

Beliau berkata: Aku tidak akan meninggalkannya (surah al-Ikhlas). Sekiranya kamu suka aku mengimami kamu, aku akan lakukan dengannya, dan sekiranya kamu tidak suka, maka aku akan meninggalkan kamu.

Namun begitu, mereka melihat beliau sebagai orang yang terbaik di kalangan mereka dan mereka tidak suka seseorang selain beliau mengimami mereka.

Maka apabila Nabi ﷺ datang kepada mereka, mereka memberitakan khabar tersebut. Lalu Baginda ﷺ bersabda (kepadanya): Wahai Fulan! Apakah yang menghalangmu daripada (melakukan) apa yang disuruh oleh sahabat-sahabatmu dan apakah yang menyebabkan kamu membaca surah ini pada setiap rakaat.

Beliau menjawab: Wahai Rasulullah! Sesungguhnya aku menyintainya.

Maka Rasulullah ﷺ bersabda: Sesungguhnya cintamu kepadanya (surah Al-Ikhlas) akan memasukkan kamu ke dalam syurga."

T: (*al-Tirmidhi* (279H), - *al-Jami' al-Kabir* (*Sunan al-Tirmidhi*)).

2.8.2.24 Dalil Kedua Puluh Empat: Rasulullah ﷺ Memperakui Saidina Abu Sa'id al-Khudri ؓ Yang Merawat Pesakit dengan Surah Al-Fatihah

Saidina Abu Sa'id al-Khudri ؓ meriwayatkan bahawa:

أَنَّ نَاسًا مِنْ أَصْحَابِ رَسُولِ اللَّهِ كَانُوا فِي سَفَرٍ، فَمَرُوا بِحَيٍّ مِنْ أَحْيَاءِ الْعَرَبِ، فَاسْتَضَافُوهُمْ فَلَمْ يُضِيفُوهُمْ، فَقَالُوا لَهُمْ: هَلْ فِيكُمْ رَاقٍ فَإِنَّ سَيِّدَ الْحُكْمِ لَدِيْغٌ أَوْ مُصَابٌ، فَقَالَ رَجُلٌ مِنْهُمْ: نَعَمْ، فَأَتَاهُ فَرْقَاهُ بِفَاتِحَةِ الْكِتَابِ فَبَرَأَ الرَّجُلُ فَأَعْطَى قَطِيعًا مِنْ عَنَمٍ فَأَبَى أَنْ يَقْبَلَهَا، وَقَالَ: حَتَّى أَذْكُرَ ذَلِكَ لِلنَّبِيِّ فَأَتَى النَّبِيُّ فَذَكَرَ ذَلِكَ لَهُ، فَقَالَ: يَا رَسُولَ اللَّهِ، وَاللَّهِ مَا رَقِيتُ إِلَّا بِفَاتِحَةِ الْكِتَابِ فَتَبَسَّمَ، وَقَالَ: ((وَمَا أَدْرَاكَ أَنَّهَا رُقْيَةٌ؟))، ثُمَّ قَالَ: ((خُذُوا مِنْهُمْ وَاضْرِبُوا لِي بِسَهْمٍ مَعَكُمْ))

Maksudnya: “Sesungguhnya beberapa orang daripada Sahabat Rasulullah ﷺ pernah berada di dalam satu permusafiran. Maka, mereka pun melalui satu puak daripada puak orang-orang Arab, dan mereka meminta untuk menjadi tetamu, (tetapi) mereka tidak menerima para Sahabat ﷺ tersebut sebagai tetamu.

Namun setelah itu, mereka [datang kepada para Sahabat ﷺ dan] berkata kepada mereka: Adakah di kalangan kamu ada perawat?. Sesungguhnya penghulu puak ini dipatuk atau terkena musibah.

Maka salah seorang daripada mereka menjawab: Ya. Beliau pun datang kepada penghulu tersebut dan merawatnya dengan al-Fatihah, lalu penghulu tersebut sembuh dan dia diberikan satu potongan daripada kambing. (Akan tetapi) dia enggan menerimanya dan berkata: Sehingga lah aku menyebut tentang perkara ini kepada Nabi ﷺ.

Setelah itu, beliau pun datang kepada Nabi ﷺ dan menyatakan tentang perkara tersebut. Beliau berkata: Wahai Rasulullah! Demi Allah! Aku tidak merawat melainkan dengan (membaca) al-Fatihah. Baginda ﷺ (pun) tersenyum dan bersabda: Bagaimanakah kamu tahu bahawa sesungguhnya ia (Al-Fatihah) adalah satu penyembuhan?. Kemudian Baginda ﷺ bersabda: Ambillah ia (upah tersebut) daripada mereka dan potongkanlah bagiku satu bahagian bersama kamu.”

T: (*Muslim (261H), 2006 - al-Jami' al-Sahih / Sahih Muslim*) - *lafaz di atas; (al-Bukhari (256H), 1999 - Sahih al-Bukhari); (al-Tirmidhi (279H), - al-Jami' al-Kabir (Sunan al-Tirmidhi)) dan lain-lain.*

Rasulullah ﷺ bukan sahaja tidak marah, bahkan Baginda ﷺ tersenyum kepada Saidina Abu Sa'id al-Khudri ؓ yang merawat pesakit tersebut dengan surah Al-Fatiyah. Dan bagi menunjukkan penghargaan Baginda ﷺ terhadap perbuatan beliau – walaupun Baginda ﷺ tidak pernah mengajarnya berkenaan itu sebelumnya, maka Baginda ﷺ memerintahkan agar upah yang diberikan kepada mereka juga diberikan sebahagiannya kepada Baginda ﷺ. Ia adalah satu perakuan yang jelas dari Baginda ﷺ. *Sunnah taqririyyah* atau hadith ini adalah salah satu dalil terpenting bagi amalan Ruqiyah Shar'iyyah berasaskan al-Qur'an yang banyak diamalkan oleh para ulama' dulu dan sekarang.

2.8.2.25 Dalil Kedua Puluh Lima: Rasulullah ﷺ Menerangkan Fadilat Puji-pujian Seorang Sahabat Baginda ﷺ di dalam Solat

Saidina 'Abdullah Ibn 'Umar ؓ berkata:

بَيْنَمَا نَحْنُ نُصَلِّي مَعَ رَسُولِ اللَّهِ إِذْ قَالَ رَجُلٌ مِّنَ الْقَوْمِ: إِنَّ اللَّهَ أَكْبَرُ كَبِيرًا، وَالْحَمْدُ لِلَّهِ كَثِيرًا،
وَسُبْحَانَ اللَّهِ بُكْرَةً وَأَصِيلًا

Maksudnya: “Sedang kami bersolat bersama Rasulullah ﷺ, seorang lelaki daripada jemaah solat (kami) mengucapkan:

اللَّهُ أَكْبَرُ كَبِيرًا، وَالْحَمْدُ لِلَّهِ كَثِيرًا، وَسُبْحَانَ اللَّهِ بُكْرَةً وَأَصِيلًا

Maka, Rasulullah ﷺ telah bertanya (setelah selesai mengerjakan solat):

مَنْ الْقَائِلُ كَلِمَةً كَذَا وَكَذَا؟

Maksudnya: “Siapakah yang mengucapkan seperti itu dan seperti ini (ucapan tadi)?”

Maka seorang lelaki daripada mereka menjawab:

أَنَا يَا رَسُولَ اللَّهِ

Maksudnya: “Aku, wahai Rasulullah!”

Rasulullah ﷺ pun bersabda:

عَجِبْتُ لَهَا، فُتَحْتَ لَهَا أَبْوَابُ السَّمَاءِ

Maksudnya: “Sungguh aku kagum dengannya, dibukakan baginya pintu-pintu langit.”

Saidina ‘Abdullah Ibn ‘Umar حفظهما الله berkata:

فَمَا تَرَكْتُهُنَّ، مُنْذُ سَمِعْتُ رَسُولَ اللَّهِ يَقُولُ ذَلِكَ

Maksudnya: “Maka aku tidak pernah meninggalkannya sejak aku mendengar Rasulullah ﷺ bersabda demikian.”

T: (*Muslim (261H), 2006 - al-Jami' al-Sahih / Sahih Muslim*).

Walaupun Rasulullah ﷺ tidak pernah mengajarkan puji-pujian tersebut untuk dibaca di dalam solat, Baginda ﷺ telah menerangkan bahawa puji-pujian tersebut mempunyai fadilat yang sangat besar.

Nota: Pujian-pujian sahabat tersebut adalah salah satu bahagian daripada doa iftitah yang disunatkan di dalam mazhab Shafie.

2.8.2.26 Dalil Kedua Puluh Enam: Rasulullah ﷺ Tidak Melarang Para Sahabat ﷺ Bertalbiyah Dengan Tambahan Lafaz Pilihan Mereka Sendiri

Saidina Jabir ؓ meriwayatkan bahawa Rasulullah ﷺ bertalbiyah dengan ucapan berikut:

لَبَيْكَ اللَّهُمَّ لَبَيْكَ، لَا شَرِيكَ لَكَ لَبَيْكَ، إِنَّ الْحَمْدَ وَالنِّعْمَةَ لَكَ وَالْمُلْكَ، لَا شَرِيكَ
لَكَ

Maksudnya: “Hamba-Mu patuh kepada-Mu! Ya Allah! Hamba-Mu patuh kepada-Mu! Hamba-Mu patuh kepada-Mu! Tiada Sekutu bagi-Mu. Hamba-Mu patuh kepada-Mu! Sesungguhnya segala puji dan nikmat serta penguasaan adalah bagi-Mu. Tiada Sekutu bagi-Mu.”

Dan beliau berkata lagi:

وَالنَّاسُ يَزِيدُونَ ذَا الْمَعَارِجِ وَنَحْوَهُ مِنَ الْكَلَامِ، وَالنَّبِيُّ ﷺ يَسْمَعُ فَلَا يَقُولُ لُهُمْ شَيْئًا

Maksudnya: “Dan orang ramai menambah: “Yang Mempunyai Tempat-tempat Naik!” dan seumpamanya daripada ucapan, dan Baginda Nabi ﷺ mendengar (tambahan-tambahan tersebut), maka Baginda ﷺ tidak berkata apa-apa kepada mereka (tidak melarang mereka).”

T: (Abu Dawud (275H), 2010 - Sunan Abi Dawud).

2.8.2.27 Dalil Kedua Puluh Tujuh: Doa Seorang Sahabat ﷺ Yang Dipuji oleh Rasulullah ﷺ (i)

Rasulullah ﷺ memuji doa seorang sahabat baginda yang berdoa dengan “Nama Allah Yang Maha Agung” walaupun pada hakikatnya doa tersebut tidak pernah diajarkan oleh Rasulullah ﷺ kepada sahabat tersebut.

Saidina Buraydah al-Aslami ﷺ berkata:

سَمِعَ النَّبِيُّ ﷺ رَجُلًا يَدْعُو وَهُوَ يَقُولُ: إِنَّمَا أَسْأَلُكَ بِأَنِّي أَشْهَدُ أَنَّكَ أَنْتَ اللَّهُ لَا إِلَهَ إِلَّا أَنْتَ، الْأَحَدُ الصَّمَدُ الَّذِي لَمْ يَلِدْ وَلَمْ يُوْلَدْ وَلَمْ يَكُنْ لَهُ كُفُواً أَحَدٌ، قَالَ: فَقَالَ: «وَالَّذِي نَفْسِي
يِدِيهِ لَقَدْ سَأَلَ اللَّهَ بِاسْمِهِ الْأَعْظَمِ الَّذِي إِذَا دُعِيَ بِهِ أَجَابَ وَإِذَا سُئِلَ بِهِ أَعْطَى»

Maksudnya: “Nabi ﷺ telah mendengar seorang lelaki berdoa dengan berkata:

اللَّهُمَّ إِنِّي أَسْأَلُكَ بِأَنِّي أَشْهَدُ أَنَّكَ أَنْتَ اللَّهُ لَا إِلَهَ إِلَّا أَنْتَ، الْأَحَدُ الصَّمَدُ الَّذِي لَمْ يَلِدْ وَلَمْ
يُوْلَدْ وَلَمْ يَكُنْ لَهُ كُفُواً أَحَدٌ

Ya Allah. Sesungguhnya aku memohon daripada-Mu dengan bahawa sesungguhnya aku bersaksi bahawa sesungguhnya Engkau adalah Allah, Tiada Tuhan melainkan Engkau, lagi Maha Esa, serta Yang menjadi tumpuan sekalian makhluk untuk memohon

sebarang hajat, Yang tiada beranak, dan Dia pula tidak diperanakkan, dan tidak ada sesiapapun yang serupa dengan-Nya. Beliau berkata:

Maka Baginda ﷺ pun bersabda: Demi (Allah) yang nyawaku di dalam kekuasaan-Nya, sesungguhnya dia telah meminta daripada Allah dengan nama-Nya yang Maha Agung, yang mana apabila didoakan dengannya, Dia pasti akan memperkenankannya, dan apabila diminta dengannya, Dia pasti akan memberinya.”

T: (*al-Tirmidhi* (279H) - *al-Jāmi‘ al-Kabīr* (*Sunan al-Tirmidhi*) – *Lafaz di atas*; (*Abu Dawud* (275H) 2010- *Sunan Abi Dawud*); (*Ibn Mājah* (273H) - *Sunan Ibn Mājah*); (*Ahmad* (241H) 1995- *al-Musnad*); (*Ibn Hibban* (354H) 1993- *Sahih Ibn Hibban*); (*al-Hakim* (405H) 1990- *al-Mustadrak 'ala al-Sahihayn*); (*al-Nasa'i* (303H) 1986- *al-Sunan al-Kubra*); (*al-Bazzar* (292H) 1997- *al-Bahr al-Zakhkhar bi Musnad al-Bazzar*) dan lain-lain.

2.8.2.28 Dalil Kedua Puluh Lapan: Doa Seorang Sahabat ﷺ Yang Dipuji oleh Rasulullah ﷺ (ii)

Saidina Anas Ibn Malik ﷺ berkata:

كُنْتُ جَالِسًا مَعَ رَسُولِ اللَّهِ ﷺ فِي الْحُلْقَةِ وَرَجُلٌ قَائِمٌ يُصَلِّي فَلَمَّا رَكَعَ وَسَجَدَ، جَلَسَ وَتَشَهَّدَ، ثُمَّ دَعَا فَقَالَ: اللَّهُمَّ إِنِّي أَسْأَلُكَ بِأَنَّ لَكَ الْحَمْدَ، لَا إِلَهَ إِلَّا أَنْتَ الْحَنَانُ، بَدِيعُ السَّمَاوَاتِ وَالْأَرْضِ، ذَا الْجَلَالِ وَالْإِكْرَامِ يَا حَيٌّ يَا قَيُومٌ، إِنِّي أَسْأَلُكَ، فَقَالَ رَسُولُ اللَّهِ ﷺ: «أَتَدْرُونَ بِمَا دَعَا؟» قَالُوا: اللَّهُ وَرَسُولُهُ أَعْلَمُ، قَالَ: «وَالَّذِي نَفْسِي بِيَدِهِ، لَقَدْ دَعَا اللَّهَ بِاسْمِهِ الْعَظِيمِ، الَّذِي إِذَا دُعِيَ بِهِ أَجَابَ، وَإِذَا سُئِلَ بِهِ أَعْطَى»

Maksudnya: “Pernah pada satu ketika aku duduk bersama Rasulullah ﷺ di dalam satu halaqah (kumpulan bulatan) dan ada seorang lelaki yang sedang berdiri melakukan solat (berdekatan dengan kami). Maka, apabila dia melakukan ruku’, sujud, duduk di antara dua sujud dan membaca *tashahhud*, dia kemudiannya berdoa:

اللَّهُمَّ إِنِّي أَسأَلُكَ بِأَنَّ لَكَ الْحَمْدَ، لَا إِلَهَ إِلَّا أَنْتَ الْخَانُ، بَدِيعُ السَّمَاوَاتِ وَالْأَرْضِ، ذَا
الْجَلَالِ وَالْإِكْرَامِ يَا حَيُّ يَا قَيُّومُ، إِنِّي أَسأَلُكَ ...

Ya Allah! Sesungguhnya aku memohon daripadaMu dengan hakikat bahawa sesungguhnya segala kepujian adalah hanya untukMu, Tiada Tuhan melainkan Engkau, Yang Maha Pengasih, Yang Maha Menciptakan langit dan bumi, Pemilik Keagungan dan Kemuliaan, Yang Maha Hidup lagi Maha Berdiri/Wujud dengan Sendiri (Tidak berhajat kepada yang lain), sesungguhnya aku memohon dariMu...

Rasulullah ﷺ lantas bersabda: Tahukah kamu dengan apa dia berdoa?, mereka (para Sahabat ﷺ) berkata: Allah dan RasulNya lebih mengetahui.

Baginda ﷺ bersabda: Demi (Allah) yang nyawaku di dalam kekuasaanNya, sesungguhnya dia telah berdoa dengan Namanya yang Maha Agung, yang mana apabila didoakan dengannya, pasti Dia menjawabnya (menerimanya), dan apabila diminta dengannya, pasti Dia akan memberi (permintaan tersebut)."

T: (*Ahmad (241H), 1995 - al-Musnad*), No.12200, Lafaz di atas; (*Ibn Hibban (354H), 1993 - Sahih Ibn Hibban*); (*al-Hakim (405H), 1990 - al-Mustadrak 'ala al-Sahihayn*); (*al-Bayhaqi (458H), 1993 - al-Asma' wa al-Sifat*); (*al-Tahawi (321H), - Mushkil al-Athar*); (*al-Tabarani (360H), - al-Du'a*) dan lain-lain.

Rasulullah ﷺ memuji doa tersebut walaupun Baginda ﷺ sendiri tidak pernah mengajarkannya kepada sahabat tersebut.

2.8.2.29 Dalil Kedua Puluh Sembilan: Saidina Khubayb ﷺ - Solat Sunat Sebelum Hukuman Bunuh

Saidina Khubayb ﷺ adalah salah seorang sahabat Rasulullah ﷺ yang telah mengikuti *sariyyah* yang diutuskan oleh Baginda ﷺ, di mana ^cAsim Ibn Thabit ﷺ telah dilantik menjadi ketua. Rombongan mereka, kemudiannya, telah dikepung oleh kumpulan tentera daripada Bani Lahyan. ^cAsim Ibn Thabit ﷺ telah syahid bersama beberapa orang yang

lain dan akhirnya Khubayb ﷺ dan Zayd ﷺ telah ditangkap dan dibawa ke Mekah untuk dijual. Khubayb ﷺ telah dijual kepada Banu Harith Ibn c'Amir Ibn Nawfal. Banu Harith membeli Khubayb ﷺ kerana beliau telah membunuh Harith di dalam perang Badar. Dan apabila mereka telah bersepakat hendak melaksanakan hukuman bunuh ke atasnya dengan membawa beliau keluar dari tanah haram Mekah, beliau berkata:

دَعْوَنِي أُصَلِّي رَكْعَتَيْنِ

Maksudnya: “Biarkanlah aku mengerjakan solat dua rakaat terlebih dahulu.”

Saidina Khubayb ﷺ telah dibunuh oleh c'Uqbah Ibn al-Harith setelah beliau bersolat, berdoa dan membaca sedikit syair. Al-Imam al-Bukhari menyebut di dalam meriwayatkan kisah ini:

فَكَانَ أَوَّلَ مَنْ سَنَ الرَّكْعَتَيْنِ عِنْدَ الْقَتْلِ هُوَ

Maksudnya: “Maka orang yang pertama memulakan solat dua rakaat sebelum dihukum bunuh ialah beliau (Saidina Khubayb ﷺ).”

T: (al-Bukhari (256H), 1999 - Sahih al-Bukhari).

Kisah ini berlaku di zaman Rasulullah ﷺ dan berita tentang perbuatan Saidina Khubayb ﷺ ini sampai kepada Baginda ﷺ dan Baginda ﷺ tidak mengingkarinya.

2.8.3 Athar Para Sahabat ﷺ dan Tabi'in: Tujuh Belas (17) Athar

2.8.3.1 Athar Pertama: Saidina Abu Bakr dan Saidina 'Umar ﷺ

Kata-kata Saidina Abu Bakar ﷺ dan Saidina 'Umar ﷺ berkenaan cadangan mereka untuk mengumpulkan al-Quran menjadi satu mushaf walaupun ia tidak dilakukan oleh Rasulullah ﷺ:

هُوَ وَاللَّهُ خَيْرٌ

Maksudnya: “Demi Allah! Ia adalah sesuatu yang baik.”

[Rujuk 2.2 Kisah Saidina ‘Umar al-Khattab رضي الله عنه dan Saidina Abu Bakr رضي الله عنه untuk perincian kisah ini]

T: (*al-Bukhari* (256H), 1999 - *Sahih al-Bukhari*) dan (*al-Nasa'i* (303H), 1986 - *al-Sunan al-Kubra*).

2.8.3.2 Athar Kedua: Saidina ‘Umar رضي الله عنه - Memulakan Solat Tarawih Berjemaah di belakang Satu Imam Pada Awal Malam

‘Abd al-Rahman Ibn ‘Abd al-Qari berkata:

خَرَجْتُ مَعَ عُمَرَ بْنِ الْخَطَّابِ فِي رَمَضَانَ إِلَى الْمُسْجِدِ فَإِذَا النَّاسُ أَوْزَاعُ مُتَفَرِّقُونَ يُصَلِّي
الرَّجُلُ لِنَفْسِهِ وَيُصَلِّي الرَّجُلُ فَيُصَلِّي بِصَلَاةِ الرَّهْطِ فَقَالَ عُمَرُ

Maksudnya: “Aku telah keluar bersama [Saidina] ‘Umar Ibn al-Khattab رضي الله عنه di dalam bulan Ramadan ke Masjid Nabawi, dan pada waktu itu orang ramai [beribadat] secara berpisah-pisah dalam banyak kumpulan, ada lelaki yang bersolat seorang diri, dan ada lelaki yang bersolat, lalu beberapa orang mengikut solatnya.

Maka [Saidina] ‘Umar رضي الله عنه pun berkata:

وَاللَّهِ إِنِّي لَا رَأَيْتُ لَوْ جَمَعْتُ هُؤُلَاءِ عَلَى قَارِئٍ وَاحِدٍ لَكَانَ أَمْثَلَ فَجَمَعَهُمْ عَلَى أَبِي بْنِ كَعْبٍ

Demi Allah! Sesungguhnya aku mempunyai pandangan bahawa sekiranya aku dapat mengumpulkan/ menghimpunkan mereka di belakang satu *qari'* (Imam), maka ia adalah lebih baik.

Lalu beliau pun mengumpulkan orang ramai bersolat berimamkan ‘Ubayy Ibn Ka'b رضي الله عنه.

Beliau berkata:

ثُمَّ خَرَجْتُ مَعَهُ لَيْلَةً أُخْرَى وَالنَّاسُ يُصَلِّونَ بِصَلَاةِ قَارِئِهِمْ فَقَالَ عُمَرُ

Maksudnya: “Kemudian aku keluar bersama beliau (Saidina ‘Umar رضي الله عنه) di malam yang lain dan orang ramai bersolat

berimamkan *qari'* (Imam) mereka yang satu, beliau lantas berkata:

نِعْمَتِ الْبِدْعَةُ هَذِهِ وَالَّتِي تَنَامُونَ عَنْهَا أَفْضَلُ مِنْ الَّتِي تَقُومُونَ يَعْنِي آخِرَ اللَّيْلِ وَكَانَ النَّاسُ يَقُومُونَ أَوَّلَهُ

Ini lah sebaik-baik bid'ah, dan (waktu) yang mereka tidur daripadanya adalah lebih baik daripada (waktu) yang mereka bangun mengerjakan solat padanya, iaitu akhir malam (lebih baik dari awal malam) dan orang ramai mengerjakannya pada awal malam.”

T: (*Malik (179H), 1985 - al-Muwatta'*).

Nota:

Saidina ‘Umar رض memerintahkan Saidina ‘Ubayy Ibn Ka'b رض menjadi Imam kerana Rasulullah صل pernah menyatakan beliau sebagai pembaca al-Qur'an yang paling baik di kalangan para Sahabat رض.

2.8.3.3 Athar Ketiga: Saidina ‘Umar رض - Memerintahkan Saidina Ubayy Ibn Ka'b رض Menjadi Imam Solat Tarawih Secara Berjemaah

(Ahmad) Ibn Mani^c (al-Baghawi) meriwayatkan daripada Ubayy Ibn Ka'b رض bahawa Saidina ‘Umar رض berkata kepada beliau:

إِنَّ النَّاسَ يَصُومُونَ النَّهَارَ وَلَا يُحِسِّنُونَ أَنْ يَقْرَءُوا ، فَلَوْ قَرَأْتَ عَلَيْهِمْ بِاللَّيْلِ

Maksudnya: “Sesungguhnya orang ramai berpuasa di siang hari dan mereka tidak dapat membaca (al-Quran di dalam qiyam Ramadan) dengan baik. Maka, bagaimanakah kalau kamu membacakan (dan mengaimamkan) mereka pada malam hari?”

Ubayy Ibn Ka'b رض berkata:

يَا أَمِيرَ الْمُؤْمِنِينَ ، هَذَا شَيْءٌ لَمْ يَكُنْ

Maksudnya: "Wahai Amir al-Mu'minin! Perkara ini belum pernah berlaku (di zaman Rasulullah ﷺ)."

Saidina 'Umar ﷺ menjawab:

قَدْ عَلِمْتُ وَلَكِنَّهُ حَسَنٌ

Maksudnya: "Sesungguhnya aku mengetahui tentang hal itu, akan tetapi ia adalah baik."

Ibn Manī' menambah: Maka, beliau pun bersolat dengan mereka sebanyak dua puluh (20) rakaat.

T: (*al-Muttaqi al-Hindi* (975H), 1981 - *Kanz al-'Ummal fi Sunan al-Aqwal wa al-Af'al*)

2.8.3.4 Athar Keempat: Saidina 'Uthman Bin 'Affan ﷺ - Pembesaran dan Pembaharuan Masjid Nabawi

Apabila Saidina 'Uthman Ibn 'Affan ﷺ dilantik menjadi Khalifah selepas kesyahidan Saidina 'Umar Ibn al-Khattab ﷺ, orang ramai mula mengadu tentang keadaaan Masjid Nabawi yang kecil dan sempit khususnya pada solat Juma'at. Maka beliau pun berhasrat untuk memperbaharui binaan masjid dan meluaskan Masjid Nabawi tersebut, namun sebahagian orang masih menunjukkan rasa tidak setuju dan lebih suka sekiranya Masjid Nabawi dikekalkan dalam keadaannya yang asal. Dan apabila (sebahagian) orang ramai bercakap/mengkritik tentang hal itu ketika beliau membina semula Masjid Nabawi, beliau berkata:

إِنَّكُمْ قَدْ أَكْثَرْتُمْ، وَإِنِّي سَمِعْتُ رَسُولَ اللَّهِ يَقُولُ: «مَنْ بَنَى مَسْجِدًا لِّلَّهِ تَعَالَى يَبْتَغِي بِهِ وَجْهَ اللَّهِ، بَنَى اللَّهُ لَهُ بَيْتًا فِي الْجَنَّةِ»

Maksudnya: "Sesungguhnya kamu telah merperbanyakkan (bercakap/kritikan) mengenainya, dan sesungguhnya aku telah mendengar Rasulullah ﷺ bersabda:

“Barangsiapa yang membina sebuah masjid bagi Allah ﷺ dengan tujuan mencari keredaan-Nya, (maka) Allah ﷺ akan membina baginya sebuah mahligai di syurga.”

T: (*al-Bukhari* (256H), 1999 - *Sahih al-Bukhari*); (*Muslim* (261H), 2006 - *al-Jami' al-Sahih / Sahih Muslim*) dan lain-lain.

2.8.3.5 Athar Kelima: Para Sahabat ﷺ - Membaca Surah al-'Asr Sebelum Berpisah

Para Sahabat ﷺ menjadikan amalan membaca surah al-'Asr sebelum mereka berpisah. Abu Madinah 'Abdullah Ibn Hisn al-Darimi berkata:

كَانَ الرَّجُلُانِ مِنْ أَصْحَابِ النَّبِيِّ ﷺ إِذَا التَّقَيَا لَمْ يَفْتَرِقا حَتَّى يَقْرَأَا أَحَدُهُمَا عَلَى الْآخَرِ:
((وَالْعَصْرِ (1) إِنَّ الْإِنْسَانَ لَفِي خُسْرٍ (2)))، ثُمَّ يُسَلِّمَ أَحَدُهُمَا عَلَى الْآخَرِ

“Apabila dua orang lelaki dari kalangan para Sahabat Nabi ﷺ bertemu, mereka tidak akan berpisah sehinggalah salah seorang dari mereka berdua membaca: “Demi Masa (1) Sesungguhnya manusia itu berada di dalam kerugian” (iaitu surah al-'Asr), kepada yang lain dan kemudian salah seorang dari mereka berdua memberi salam kepada yang lain.”

T: (*al-Tabarani* (360H), - *al-Mu'jam al-Awsat*), No. 5124. (*al-Haythami* (807H), - No. 18198 - *Majma' al-Zawā'id wa Manba' al-Fawā'id*) dan beliau berkata: رَوَا الطَّبَرَانِيُّ فِي الْأَفْوَضِ، وَرِجَالُهُ رِجَالُ الصَّحِيفَةِ عَيْنُهُ (ابن عائِشَةَ، وَهُوَ ثَقِيقٌ).

2.8.3.6 Athar Keenam: Saidina 'Abdullah Ibn 'Umar رضي الله عنهما - Solat Duha Secara Beramai-ramai di Masjid

Al-Acraj berkata:

سَأَلْتُ ابْنَ عُمَرَ (صَحِيفَةُهُ) عَنْ صَلَاةِ الضَّحَىِ، فَقَالَ: بِدُعَةٍ، وَنِعْمَةٍ الْبِدْعَةُ

Maksudnya: “Aku bertanya (‘Abdullah) Ibn ‘Umar ﷺ berkenaan solat al-Duha (yang dilakukan secara terang-terangan dan berjemaah di masjid oleh ramai orang).

Lalu beliau menjawab: [Ia adalah] Bid’ah (tidak dilakukan pada zaman Rasulullah ﷺ), dan ia adalah sebaik-baik bid’ah.”

T: (*Ibn Abi Shaybah (235H), 2004 - Musannaf Ibn Abi Shaybah*) – Dengan sanad yang sahih.

2.8.3.7 Athar Ketujuh: Saidina ‘Ali ﷺ - Solat Duha Secara Beramai-ramai di Masjid

Berkenaan hal yang sama (iaitu Solat al-Duha yang dikerjakan secara terang-terangan dan berjemaah oleh ramai orang di masjid), Ja‘far Ibn Muhammad meriwayatkan bahawa:

أَنَّ عَلَيًّا بْنَ أَبِي طَالِبٍ ، كَانَ يُذْكَرُ لَهُ هَذِهِ الصَّلَاةُ الَّتِي أَخْدَثَ النَّاسُ ، فَيَقُولُ : صَلُّوا مَا
اسْتَطَعْتُمْ ، فَإِنَّ اللَّهَ لَا يُعَذِّبُ عَلَى الصَّلَاةِ

Maksudnya: “Sesungguhnya [Saidina] ‘Ali Ibn Abi Talib ﷺ, telah disebut (ditanya) kepada beliau tentang solat (Duha) ini yang dimulakan oleh orang ramai (secara beramai-ramai di masjid), maka beliau berkata:

Solatlah sebanyak mana yang kamu mampu, maka sesungguhnya Allah ﷺ tidak akan mengazab [seseorang] kerana [memperbanyak] solat.”

T: (*'Abd al-Razzaq al-San'ani (211H), 1403H - al-Musannaf*)

Nota:

Anjuran melakukan solat Duha di masjid pada hakikatnya mempunyai asas di dalam hadith Rasulullah ﷺ. Oleh kerana itu sebahagian para ulama’ menyatakan bahawa adalah lebih afdal melakukan solat Duha di masjid, walaupun majoriti ulama’ berpandangan ia lebih afdal dilakukan di rumah berdasarkan anjuran umum Rasulullah ﷺ di dalam banyak hadith-hadith yang lain.

2.8.3.8 Athar Kelapan: Saidina ‘Abdullah Ibn Mas’ud ﷺ - Mencipta dan Memperindahkan Lafaz Selawat kepada Rasulullah ﷺ

Imam Ibnu Majah meriwayatkan di dalam “Sunan”nya daripada ‘Abdullah Ibn Mas’ud ﷺ bahawa beliau berkata:

إِذَا صَلَّيْتُمْ عَلَى رَسُولِ اللَّهِ صَلَّى اللَّهُ عَلَيْهِ وَسَلَّمَ فَأَحْسِنُوا الصَّلَاةَ عَلَيْهِ، فَإِنَّكُمْ لَا تَدْرُونَ
لَعَلَّ ذَلِكَ يُعَرِّضُ عَلَيْهِ

Maksudnya: “Sekiranya kamu berselawat ke atas Rasulullah ﷺ, maka hendaklah kamu memperindahkan selawat kamu ke atas Baginda ﷺ. Sesungguhnya kamu tidak tahu kemungkinan selawat tersebut akan dibentangkan kepada Baginda ﷺ.”

Maka mereka (yang mendengar ucapan beliau) pun berkata:

فَعَلَّمَنَا

Maksudnya: “Maka, ajarkanlah kami.”

Beliau berkata: “Ucapkanlah:

اللَّهُمَّ اجْعَلْ صَلَاتَكَ وَرَحْمَتَكَ عَلَى سَيِّدِ الْمُرْسَلِينَ، وَإِمَامِ الْمُتَّقِينَ، وَخَاتَمِ النَّبِيِّينَ، [سَيِّدِنَا] مُحَمَّدٍ عَبْدِكَ وَرَسُولِكَ، إِمامِ الْخَيْرِ، وَقَائِدِ الْخَيْرِ، وَرَسُولِ الرَّحْمَةِ، اللَّهُمَّ أَبْعَثْهُ مَقَاماً حَمْوَدًا يَغْبِطُهُ بِهِ الْأَوَّلُونَ وَالآخِرُونَ، اللَّهُمَّ صَلِّ عَلَى [سَيِّدِنَا] مُحَمَّدٍ وَعَلَى آلِ [سَيِّدِنَا] مُحَمَّدٍ كَمَا صَلَّيْتَ عَلَى [سَيِّدِنَا] إِبْرَاهِيمَ وَعَلَى آلِ [سَيِّدِنَا] إِبْرَاهِيمَ، إِنَّكَ حَمِيدٌ [سَيِّدِنَا] مُحَمَّدٍ بَارِكْ عَلَى [سَيِّدِنَا] مُحَمَّدٍ وَعَلَى آلِ [سَيِّدِنَا] مُحَمَّدٍ كَمَا بَارَكْتَ عَلَى [سَيِّدِنَا] إِبْرَاهِيمَ وَعَلَى آلِ [سَيِّدِنَا] إِبْرَاهِيمَ، إِنَّكَ حَمِيدٌ حَمِيدٌ

“Ya Allah, jadikanlah selawatMu, rahmatMu dan keberkatan-keberkatan dariMu ke atas Penghulu para Rasul, Imam orang-orang bertaqwa, Penutup segala para Nabi, [Saidina] Muhammad,

HambaMu, RasulMu, Pemimpin kebaikan, Pemandu kebaikan, Rasul pembawa rahmat.

Ya Allah, bangkitkanlah/letakkanlah Baginda ﷺ di tempat yang terpuji, yang dicemburui oleh semua golongan yang awal dan akhir.

Ya Allah, selawatlah (kurniakan rahmat bersama penghormatan) ke atas [Saidina] Muhammad, dan ke atas ahli keluarga/ para pengikut [Saidina] Muhammad, sepetimana Engkau berselawat ke atas [Saidina] Ibrahim, dan ke atas ahli keluarga/ para pengikut [Saidina] Ibrahim. Sesungguhnya Engkau Maha Terpuji lagi Maha Agung.

Ya Allah, kurniakanlah keberkatan ke atas [Saidina] Muhammad, dan ke atas ahli keluarga/ para pengikut [Saidina] Muhammad, sepetimana Engkau kurniakan keberkatan ke atas [Saidina] Ibrahim, dan ke atas ahli keluarga/ para pengikut [Saidina] Ibrahim. Sesungguhnya Engkau Maha Terpuji lagi Maha Agung

T: (*Ibn Majah (273H)*, - *Sunan Ibn Majah*)

Nota:

Ketika penulis mempelajari kitab “Anwar al-Athar” atau “Al-Arba’in al-Uqlishiyyah”, karangan al-Imam al-Hafiz Abu al-‘Abbas al-Uqlishi secara bersanad dan talaqqi, guru penulis – Al-Shaykh Gibril Fu’ad al-Haddad al-Salihi al-Naqshabandi al-Athari – berkata: Kata-kata Saidina ‘Abdullah Ibn Mas’ud ﷺ:

فَأَحْسِنُوا الصَّلَاةَ عَلَيْهِ

“Maka hendaklah kamu memperindahkan selawat kamu ke atas Baginda [ﷺ]”

adalah merupakan dalil bagi keharusan mencipta dan menyusun selawat-selawat yang indah bagi Baginda Rasulullah ﷺ. [Selesai]

Kita dapat melihat begitu ramai para ulama’ dan awliya’ termasuk sebahagian para Sahabat ؓ telah menyusun dan mencipta selawat-selawat yang indah buat Baginda ﷺ seperti selawat Imam kita, al-Imam

2.8.3.9 Athar Kesembilan: Perkara Yang Dilihat Baik oleh Umat Islam adalah Baik

Zirr Ibn Hubaysh telah meriwayatkan daripada Ḥ Abdullah Ibn Mas'ud ﷺ bahawa beliau berkata:

إِنَّ اللَّهَ نَظَرَ فِي قُلُوبِ الْعِبَادِ، فَوَجَدَ قَلْبَ مُحَمَّدٍ خَيْرًا قُلُوبِ الْعِبَادِ، فَاصْطَفَاهُ لِنَفْسِهِ،
فَابْتَغَهُ بِرِسَالَتِهِ، ثُمَّ نَظَرَ فِي قُلُوبِ الْعِبَادِ بَعْدَ قَلْبِ مُحَمَّدٍ، فَوَجَدَ قُلُوبَ أَصْحَابِهِ خَيْرًا
قُلُوبِ الْعِبَادِ، فَجَعَلَهُمْ وُزَرَاءَ نَبِيًّا، يُقَاتِلُونَ عَلَى دِينِهِ، فَمَا رَأَى الْمُسْلِمُونَ حَسَنًا، فَهُوَ عِنْدَ
اللَّهِ حَسَنٌ، وَمَا رَأَوا سَيِّئًا، فَهُوَ عِنْدَ اللَّهِ سَيِّئٌ

Maksudnya: “Sesungguhnya Allah telah melihat di dalam hati para hambaNya, maka Dia mengetahui bahawa hati (Nabi) Muhammad ﷺ adalah sebaik-baik hati hambaNya. Maka Dia memilihnya bagi DiriNya, maka Dia membangkitkan Baginda ﷺ dengan risalahNya.

Kemudian, Dia melihat di dalam hati para hambaNya selepas hati (Nabi) Muhammad ﷺ, maka Dia mengetahui bahawa hati-hati para Sahabat Baginda ﷺ adalah sebaik-baik hati para hambaNya, maka Dia menjadikan mereka pembantu-pembantunya, berperang di atas agama-Nya.

Maka apa yang dilihat oleh orang-orang Muslim itu sebagai baik, maka ia di sisi Allah adalah baik, dan apa yang mereka lihat sebagai jahat, maka ia di sisi Allah adalah jahat/buruk.”

T: (Ahmad (241H), 1995 - *al-Musnad*) - *lafaz di atas*; (*al-Bayhaqi* (458H), 1420H - *al-Madkhal ila al-Sunan al-Kubra*); (*al-Bazzar* (292H), 1997 - *al-Bahr al-Zakhkhar bi Musnad al-Bazzar*); (*al-Haythami* (807H), - *Kashf al-Astar*); (*al-Tabarani* (360H), - *al-Mu'jam al-Kabir*) dan lain-lain.

2.8.3.10 Athar Kesepuluh: Ijtihad Saidina Mu'awiyah ﷺ - Keperluan Keselamatan dan Kehormatan Bagi Pemimpin Mengikut Pandangan Masyarakat Tempatan (i)

Apabila Saidina 'Umar Ibn al-Khattab ﷺ datang ke bumi Sham (Syria), Saidina Mu'awiyah ﷺ telah melintasi beliau dengan rombongan yang besar tanpa menyedarinya. Saidina 'Umar ﷺ pada ketika itu datang menunggang keldai bersama Saidina 'Abd al-Rahman Ibn 'Awf ﷺ. Maka setelah Saidina Mu'awiyah ﷺ diberitahu bahawa beliau telah melewati Amir al-Mu'minin ﷺ, maka beliau pun turun berjalan kaki. Lalu Saidina 'Umar ﷺ bertanya kepada beliau:

أَنْتَ صَاحِبُ الْمَوْكِبِ؟

Maksudnya: “Engkaukah tuan empunya rombongan ini?”

Saidina Mu'awiyah ﷺ menjawab:

نَعَمْ يَا أَمِيرَ الْمُؤْمِنِينَ

Maksudnya: “Ya, wahai Amir al-Mu'minin.”

Saidina 'Umar ﷺ berkata:

هَذَا حَالُكَ مَعَ مَا بَلَغَنِي مِنْ طُولِ وُقُوفِ ذَوِي الْحَاجَاتِ بِبَابِكَ!

Maksudnya: “(Adakah) ini keadaanmu(?), dan dalam masa yang sama telah sampai kepadaku bahawa orang-orang yang berhajat telah berdiri begitu lama di pintumu.”

Saidina Mu'awiyah ﷺ menjawab:

هُوَ مَا بَلَغَكَ مِنْ ذَلِكَ

Maksudnya: “Ia adalah (seperti mana) yang telah sampai kepadamu daripada berita itu.”

Saidina 'Umar ﷺ bertanya:

وَلِمَ تَفْعُلُ هَذَا؟ لَقَدْ هَمِّتُ أَنْ أَمْرَكَ بِالْمُشْيِ حَافِيًّا إِلَى بِلَادِ الْحِجَازِ

Maksudnya: “Dan mengapakah engkau melakukan demikian itu? Aku telah terfikir untuk memerintahkan engkau berjalan tanpa alas kaki ke Hijaz.”

Saidina Mu‘awiyah ﷺ berkata:

يَا أَمِيرَ الْمُؤْمِنِينَ، إِنَّا بِأَرْضٍ جَوَاسِيسُ الْعَدُوِّ فِيهَا كَثِيرَةٌ، فَيَجِبُ أَنْ نُظْهِرَ مِنْ عَزِّ السُّلْطَانِ
مَا يَكُونُ فِيهِ عِزٌّ لِلْإِسْلَامِ وَأَهْلِهِ، وَنُرْهِبُهُمْ بِهِ، فَإِنْ أَمْرَتَنِي فَعَلْتُ، وَإِنْ تَنْهَنِي إِنْتَهَيْتُ

Maksudnya: “Wahai Amir al-Mu’minin, sesungguhnya kita berada di bumi di mana pengintip-pengintip musuh itu sangat ramai, maka perlulah kami menzahirkan kemegahan sultan (kekuatan) yang ada padanya kemegahan bagi Islam dan pengikutnya, dan kami menggerunkan mereka dengannya. Maka sekiranya engkau memerintahkan aku (untuk meneruskannya), maka aku akan lakukan (seperti ini), dan sekiranya engkau melarang, maka aku akan menghentikannya.”

Saidina ‘Umar ﷺ berkata:

يَا مُعاوِيَةً، مَا سَأَلْتُكَ عَنْ شَيْءٍ إِلَّا تَرْكَتَنِي فِي مِثْلِ رَوَاجِبِ الضَّرْسِ، لَئِنْ كَانَ مَا قُلْتَ
حَقًّا إِنَّهُ لَرَأْيِي رَأَيْتَ، وَلَئِنْ كَانَ بَاطِلًا، إِنَّهُ لَخَدِيقَةٌ أَدَدَتْ

Maksudnya: “Wahai Mu‘awiyah! Tidaklah aku bertanya kamu tentang sesuatu melainkan kamu akan meletakkan daku dalam keadaan yang sukar. Maka sekiranya apa yang engkau katakan itu benar, sesungguhnya ia adalah satu pendapat yang engkau pegang dengannya, dan sekiranya ia adalah satu kebatilan, maka ia adalah satu penipuan yang engkau lakukan.”

Saidina Mu‘awiyah ﷺ berkata:

فَمُرْنِي يَا أَمِيرَ الْمُؤْمِنِينَ بِمَا شِئْتَ

Maksudnya: “Maka perintahkanlah daku dengan apa yang engkau mahu, wahai Amir al-Mu’minin.”

Saidina ‘Umar ﷺ berkata:

لَا أَمْرُكَ وَلَا أَنْهَاكَ

Maksudnya: “Aku tidak menyuruhmu (melakukannya), daku aku juga tidak menghalangmu (melakukannya).”

Maka Saidina Abdurrahman Ibn cAwf ﷺ pun berkata:

مَا أَحْسَنَ مَا صَدَرَ الْفَتَى عَمَّا أُورَدَتِهِ فِيهِ

Maksudnya: “Betapa baiknya apa yang telah keluar daripada anak muda ini berkenaan apa yang engkau katakan/tanyakan kepadanya.”

Maka Saidina ‘Umar ﷺ berkata:

لِحُسْنِ مَوَارِدِهِ وَمَصَادِرِهِ جَشَّمْنَاهُ مَا جَشَّمْنَاهُ

Maksudnya: “Kerana baiknya (jawapan) kata-katanya dan sumber-sumbernya (sebab-sebabnya), maka kami telah bebankannya dengan persoalan-persoalan yang telah kami tanya padanya.”

R: (*Ibn Kathir (774H), 1988 - al-Bidayah wa al-Nihayah*)

2.8.3.11 Athar Kesebelas: Ijtihad Saidina Mu’awiyah ـ - Keperluan Keselamatan dan Kehormatan Bagi Pemimpin Mengikut Pandangan Masyarakat Tempatan (ii)

Apabila Amir al-Mu‘minin Saidina ‘Umar Ibn al-Khattab ﷺ tiba di Sham, beliau mendapati wakilnya, Saidina Mu‘awiyah Ibn Abi Sufyan ﷺ telah memasang pegawai-pegawai yang menjaganya, dan mengambil kenderaan tunggangan yang bernilai tinggi serta pakaian yang banyak dan mahal, serta memperbuat perkara-perkara yang biasa dilakukan oleh raja-raja. Maka dia bertanya beliau tentang perkara itu, (dan) beliau (Saidina Mu‘awiyah) ﷺ pun menjawab:

إِنَّا بِأَرْضٍ نَحْنُ فِيهَا مُحْتَاجُونَ لِهَذَا

Maksudnya: “Sesungguhnya kami di tempat yang mana kami memerlukan perkara-perkara ini padanya.”

Maka Saidina ‘Umar Ibn al-Khattab ﷺ berkata:

لَا أَمْرُكَ وَلَا أَنْهَاكَ

“Aku tidak memerintahkan kamu (melakukannya) dan aku juga tidak menghalang kamu (dari melakukannya).”

R: (*al-Shatibi (790H), 1992 - al-I'tisam*)

2.8.3.12 Athar Kedua Belas: Imam al-Awza'i (Wafat 157H) – Bid'ah Yang Tidak Diingkari Para Ulama'

Imam al-Awza'i (wafat 157 H) berkata:

إِذَا ظَهَرَتِ الْبِدْعَةُ فَلَمْ يُنْكِرْهَا أَهْلُ الْعِلْمِ، صَارَتْ سُنَّةً

Maksudnya: “Apabila zahirnya perkara-perkara baru / bid'ah dan ahli-ahli ilmu tidak mengingkarinya, maka ia menjadi satu sunnah.”

R: (*al-Khatib al-Baghdadi (463H), - Sharaf Ashab al-Hadith*)

Kata-kata beliau ini boleh ditafsir dengan dua wajah:

1. Sesuatu yang baru dan diterima serta tidak diingkari oleh para ulama', maka ia menjadi satu sunnah yang boleh diikuti²⁸.
2. Bid'ah yang tidak diperangi oleh para ulama' akan menyebabkan masyarakat umum menganggapnya sebagai satu sunnah.

2.8.3.13 Athar Ketiga Belas: ‘Urwah Ibn al-Zubayr – Doa Selepas Makan dan Minum

‘Urwah Ibn al-Zubayr – salah seorang Fuqaha' Madinah yang tujuh²⁹ di zaman tabi'in - telah mencipta sebuah doa yang baru selepas

²⁸ Lihat nukilan daripada al-Imam Abu al-Walid al-Baji al-Maliki yang telah penulis nukilkannya dalam pembahagian bid'ah di sisi ulama' Mazhab Maliki.

makan dan minum. Hisham Ibn ‘Urwah meriwayatkan tentang bapanya: ‘Urwah Ibn al-Zubayr Ibn al-‘Awwam (رضي الله عنه) bahawa:

اللَّهُ كَانَ لَا يُؤْتَى أَبْدًا بِطَعَامٍ وَلَا شَرَابٍ حَتَّى الدَّوَاءُ فَيَطْعَمُهُ أَوْ يَشْرَبُهُ، إِلَّا قَالَ: الْحَمْدُ لِلَّهِ الَّذِي هَدَانَا وَأَطْعَمَنَا وَسَقَانَا وَنَعَمَنَا، اللَّهُ أَكْبَرُ، اللَّهُمَّ أَلْفَتَنَا نِعْمَتُكَ بِكُلِّ شَرٍّ فَأَصْبَحْنَا مِنْهَا، وَأَمْسَيْنَا بِكُلِّ خَيْرٍ فَنَسْأَلُكَ تَمَامَهَا وَشُكْرَهَا، لَا خَيْرٌ إِلَّا خَيْرُكَ، وَلَا إِلَهَ غَيْرُكَ إِلَهُ الصَّالِحِينَ وَرَبُّ الْعَالَمِينَ، الْحَمْدُ لِلَّهِ، وَلَا إِلَهَ إِلَّا اللَّهُ مَا شَاءَ اللَّهُ وَلَا قُوَّةَ إِلَّا بِاللَّهِ، اللَّهُمَّ بَارِكْ لَنَا فِيمَا رَزَقْنَا وَقِنَا عَذَابَ النَّارِ

Maksudnya: “Sesungguhnya tidaklah didatangkan kepada beliau (‘Urwah) makanan atau minuman atau ubat, lalu beliau memakannya atau meminumnya melainkan beliau akan mengucapkan (doa berikut setelah itu):

الْحَمْدُ لِلَّهِ الَّذِي هَدَانَا وَأَطْعَمَنَا وَسَقَانَا وَنَعَمَنَا، اللَّهُ أَكْبَرُ، اللَّهُمَّ أَلْفَتَنَا نِعْمَتُكَ بِكُلِّ شَرٍّ فَأَصْبَحْنَا مِنْهَا، وَأَمْسَيْنَا بِكُلِّ خَيْرٍ فَنَسْأَلُكَ تَمَامَهَا وَشُكْرَهَا، لَا خَيْرٌ إِلَّا خَيْرُكَ، وَلَا إِلَهَ غَيْرُكَ إِلَهُ الصَّالِحِينَ وَرَبُّ الْعَالَمِينَ، الْحَمْدُ لِلَّهِ، وَلَا إِلَهَ إِلَّا اللَّهُ مَا شَاءَ اللَّهُ وَلَا قُوَّةَ إِلَّا بِاللَّهِ، اللَّهُمَّ بَارِكْ لَنَا فِيمَا رَزَقْنَا وَقِنَا عَذَابَ النَّارِ

“Segala puji bagi Allah yang telah memberi petunjuk kepada kami, dan telah memberi kami makan, dan telah memberi kami minum, dan telah memberi kami nikmat yang pelbagai. Allah maha besar. Ya Allah! Nikmat-nikmatMu tetap mendapatkan kami [walaupun kami berada] dengan tiap-tiap kejahatan (lantaran sikap tidak bersyukur dan kecuaian kami dalam beribadat kepada-Mu).

²⁹ Fuqaha’ Madinah yang tujuh (al-Fuqaha’ al-Sab’ah) adalah merujuk tujuh orang tokoh dari kalangan kibar al-Tabi’in yang menjadi rujukan di dalam ilmu Islam dan fatwa di Madinah pada era Tabi’in. Mereka adalah: (i) Sa’id Ibn al-Musayyib/al-Musayyab, (ii) ‘Urwah Ibn al-Zubayr Ibn al-‘Awwam (رضي الله عنه), (iii) Al-Qasim Ibn Muhammad Ibn Abi Bakr al-Siddiq (رضي الله عنه), (iv) Kharijah Ibn Zayd Ibn Thabit (رضي الله عنه), (v) ‘Ubaydillah Ibn ‘Utbah Ibn Mas’ud (رضي الله عنه), (vi) Sulayman Ibn Yasar dan (iv) Abu Salamah Ibn ‘Abd al-Rahman Ibn ‘Awf (رضي الله عنه) atau Salim Ibn ‘Abdillah (رضي الله عنه) Ibn ‘Umar Ibn al-Khattab (رضي الله عنه) atau Abu Bakr Ibn ‘Abd al-Rahman Ibn al-Harith Ibn Hisham al-Makhzumi.

Sedangkan kami memasuki waktu pagi dengannya (nikmat-nikmatMu), dan kami memasuki waktu petang dengan tiap-tiap kebaikan (dariMu dan Engkau tidak mengazab kami dengan kecuaian kami). Maka kami memohon dariMu kesempurnaannya dan (kekuatan untuk) mensyukurinya. Tidak ada kebaikan melainkan kebaikan-Mu, dan Tiada tuhan selain-Mu, Tuhan orang-orang yang soleh, dan Tuhan seluruh alam. Segala puji bagi Allah, dan Tiada tuhan melainkan Allah, apa sahaja yang dikehendaki Allah, dan Tidak ada kekuatan melainkan dengan Allah. Ya Allah! Berkatilah bagi kami pada apa yang Engkau rezekikan kepada kami, dan lindungilah kami daripada azab api neraka.”

T: (Malik (179H), 1985 - al-Muwatta') – Lafaz di atas;(Ibn Abi Shaybah (235H), 2004 - Musannaf Ibn Abi Shaybah); (al-Bayhaqi (458H), 1993 - al-Asma' wa al-Sifat) dan (Ibn Abi al-Dunya (281H), 1980 - al-Shukr li Allah)

R: (Abu al-Walid al-Baji (474H), 1332H - al-Muntaqa Sharh al-Muwatta') dan (Abu al-Walid al-Baji (474H), 1986 - al-Ta'dil wa al-Tajrih liman Kharraj lah al-Bukhari fi al-Jami' al-Sahih)

2.8.3.14 Athar Keempat Belas: Saidina ‘Abdullah Ibn Mas’ud ✿ - Mengkhususkan Hari Khamis Bagi Tazkirah

Imam Ibn Rajab al-Hanbali menyebut:

فَإِنَّ النَّبِيَّ صَلَّى اللَّهُ عَلَيْهِ وَسَلَّمَ لَمْ يَكُنْ لَهُ وَقْتٌ مُعَيْنٌ يَقُصُّ عَلَى أَصْحَابِهِ فِيهِ غَيْرُ خُطْبَتِهِ
الرَّاتِبَةِ فِي الْجُمُعَ وَالْأَعْيَادِ، وَإِنَّمَا كَانَ يُذَكِّرُهُمْ أَحْيَانًا، أَوْ عِنْدَ حُدُوْثٍ أَمْرٍ يَحْتَاجُ إِلَى
الثَّذِيرَةِ عِنْدَهُ

Maksudnya: “Maka sesungguhnya Nabi ﷺ itu tidak ada bagi Baginda ﷺ waktu yang tertentu di mana Baginda akan memberi peringatan / tazkirah kepada para sahabat Baginda ﷺ padanya selain daripada khutbah Baginda yang ratib pada solat-solat Jumaat dan hari-hari raya. Dan hanyasanya Baginda ﷺ akan memberi tazkirah kepada mereka kadang-kadang ataupun ketika berlakunya satu perkara yang berhajat kepada peringatan padanya.”

Namun begitu, sebahagian para Sahabat ﷺ dan Salafus Soleh telah mengkhususkan dan menentukan waktu-waktu dan hari tertentu untuk memberi tazkirah. Dalam hal ini, Imam Ibn Rajab al-Hanbali berkata:

ثُمَّ إِنَّ الصَّحَابَةَ اجْتَمَعُوا عَلَى تَعْيِينِ وَقْتٍ لَهُ كَمَا سَبَقَ عَنِ ابْنِ مَسْعُودٍ أَنَّهُ كَانَ يُذَكَّرُ أَصْحَابَهُ كُلَّ يَوْمٍ حَمِيسٍ. وَفِي صَحِيفَةِ الْبُخَارِيِّ، عَنِ ابْنِ عَبَّاسٍ قَالَ: حَدَّثَ النَّاسَ فِي كُلِّ جُمُوعَةٍ مَرَّةً، فَإِنْ أَبْيَتَ، فَمَرَّتَيْنِ، فَإِنْ أَكْثَرْتَ فَثَلَاثًا، وَلَا تُمْلِلَ النَّاسَ. وَفِي الْمُسْنَدِ عَنْ عَائِشَةَ أَنَّهَا وَصَّتْ قَاصَّ أَهْلِ الْمَدِينَةِ بِمِثْلِ ذَلِكَ. وَرُوِيَ عَنْهَا أَنَّهَا قَالَتْ لِعُبَيْدِ بْنِ عُمَيْرٍ: حَدَّثَ النَّاسَ يَوْمًا، وَدَعَ النَّاسَ يَوْمًا، لَا تُمْلِلُهُمْ. وَرُوِيَ عَنْ عُمَرَ بْنِ عَبْدِ الْعَزِيزِ أَنَّهُ أَمَرَ الْقَاصَّ أَنْ يَقْصَ كُلَّ ثَلَاثَةِ أَيَّامٍ مَرَّةً. وَرُوِيَ عَنْهُ أَنَّهُ قَالَ: رَوَحِ النَّاسَ وَلَا تُشْقِلْ عَلَيْهِمْ، وَدَعِ الْقَاصَصَ يَوْمَ السَّبْتِ وَيَوْمَ الْثَلَاثَاءِ.

Maksudnya: "Kemudian, sesungguhnya para Sahabat ﷺ telah bersepakat untuk menentukan waktu-waktu (tertentu) baginya seperti mana yang telah terdahulu (diriwayatkan) daripada (c)Abdullah) Ibn Mas'ud ﷺ bahawa sesungguhnya beliau hanya memberi tazkirah kepada para sahabat beliau pada setiap hari Khamis.

Dan di dalam "Sahih al-Bukhari" (terdapat riwayat) daripada (c)Abdullah) Ibn c'Abbas ﷺ bahawa beliau berkata: Berilah ucapan/ peringatan kepada orang ramai pada setiap hari Jumaat sekali. Maka sekiranya engkau tidak mahu [kerana merasakannya terlalu sedikit], maka (jadikannya) dua kali. Dan sekiranya engkau mahu memperbanyakannya, maka (jadikannya) tiga (3) kali, dan jangan kamu membosankan orang ramai.

Dan di dalam "al-Musnad" (terdapat riwayat) daripada Saidatina c'Aishah ﷺ bahawa sesungguhnya beliau telah berpesan kepada orang yang memberi peringatan kepada penduduk Madinah dengan seumpama itu. Dan diriwayatkan daripada beliau (Saidatina c'Aishah ﷺ) bahawa sesungguhnya beliau berkata kepada c'Ubayd Ibn c'Umair: Berucaplah kepada orang ramai satu

hari, dan tinggalkan mereka satu hari, janganlah kamu membosankan mereka.

Dan diriwayatkan daripada ‘Umar Ibn ‘Abd al-Aziz bahawa sesungguhnya beliau memerintahkan orang yang memberi tazkirah peringatan (kepada orang ramai) untuk menyampaikan tazkirahnya pada setiap tiga hari sekali.

Dan diriwayatkan daripada beliau (‘Umar Ibn ‘Abd al-Aziz) juga bahawa beliau berkata: Rehat-rehatkanlah orang ramai, dan jangan kamu memberatkan mereka, dan tinggalkanlah (penyampaian) kisah-kisah tazkirah pada hari Sabtu dan hari Selasa.”

R: (*Ibn Rajab al-Hanbali (795H), 2001 - Jami' al-'Ulum wa al-Hikam fi Sharh Khamsin Hadithan min Jawami' al-Kalim*)

2.8.3.15 Athar Kelima Belas: Saidatina ‘A’ishah ﷺ -

Penggunaan Alat Pengayak Tepung

Rasulullah ﷺ tidak pernah menggunakan alat pengayak dan Baginda ﷺ hanya makan makanan/tepung kasar yang belum diayak. ‘Urwah Ibn al-Zubayr meriwayatkan bahawa beliau telah menyediakan makanan kepada Umm al-Mu’mimin Saidatina ‘A’ishah ﷺ. Sedang beliau menyediakan hidangan tersebut, Saidatina ‘A’ishah ﷺ memalingkan mukanya ke dinding dan menangis. Maka ‘Urwah Ibn al-Zubayr pun berkata:

كَذَرْتِ عَلَيْنَا

Maksudnya: “Puan telah menyebabkan kami berasa sedih.”

Beliau (Saidatina ‘Aishah ﷺ pun) berkata:

وَالَّذِي بَعَثَهُ بِالْحُقْقَ، مَا رَأَى الْمَنَاجِلَ مُنْذُ بَعْثَهُ اللَّهُ تَبَارَكَ وَتَعَالَى حَتَّى قُبِضَ

Maksudnya: “Demi (Allah) yang telah mengutus Baginda ﷺ dengan kebenaran, Baginda ﷺ tidak pernah melihat alat-alat

pengayak sejak Baginda ﷺ diutuskan oleh Allah - *tabaraka wa ta'ala* - sehinggaBaginda ﷺ diwafatkan.”

T: (*al-Bukhari* (256H), 1999 - *Sahih al-Bukhari*).

Berkenaan hal ini, al-Imam al-Qarafi menyebut:

فِي الْأَثَارِ: أَوْلُ شَيْءٍ أَحْدَثَهُ النَّاسُ بَعْدَ رَسُولِ اللَّهِ صَلَّى اللَّهُ عَلَيْهِ وَسَلَّمَ اتَّخَذُ الْمُنَاخِلِ؛
لِأَنَّ تَلْيِينَ الْعَيْشِ وَإِصْلَاحَهُ مِنَ الْمُبَاحَاتِ، فَوَسَائِلُهُ مُبَاحَةٌ.

Maksudnya: “Dan di dalam al-Athar (ada disebutkan): Perkara pertama yang orang ramai telah mulakan selepas (kewafatan) Rasulullah ﷺ ialah menggunakan alat-alat pengayak, (ini adalah) kerana memudahkan kehidupan dan memperbaikkannya adalah daripada perkara-perkara yang harus, maka alat-alatnya juga adalah diharuskan.”

R: (*al-Qarafi* (684H), - *al-Furuq / Anwar al-Buruq fi Anwa' al-Furuq*).

2.8.3.16 Athar Keenam Belas: Saidina ‘Umar Bin Abdul Aziz (Wafat 101H) – Hukuman-hukuman Baru

Amir al-Mu'minin Saidina ‘Umar Ibn ‘Abd al-Aziz berkata:

تَحْدِثُ لِلنَّاسِ أَقْضِيَةً بِقَدْرِ مَا أَحْدَثُوا مِنَ الْفُجُورِ

Maksudnya: “Hukum-hukum / keputusan penghakiman yang baru bagi orang ramai berlaku dengan kadar sebanyak mana yang mereka mula lakukan / cipta daripada perkara-perkara jahat.”

R: (*al-Shatibi* (790H), 1992 - *al-I'tisam*).

Ini menunjukkan bahawa Saidina ‘Umar Ibn ‘Abd al-Aziz berpandangan tentang keharusan hukum ahkam baru dibuat seajar dengan kejahatan-kejahatan yang baru berlaku dalam masyarakat walaupun kejahatan-kejahatan tersebut belum pernah berlaku sebelum ini. Kata-kata beliau ini mempunyai sandaran daripada ijtihad-ijtihad yang dilakukan oleh para al-Khulafa’ al-Rashidin sebelum beliau seperti masalah hukuman bunuh ke atas sekumpulan orang walaupun mereka

membunuhan seorang sahaja (*qatl al-jama'ah bi al-wahid*) dan kewajipan jaminan barang ke atas pembuat barang (*tadmin al-sani^c*). Sekiranya ada pihak yang berkata bahawa ini adalah dalam perkara Muamalat sahaja dan bukannya Ibadat, maka penulis menyatakan bahawa membuat ijтиhad bagi hukuman bunuh adalah jauh lebih besar berbanding banyak perkara Ibadat yang lain.

2.8.3.17 Athar Ketujuh Belas: Imam al-Hasan al-Basri - *Al-Qasas* dan *Al-Qussas*

Al-Imam Ibn al-Jawzi meriwayatkan di dalam kitabnya “*al-Qussas wa al-Mudhakkirin*” bahawa al-Imam al-Hasan al-Basri menyebut berkenaan amalan memberikan tazkirah dengan cerita-cerita yang baik dengan berkata:

الْقَصَصُ بِدُعَةٍ ، وَنِعْمَتِ الْبِدْعَةِ ، كَمْ مِنْ دَعْوَةٍ مُسْتَجَابَةٍ ، وَسُؤَالٍ مُعْطَى ، وَأَخْ مُسْتَفَادٍ ،
وَعِلْمٍ يُصَابُ

Maksudnya: “Kisah-kisah itu adalah bid’ah, dan ia adalah sebaik-baik bid’ah. Betapa banyak doa yang telah diterima; dan permintaan yang diberi; dan saudara yang mendapat manfaat; serta ilmu yang ditepati.”

R: (*Ibn al-Jawzi (597H), - al-Qussas wa al-Mudhakkirin*).



Sebenarnya terlalu banyak dalil-dalil daripada al-Sunnah dan al-Athar serta amalan para Salafus Soleh yang boleh dikemukakan untuk dijadikan hujah bagi menghuraikan hal ini. Tetapi penulis merasakan bahawa apa yang telah dibentangkan sudah mencukupi kerana maksudnya agak terang dan jelas. Sebahagian daripada athar yang boleh dijadikan dalil ialah contoh-contoh perkara baru dan baik yang penulis kemukakan secara ringkas selepas ini nanti.

2.8.4 Logik and Rasional (al-Maqul)

Akal yang sihat dan rasional dapat menerima kebenaran dengan mudah. Shariat Islam adalah agama yang memuliakan akal yang sahih lagi sihat dan al-Quran sering menganjurkan agar manusia dan orang-orang beriman untuk sentiasa menggunakan aqal dalam memikirkan ayat-ayat Allah, sama ada ayat-ayat *al-maqru'ah/al-matluwwah* (المقروعة/المتلوة) (yang dibaca) atau *al-mar'iyyah* (المرئية) (yang dilihat).

Menjadikan sifat “baru” atau “baru berlaku” atau “tidak pernah berlaku” sebagai sandaran pengharaman dan kejian ke atas sesuatu perkara adalah tidak munasabah dari sudut akal dan rasional. Sebagai contoh, menyatakan arak haram kerana ia bersifat cecair yang mengalir adalah sukar untuk diterima akal kerana air yang bersih juga adalah cecair yang mengalir. Namun begitu, apabila para ulama’ menyatakan bahawa arak diharamkan kerana memabukkan (الإسکار), akal dan rasional dapat menerima kemunasabahan hukum ini dengan mudah.

Sekiranya kita mempertimbangkan dengan logik dan pemikiran yang rasional dakwaan yang mengatakan bahawa sesuatu perkara itu haram atau dikeji semata-mata kerana ia bersifat “baru” atau “tidak wujud dan tidak berlaku” pada zaman penshariatan (التشريع) (sehingga 11 Hijrah) atau zaman al-Salaf al-Soleh (sehingga 300 Hijrah), maka akal dan rasional kita ini akan menolaknya kerana sifat “baru” atau “baru berlaku” tidak wajar dikeji kerana:

- Perkara baru muncul pada setiap hari dan detik masa kerana aktiviti kehidupan yang berterusan dilakukan oleh manusia sepanjang masa sehingga ke Hari Kiamat.
- Perkara baru muncul dan dilakukan kerana perubahan kehendak dan keperluan manusia dari masa ke semasa.

- Perkara baru merangkumi setiap perkara yang berlaku selepas sesuatu masa,

dan adalah mustahil untuk menyatakan bahawa semua perkara yang berlaku selepas tahun 11 Hijrah atau 300 Hijrah adalah buruk dan dikeji.

Begitu juga, berdasarkan akal yang baik dan rasional, tidak semua perkara yang “lama” atau “terdahulu” atau “pernah berlaku” itu baik dan terpuji semata-mata kerana ia wujud pada zaman penshariatan atau zaman al-Salaf al-Soleh. Pendustaan kaum mushrikin, pembohongan dan fitnah para munafiq, golongan yang tidak mahu membayar zakat, kemunculan nabi palsu seperti Musaylamah al-Kadhdhab, pembunuhan para al-Khulafa’ al-Rashidin (Saidina ‘Umar ﷺ, Saidina ‘Uthman ﷺ dan Saidina ‘Ali ﷺ), kemunculan aliran-aliran bid’ah seperti Syiah, Khawarij, Mu’tazilah, Qadariyyah, Jabriyyah/Jabariyyah, Jahmiyyah, Mujassimah, Mushabbihah, Hashwiyyah dan seumpama mereka adalah sesuatu yang sangat-sangat terkeji walaupun perkara tersebut berlaku di zaman penshariatan dan era al-Salaf al-Soleh.

Kesimpulannya, menyatakan sesuatu itu terkeji atau terpuji dari sudut Shariat hanya semata-semata sifat “baru”nya atau sifat “lama”nya adalah sesuatu yang tidak munasabah dari segi akal dan rasional untuk menerimanya.

2.9 Bid’ah Hasanah (Baru dan Baik) oleh Para Sahabat ﷺ (selepas Kewafatan Rasulullah ﷺ)

Tanpa syak lagi, para sahabat ﷺ adalah merupakan generasi umat Islam yang paling mengetahui dan memahami sunnah Rasulullah ﷺ berbanding selain mereka. Begitu banyak perkara baru dan ijtihad yang telah dilakukan oleh mereka di zaman kehidupan Rasulullah

telah diakui oleh Baginda ﷺ sepermata yang telah dibentangkan sebagianya di dalam dalil-dalil terdahulu.

Di dalam bahagian ini, penulis ingin memberikan contoh bagi sebahagian perkara-perkara baru³⁰ dan baik³¹ yang dilakukan oleh para sahabat ﷺ setelah kewafatan Rasulullah ﷺ. [Penulis hanya menyatakan contoh-contoh tersebut secara ringkas di dalam buku ini. Insha Allah, penulis akan menyediakan perinciannya di dalam buku yang akan datang.]

Jadual 1: Sebahagian Perkara Baru dan Baik Setelah Kewafatan Rasulullah SAW oleh Para Sahabat ﷺ

Bil.	Perkara Baru dan Baik Setelah Kewafatan Rasulullah SAW	Sahabat Yang Memulakannya / Melakukannya
1	Pengumpulan al-Quran pertama di zaman Saidina Abu Bakr ﷺ dan menamakannya sebagai “al-Mushaf”	Saidina Abu Bakr ﷺ, Saidina ‘Umar ﷺ dan Saidina Zayd Ibn Thabit ﷺ
2	Solat Tarawih secara berjemaah, di belakang seorang al-Imam	Saidina ‘Umar ﷺ
3	Peperangan dengan golongan yang tidak membayar zakat	Saidina Abu Bakr ﷺ dan seluruh para sahabat menerimanya
4	Khalifah mengambil elaun atau gaji daripada Bayt al-Mal	Saidina Abu Bakr ﷺ (kerana cadangan oleh para Sahabat ﷺ yang lain)

³⁰ Baru kerana perkara tersebut tidak dilakukan di zaman kehidupan Rasulullah ﷺ.

³¹ Baik kerana ianya mempunyai sandaran daripada Shariat atau sekurang-kurangnya tidak bertentangan dengan Shariat, bahkan sebahagian perkara baru dan baik tersebut telah memelihara Shariat Islam sehingga ke hari ini.

5	Takbir dengan suara yang kuat (jahr) pada hari Raya Adil Adha termasuk 10 Zulhijjah	Saidina ‘Umar ﷺ, Saidina Abdullah Ibn ‘Umar ؓ، Saidina Abu Hurairah ؓ
6	Laungan “WaMuhammadah” di dalam peperangan al-Yamamah (peperangan dengan Musaylamah al-Kadhdhab)	Saidina Khalid Ibn al-Walid ؓ dan diikuti oleh tenteranya (setelah kekalahan tentera Saidina ‘Ikrimah Ibn Abi Jahl ؓ dan Saidina Shurahbil Ibn Hasanah ؓ)
7	Pengumpulan al-Quran dan penyeragaman tulisan al-Quran berdasarkan satu mushaf (mushaf Al-Imam atau mushaf ‘Uthmani)	Saidina ‘Uthman ؓ
8	Qunut Saidina Umar ؓ	Saidina ‘Umar ؓ
9	Selawat Ibn Mas'ud ؓ	Saidina Abdullah Ibn Mas'ud ؓ
10	Tambahan Lafaz al-Talbiyah	Saidina ‘Umar ﷺ, Saidina Abdullah Ibn ‘Umar ؓ، Saidina Anas Ibn Malik ؓ، Saidina ‘Abdullah Ibn Mas'ud ؓ
11	Pembesaran dan penambahbaikan Masjid Nabawi	Saidina ‘Uthman ؓ
12	Pemisahan di antara Ka'bah dan Maqam Ibrahim yang pada asalnya bersebelahan	Saidina ‘Umar ؓ
13	Penambahan Azan Pertama Jumaat di Zawra' sebelum Azan Kedua setelah Imam naik ke atas mimbar	Saidina ‘Uthman ؓ
14	Ijabah ‘Uthman ؓ bagi “Qad	Saidina ‘Uthman ؓ

	qamat al-Salah”	
15	Penambahan di dalam lafaz Tashahhud	Saidina Abdullah Ibn ‘Umar ﷺ dan Saidina Abdullah Ibn Mas’ud ؓ
16	Pembacaan surah al-‘Asr sebelum bersurai atau berpisah di dalam satu majlis	Para Sahabat ؓ
17	Pengamalan solat Sunat yang banyak tanpa terikat dengan bilangan rakaat tertentu	Saidina Abu Dharr al-Ghfari ؓ
18	Pengkhususan hari Khamis untuk memberi nasihat (al-wa’z)	Saidina Abdullah Ibn Mas’ud ؓ
19	Pembinaan Penjara (Pertama di dalam Islam di Kufah)	Saidina ‘Ali ؓ
20	Penubuhan Dawawin (atau Daftar Nama Tentera, Para Wali/Pegawai Kerajaan dan Orang-orang Berhajat)	Saidina ‘Umar ؓ, apabila menerima harta yang banyak daripada al-Bahrayn. Riwayat lain: Dicadangkan oleh al-Hurmuzan.
21	Membina Taqwim/ Kalendar Hijrah bagi Umat Islam	Saidina ‘Umar ؓ, hasil cadangan Abu Musa al-Ash’ari ؓ
22	Menjadikan hukuman sebatan kepada peminum arak sebanyak 80 kali (40 hudud & 40 ta’zir)	Saidina ‘Umar ؓ, hasil cadangan Saidina ‘Abdurrahman Ibn ‘Awf ؓ, dan Saidina ‘Ali ؓ di dalam satu riwayat yang lain.
23	Memperkenalkan dan menghukum dengan ‘awl dalam amalan fara’id	Saidina ‘Umar ؓ
24	Penubuhan Bayt al-Mal	Saidina Abu Bakar ؓ (kebanyakan riwayat);

		Saidina ‘Umar ﷺ (sebahagian riwayat)
25	Pengenalan <i>kharaj</i> dan <i>jizyah</i>	Saidina ‘Umar ﷺ
26	Masalah al-‘Umariyyah atau al-‘Umariyyatayn atau al-Gharrawayn di dalam ilmu fara’id	Saidina ‘Umar ﷺ
27	Mengumpul kanak-kanak di perpustakaan dan mengarahkan guru (‘Amir Ibn al-Khuza’i) untuk mengajar mereka dan guru tersebut dibayar upah dari Bayt al-Mal (dasar kepada sistem persekolahan moden)	Saidina ‘Umar ﷺ

Sebahagian daripada perkara-perkara baru dan baik tersebut masih berkekalan sehingga ke hari ini. Hal ini membuktikan bahawa perkara yang baru dan baik (atau disebut sebagai *Bid’ah Hasanah* oleh sebahagian ulama’) tidak ditolak oleh para Sahabat ﷺ. Bahkan setiap perkara yang baru itu dinilai berdasarkan dalil-dalil, prinsip umum dan *maqasid* Shariat bagi menentukan kedudukannya di dalam Islam.

2.10 Bid’ah Hasanah (Baru dan Baik) oleh Para Tabi’in dan Tabi’i al-Tabi’in

Bil.	Perkara Baru dan Baik	Tabi’in dan Tabi’i al-Tabi’in Yang Memulakannya/ Melakukannya
1	Penyusunan Ilmu al-Nahw dan al-Sarf	Abu al-Aswad al-Du’ali (atas arahan Saidina Ali ﷺ)
2	Perletakan Baris Huruf al-Quran (Tanqit al-Harakat)	Al-Khalil Ibn Ahmad al-Farahidi (wafat 173 Hijrah)

3	Penubuhan Bayt al-Hikmah – Asas Universiti, Pusat Terjemahan dan Pusat Penyelidikan Moden	Khalifah Harun al-Rashid
4	Pengeluaran Dinar dan Dirham Islami	‘Abd al-Malik Ibn Marwan
5	Penulisan Usul al-Fiqh	Al-Imam al-Shafie (menurut majoriti ulama’); Al-Imam Abu Yusuf (menurut Ibn al-Nadim di dalam kitabnya al-Fihrist)
6	Penulisan Ilmu Mustalah al-Hadith	Al-Imam al-Shafie dan kemudiannya diikuti oleh Al-Imam al-Humaydi
7	Pengarangan kitab khas berkenaan ilmu al-Fara’id	Al-Imam Ibn Shubrumah; Al-Imam Ibn Abi Layla dan Al-Imam Abu Thawr
8	Gelaran Qadi al-Qudah	Al-Imam Abu Yusuf (Qadi yang pertama diberi gelaran tersebut)
9	Membina mihrab di Masjid Nabawi	Saidina ‘Umar Ibn ‘Abd al-Aziz, ketika beliau menjadi Gabenor Madinah di zaman al-Walid Ibn ‘Abd al-Malik. Pembaharuan binaan bagi Masjid Nabawi di zaman beliau dibuat dari pada tahun 91 Hijrah.
10	‘Alim/ ulama’ pertama yang mengarang kitab di Mekah	Faqih al-Haram al-Makki Ibn Jurayj (wafat 150 Hijrah)
11	Memperkenalkan pakaian khusus untuk para ulama’	Al-Imam Abu Yusuf
12	Mengarang dan menghimpunkan hadith Nabi ﷺ	Al-Imam al-Zuhri
13	Mengarang kitab Sirah Nabawiyah	Al-Imam Abban Ibn ‘Uthman (wafat 105 Hijrah)
14	Mengarang “al-Musnad” pertama di dalam ilmu hadith	Al-Imam Nu’aym Ibn Hammad

15	Meletakkan titik huruf al-Quran (Tanqit al-Ijam)	Yahya Ibn Ya ^c mar
16	Mengasaskan dan menyusun ilmu al- ^c Arud	Al-Khalil Ibn Ahmad al-Farahidi (wafat 173 Hijrah)
17	Menyusun “mu ^c jam” atau kamus bahasa Arab	Al-Khalil Ibn Ahmad al-Farahidi (wafat 173 Hijrah). Beliau menyuruh anak muridnya, al-Layth Ibn al-Muzaffar untuk menulis daripadanya dan apabila beliau wafat, kitab ini telah disempurnakan oleh anak murid beliau tersebut. Kamus tersebut diberi nama: “Mu ^c jam al- ^c Ayn”.
18	Mengarang kitab khusus berkenaan ilmu al-Balaghah	^c Abdullah Ibn al-Mu ^c tazz (tahun 274 Hijrah), kitab “al-Badi”
19	Menyusun selawat ke atas Rasulullah ﷺ dengan lafaz yang baru	Al-Imam al-Shafie; Zayn al- ^c Abidin Ibn ^c Ali Ibn al-Husayn <small>رض</small> ; ^c Ali Ibn ^c Abdullah Ibn ^c Abbas <small>رض</small> , dan lain-lain.

Untuk mengetahui lebih lanjut dan terperinci lagi berkenaan, pembaca boleh merujuk ke kitab-kitab yang membicarakan orang-orang yang pertama dalam melakukan sesuatu perkara sama ada perkara baik atau perkara buruk seperti:

- Kitab “al-Awa’il” oleh Abu Hilal al-^cAskari (wafat 395 Hijrah)
- Kitab “al-Awa’il” oleh Abu ^cUrubah al-Sulami al-Jazari al-Harrani (wafat 318 Hijrah)

2.11 Perkara Baru dan Baik (*Bid’ah Hasanah*) Telah Memelihara Agama Islam Sepanjang Kurun

Jika kita berlapang dada dan melihat kembali sejarah-sejarah Islam selepas kewafatan Baginda Rasulullah ﷺ, kita akan mengakui betapa perkara baru dan baik yang telah diijtihadkan dan diusahakan

oleh para ulama' al-Salaf al-Soleh dan al-Khalaf al-Tayyib terdahulu telah memelihara Islam dan umatnya sehingga ke hari ini.

2.11.1 Berkaitan al-Quran

Sebagai contoh, tanpa usaha pengumpulan al-Quran di zaman Saidina Abu Bakar ﷺ dan penulisan al-Quran dengar satu *rasm* di zaman Saidina ‘Uthman ﷺ, tidak mungkin kita dapat membaca al-Quran dengan begitu baik dan tepat sehingga ke hari ini. Begitu juga perkembangan yang berlaku di dalam ilmu qira'at al-Qur'an, penumpuan yang berlaku kepada qiraat yang tujuh (al-qira'at al-sab'ah: Rujuk Jadual di bawah) setelah pemilihan yang dilakukan oleh Shaykh al-Qurra' di Baghdad – Al-Imam Abu Bakr Ibn Mujahid al-Baghdadi³² dalam kitabnya “al-Sab'ah fi al-Qira'at,” telah menjadikan qira'at al-Qur'an hanya tertumpu kepada tokoh-tokoh besar bidang ini sahaja. Ia juga merupakan sesuatu perkara yang baru, namun perkembangan ini telah berjaya memelihara pembacaan al-Quran sehingga ke hari ini.

Bil	Qira'at	Bil	Riwayat
1	Al-Imam Nafi' al-Madani (169H)	1	Qālūn
2		2	Warash
2	Al-Imam 'Abdullah Ibn Kathir al-Makki (120H)	1	al-Bazzi
3		2	Qunbul
3	Al-Imam Abu 'Amr Ibn al-'Ala' al-Basri (154H)	1	al-Duri
4		2	al-Susi
4	Al-Imam 'Abdullah Ibn 'Āmir al-Shami (118H)	1	Hisham
5		2	Ibn Zakwan
5	Al-Imam 'Aṣim Ibn Abi al-Najud al-Kufi (127H)	1	Shu'bāh
6		2	Ḩafṣ
6	Al-Imam Hamzah Ibn Habib al-Kufi (156H)	1	Khalaf
7		2	Khallad
7	Al-Imam 'Ali Ibn Hamzah al-Kasa'i al-Kufi (187H)	1	Abu al-Harith
		2	al-Duri

³² (Ibn Mujahid (324H), - Kitab al-Sab'ah fi al-Qira'at)

Tambahan bagi Sepuluh Qira'at				
8	Al-Imam Yazid Ibn al-Qa'qā' al-Madani (Abu Ja'far) (130H)	1	Ibn Wirdan	
		2	Ibn Jamaz	
9	Al-Imam Ya'qub Ibn Ishaq al-Hadrami al-Basri (205H)	1	Ruways	
		2	Rawh	
10	Al-Imam Khalaf Ibn Hisham al-Basri (229H) al-Bazzar al-Baghdadi	1	Ishaq	
		2	Idris	

Bahkan, majoriti Islam pada hari ini hanya membaca al-Quran menggunakan satu Qiraat daripada qiraat tujuh atau sepuluh, iaitu qiraat Imam 'Asim al-Kufi. Ia juga adalah satu fenomena baru.

2.11.2 Berkaitan Usul Fiqh dan Mustalah Hadith

Begitu juga usaha Imam Al-Shafie di dalam kitabnya “al-Risalah” yang dianggap sebagai penulisan pertama di dalam dua bidang yang sangat penting bagi para ulama’ Islam iaitu Usul al-Fiqh dan Mustalah al-Hadith sehingga melahirkan metodologi Fiqh al-Hadith. Berkenaan hakikat ini, Al-Imam Ahmad Ibn Hanbal berkata:

لَوْ لَا الشَّافِعِيُّ مَا عَرَفْنَا فِقْهَ الْحَدِيثِ، وَكَانَ الْفِقْهُ قِفْلًا عَلَى أَهْلِهِ حَتَّى فَتَحَهُ اللَّهُ بِالشَّافِعِيِّ

Maksudnya: “Kalaularah tidak kerana [Imam] Al-Shafie, kami tidak akan mengetahui *fiqh al-hadith*. Dan pernah satu ketika fiqh itu seumpama mangga yang terkunci ke atas ahli-ahlinya sehingga Allah membukanya dengan [Imam] Al-Shafie.”

R: (Ibn Hajar al-'Asqalani (852H), - Tawali al-Ta'sis li Ma'ali Muhammad Ibn Idris).

2.11.3 Berkaitan Bahasa Arab

Begitu juga penyusunan ilmu-ilmu bahasa Arab oleh dua aliran madrasah yang paling awal di dalam bidang ini iaitu Madrasah Kufah (*Kufiyyun*) dan Madrasah Basrah (*Basriyyun*), yang telah menjadi asas

bagi perkembangan ilmu bahasa Arab dan menjadi asas yang kuat bagi perkembangan bidang pentafsiran al-Quran.

2.11.4 Berkaitan Ilmu Semakan Perawi Hadith (Jarh dan Ta^cdil)

Begitu juga disiplin ilmu *jarh* (kritik perawi) dan *ta^cdil* (sokongan bagi perawi), ia hanya mula berkembang pada zaman *tabi'i al-tabi'iin* kerana munculnya fitnah-fitnah daripada ahli-ahli bid'ah walaupun prinsip asasnya telah ada di zaman Sahabat ﷺ. Al-Imam 'Ali Ibn al-Madini (guru Al-Imam al-Bukhari) berkata:

كَانَ أَبْنَ سِيرِينَ مَنْ يُنَظَّرُ فِي الْحَدِيثِ وَيُفْتَشُ عَنِ الْإِسْنَادِ، لَا نَعْلَمُ أَحَدًا أَوْلَى مِنْهُ، ثُمَّ كَانَ أَيُوبُ، وَابْنُ عَوْنَ، ثُمَّ كَانَ شَعْبَةُ، ثُمَّ كَانَ ثُمَّ كَانَ يَحْيَى بْنُ سَعِيدَ الْقَطَانِ، وَعَبْدُ الرَّحْمَنِ بْنُ مَهْدِيٍّ.

Maksudnya: “Muhammad Ibn Sirin adalah orang pertama yang mula meneliti hadith dan menyemak sanad. Kami tidak tahu ada seseorang yang lebih awal daripada beliau, kemudian Ayyub, dan Ibn ‘Awn; kemudian Shu’bah, kemudian Yahya Ibn Sa’id al-Qattan dan ‘Abd al-Rahman Ibn Mahdi.”

R: (*al-Tirmidhi* (279H), - *Sharh 'Ilal al-Tirmidhi*).

Berkenaan hal ini juga, Al-Imam Muslim telah menukilkannya di dalam muqaddimah Sahihnya bahawa Al-Imam Muhammad Ibn Sirin (wafat 110 Hijrah) berkata:

لَمْ يَكُونُوا يَسْأَلُونَ عَنِ الْإِسْنَادِ ، فَلَمَّا وَقَعَتِ الْفِتْنَةُ ، قَالُوا : سَمِّوْا لَنَا رِجَالَكُمْ ، فَيُنْظَرُ إِلَى أَهْلِ السَّنَةِ فَيُؤْخَذُ بِحَدِيثِهِمْ ، وَيُنْظَرُ إِلَى أَهْلِ الْبَدْعِ فَلَا يُؤْخَذُ بِحَدِيثِهِمْ

Maksudnya: “Mereka (para salafus soleh) pada mulanya tidak bertanyakan tentang sanad (riwayat hadith), maka apabila fitnah telah berlaku, mereka berkata: Namakan kepada kami perawi-perawi kamu, maka dilihat kepada Ahli Sunnah, maka diambil

hadith-hadith mereka; dan dilihat kepada Ahli Bid'ah, maka tidak diambil hadith-hadith mereka.”

Dan dengan berkat usaha gigih para ulama' hadith selepas itu di dalam bidang riwayat, ‘*ilal, jarh* dan *ta'dil* dan seumpamanya, maka disiplin ilmu hadith telah menjadi semakin teguh dan berjaya memelihara umat ini daripada musibah yang besar di dalam agama mereka.

2.11.5 Berkaitan Fiqh

Dalam bidang fiqh pula, telah lahir lebih daripada dua puluh para *mujtahid mutlaq mustaqill* yang membina dan mempunyai metodologi istinbat hukum masing-masing. Di antara mereka ialah Al-Imam Abu Hanifah, Al-Imam Sufyan al-Thawri, Al-Imam al-Hasan al-Basri, Al-Imam al-Awza'i, Al-Imam al-Layth Ibn Sa'd, Al-Imam Malik, Al-Imam al-Shafie, Al-Imam Ahmad Ibn Hanbal, Al-Imam Abu Thawr, Al-Imam Dawud al-Ta'i, Al-Imam Ja'far al-Sadiq dan lain-lain. Namun begitu, majoriti para ulama' Islam dan umatnya juga telah memilih untuk mengikut mazhab empat yang masyhur di dalam fiqh (Hanafi, Maliki, Shafie dan Hanbali) dan hanya empat mazhab ini kekal sehingga ke hari ini dan sampai kepada kita dengan sanad yang bersambung, lengkap, dalam jumlah yang ramai, rapi, tersusun, kaya dengan fatwa dan ijtihad, dan telah diperhalusi oleh para ulama'nya dalam setiap kurun.

2.11.6 Berkaitan Aqidah

Dalam perkembangan ilmu aqidah pula, debat-debat bagi mempertahankan aqidah yang sahih mula timbul apabila munculnya golongan-golongan ahli bid'ah di dalam perkara aqidah. Beberapa orang sahabat dan tabi'in diriwayatkan telah berdebat dengan para ahli bid'ah seperti perdebatan Saidina 'Ali ﷺ dan Saidina 'Abdullah Ibn 'Abbas رضي الله عنهما.

dengan golongan Khawarij; perdebatan Saidina ^cAbdullah Ibn ‘Umar رضي الله عنهما, Saidina ^cAbdullah Ibn ^cAbbas رضي الله عنهما, ‘Umar Ibn ^cAbd al-Aziz dan al-Hasan Ibn Muhammad Ibn al-Hanafiyyah dengan golongan mu^ctazilah; perdebatan Iyas Ibn Mu^cawiyah al-Madani dengan golongan al-Qadariyyah dan perdebatan Al-Imam Abu Hanifah dengan golongan Atheism dan seumpamanya.

Setelah itu penggunaan hujah-hujah ^caqliyyah dalam ilmu kalam dan dalil-dalil naqliyyah untuk menolak bid’ah-bid’ah (yang dicipta oleh golongan seperti al-Qadariyyah, al-Jabriyyah, al-Mu^ctazilah, al-Jahmiyyah, al-Khawarij, al-Mujassimah, al-Mushabbihah, Syiah dan seumpamanya) telah mula digunakan oleh para ulama’ dan mereka menfatwakannya sebagai satu kefarduan kifayah. Kemudian, zahirlah dua Al-Imam Ahli Sunnah dan Jama’ah yang terbesar dalam sejarah Islam, iaitu Al-Imam Abu al-Hasan al-Ash^cari dan Al-Imam Abu Mansur al-Maturidi, dan dengan usaha mereka serta para pengikut mereka dari kalangan para ulama’-ulama’ Islam yang lain, terpadamlah api fitnah golongan bid’ah dan aqidah umat Islam masih terpelihara dengan kukuh sehingga ke hari ini, hampir kesemuanya di atas jalan yang telah diperkuuhkan oleh mereka berdua.

2.12 Ijtihad Yang Muktabar sebagai Neraca Menentukan *Bid’ah Hasanah* (Perkara Baru dan Baik)

Alhamdulillah, dengan batu asas yang telah diletakkan oleh Baginda Rasulullah ﷺ di zaman penshariatan, maka para sahabat ﷺ khususnya dan para salafus soleh rah.a. amnya dan kemudiannya para khalaf tayyib rah.a telah membina di atas asas itu sebuah bangunan yang kukuh bertunjangkan kekuatan asasnya untuk memelihara ilmu dan kefahaman Islam yang tulin daripada dicemari oleh musuh-musuh

Islam seperti para munafiq, ahli-ahli bid'ah, zindiq dan golongan mushrikin.

Kewujudan perkara baru dan baik dari perspektif Shariah bukan memberi maksud bahawa semua pihak boleh mendakwa bahawa perkara yang dilakukannya itu adalah baru dan baik dari sudut Shariah. Penilaian tersebut perlulah diserahkan kepada para ulama' yang berkeahlian berdasarkan metodologi istinbat hukum yang dipegang oleh mereka. Oleh kerana itu perbezaan dalam menilai sesuatu perkara yang baru sama ada ia diterima atau ditolak oleh Shariah mungkin berbeza di antara sebahagian ulama' dengan sebahagian yang lain. Namun begitu, selagi mana perbezaan pendapat itu masih di dalam ruang lingkup dalil-dalil yang diterima Shariah dan pentafsirannya, maka semua pihak perlulah mengamalkan adab berbeza pendapat dan tidak melulu menuduh pihak lain sebagai tidak mengikut al-Qur'an dan al-Sunnah.

Penulis tidaklah perlu mengulas panjang mengenai kedudukan dan kaedah ijтиhad para ulama' dan penerimaannya di dalam Islam. Cukuplah bagi kita hadith yang dinukilkkan daripada Mu^cadh رضي الله عنه berkenaan perakuan Rasulullah ﷺ baginya untuk berijтиhad apabila sesuatu perkara itu tidak mempunyai hukum yang langsung lagi jelas daripada al-Qur'an dan al-Sunnah. Mu^cadh Ibn Jabal رضي الله عنه meriwayatkan bahawa:

أَنَّ رَسُولَ اللَّهِ صلَّى اللَّهُ عَلَيْهِ وَسَلَّمَ حِينَ بَعَثَهُ إِلَى الْيَمَنِ، فَقَالَ: ((كَيْفَ تَصْنَعُ إِنْ عَرَضَ لَكَ قَضَاءً؟))،
قَالَ: أَقْضِي بِمَا فِي كِتَابِ اللَّهِ، قَالَ: ((فَإِنْ لَمْ يَكُنْ فِي كِتَابِ اللَّهِ))، قَالَ: فِي سُنَّةِ رَسُولِ اللَّهِ صلَّى اللَّهُ عَلَيْهِ وَسَلَّمَ
قَالَ: ((فَإِنْ لَمْ يَكُنْ فِي سُنَّةِ رَسُولِ اللَّهِ صلَّى اللَّهُ عَلَيْهِ وَسَلَّمَ))، قَالَ: أَجْتَهِدْ رَأِيِّي لَا أُلُوْ، قَالَ: فَضَرَبَ رَسُولُ اللَّهِ صلَّى اللَّهُ عَلَيْهِ وَسَلَّمَ صَدْرِي، ثُمَّ قَالَ: ((الْحَمْدُ لِلَّهِ الَّذِي وَفَّقَ رَسُولَ رَسُولِ اللَّهِ صلَّى اللَّهُ عَلَيْهِ وَسَلَّمَ لِمَا يُرِضِي
رَسُولَ اللَّهِ صلَّى اللَّهُ عَلَيْهِ وَسَلَّمَ))

Maksudnya: “Sesungguhnya Rasulullah ﷺ : apabila Baginda mengutuskan beliau ke Yaman, Baginda bertanya: “Bagaimanakah yang akan kamu lakukan sekiranya dibentangkan kepada kamu satu pemberian hukum?. Beliau menjawab: Daku akan memberi hukuman dengan apa yang ada di dalam Kitab Allah (al-Qur'an). Baginda bersabda: “Maka sekiranya ia tidak ada di dalam Kitab Allah?. Beliau menjawab: Maka dengan Sunnah Rasulullah ﷺ. Baginda bertanya: “Maka sekiranya ia tidak ada di dalam Sunnah Rasulullah ﷺ. Beliau menjawab: Daku akan berijtihad (dengan bersungguh-sungguh) dan daku tidak akan cuai/malas melakukannya. Beliau berkata: Maka Rasulullah ﷺ memukul dadaku, kemudian Baginda bersabda: Segala puji bagi Allah yang telah memberi tawfiq kepada utusan Rasulullah ﷺ bagi melakukan apa yang meredakan Rasulullah ﷺ.”

T: (Ahmad (241H), 1995 - al-Musnad) - lafaz di atas; (al-Tirmidhi (279H), - al-Jami' al-Kabir (Sunan al-Tirmidhi)); (Abu Dawud (275H), 2010 - Sunan Abi Dawud); (al-Darimi (255H), - Sunan al-Darimi); (al-Bayhaqi (458H), 2000 - al-Sunan al-Kubra); (al-Bayhaqi (458H), 1992 - al-Sunan al-Saghir) ; (Abu Dawud al-Tayalisi (204H), - Musnad Abu Dawud al-Tayalisi); (Ibn Abi Shaybah (235H), 2004 - Musannaf Ibn Abi Shaybah); al-Tahawi; (Ibn 'Asakir (571H), 1998 - Tarikh Dimashq) dan lain-lain.

Oleh sebab itu, al-Shaykh 'Isa Abdullah Mani' al-Himyari³³ dan para ulama' yang lain menyatakan bahawa bid'ah hasanah pada hakikatnya adalah merupakan salah satu asas (*asl*) daripada asas-asas penshariatan (*usul al-tashri'i*) di dalam Islam. Ia pada hakikatnya diperakui melalui dalil-dalil Shariat yang diijtihadkan oleh para ulama'.

Dan dalil-dalil bagi hukum ahkam Shariat (Fiqh) di sisi para ulama' Ahli Sunnah dan Jama'ah itu ada empat belas dalil, iaitu³⁴:

1. Al-Qur'an (القرآن)

³³ (al-Himyari, - al-Bid'ah al-Hasanah: Asl min Usul al-Tahsri')

³⁴ Ini adalah topik yang sangat luas dan rumit. Perbincangan mengenainya bukan di sini.

2. Al-Sunnah (السنة)
3. Al-Ijma' (الإجماع)
4. Al-Qiyas (القياس)
5. Qawl al-Sahabi (قول الصحابي)
6. Al-Istishab (الاستصحاب)
7. Al-Istiqrاء' (الاستقراء)
8. Al-Akhhdh bi Aqall Ma Qil (الأخذ بأقل ما قيل)

Kelapan-lapan ini adalah dalil yang diterima oleh mazhab Shafie.

9. Al-Istihsan (الاستحسان)
10. Al-Masalih al-Mursalah atau Al-Istislah (المصالح المرسلة أو)
(الاستصلاح)
11. 'Amal Ahl al-Madinah (عمل أهل المدينة)
12. Sadd al-Dhari'ah (سد الذريعة)
13. 'Urf (العرف)
14. Shar' Man Qablana (شرع من قبلنا)

Dan berdasarkan pemerhatian penulis juga, dalil aqli atau ma'qul juga sering dikemukakan oleh sebahagian para fuqaha' di dalam perbahasan Muamalat. Di dalam perbahasan aqidah pula, selain daripada dalil naqli, dalil aqli yang qat'i juga menjadi salah satu hujah di sisi ulama' Ahli Sunnah dan Jama'ah Al-Asha'irah dan Al-Maturidiyyah. (والله أعلم وعلمه أتم).

2.13 Keperluan Membezakan di antara Bid'ah dan Isu-isu Khilafiyyah

Satu perkara penting yang mahu diambil perhatian oleh penulis sebelum menutup perbincangan ini ialah berkenaan kepentingan membezakan di antara bid'ah yang sebenar (mungkar) dan masalah khilafiyyah yang berlaku di kalangan para ulama' dan mazhab

muktabar. Bagi memudahkan pembaca, penulis meletakkan perbezaan di antara kedua-duanya di dalam jadual di bawah.

BIL.	ASPEK	BID'AH	MASALAH KHILAFIYYAH
1	Kesepakatan dan Perbezaan Pandangan Ulama'	Disepakati oleh para ulama' tentang kebatilannya dan pengharamannya. Maka ia adalah sesuatu yang mungkar dan wajib ditegah.	Berlaku perbezaan pendapat di kalangan para ulama' mengenai hukumnya – Sebahagian ulama' muktabar membenarkannya dan sebahagian ulama' muktabar tidak membenarkannya.
2	Dalil	Tidak mempunyai sandaran daripada nas-nas Shariat; Seringkali berpegang dengan makna zahir nas-nas yang mutashabihat atau nas-nas palsu atau shubhat-shubhat dalil.	Mempunyai dalil yang diterima Shariat sama ada dalil yang umum atau khusus; dengan tafsiran yang dekat atau sedikit jauh.
3	Sikap Yang Perlu Diambil	Menjauhi dan menolak pergaulan rapat bersama mereka; Tidak mengambil fahaman dan ajaran agama dari mereka.	Mengamalkan adab dalam perbezaan pandangan.
4	Kesan	Menimbulkan perpecahan dan fitnah di kalangan umat Islam.	Tidak menimbulkan perpecahan dan fitnah di kalangan umat Islam (sekiranya semua pihak berpegang dengan adab perbezaan pendapat).

5	Ciri-ciri	<p>Di antara ciri-ciri ahli bid'ah itu ialah:</p> <ul style="list-style-type: none"> - Menyerupakan Allah dengan makhluk atau menyifatkan Allah dengan sifat-sifat jisim atau jirim. - Menghina dan merendah-rendahkan Rasulullah ﷺ. - Mengkafirkan orang Islam dan umat Islam yang lain. - Mencaci para Sahabat ﷺ serta para isteri Rasulullah ﷺ. - Mentafsirkan al-Quran dengan tafsiran yang tidak mengikut prinsip ilmu tafsir. - Mereka/ mencipta hadith palsu. - Memalsukan dan mengubah kandungan kitab-kitab para ulama' agar bersesuaian dengan ideologi mereka. 	<p>Di antara ciri-ciri masalah khilafiyah itu ialah:</p> <ul style="list-style-type: none"> - Perbezaan disebabkan metodologi pengeluaran hukum yang berbeza (turuq al-istinbat, dalalat al-alfaz, shurut al-illah dan lain-lain). - Perbezaan disebabkan nas Shariat yang tidak disepakati penerimaannya sebagai hujah. - Perbezaan qira'at al-Quran, kaedah bahasa Arab dan sifat serta makna sesuatu kalimah yang terdapat di dalam nas Shariat. - Perbezaan pendapat disebabkan uruf yang berbeza. - Perbezaan pendapat disebabkan keadaan masyarakat dan <i>maslahah</i> yang berbeza. - Perbezaan disebabkan oleh perbezaan takyif dan tasawwur bagi sesuatu masalah.
----------	-----------	--	---

2.14 Rumusan dan Nasihat Penutup

Sebenarnya perbahasan berkenaan perkara baru dan baik ini adalah sangat luas dan begitu banyak di sana penjelasan dan kata-kata para ulama' yang terpaksa ditinggalkan oleh penulis untuk tidak menjadikan buku ini terlalu panjang dan tebal. Berdasarkan penilitian, para ulama' pada hakikatnya tidak menolak prinsip bahawa:

لَيْسَ كُلُّ جَدِيدٍ بُدْعَةً (مُحَرَّمَةً)

“Tidak semua perkara baharu itu termasuk di dalam bid’ah yang diharamkan oleh Shariat.”

Perbezaan yang berlaku pada hakikatnya ialah:

1. Pada penamaan perkara baru yang baik serta tidak bertentangan dengan Shariat sebagai Bid’ah Hasanah, adakahnya ianya harus atau tidak? Dan majoriti ulama' membenarkannya.
2. Kepelbagaian kaedah atau perbezaan metodologi pengeluaran hukum yang dipegang oleh para ulama' dalam menentukan sama ada sesuatu perkara baru itu bertentangan atau tidak bertentangan dengan Shariat.

Sebahagian masyarakat awam dan agamawan yang kurang teliti dan faham berkenaan hal ini sering kali dilihat menganggap masalah-masalah khilafiyah sebagai bid’ah dan bersikap keras menolaknya sedangkan semua para ulama' mengasaskan pandangan hukum ahkam mereka di atas dalil-dalil Shariat yang muktabar, dan bukannya berdasarkan hawa nafsu.

Menuduh para ulama' muktabar sebagai tidak mempunyai dalil Shariat dalam pengeluaran hukum ahkam adalah satu tuduhan yang sangat berat. Ia seolah-olah menuduh mereka mengeluarkan hukum ahkam berdasarkan hawa nafsu. Lebih menyedihkan lagi, pihak-pihak yang menuduh umat Islam lain dengan bid’ah di dalam masalah

khilafiyyah – dalam beberapa keadaan - sebenarnya bergelumang dalam masa yang sama dengan bid'ah-bid'ah dalam perkara aqidah yang sangat ditentang oleh para ulama'. Sikap seperti ini bolehlah diumpamakan sebagai meludah ke langit atau bak kata pepatah Melayu: “Mengata/ Mengetuk/ Memaku Dulang Paku Serpih, Mengata Orang, Awak Yang Lebih.”

Kepada pihak-pihak yang tidak sehaluan dengan majoriti ulama' dalam perkara ini dan memilih jalan sebahagian ulama' yang lain untuk tidak menamakan perkara yang baru dan baik itu sebagai “bid'ah hasanah”, pihak penulis menyeru mereka supaya bertolak ansur dan tidak perlu taksub dan takjub dengan pendapat yang dipilih. Sesungguhnya jalan memahami agama itu sungguh banyak, kita bersepakat di atas perkara-perkara yang perlu disepakati dan kita berlapang dada dan menghormati pendapat yang lain selama mana pendapat itu masih lagi berdasarkan dalil-dalil Shariat dan pandangan ulama' muktabar.

Semoga perbezaan pemahaman yang berlaku di dalam bab ini tidak menyebabkan kita terjerumus ke lembah pertelingkahan dan permusuhan sesama Muslim yang merupakan lubuk kepada pelbagai penyakit. Hormatilah pandangan pihak yang lain, apatah lagi sekiranya ia merupakan pandangan majoriti para ulama'. Dan janganlah kita menjadi seperti seseorang yang memperjuangkan kefahamannya sendiri dan memaksanya ke atas orang lain, tetapi merasakan dia sedang memperjuangkan agama Allah ﷺ dan sunnah Rasulullah ﷺ. Sesungguhnya itu adalah kesilapan yang besar.

Akhir kata daripada penulis, berpeganglah dengan jalan majoriti para ulama' kerana ianya lebih selamat, lebih mendekatkan kita kepada perpaduan dan lebih dekat dengan keselamatan agama kita. ´Abdullah Ibn ‘Umar ؓ meriwayatkan bahawa Rasulullah ﷺ bersabda:

لَا يَجْمِعُ اللَّهُ هَذِهِ الْأُمَّةَ، أَوْ قَالَ أُمَّتِي عَلَى الْضَّلَالِ أَبَدًا، وَاتَّبَعُوا السَّوَادَ الْأَعْظَمَ فَإِنَّهُ مَنْ شَدَّ شَدَّةً فِي النَّارِ

"Allah ﷺ tidak akan menghimpunkan umat ini, (atau Baginda bersabda) umatku di atas kesesatan selama-lamanya, dan ikutilah golongan umat Islam yang paling ramai. Maka sesungguhnya barangsiapa yang mengasingkan dirinya, dia sebenarnya mengasingkan dirinya ke dalam api neraka."

T: (*al-Hakim (405H), 1990 - al-Mustadrak 'ala al-Sahihayn*) - *lafaz di atas: Hasan; (al-Tirmidhi (279H), - al-Jami' al-Kabir (Sunan al-Tirmidhi)); (al-Tabarani (360H), - al-Mu'jam al-Kabir); (al-Bayhaqi (458H), 1993 - al-Asma' wa al-Sifat)* dan lain-lain.

بِسْمِ اللَّهِ الرَّحْمَنِ الرَّحِيمِ

وَاللَّهُ أَعْلَمُ وَعِلْمُهُ أَتْمٌ

﴿إِنَّ أَرِيدُ إِلَّا إِلَاصْلَاحَ مَا أُسْتَطَعْتُ وَمَا تَوْفِيقِي إِلَّا بِاللَّهِ عَلَيْهِ تَوْكِيدُ وَلَيَوْمَ أُنِيبُ﴾

وَصَلَّى اللَّهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَبَارَكَ وَسَلَّمَ،

وَالْحَمْدُ لِلَّهِ رَبِّ الْعَالَمِينَ.

BIBLIOGRAFI

1. 'Abd al-Razzaq al-San'ani (211H). (1403H). *al-Musannaf*. Bayrut: al-Maktab al-Islami.
2. 'Izz al-Din Ibn 'Abd al-Salam ('Sultan al-Ulama'), 'Abd al-Aziz (660H). (1991). *Qawa'id al-Ahkam fi Masalih al-Anam*. al-Qahirah: Maktabat al-Kulliyat al-Azhariyyah.
3. Abdullah Basmeih, & Muhammad Noor Ibrahim (1980). *Tafsir Pimpinan Ar-Rahman kepada Pengertian al-Quran*. Kuala Lumpur: Jabatan Perdana Menteri, Bahagian Agama.
4. Abu 'Awanah, Ya'qub Ishaq (316H). (1998). *Mustakhraj Abi 'Awanah*. Bayrut: Dar al-Ma'rifah.
5. Abu al-'Abbas al-Wansharisi, Ahmad Yahya (914H). (1981). *al-Mi'yar al-Mu'rib wa al-Jami' al-Mughrib 'an Fatawa Ahl Ifriqiyyah wa al-Andalus wa al-Maghrib*. al-Maghrib: Wizarat al-Awqaf wa al-Shu'un al-Islamiyyah li al-Mamlakah al-Maghribiyyah wa Dar al-Gharb al-Islami.
6. Abu al-Walid al-Baji, Sulayman Khalaf (474H). (1332H). *al-Muntaqa Sharh al-Muwatta'*. Misr: Matba'at al-Sa'adah.
7. Abu al-Walid al-Baji, Sulayman Khalaf (474H). (1986). *al-Ta'dil wa al-Tajrih liman Kharraj lah al-Bukhari fi al-Jami' al-Sahih*. al-Riyad: Dar al-Liwa' li al-Nashr wa al-Tawzi'.
8. Abu Bakr al-Turtushi al-Maliki, Muhammad al-Walid (520H). (1998). *al-Hawadith wa al-Bida'*: Dar Ibn al-Jawzi.
9. Abu Dawud al-Tayalisi (204H). *Musnad Abu Dawud al-Tayalisi*. Misr: Dar Hibr li al-Nashr wa al-Tawzi'.
10. Abu Dawud, Sulayman al-Sijistani (275H). (2010). *Sunan Abi Dawud*. Bayrut: Dar al-Kutub al-'Ilmiyyah.
11. Abu Nu'aym al-Asbahani (430H). (1409H). *Hilyat al-Awliya' wa Tabaqat al-Asfiya'* (Vol. 10). Bayrut: Dar al-Kutub al-'Ilmiyyah.
12. Abu Sa'id al-Khadimi al-Hanafi, Muhammad Muhammad (1156H). (1348H). Birriqah Mahmudiyyah fi Sharh Tariqah Nabawiyyah wa Shariah Muhammadiyyah fi Sirah Ahmadiyyah: Matba'at al-Halabi.
13. Abu Shamah al-Maqdisi, 'Abd al-Rahman Isma'il (665H). (1978). *al-Ba'ith 'ala Inkar al-Bida' wa al-Hawadith*. al-Qahirah: Dar al-Huda.
14. Abu Ya'la al-Mawsili (307H). (1992). *Musnad Abu Ya'la al-Mawsili*. Dimashq - Bayrut: al-Thaqafah al-'Arabiyyah.

15. Ahmad, Ibn Hanbal (241H). (1995). *al-Musnad*. 'Amman: Mu'assasat al-Risalah.
16. al-'Azim Abadi, Muhammad Ashraf (1329H). (1415H). *'Awn al-Ma'bud Sharh Sunan Abi Dawud*. Bayrut: Dar al-Kutub al-'Ilmiyyah.
17. al-Alusi, Shihab al-Din Mahmud (1270H). (1994). *Ruh al-Ma'ani fi Tafsir al-Qur'an al-'Azim wa al-Sab' al-Mathani*. Bayrut: Dar al-Kutub al-'Ilmiyyah.
18. al-Amir al-San'ani, Muhammad Isma'il (1182H). *Subul al-Salam*: Dar al-Hadith.
19. al-Bayhaqi, Abu Bakr Ahmad Ibn al-Husayn (458H). (1420H). *al-Madkhal ila al-Sunan al-Kubra*. al-Mamlakah al-'Arabiyyah al-Sa'udiyyah: Adwa' al-Salaf.
20. al-Bayhaqi, Abu Bakr Ahmad Ibn al-Husayn (458H). (1970). *Manaqib al-Shafi'i*. al-Qahirah: Maktabat Dar al-Turath.
21. al-Bayhaqi, Abu Bakr Ahmad Ibn al-Husayn (458H). (1988). *al-I'tiqad ila Sabil al-Rashad*. Bayrut: al-Kitab al-'Arabi.
22. al-Bayhaqi, Abu Bakr Ahmad Ibn al-Husayn (458H). (1992). *al-Sunan al-Saghir*. Bayrut: Dar al-Kutub al-'Ilmiyyah.
23. al-Bayhaqi, Abu Bakr Ahmad Ibn al-Husayn (458H). (1993). *al-Asma' wa al-Sifat*. Jaddah: Maktabat al-Sawadi.
24. al-Bayhaqi, Abu Bakr Ahmad Ibn al-Husayn (458H). (2000). *al-Sunan al-Kubra*. Bayrut: Dar al-Kutub al-'Ilmiyyah.
25. al-Bazzar, Abu Bakr (292H). (1997). *al-Bahr al-Zakhkhar bi Musnad al-Bazzar*. al-Madinah al-Munawwarah: Maktabat al-'Ulum wa al-Hikam.
26. al-Bukhari, Muhammad Isma'il (256H). (1999). *Sahih al-Bukhari*. al-Riyad: Dar al-Salam.
27. al-Darimi, 'Abdullah 'Abdurrahman (255H). *Sunan al-Darimi*. Bayrut: Dar al-Kitab al-'Arabi.
28. al-Daruqutni, 'Ali 'Umar (385H). (2004). *Sunan al-Daruqutni*. Bayrut: Mu'assasat al-Risalah.
29. al-Dhahabi, Muhammad Ahmad (748H). (1992). *Siyar A'lam al-Nubala'*. Bayrut: Mu'assasat al-Risalah.
30. al-Dimyati, Abu Bakr Muhammad Shata al-Bakri (1302H). (1997). *I'anat al-Talibin: Hashiyah 'ala Hall Alfaz Fath al-Mu'in li Sharh Qurrat al-'Ayn bi Muhimmat al-Din*: Dar al-Fikr li al-Tiba'ah wa al-Nashr wa al-Tawzi'.

31. al-Ghazali, Abu Hamid Muhammad (505H). *Ihya' 'Ulum al-Din*. Bayrut: Dar al-Ma'rifah.
32. al-Ghumari, Abdullah Ibn al-Siddiq (1413H). (2002). *Husn al-Tafahhum wa al-Dark li Mas'alat al-Tark*. al-Qahirah: Maktabat al-Qahirah.
33. al-Ghumari, Abdullah Ibn al-Siddiq (1413H). (2005). *Itqan al-Sun'ah fi Tahqiq Ma'na al-Bid'ah*. al-Qahirah: Maktabat al-Qahirah.
34. al-Hakim, Ibn al-Bayyi' al-Naysaburi (405H). (1990). *al-Mustadrak 'ala al-Sahihayn*. Bayrut: Dar al-Kutub al-'Ilmiyyah.
35. al-Haythami, Nur al-Din (807H). *Kashf al-Astar*.
36. al-Himyari, 'Isa Ibn Abdullah Mani' al-Bid'ah al-Hasanah: Asl min Usul al-Tahsri'.
37. al-Khatib al-Baghdadi, Ahmad 'Ali (463H). *Sharaf Ashab al-Hadith* (Vol. 1). Anqarah: Dar Ihya' al-Sunnah al-Nabawiyyah.
38. al-Khattabi, Ahmad Muhammad (388H). (1932). *Ma'alim al-Sunan: Sharh Sunan Abi Dawud*. Halab: al-Matba'ah al-'Alamiyyah.
39. al-Laknawi, Muhammad Abdul Hayy (1304H). Iqamat al-Hujjah 'ala anna al-Ikthar fi al-Ta'abbud laysa bi Bid'ah.
40. al-Lalika'i, Hibatullah (418H). (2002). *Sharh Usul I'tiqad Ahl al-Sunnah wa al-Jama'ah*. Bayrut: Dar al-Kutub al-'Ilmiyyah.
41. al-Maliki, Muhammad 'Alawi (1425H). (1998). *Manhaj al-Salaf fi Fahm al-Nusus bayn al-Nazariyyah wa al-Tatbiq*.
42. al-Mubarakfuri, Abd al-Rahman (1353H). *Tuhfat al-Ahwazi bi Sharh Jami' al-Tirmidhi*. Bayrut: Dar al-Kutub al-'Ilmiyyah.
43. al-Murtada al-Zabidi (1205H). *Ittihof al-Sadah al-Muttaqin fi Sharh Ihya' 'Ulum al-Din*.
44. al-Muttaqi al-Hindi, 'Ala' al-Din (975H). (1981). *Kanz al-'Ummal fi Sunan al-Aqwal wa al-Af'al*. 'Amman: Mu'assasat al-Risalah.
45. al-Nasa'i, Ahmad Shu'ayb (303H). (1986). *al-Sunan al-Kubra*. Bayrut: Dar al-Kutub al-'Ilmiyyah.
46. al-Nasa'i, Ahmad Shu'ayb (303H). (1986). *al-Sunan al-Sughra / al-Mujtaba min al-Sunan*. Halab: Maktab al-Matbu'at al-Islamiyyah.
47. al-Nawawi, Yahya Sharaf (676H). *Tahdhib al-Asma' wa al-Lughat*. Bayrut: Dar al-Kutub al-'Ilmiyyah.

48. al-Nawawi, Yahya Sharaf (676H). (1999). *al-Minhaj: Sharh sahib Muslim Ibn al-Hajjaj*. Bayrut: Dar al-Ma'rifah.
49. al-Qarafi, Ahmad Idris (684H). *al-Furuq / Anwar al-Buruq fi Anwa' al-Furuq*: 'Alam al-Kutub.
50. al-Qurtubi, Shams al-Din Muhammad Ahmad (671H). (1964). *al-Jami' li Ahkam al-Qur'an*. al-Qahirah: Dar al-Kutub al-Misriyyah.
51. al-Rumi al-Hanafi, Ya'qub Ibn al-Sayyid 'Ali (834H). *Mafatih al-Jinan wa Masabih al-Jinan - Sharh Shir'at al-Islam*: Maktabat Rifa'ah al-Tahtawi.
52. al-Safarayini al-Hanbali, Muhammad Ahmad (1188H). (1994). *Lawa'ihi al-Anwar al-Saniyyah wa Lawaqih al-Afkar al-Saniyyah Sharh Qasidah Ibn Abi Dawud al-Ha'iyyah fi Aqidat Ahl al-Athar al-Salafiyyah*: Dar al-Rushd.
53. al-Shatibi, Ibrahim Musa (790H). (1992). *al-I'tisam*: Dar Ibn 'Affan al-Sa'udiyyah.
54. al-Suyuti, 'Abdurrahman Abu Bakr (911H). *Sharh al-Suyuti 'ala al-Muwatta'*.
55. al-Suyuti, 'Abdurrahman Abu Bakr (911H). (2004). *al-Hawi li al-Fatawi*. Bayrut: Dar al-Fikr li al-Tiba'ah wa al-Nashr.
56. al-Tabarani, Sulayman Ahmad (360H). *al-Du'a*. Bayrut: Dar al-Basha'ir al-Islamiyyah / Dar al-Kutub al-'Ilmiyyah.
57. al-Tabarani, Sulayman Ahmad (360H). *al-Mu'jam al-Awsat*. al-Mawsil: Maktabat al-'Ulum wa al-Hikam.
58. al-Tabarani, Sulayman Ahmad (360H). *al-Mu'jam al-Kabir*. al-Mawsil: Maktabat al-'Ulum wa al-Hikam.
59. al-Tabarani, Sulayman Ahmad (360H). *Musnad al-Shamiyyin*. Bayrut: Mu'assasat al-Risalah.
60. al-Tahawi (321H). *Mushkil al-Athar*. Bayrut: Mu'assasat al-Risalah.
61. al-Tirmidhi, Muhammad 'Isa (279H). *al-Jami' al-Kabir (Sunan al-Tirmidhi)*. al-Riyad: Maktabat al-Ma'arif li al-Nashr wa al-Tawzi'.
62. al-Tirmidhi, Muhammad 'Isa (279H). *Sharh 'Ilal al-Tirmidhi*.
63. al-Ubbi al-Maliki, Muhammad Khalfah (828H). *Ikmal Ikmal al-Mu'lim*. Bayrut: Dar al-Kutub al-'Ilmiyyah.
64. al-Zarqani, Muhammad 'Abd al-Baqi (1122H). (2003). *Sharh al-Zarqani 'ala al-Muwatta'*. al-Qahirah: Maktabat al-Thaqafah al-Diniyyah.

65. Ali Jumu'ah (2005). *Al-Bayan Lima Yashgal/ Yushghil al-Adhan*. al-Qahirah: Al-Muqatam li al-Nashr wa al-Tawzi'.
66. Badr al-Din al-'Ayni, Mahmud Ahmad al-Hanafi (855). *'Umdat al-Qari Sharh Sahih al-Bukhari*. Bayrut: Dar Ihya' al-Turath al-'Arabi.
67. Haddad, Gibril Fuad. (2009. The sunni definition of bid`a as either good or bad. Retrieved August 27, 2011, from http://www.livingislam.org/n/sdb_e.html
68. Ibn 'Abd al-Barr, Yusuf Abdullah (463H). *al-Tamhid*. al-Maghrib: Wizarat 'Umum al-Awqaf wa al-Shu'un al-Islamiyyah.
69. Ibn 'Abd al-Barr, Yusuf Abdullah (463H). (2000). *al-Istidhkar*. Bayrut: Dar al-Kutub al-'Ilmiyyah.
70. Ibn 'Abidin, Muhammad Amin (1252H). (1992). *Radd al-Muhtar 'ala al-Durr al-Mukhtar*. Bayrut: Dar al-Fikr.
71. Ibn 'Allan, Muhammad 'Ali Muhammad al-Shafie (1057H). (2004). *Dalil al-Falihin li Turuq Riyad al-Salihin*. Bayrut: Dar al-Ma'rifah li al-Tiba'ah wa al-Nashr wa al-Tawzi'.
72. Ibn 'Asakir, Ali Hasan (571H). (1995). *Tabyin Kadhib al-Muftari 'ala Abi al-Hasan al-Ash'ari*. Bayrut: al-Jayl.
73. Ibn 'Asakir, Ali Hasan (571H). (1998). *Tarikh Dimashq*. Bayrut: Dar al-Fikr.
74. Ibn 'Ashur, Muhammad al-Tahir (1393H). (1984). *al-Tahrir wa al-Tanwir*. Tunis: al-Dar al-Tunisiyyah li al-Nashr.
75. Ibn Abi al-Dunya (281H). (1980). *al-Shukr li Allah*. al-Kuwayt: al-Maktab al-Islami.
76. Ibn Abi Shaybah (235H). (2004). *Musannaf Ibn Abi Shaybah*. al-Riyad: al-Rushd.
77. Ibn al-'Arabi al-Maliki, Muhammad 'Abdullah (543H). *'Aridat al-Ahwadhi bi Sharh Sahih al-Tirmidhi*. Bayrut: Dar al-Kutub al-'Ilmiyyah.
78. Ibn al-Athir, al-Mubarak Muhammad (606H). (1979). *al-Nihayah fi Gharib al-Hadith wa al-Athar*. Bayrut: al-Maktabah al-'Ilmiyyah.
79. Ibn al-Hajj al-Maliki, Muhammad Muhammad (737H). *al-Madkhal*: Dar al-Turath.
80. Ibn al-Jawzi, Abdurrahman Ali (597H). *al-Qussas wa al-Mudhakkirin*.
81. Ibn al-Jawzi, Abdurrahman Ali (597H). (2001). *Talbis Iblis*. Bayrut: Dar al-Fikr li al-Tiba'ah wa al-Nashr.

82. Ibn Daqiq al-'Id, Muhammad 'Ali (702H). (2003). *Sharh al-Arba'in al-Nawawiyyah fi al-Ahadith al-Sahihah al-Nabawiyyah*: Mu'assasat al-Rayyan.
83. Ibn Hajar al-'Asqalani, Ahmad 'Ali (852H). Tawali al-Ta'sis li Ma'ali Muhammad Ibn Idris.
84. Ibn Hajar al-'Asqalani, Ahmad 'Ali (852H). (1960). *Fath al-Bari bi Sharh Sahih al-Bukhari*. Bayrut: Dar al-Ma'rifah.
85. Ibn Hajar al-'Asqalani, Ahmad 'Ali (852H). (1998). *al-Matalib al-'Aliyah bi Zawa'id al-Masanid al-Thamaniyah*. al-'Asimah al-Ghayth: al-Mamlakah al-'Arabiyyah al-Sa'udiyyah.
86. Ibn Hajar al-Haytami, Ahmad (973H). *al-Fatawa al-Hadithiyyah*. al-Qahirah: Mustafa al-Halabi.
87. Ibn Hazm al-Zahiri (456H). *al-Ihkam fi Usul al-Ahkam*. Bayrut: Dar al-Afaq al-Jadidah.
88. Ibn Hibban, Muhammad (354H). (1993). *Sahih Ibn Hibban*. Bayrut: Mu'assasat al-Risalah.
89. Ibn Kathir, Isma'il 'Umar (774H). (1419H). *Tafsir al-Qur'an al-'Azim*. Bayrut: Dar al-Kutub al-'Ilmiyyah.
90. Ibn Kathir, Isma'il 'Umar (774H). (1988). *al-Bidayah wa al-Nihayah*: Dar Ihya' al-Turath al-'Arabi.
91. Ibn Khuzaymah (311H). *Sahih Ibn Khuzaymah*. Bayrut: al-Maktab al-Islami.
92. Ibn Mājah, Muḥammad Yazīd Qazwīnī (273H). *Sunan Ibn Mājah*: Dār Ihya' al-Kutub al-'Arabiyyah.
93. Ibn Mujahid, Ahmad Musa al-Baghdadi (324H). *Kitab al-Sab'ah fi al-Qira'at*. Misr: Dar al-Ma'arif.
94. Ibn Rajab al-Hanbali , Abd al-Rahman Shihab al-Din (795H). (2001). *Jami' al-'Ulum wa al-Hikam fi Sharh Khamsin Hadithan min Jawami' al-Kalim*. Bayrut: Mu'assasat al-Risalah.
95. Ibn Taymiyyah (728H). (2001). *Qa'idah Jalilah fi al-Tawassul wa al-Wasilah*. 'Ajman: Maktabat al-Furqan.
96. Malik, Ibn Anas al-Madani (179H). (1985). *al-Muwatta'*. Lubnan: Dar Ihya' al-Turath al-'Arabi.
97. Mar'i Yusuf al-Karmi, al-Maqdisi al-Hanbali (1033H). (200). *Tahqiq al-Burhan fi Sha'n al-Dukhan alladhi Yashrabuh al-Nas al-'An*. Bayrut: Dar Ibn Hazm.
98. Muslim, Ibn al-Hajjaj (261H). (2006). *al-Jami' al-Sahih / Sahih Muslim*. al-Riyad: Dar Taybah.

99. Nur al-Din al-Sindi, Muhammad 'Abd al-Hadi (1138H). (1986). *Hashiyat al-Sindi 'ala Sunan al-Nasa'i*. Halab: Maktab al-Matbu'at al-Islamiyyah.
100. Sa'd al-Din al-Taftazani, Mas'ud 'Umar (791H). (1981). *Sharh al-Maqasid fi 'Ilm al-Kalam*. Pakistan: Dar al-Ma'arif al-Nu'maniyyah.
101. Shams al-Din al-Ba'li, Muhammad Abu al-Fath (709H). (2003). *al-Muttali' 'ala Alfaz al-Muqni'*: Maktabat al-Sawadi li al-Tawzi'.
102. Shams al-Din al-Karmani, Muhammad Yusuf (786H). (1981). *al-Kawakib al-Darari fi Sharh Sahih al-Bukhari*. Bayrut: Dar Ihya' al-Turath al-'Arabi.
103. Shams al-Din al-Sakhawi, Muhammad 'Abd al-Rahman (902H). (2003). *Fath al-Mugith bi Sharh Alfiyat al-Hadith*. Misr: Maktabat al-Sunnah.
104. Waliyyullah al-Dihlawi, 'Abd al-Haqq (1052H). *Lama'at al-Tanqih fi Sharh Mishkat al-Masabih*: Dar al-Nawadir.
105. Zayn al-Din al-Munawi, Muhammad (1031H). (1356H). *Fayd al-Qadir Sharh al-Jami' al-Saghir*. Misr: al-Maktabah al-Tijariyyah al-Kubra.

Dr. Abdullaah Jalil

Sarjana Muda Shariah (Fiqh and Pengajian Islam), Universiti Yarmouk (Kelas Pertama/Mumtaz) (2001); MBA (Perbankan dan Kewangan Islam) (Anugerah Pelajar Terbaik Program), Universiti Islam Antarabangsa Malaysia (2004); PhD Kewangan Islam, INCEIF (2019).

Pada waktu ini, beliau berkhidmat sebagai pensyarah kanan di Fakulti Ekonomi dan Muamalat, Universiti Sains Islam Malaysia di Nilai, Negeri Sembilan.

Beliau juga merupakan Pengurus Jawatankuasa Syariah Prudential BSN Takaful, Ahli Jawatankuasa Syariah Bank Rakyat, Ahli Jawatankuasa Panel Syariah USIM, Panel Penyelidik Fatwa Negeri Sembilan, Ahli Panel Deradikalisaasi dan Pakar Rujuk Bagi Kes-kes Keganasan Yang Disiasat Di Bawah Akta Kesalahan Keselamatan (Langkah-langkah Khas) 2012, Kementerian Dalam Negeri.

